

האנטי

4

1986



სესია

345

ბავშვების მდგომარეობა წელი

4

აპრილი

1986

თბილისი

საქ. კვ. ცენტრის გამომცემლობა

ლიტერატურულ-მხატვრული და საზოგადოებრივ-პოლიტიკური ჟურნალი

საქართველოს ალკა ცენტრალური კომიტეტისა და მწერალთა კავშირის ორგანო



შ ი ნ ა ა რ ს ი

საქართველოს მწერალთა X ყრილობის შეხსენებლად

3. შიქრები ქართულ ლიტერატურულ კრიტიკაზე

კოეზია და პროზა

- 7. ზორენა ჯაფარიანი — ლექსები
- 10. რევაზ მიწველაძე — ნოველები
- 43. ვახუშტი ხორნაბუღი — სურათი გაცემის კადრები.
პოემა
- 52. ჯემალ ჩახავაძე — ლექსები
- 54. ბიძინა აბაშიანი — ლექსები
- 55. აკაკი ახათიანი — მოთხრობები
- 64. კობა არაბული — კვირეობის ელემენტი. ლექსი
- 70. ლევან ხანიძე — გიორგი ათონელი. რომანი.
გაგრძელება
- 109. ბიძინა მიწველაძე — უმეცარდელი ისტორია. ლექსი
- 111. ნოდარ ჯაფარიანი — ლექსები
- 113. ლაშა ნაღბაძე — ლექსები

ახალი თარგმანები

- 116. ნიკოლოზ ვრდოშვილი — ლექსები, ბერძენულიდან
თარგმნილი იზა ორბელიანის მიერ

კუბლიცისტიკა

- 120. ბიძინა მიწველაძე — მდინარეს არსად ეჩქარება

წერილები

- 124. მანანა ჩიტიშვილი — „ო. საქართველომ, წიგნო,
ჩუბაბა გადასაშლელო“
- 130. გიორგი ქავთარია — დიდი ორატორის სიტყვები
ქართულად
- 134. აბაშიანი ლორთქიფანიძე — „რომ მართო არ ხარ...“
- 139. დავით ჯანაშიანი — ლაშქარის ბელადი და რუს-
თის დიპლომატი
- 145. შოთა შალვაშვილი — ახალგაზრდა ეროვნულ-
დემოკრატიული ორგანიზაციის ისტორიიდან
- 149. სერგი ჯორჯანიანი — სტუდენტი ეხმარება პროფე-
სორს

რეცენზია

- 152. მამია კობახიძე — წიგნი „ნიბალის“ შესახებ

ხელოვნება

- 154. ნათელა არველაძე — ახალგაზრდული სექტა-
ლების ფესტივალი

შთავარი რედაქტორი ჯანსუღ ლვინჯილი

სარედაქციო კოლეგია:
ბიძინა მიწველაძე
თეოდორე ბიძინაძე
(შთავარი რედაქტორის
შეადგინა)

გურამ გვახუცია
ბიძინა მიწველაძე
გიორგი გვახუცია
თეოდორე ბიძინაძე
მარია ელიზბეგოვი
მედიკი კახიანი
ჯემალ მარგალიტი
შოთა ნიშნაძე
გურამ ფანჯიანი
პორის ფონიანი
ნუგზარ შატაია

აშოტაძე
ჩიტიშვილი
(პასუხისმგებელი მდივანი)

სოსო ცინცაძე
გოგი წარბაქიანი
ბარბაქაძე
ბადრი ქობულაძე
მამია ჯორჯანიანი

უიქრებო ქართულ ლიტერატურულ კრიტიკაზე

ქართული კულტურა და ქართული კრიტიკული აზროვნება — ერთმანეთისგან განუყრელი ეს ორი ფენომენი — კარგა ხანია ჩვენი ფიქრის მტკივნეულ საგანს წარმოადგენს. გადასაჭრელი პრობლემებიც საკმაოდ დაგროვდა.

რამდენად შეესატყვისება ქართული კრიტიკული აზროვნება ეროვნული კულტურის ბუნებასა და ხასიათს?

რამდენად ცხოველმყოფელად მონაწილეობს კრიტიკული აზროვნება კულტურულ პროცესში, რამდენად გონივრულად მართავს სულიერი ცხოვრების საკვს, რამდენად ააქტიურებს შემოქმედებით ძალებს, რამდენად ზუსტად განსაზღვრავს ქართული კულტურის მიმართულებას, რამდენად სწორად აფასებს მონაპოვარს?..

ამგერად ქართული მხატვრული ლიტერატურისა და კრიტიკული აზროვნების სატივიარით შემოვიხსაზღვრებოთ.

1972 წელს სკკპ ცენტრალურმა კომიტეტმა მიიღო დადგენილება „ლიტერატურულ-მხატვრული კრიტიკის შესახებ“. დადგენილება პასუხობდა საკავშირო მასშტაბით შექმნილ მდგომარეობას. ცხადია, ქართული მწერლობისათვის არაერთიარ ნუგეშს არ შეიცავდა ის გარემოება, რომ ლიტერატურულ-მხატვრული კრიტიკა სხვა მოკავშირე რესპუბლიკებშიც დაბალ დონეზე იდგა. უფრო დამაფიქრებელი გახლდათ ის ფაქტი, რომ კრიტიკული აზროვნება ვერ ასრულებდა საპატიო როლს, ვერ ერთგულებდა ლიტერატურის წმინდათაწმინდა კანონებს.

განჩნდა „მრგვალი მაგიდები“, „კითხვა-პასუხები“, „ინტერვიუები“, ცალკეული გამოსვლები... ეს გახლდათ გამოხმაურებანი პარტიისა და მთავრობის დადგენილებაზე.

ერთი სიტყვით, გამოსვლები ბევრს გვიპირდებოდა.

გამოხდა ხანი და 1982 წელს ზემოთ დასახელებული მნიშვნელოვანი დადგენილების

ათი წლისთავზე შემეშავდა და მიღებულ იქნა საქართველოს კომპარტიის ცენტრალური კომიტეტის ახალი დადგენილება, რომელმაც კვლავ შეგვახსენა და მოითხოვა კრიტიკოსებისაგან საკუთარი მოვალეობის შესრულება.

1986 წლის 24 იანვარს საქართველოს კომპარტიის XXVII ყრილობის მაღალი ტრიბუნიდან აღინიშნა, რომ ლიტერატურულმა და მხატვრულმა კრიტიკამ უნდა დაძლიოს გაუბეღაობა, ზერელობა, აშკარა უპრინციპობა. კრიტიკას შეუძლია იყოს მხატვრულ შემოქმედებაზე პოზიტიური ზემოქმედების მძლავრი საშუალება. მას შეუძლია დიდი დახმარება გაუწიოს ავტორებს საზოგადოების სულიერი განვითარების რთული პროცესების გარკვევაში.

აღინიშნა, რომ ზოგჯერ კრიტიკოსები ჭეროვანი თანამიმდევრულობით ვერ იცავენ სოციალისტური რეალიზმის ფუძემდებურ პრინციპებს, რომ კრიტიკის გაურკვეველი პოზიციის გამო მომრავლდა უდიდო, მსოფლმხედველურად და ესთეტიკურად უფერული ნაწარმოებები.

სწორად იქნა შენიშნული აგრეთვე ის გარემოებაც, რომ კრიტიკა ძალიან ხშირად ანგარიშს უწევს ავტორის საზოგადოებრივ მდგომარეობას, დაკარგული აქვს ზომიერების და ტაქტის გრძნობა, და ამასთან ახასიათებს ტენდენციურობა შეფასებაში, არც თუ იშვიათად იყენებენ მას ანგარიშის გასწორების მიზნით.

რა ირკვევა? ირკვევა, რომ ქართულ კრიტიკულ აზროვნებას ისევე ახასიათებს „გაუბეღაობა“, „ზერელობა“, „უპრინციპობა“, „ტენდენციურობა“, „უტაქტობა“, „ანგარიშსწორება“...

ალბათ, ამ უშედეგო, პრინციპულმა შეფასებამ მიიწვ უნდა დაგვანახოს, რაოდენ მომწიფებულაა დღეისათვის ლიტერატურულ-მხატვრული კრიტიკის ავტორის გარკვევის საკითხი.

ქ. ს. ს. კ. მარტოვი
საბ. საბ. რესპუბ.
მნიშვნელოვანი



კრიტიკა მხოლოდ მაშინ შეასრულებს თავის მისიას, როდესაც საზოგადოებრივი აზრის გა-
მომხატველად იქცევა. ამიტომ მისი სისწორე
და სიცოცხლისუნარიანობა საზოგადოებრივ
აზრზე უნდა შემოწმდეს. ჩვენში კი უმეტესად
პირიქით ხდება: შეიმჩნევა გაუმდებელი მე-
ცადონეობა საზოგადოებას თავს მოახვიონ პი-
რადი სიმპატია-ანტიპატია, რომელიც საეჭვო
მისწვნით არის ნასაზრდოები. ამ ტენდენციამ
ცოტა დრო და ადგილი დატოვა ნაღდი ლი-
ტერატურული პოზიციების გამოსაყვებად.
შედგის მიხედვით თუ ვიმსჯელებთ, აღმოჩნ-
დება, რომ საქმიად ბუნდოვანი წარმოდგენები
გაქონია კრიტიკული აზროვნების ნაშთი
არსზე.

დაიწერა მნიშვნელოვანი პრობლემისადმი
მიძღვნილი წერილები! როგორია მათდამი
ჩვენი დამოკიდებულება? გამოვხატავთ კი
მხარდაჭერას აქტიურად ან უარყოფით ასევე
აქტიურად? გაირჩა წლების მანძილზე შექმნი-
ლი კრიტიკული ლიტერატურის დონე, ხარისხი,
მნიშვნელობა? როგორ გაირჩეოდა, როდესაც
ნაბიჯ-ნაბიჯ არ მიედევდით საყურადღებო
წერილების შეფასებას და არც გვიცდია გამოვ-
ყვევთა ჩვენი პოზიცია თითოეული მათგანის
მიმართ.

და აი, სრულიად ლოგიკურად, ამდენად სრუ-
ლიად სამართლიანად დამსახურა მკაცრი საყ-
ვედური ქართულმა კრიტიკულმა აზროვნებამ
დიდ ფორუმზე. უნდა ვაღიაროთ, რომ, კრი-
ტიკოსებმა არ იბრძოლეს კრიტიკული აზროვ-
ნების პრესტიჟის აღსადგენად, აფისა და კარგის
გამოსარჩევად, ღირებულის დეგრადაციაში
და სახელის გამტეხი თვისებების ასალაგმავად.
გამოდის ყოველთფიური მხატვრული ძურ-
ნალები, ორთფიური აღმანახები, ყოველკვი-
რული ლიტერატურული გაზეთი, ერთდროუ-
ლი კრებულები — ვეცნობოდ ახალ ნაწარმოე-
ბებს მათ ფურცლებზე...

წლის განმავლობაში რესპუბლიკის სხვადასხვა
გამომცემლობების მიერ დასტამბული პოეტური,
პროზაული, დრამატურული, კრიტიკული
ნაწარმოებების რიცხვი დიდია, მათი ძირითადი
ნაწილი პირველი გამოცემა.

ჟურნალები, ლიტერატურული გაზეთი, ალ-
მანახები, ერთდროული კრებულები, წიგნები
ქმნიან ჩვენი ეროვნული მწერლობის სისხლ-
სავსე ცხოვრებას. ყველაფერ ამას უნდა გაწ-
ვდეს კრიტიკის თვალი. არ არის ამოცანა მარ-
ტივი, ერთწახანაგვანი!

თუ კრიტიკა არ შეიარაღდა უტყუარი კრი-
ტიკიუმებით, იგი მარად უძლიერი აღმოჩნდება
ლიტერატურული მოვლენების წინაშე. თითქოს
ანბანურ ქეშმარიტებზე გვიხდება საუბარი,
მაგრამ რაოდენ ძნელად მოსამარჯვებელი შე-
იქნა ის ანბანური ქეშმარიტებანი!

პირუთვნელობა, ობიექტურობა, სიზუსტე და

ზომიერების გრძნობა, აი, რა ნიშნები და-
კარგა კრიტიკულმა აზროვნებამ. ამ ნიშნების
დაუბრუნებლად ვერასდროს ვერ მოვიხდით
უტყუარ ლიტერატურულ საზომებს. ჩვენმა
ენაწყლიანობამ, მამაბელურმა ტონმა საქმიანი
სუბურის ადგილი დაიჭირა კრიტიკულ წერი-
ლებში.

მრავლისმეტყველია ამხანაგ მ. ს. გორბაჩოვის
მიერ სკკპ XXVII ყრილობაზე კრიტიკის მისა-
მართით თქმული სიტყვები.

„ჩვენი საზოგადოების ცხოველმომქმედების
ბუნებრივი პრინციპია კრიტიკა და თვითკრიტი-
კა. უმათოდ განვითარება არ არსებობს. დროა
ლიტერატურულ-მხატვრულმა კრიტიკამ მოი-
შოროს გულარხეინობა და ჩინმოთენობა, რომ-
ლებიც ჭანსად მორალს აწყლულებენ, ამას-
თან უნდა ახსოვდეს, რომ კრიტიკა საზოგა-
დოებრივი საქმეა და არა ავტორთა პატივ-
მოყვარეობისა და ამბიციების მომსახურების
სფერო“.

ფაქტია, რომ დაკარგული კრიტიკიუმების
დაბრუნების შემდეგ ქართულ ლიტერატურულ
კრიტიკას ელოდება დიდი სამუშაო, რომელიც
დაკარგვდა უქმად მოცდენილი დროის წყალო-
ბით.

ცალკეული ცდების მიუხედავად საფუძვლი-
ანად არ არის შესწავლილი. თანამედროვე
ქართული პროზის, პოეზიის, დრამატურის
და საყურთვი კრიტიკის მნიშვნელოვანი ტენ-
დენციები.

ერთი ურთულესი პრობლემათაგანია დღევან-
დელი ქართული მწერლობისა და ეროვნული
ქართული ლიტერატურის ურთიერთკავშირი.
რა ფორმებით გამოიხატება ეს კავშირი, რამ-
დენად ორგანულია იგი, რამდენად სიღრმისე-
ული, რამდენად ბუნებრივი.

როგორ გვესმის ძიებისა და ექსპერიმენტის
დანიშნულება პოეზიაში? როდის გვევლინება
ისინი ტრადიციის ბუნებრივ განვითარების
გამოხატულებად? როდისაა თვითმიზნური და
გზასაცდენილი? რა დასკვნებს გვთავაზობს კონ-
კრეტული მაგალითების ანალიზი?

ეროვნული სულიერი ცხოვრების რა ხარისხს
გამოხატავს თანამედროვე ქართული პოეზია,
რა ნიშნებით ამდიდრებს იგი უკვდავ კლასიკას,
რა პოტენციას ავლენს სამომავლოდ?

როგორია თანამედროვე ქართული პროზის
პანორამა, რა სოციალურ, პოლიტიკურ, ეკო-
ნომიურ და სულიერ მოვლენებს ასახავს იგი, რა
იგულისხმება პროზის აღმავლობაში? რამდენ-
ად ფართოა მისი თემატიკა, რამდენ-
ად სრულყოფილად არის დამუშავებული ზენ-
ობრივი გმირის პრობლემა, როგორი სისრულ-
ლითაა ნაგრძნობი თანამედროვე აღამიანის
სულიერი ცხოვრების ძვრები, როგორ არის
გამოხატული ეროვნულისა და კაცობრიულის
საერთო ნიშნები იმ ძვრებში?

რა თვისებანი გამოარჩევს დღევანდელ ქართულ დრამატურგიას, რამდენად ფართოა დრამატურგიის მიერ დამუშავებული საკითხთა წრე, რამდენად ხელშესახება სოციალური პრობლემაცია, რა ანათესავებთ და განასხვავებს დრამატურგებს ერთმანეთისაგან? რამდენად მყარია ქართული პროზის, პოეზიისა და დრამატურგიის შემხვების წერტილები? რამდენად სერიოზულია ახალგაზრდა დრამატურგების განაცხადი, რა სიახლე მოაქვთ მათ?

აქ არასრულად ჩამოთვლილი ზოგადი ტენდენციების იქით საკვლევი ცალკეული მწერლების შემოქმედება, თავისთავადობისა და ორიგინალობის დამადასტურებელი ნიშნები, სხვათაგან განმასხვავებელი სტილი და მსოფლმხედველობა.

ერთი უმთავრესი პრობლემათაგანია ახალი მნიშვნელოვანი ნაწარმოებების დროული ანალიზი, დანახვა, შეცნობა, მკითხველის დაკავიანება. არეული საზოგადოების მიზეზით აღრეულია ღირებულები და უდიდესი ნაწარმოებები, ეროვნული მწერლობის ენერჯია კი მხოლოდ მნიშვნელოვანის ზუსტად მიონიშნის და დროულად აღიარების შემდეგ ვლინდება შეუფერხებლად.

ახალგაზრდა მწერალთა წიგნების ხარისხის შეუმცირებელი განსაზღვრა ვერ იქცა ქართული ლიტერატურული კრიტიკის ყოველდღიურ პრაქტიკად, ასევე ყოველი ახალი წიგნის ობიექტური რეცენზირების კულტურა დღემდე ვერ დაგამკვიდრებთ.

განსაკუთრებულ მნიშვნელობას იძენს ცხოვრებისეულ და ლიტერატურულ პრობლემებზე დაკვირვება, მათი ურთიერთშეჯერება, მათ ორგანულ კავშირზე მუდმივი მეთვალყურეობა. ცხოვრებისეული პრობლემებისაგან მოწყვეტა უსაგნობისაკენ ეზიდება მწერლობას.

ლიტერატურული კრიტიკის საპატიო ვალია იბრძოლოს ქართული მწერლობის ეროვნული თავისთავადობის შენარჩუნებისათვის.

უღარაჯოს მაგნე გავლენებს, რისი სიმპტომებიც ასე მოძლიერდება ხოლმე პერიოდულად...

მხოლოდ ამ გზით შეიძლება კრიტიკამ აკონტროლოს და მართოს კიდევ ლიტერატურული პროცესის დინამიკა. ამ გზით თუ იწინებს იგი ადვოკს, საიდანაც შემუშავდარდ აღიქმება დიდი ლიტერატურული თვალსაწიერი, მისი სიღრმისეული ბიძგები და ზედაპირზე ავარდნილი ყოველი ახალი ტალღის ფორმა და შინაარსი.

აქამდეც იყვნენ და დღესაც მოღვაწეობენ კრიტიკოსები, ვისთვისაც სიმართლისადმი სამსახური ყველაფერზე მაღლა დგას, უპრინციპობა და გაუზღდაობა რომ არ სჩვევიათ და ცდილობენ, როცა ეს აუცილებელია, დაუფარავად გამოხატონ პირუთენელი, უანგარო, ობიექტური აზრი, და ღირებულო, რაც ამგვარი კრი-

ტიკოსების ხელიდან გამოსულა, იმ პასუხით დამოკიდებულების წყალობით, რაზეც უმეტესად ვილახარაკე, ათქვეფილია ანგარემიანი, ბიექტურ, მამებლურ, უპრინციპო წერილების ზღვაში. ათქვეფილია და გაიგივებული ამდენად დაუუნახავი და დაუფასებელიც. ღირებულის დაუნახაობის გამო კი საერთო სურათი ვადარიბებულა და საბოლოო შეფასებაც ამიტომ არის ლოგიკური.

თითქოს რამდენადმე თავშეკავებული გახდა კრიტიკა, მაგრამ ჩვენი გულუხვობა და ენაწყლიანობა მაინც თვალმისაცემია. ძალიან ხშირად აუხსენია, რა იწვევს ჩვენს ადფორმანებს, როდესაც ნაწარმოები, რამც აღტაცება მოგვგვარა, სულაც არ გახლავთ ხელოვნების განსაკუთრებული მოვლენა. ასევე არცთუ იშვიათად ჩვენ მიერ აღმოჩენად მიჩნეული რომანი თუ მოთხრობა, ლექსი თუ პოემა უცხოური ლიტერატურის კარგი ასლია და სხვა არაფერი. ესწრაფვის რა თანამედროვე მსოფლიო ლიტერატურის უკეთეს მონაპოვართა ათვისებას, ქართული მწერლობის მამებლური ბუნება ბევრ რამეს გაითავისებს და ამ გზით იმდიდრებს თავს. ეს გარდაუვალი მოვლენაა, მაგრამ ამვე დროს უარესად ფაქიზი საქმეც გახლავთ. საემიარისა ზედმეტი გატაცება და ყოველივე ფუჭდება. როდესაც „კრიტიკა გვერდს უვლის უიღებობის, მსოფლმხედველობრივი და ესთეტიკური უფერულობის ხელოვნობის გამოვლინებებს“ მაშინ ბევრი რამ ზიანდება ეროვნული მწერლობის ქსოვილში. ასეთ დროს, ჩვეულებრივ, ვეზიარებთ არა მსოფლიო კლასიკის უმდიდრეს გამოცოდლებებს, არამედ საუკვო ღირებულების მატარებელ, მოჩვენებითი ორიგინალურობისა და ასევე მოჩვენებითი სიახლეებით აღბეჭდილ ნაწარმოებებს. ფაქტურად თანდათან ვმორდებით ეროვნული მწერლობის ტრადიციებს, ვწყდებით ჩვენს უმთავრეს საგანს და შემდგომ დიდი დრო იყარგება უნაყოფოდ, სანამ ყმაწვილურ ცუნებებს დავძლევედეთ და კვლავ მაცოცხლებელ ფესვებს დაუბრუნდებოდეთ.

მწერლობაცა და მკითხველიც კრიტიკისაგან სამართლიანობის გრძნობის დამკვიდრებას ითხოვს. სამართლიანობისაკენ კი ერთადერთი გზა მიდის — სიმართლის გზა. მკითხველისათვის იგი სინათლეა, რომელიც ლიტერატურის რთულ სამყაროს უნათებს.

ობიექტურობა და პირუთენელობა სამართლიანი კრიტიკისათვის არის დამახასიათებელი, მხოლოდ მათი წყალობით თუ იქცევა კრიტიკა ჭეშმარიტ ლიტერატურად. როგორც უეილო, მხატვრულად უსუსური ნაწარმოები ერთ იქცევა ვერსადღეს მაღალი დონის ლიტერატურად, ასევე „უპოზიციო, უპრინციპო, მამებლური, გაუზღდავი, ზერევე, ტენდენციური, უტაქტო, ანგარიშისგამაწორებელი“

ნაშრომების ვერ ჩაითვლება ჰუმანიტარული ლიტერატურად, მით უმეტეს მაღალი დონის ლიტერატურად. ამის დავიწყება არასაგზით არ შეიძლება. საკმარისია დაკვირდეთ ამ თვალსაზრისით წერილებისა და ნაშრომების უმეტეს ნაწილს, რომ თვალნათლივ დაინახოთ, როგორ დაშორებია თავის ფორმასა და შინაარსს კრიტიკა წერ ანგარებით, ტენდენციურად, იმ მიზნით, რომ აამო ავტორს, ან მოთხარო ფესვიანად ოპონენტი? შენ უკვე აღარ ემორჩილები ჰუმანიტარული კრიტიკის კანონებს. და რაღაც სხვა, შინაარსობრივად დამახინჯებული გრჩება ხელთ.

მწერლობაც და მკითხველაც კი კრიტიკულ ლიტერატურას ელოდება.

კრიტიკას არ აქვს უფლება ზიზღს სთესავდეს მწერლის გულში — ზიზღს კრიტიკოსისადმი და საერთოდ კრიტიკისადმი, ზიზღს მწერალთა შორის, უნდობლობას კრიტიკული აზროვნების მიმართ.

გამომდინარე აქედან:

ქართული ლიტერატურის უბირველეს ამოცანად გვესახება კრიტიკული აზროვნების მეთოდების, ფორმებისა და ხერხების გადასინჯვა. იგი ურთულეს პრობლემად აქცია ჩვენმა გულგრილობამ ყოველივე იმისადმი, რაც კრიტიკის სფეროში ხდებოდა და ხდება.

ქართული კრიტიკული აზროვნების მეთოდები, ფორმები და ხერხები საგანგაშოდ არის დაზიანებული. ვერ გადასწონა ჰუმანიტარული კრიტიკოსების ნაშრომებმა ფსევდოკრიტიკული წერილების ხვედრითი წონა, პირობით, უარყოფითმა თვისებებმა დაძლია ღირებული.

გაზეთები და ჟურნალები ფაქტურად დაიბყრო დამახინჯებულმა ფორმებმა, ისინი კრიტიკული აზროვნების ნორმად აღიქმება ბევრის მიერ; შევეჩვიეთ უკვე, გამბორობულ ტონს და აბუჩად ამგდები ირონიის კასკადს ნამდვილი კრიტიკული სიმძაფრე ვუწოდებთ, ასეთი წერილების მომრავლება კრიტიკული აზრის გამოცოცხლებადაც კი მივიჩნევთ. პირდაპირ კორიანტელი დავაყენეთ სალანძღავი სიტყვებისა. არ დავინდებთ არც საკუთარი ნერვები, არც მწერლის თავმოყვარობა, არც საკუთარ პრესტიჟს გავუწყებთ ანგარიში, არც მკითხველის სამართლიანად აღშფოთებას. აი, შედეგიც: მაღალი ლიტერატურული პოზიციებიდან თქმული სიმართლე, ზოგჯერ რომ გამოუხატავთ ქართველ კრიტიკოსებს, ვერავის დაუჯერებია, მკითხველს ისიც შენიღბულ ჩასაფრებად მოსჩვენებია და უნდობლობით შეუხედავს. და რას ნიშნავს ყოველივე ეს, თუ არ საყრდენის მოშლას; საყრდენმოშლილი კრიტიკული აზროვნება აბა რა მანქანებით გაასწორებს უკუღმა დატრიალებულ საკებს.

აღმათ, კანონგარეშე უნდა გამოცხადდეს ის თვისებები, რამაც დაარღვია ქართული კრიტიკული აზროვნების პარამონიულობა. ამისთან, ის ენერგია კრიტიკოსებისა, რომელიც ანგარიშსწორების ენებათაღელვას ან მაამებლურ ფარისეულობას ეწირება, ლიტერატურის სამსახურში უნდა ჩადგეს. ამის მიღწევაა ჩვენი ვალი. საქმე მართო კრიტიკული აზროვნების დამახინჯებას რომ ეხებოდეს, წუხილისათვის შედარებით ნაკლები მიზეზი გვექნებოდა. მაგრამ ხომ კარგად ვიცი თუ ყველამ, კრიტიკულ აზროვნებას შეუძლია და ევალება კიდევ შექმნას ეროვნული კულტურის განვითარებისათვის ნორმალური ატმოსფერო, მივლი ძალით ამოძრავოს შემოქმედებითი პოტენცია, გააღვივოს მისწრაფებანი, სურვილები და სრული თვითგაღების წყურვილი. არც თუ იშვიათად პირობით ხდება: კრიტიკა უმეტესწილად ამღვრევს შემოქმედებით ატმოსფეროს, აჩლუნგებს ეროვნულ შემოქმედებით პოტენციას, ახშობს მისწრაფებას, აშრობს სრული თვითგაღების წყურვილს, გვიკარგავს ხალისს.

თანამედროვე მსოფლიო ცივილიზაციის ინტენსიური მოძრაობა ყველა ერისგან მოითხოვს მაქსიმალურ სიფხიზლეს, რათა თავისი განუშეორებელი მეობა არამართო აიყვანოს ახალ სიმაღლეზე, არამედ აგრეთვე რაღაც ულამაზესი შესძინოს იმ მეობით კაცობრიობას.

ქართული ლიტერატურა დასაბამიდანვე დიდ სიმაღლეებს არის შეჭიდებული. დიდ სიმაღლეებს ეჭიდება ახლაც. დღეს კი არ არსებობს ცივილიზებული ერი, რომლის ლიტერატურული დონის განსაზღვრაში კრიტიკას გადაამწყვეტი მნიშვნელობა არ ენიჭებოდეს. მეოცე საუკუნის ქართულმა კრიტიკულმა აზროვნებამ შექმნა ნაშრომები, რომლებიც ზოგჯერ მაინც უსწორებენ მხარს ქართულ პოეზიასა და პროზას. და თუ ყოველთვის ვერ უსწორებენ, ეს მხოლოდ და მხოლოდ იმიტომ, რომ უნიჭიერესი ქართველი კრიტიკოსების დიდი სტლიერი ენერგია საქმეს და კეთვნილ კალაპოტს არის აცდენილი!

უზარმაზარი საქმეა ქართული მწერლობის შინაარსისა და ფორმის, ასევე, მსოფლმხედველობრივი მიმართულების განსაზღვრა, რათა თანამედროვე ქართულმა ლიტერატურამ არც ტრადიციულთან გაწყვეტოს კავშირი, არც მსოფლიო ლიტერატურის ძიებებსა და სიახლეებს მოარიდოს გულისყური, თანაც ინარჩუნებდეს სასურველ თავისთავადობას! ამ მიზნის აღსრულების გზაზე ვინ, თუ არა კრიტიკულმა აზროვნებამ უნდა დაამყაროს სწორი თანაფარდობა საგნებს შორის!





ბორენა ჯაჭვლიანი

შენსკენ მეწევა ნაცნობი ძალა,
რომელიც მიყვარს, მტანჯავს და მალე
არ შემეძლება შენგან დამალვა,
როგორ დამალავ ცეცხლსა და ქარებს,
როგორ შეუკრავ გაზაფხულს
სუნთქვას,
ან ხეზე კვირტებს, მიწაში ყვავილს...

ცოტაა დღემდე რაც შენით უთქვამთ,
რასაც იტყვიან, ცოტაა მაინც.

მიყვარხარ! თითქოს სამყარო ფეთქავს,
მზის სიმხურვალით მევესება მკერდი.
თითქოს სიცოცხლე იწყება შენთან
და მარადიულ სიცოცხლეს ერთვის.

ჩვენ ისე მშვიდალ, მშვიდალ
ვბერდებით,
როგორც გუმბათთან მსხდარი
მტრედები...
მივდივართ ისე დაიმედებით,
დედამიწაც კი შიშით ჩერდება.

მერე ტკივილით ისერავს სხეულს,
რომ დაგვიბრუნოს, მიწით
დაგვეფაროს...

და ერთი მცირე, ცივი საფლავით
ჩაიკეტება მთელი სამყარო.

იმ გაგისხენებ...

აქ მეტისმეტად დიდხანს გელოდე,
თან ოცნებებში გზარდე ამაყი.
აღარ მიყვარხარ!.. ოღონდ მჭეროდეს,
როცა საფლავზე მიწას დამაყრი:

დღე დაღამდება შენთვის ნაკლული,
წვიმაც წამოვა, მხრებს დავისველებს...
მე კი სამარის კედელს აკრული
იქ შეგიყვარებ, იქ გაგისხენებ...

თეზერვალის მოვა

დღვას

მოვა, თებერვალი მოვა,
თეთრ ქარებსაც მოიყოლებს...
სულში მონატრების გლოვად —
მოვა, თებერვალიც მოვა.

საღდაც სამარეა, ვლოცავ.
ქრება სიხარული დღეთა.
როგორ გაგისხენო, როცა
ყოფნაც აღარ მახსოვს შენთან.

გავძლებ. ზელებს ცრემლით ვითბობ,
მტკივა გახსენება შენი...
სიზმრად დაგინახე თითქოს,
თითქოს სიცოცხლესაც შეველი.

მარად სიყვარულის გლოვად —
მოვა, თებერვალიც მოვა...



დადლილი ქალი შემოდის ჩემთან,
ლორდის ასული. და ახლაც ვხედავ
ოქროს ვარაყით, მის მაღალ შუბლზე,
ამოტვიფრულა ფიქრი და სევდა.

ხელჯოხს მაწოდებს და ხელთათმანებს
აღელვებული წაიძრობს ფრთხილად.
ხმა ებზარება და უკანალებს,
ხმა ებზარება... რაღაც ადვილად

მიწვდის სიტყვების მძიმე თაიგულს...
მე კი გიბრუნებთ, როგორც სულს
ქარის.

ამ სიტყვებს მიღმა, უნდა გაიგოთ
რა უსასრულოდ მაღლდება ქალი,
როცა სურვილით გვეტოვებს და
თვალებს
უკანასკნელად შეავლებს ქალაქს,
და როგორც ლორდის ასული, ბრძანებს
მის სისუსტეშიც ვიპოვოთ ძალა...

...დადლილი ქალი შემოდის ჩემთან,
ლორდის ასული. და ახლაც ვხედავ
ოქროს ვარაყით, მის მაღალ შუბლზე
ამოტვიფრულა ფიქრი და სევდა.

შენც წამიხვალ და...

მალე წამიხველ, ჯვარი გეწეროს,
აღარასოდეს არ მოგინატრებ...
ქარს ელოდება ალვის კენწერო,
დედამიწა კი მთვარის სინათლეს.

ისევ მარტო ვარ, როგორც საკანი
დახურულია კარიც, კედლებიც.

მთელი ღამეა მთვარე კამკამებს,
მთელი ღამეა... გვიან თენდება.

ნეტავ სად არის თეთრი გვირილა,
შორ მინდვრებიდან გადმოხვეწილი...
აღარც შენ გესმის სულის კივილი,
შენც წამიხვალ და... ჯვარი გეწეროს.

რა უცნაურად დაიწყო დილა!
თითქოს და თოვლიც
უცნაურად დაეშვა ციდან,
ქუჩაში ხალხიც
უცნაურად გამოეფინა,
და ყოველ მათგანს,

ღიმილიან ღამაზ სახეებს —
მე უსასრულოდ ბედნიერი
ვეგებებოდი...
რა უცნაურად დაიწყო დილა:
შენი სახელი დაიძახა ქუჩაში ბიჭმა...

უკანასკნელი დილა

ჯერ შენ არ იცი, რომ მოვა დილა,
ერთხელ უჩვენოდ რომ გათენდება.
ჯერ ისევ შენში იმედებს სძინავთ,
და არც არავის უთქვამს შენდობა.

მაგრამ ის ერთი, ჰოი, უფალო,
ჩვენი მომავლის გულქვე ბატონი,
მოვა ჩიტვიით თავისუფალი,
თვალს დაგვიხუტავს და მიგვატოვებს.

წონასწორობა

ჩემს სინაზეებს
მე ვიხსენებ შემდეგ,
როცა მიდიხარ...
შენთან კი,

მოზიდული მშვილდით
მანძილს ვზომავ,
და არ გეხებო..

ის როგორ იყო?

სანთებელას რომ გვიკიდებდა,
და ხელები მიცახცახებდა,
და მიქრებოდა
ანთებული ცეცხლი ხელებში...
ნუ ჩქარობო —

ისე მითხარი,
თითქოს ხედავდი
მომაკვდავი სულის დაფვას,
და სინათლის გადარჩენას ეშურებოდი...

აქამდე ხომ ისე ვიცხოვრე...

აქამდე, იცი, ისე ვიცხოვრე,
თითქოს არსად, არასოდეს
არვინ მყოლია.
დღეს საკუთარი ცრემლი გახდა
სარკე, რომელშიც დავინახე
წელში მოხრილი მოხუცი კაცი,
უკანასკნელად დავიწყებისკენ
მიმაცილებდა...

რად გამახსენდა
მის თეთრ წვერზე ჩამოდვრილი
ცრემლის ეკლები?
მე ხომ აქამდე ისე ვიცხოვრე,
თითქოს არსად,
არასოდეს,
არვინ მყოლია?!

როგორც ვარსკვლავები...

ფერად კენჭებს დავეკითხე,
ზღვის ქაფში ამოვლებულებს:
— თქვენ აქ საიდან მოსულხართ-მეთქი.
მათ რა მომიგეს, არავინ იცის...
მე კი, როცა ვეკითხებოდი,

ბასუხიც იქვე მყავდა გატრუნული:
— იმის ნაფეხურებს ამოვყევით,
იმისი ფიქრებიდან დავცვივდით,
როგორც ვარსკვლავები ცის უბეში.

ის თითქოს შენ არც შეგახეზოდა...

როგორც ქარი შემოდგომის ფოთოლს,
სიყვარული ველარ შემომადგდებს
შენს ოთხაში,
სადაც არასდროს ვყოფილვარ,
და სადაც მშვიდად იძინებ ახლა,
ვალმოხდილი.

საკუთარ თავთან გამართლებული...
და რომ სული ცეცხლივით მხურვალეა,
და მის ალზე
ფრთებს თუ ვიწვავდი
და ვბრმავდებოდი,
ის თითქოს შენ არც შეგებებოდა.

ისე იწერები, ლექსო,
თითქოს ტკივილს მიმატებდნენ;
ხელის გულზე დანა ღელსო,

დანით ცის ნაპრალებს ხედე...
ისე იწერები, ლექსო,
ცრემლების და სევდის შემდეგ.



რევაზ მიშველაძე

კ ა კ ტ უ ს ი

თავის ძნელ ცხოვრებაზე დაფიქრებული, არც თუ მოწინავე მელიორატორი, ქაჯანა აფაქიძე იენისის ერთ ქარიან სალამოს ვასილ კიკვიძის ქუჩით შინ ბრუნდებოდა.

ქაჯანა გეგუთიდან თერთმეტ ნომერ ავტობუსს მოჰყვებოდა, მინისტარის ქარხანასთან ჩამოვიდოდა, არხს გვერდს აუქცევდა, სანდრო ყორყოლიანის სახელობის კინოთეატრთან მარცხნივ ჩამოუხვევდა და კიკვიძის ქუჩაზე გავიდოდა.

ქალაქის განაპირას, კიკვიძის მესამე ჩიხში, ქაჯანა რკინის ბოძებზე შემდგარ, ხის სამოთახიან ოდაში ცხოვრობდა.

სამუშაოდ სოფლად ასე შორს ეგზოტიკისა და იდილიის ხათრით კი არ დდიოდა, უბრალოდ, უკეთესი სამსახური ქალაქ ბავრატისეულში ვერ იშოვა. მელიორატორის რთული ხელობა, მოგეხსენებათ, სოფლად უფრო ფასობს.

წვრილშვილიან ქაჯანას შინ ლოგინად ჩაეარდნილი სიდედრი ჰყავდა. რაც დრო ვადიოდა, ავადმყოფობისაგან თავგაბეზრებული მოხუცი უფროდაუფრო ძნელი მოსაველეი ხდებოდა. ყველა სიკეთესთან ერთად ეჭვიანობაც დასჩემდა. ეჩვენებოდა, რომ სიძეს სძულდა. იქნებ დროზე გაასწოროს ანგარიში წუთისოფელთანო, წამალს არადანიშნულებისამებრ აძლევდა და ღვთის სამსჯავროს შიში რომ არ ჰქო-

ნოდა, სიამოვნებით ჩაუგდებდა ჩაიში ლურსმანს!

სინამდვილეში კი საქმე პირიქით გახლდათ. თუ რამე არ უნდოდა ქაჯანას, სწორედ სიდედრის სიკვდილი, სხვა მიზეზთა შორის ამ მიზეზის გამოც, რომ ხელმოკლედ ცხოვრობდა და დაკრძალვის ხარჯები მძიმე ტვირთად დააწვებოდა ოჯახის ისედაც ძლივს მფეთქავ ბიუჯეტს. აფაქიძეს არც იმის იმედი ჰქონდა, რომ დასაფლავების ხარჯებს სახელმწიფო გაიღებდა და, ბუნებრივია, ქაჯანა მკურნალობას არ აკლებდა, რომ ნეკრესის ქარებისგან სახსრებდაჭმული სიდედრი, როგორმე, ფეხზე წამოეყენებინა, მაგრამ ამაოდ.

მიაბიჯებდა მელიორატორი ქაჯანა აფაქიძე დალილი კაცის მძიმე ნაბიჯებით. ბეჭებზე გახუნებული, ცისფერი კვართი და ცალკიბიანი, ბუსუსებიანი ლურჯი შალის შარვალი ემოსა. ფეხთ ადგილმრეწველობის გამოშვებული აღიდასსიმისგავესებული („აღიდასის“ ფირმის ემბლემა დროთა ვითარებას წაეშალა) შავ-მწვანე ბოტასები ეცვა. ეს ბოტასები, სხვათაშორის, ფირმულისგან ბევრით არაფრით განსხვავდებოდა; ეგ იყო, ტყავ-პირი ჩაცმის მესამე დღესვე სათასმოსთან გარდიგარდმო სკდებოდა და ლანჩა საგულდაგულო მცდელიობითაც კი არ იღუნებოდა. წელში წახრილ ქაჯანას ორივე ხელი

შარკლის ჯიბეში ეწყო და ფეხებს ისე მიისროდა წინ, თითქოს უდროოდ აფართუნებულ ფეხსაცმელს იხდისო.

არც უსტვენდა და არც ლიღინებდა.

თაფლისფერ თვალებზე წარბ-ქუთუთო საიმედოდ ჩამოეფარებინა და ორიოდ ნაბიჯის სიგრძესაც მხოლოდ იმიტომ ინათებდა, რომ ქვისთვის ფეხი არ წამოეკრა. ისე დაღლილიყო, ნაცნობთათვის მისალმების თავიც არ ჰქონდა და, კაცმა რომ თქვას, საყულიაში გაზრდილ და ბაგრატიანულში ჩასიძებულ ქაჯანას ამ ქალაქში ნაცნობებიც ცოტა ჰყავდა.

ზაფხულის დროით ცხრას აღარაფერი აკლდა. სწორედ ის დრო იყო, როცა სიცხისგან ჩამკვდარ ქუჩას ნელ-ნელა უბრუნდება სიცოცხლე, გასათხოვარი გოგონები დიდი ხვეწნით რომ გამოტყუებენ მშობლებს „დაქალთან შეგლის“ ორიოდ საათს და პაემანზე გარბიან, როცა საყვარლიანი მამაკაცები პირს იპარსავენ და საზოგადოებრივი ღონისძიების მომიზეზებით თავიანთ საექვო საქმეზე მიეშურებიან.

პირწმინდად გადალოკილ ცაზე ღრუბლის ფთილაც კი არსად ჩანდა. გეგონებოდათ, ამ უსაშველოდ ღრმა, ბაცლურჯ ცარგვალზე სავადრო ღრუბელი აღარასოდეს გადაივლისო.

ნარინჯისფერი მზის მეწამული ტანი ისე ჩქარა ეფარებოდა ხვამლის მთას, როგორც მეყვსეულად ამობრიალებული ხოხობი ჩაიკარგება ხოლმე, ჯაგნარში.

წვებოდა მზე და დასავლით ცეცხლშენთებულ ცას სამი მხრიდან ეპარებოდა ჩრდილისფერი, უშველებელი ფრთები ღამისა.

უეცრად ქაჯანას კისრის სიახლოვეს მარჯვენა ბეჭზე რაღაც დაეცა. პირველი, რაც სახელდახელოდ მოისახრა, განზე გახტა და ტროტუარზე წაყოტრილდა, მხარზე რაღაც ბლანტი მასა და სისველე იგრძნო. ხელი მოისვა და ოდნავ დამშვიდდა, სისხლი კი არა, სველი, შავი მიწა იყო. წამოუდგომლად გად-

მობრუნდა და იმ ადგილს დააჩერდა, სადაც წელან იდგა. ქვაფენილზე იჭრებოდა ციდა კაკტუსი და დამსხვრეული ქოთანის ეგლო. შავ მიწაში მიმოფანტული ქოთანის ნამსხვრევები, ტროტუარამდე უწევდა. მელორატორმა ბეჭის ტყვიანი ახლა უფრო მწვავედ იგრძნო. საფარიდან გამოვიდა, გაფითრებულმა მალა აიხედა და აივნებს გასძახა.

— დაგექცა ოჯახი! არ მომკლა კაცი?!

სახლი ხუთსართულიანი გახლდათ. რკინის აივნებზე არავინ ჩანდა და ქაჯანას, რასაკვირველია, არავინ გაეპასუხა.

როგორც ახალგაზრდა გამომძიებლები იტყვიან ხოლმე, შემთხვევის ადგილზე ხალხი შეიყარა. „თავში ხომ არ დაგეცათ, ბატონოვო“, მესამედ ეკითხებოდა მალალი, ტილოსკიტელიანი, კაფანდარა, სათვალისანი მოხუცი და როცა ქაჯანამ ტალახი კისრიდან ჩამოიცილა და დაინტერესებულ კაცს პასუხი აღირსა, ბერიკაცმა მშვიდად ამოისუნთქა: — მთავარი იყო თავში არ დაგეცემოდათ.

— კაცს ქუჩაში მშვიდად ვერ გაგივლია, საქმეა ეეს? — რისხვაგარეული სისაწყლით თქვა დაზარალებულმა, შავად გადაღებილი, სველი კვართი ჩაიწია და მოქალაქეებს ჩაბეჭილ-ჩაწითლებული მხარი უჩვენა.

— ძალიან გტყვიათ? — შავნაწნავებიან, ტანსრულ ქალს დაშვებულ ხელებში სანოვაგით გაქეძილი ჩანთები ეჭირა. ჩანთები ძირს დასადებად არ ემეტებოდა, არა და მართლა ინტერესებდა სტეიოდა თუ არა ქაჯანას მხარი.

— აღამიანია ახლა იის? გეკითხები მე შენ, აღამიანია? — თვალზე ხელი მიიჩრდილა და მალა აიხედა ულვაშებდაგრებილმა, თეთრჩექმება კაცმა, — კაცი კინალამ მოკლა და ყურსაც არ აპარტყუნებს. ჩამოვალ, ბოდიშს მაინც მოვიხდი. ბოდიშის მოხდას რა უდგას წინ.

ჩოჩქოლზე მესამე სართულის აივანზე იაპონურხალათიანი, თავგადაპარსული კაცი გადმოდგა და რა მოხდაო, იკითხა.

პასუხს არ დაელოდა, დამსხვრეულ ქოთანს ჰკიდა თუ არა თვალი, მოაჯირს ორივე ხელით დაეყრდნო და მალა აიხედა.

— შენ გეუბნები! — უღვაშებდაგრეხილმა ასძახა, — ვინ გადმოავდო, ვერ უნდა გავიგოთ?

მესამე სართულის ბინადარმა ხელეზი გაასავსავა და კვლავ ზევით აიხედა.

— მილიციას უნდა გამოვუძახოთ, — დაასვენა თეთრჩექმოსანმა.

— რად უნდა ამას მილიცია, — ჩანთოსანი დიაცი წასვლას არ აპირებდა, — აღით კაცებმა და აახიეთ ყურები, ხომ ხედავთ, ხვადავია ვილაცაა.

— შენ გგონია, ასე ადვილად გატყდება? რაკი დამალვა იკისრა, ატკაზსაც მშვენივრად დაგვირტყამს. აქეთ მოგდებს შარს, სახლში შემომივარდნენო. მაგნაირების ამბავი მე მკითხე, — ილიაში გაზეთებამოჩრილი, ხელჯონიანი კაცი ტანაჯორივით წაღმა-უკუღმა ტრიალებდა.

სად იყო სად არა, მილიციელიც გამოჩნდა. ზემდეგი ციკოლია გახლავართ, უბნის ინსპექტორიო, წარუდგა ხალხს ოცდაათიოდე წლის ტანთხელი, ფორმიანი კაცი. ქაჯანას თავსგადამხდარი ამბავი მოკლედ ამბობინა, ქოთნის ნამსხვრევები და კაქტუსი გაზეთში შეახვია, მოქალაქეებს გადახედა, ორი მოწმე დაგვპირდება, დანარჩენებს გთხოვთ დაიშალოთო, გამოაცხადა და ტყავის საქალაღდე გაშალა.

ხუთიოდე წუთის შემდეგ ქაჯანა და ზემდეგი ციკოლია ორი მოწმის თანხლებით დამნაშავის მოსაძებნად კიბეს აუყვნენ. დიდი დადგენა არ სჭირდებოდა იმ ფაქტს, რომ ქოთანი კიბის მარცხენა მხარეს განლაგებული აივნებიდან იყო ჩამოვარდნილი.

სანამ დამნაშავისმაძიებელნი პირველ სართულზე ამოდ რეკავდნენ შარს, ზემოდან იაპონურხალათიანი, თავგადაპარსული, წამახუნლიკაპიანი კაცი ჩამოვიდა, ციკოლია გაიხმო და რაღაც უჩურჩულა. ზემდეგმა ყურადღე-

ბით მოუსმინა, თავი დაუქნია და სანამ „ფხიზელი“ მოქალაქე კომუნისტურ ხელოების ფართხუნით გაუჩინარდებოდა, მობრუნდა. სმენაზე დამდგართ მიუახლოვდა, კარებს გამოაჩინა და იღუმალი ჩურჩულით აუწყა:

— მეოთხე სართულიდანაა გადმოგდებული.

ორმე მოწმე — უღვაშებდაგრეხილმა, ჩაფსკვნილმა, კავალერისტის მიმოხვრის პატრონმა კაცმა და კაფანდარა, ხელჯონიანმა მოხუცმა წელში გამართვითა და მხნე გამოხედვით აგრძობინეს ზემდეგს, რომ მზად იყვნენ მეოთხე სართულზე კი არა, ცხრა მთას იქით წამოსულიყვნენ, ოღონდ სამართალს პური ეჭამა.

მუყაოს ფანერისგან შეჭედილ, თეთრად შეღებულ კარს ფანქრით ეწერა „ბაკურაძე“. აშკარად ჩანდა, რომ ბაკურაძე იმ იშვიათ გამონაკლისთა რიცხვს ეკუთვნოდა, ვისაც კარი არ გამოუცვლია, ან უფრო საყოფაცხოვრებო ტერმინი რომ ვიხმართ, ბინა არ გაურემონტებია.

კარი დაბალმა, ვალეულმა, თვალეზალდაცხვირაღქცეულმა კაცმა ვაღო და მილიციელი რომ დაინახა, სახეზე სასოწარკვეთა გამოეხატა. უკანდახეულმა ფოსტლი ფოსტლს გამოდო და კინაღამ წიქცა.

— მობრძანდით, — წვრილი, დამფრთხალი ხმით თქვა მან.

ციკოლიამ, რატომღაც, ჯერ ქაჯანა გაატარა და მერე თვითონ მიჰყვა. მოწმეებმა ერთდროულად გადმოდგეს ნაბიჯი და ვიწრო კარებში კინაღამ გაიქედნენ.

სასტუმრო ოთახში ლამის ყველაფერი თავდაყირა იდგა. სკამები ერთმანეთზე ეწყო. საგულდაგულოდ დახვეული იაფფასიანი ფარდაგი ფანჯრის რაფაზე იდო. აივნის კარიდან მარცხნივ, ქვეშაგებდაყრილი ორი რკინის საწოლი იდგა. ტაბურეტზე მოდიდან ამ ოცდაათიოდე წლის წინათ გამოსული პატარაეკრანიანი „რეკორდის“ სისტემის

ტელევიზორი იდო. ტელევიზორთან ტაშტში ჩამბალი ტომრის ნაგლეჯი და კედელს მიყუდებული იატაკის საწმენდი ჯოხი მოჩანდა.

იჯდა დამნაშავე სტუმრების თვალწინ ფეხებმორყეულ მაგიდასთან, ბოლომდე შეკრული, ოდესღაც ცისფერი, ფლანელის კვართის ღილებს ხელით აწვალებდა და მსჯავრს ელოდა. ყველაფრიდან ჩანდა, რომ მან კარგად უწყობდა თავისი დანაშაულიც და ისიც, რისთვისაც იყვნენ მოსული ეს პატიოსანი ადამიანები.

ზემდეგმა ვახეთი დიდის ამბით გაუშალა წინ და ქოთნის ნამსხვრევებზე ანიშნა.

— ეს თქვენია?

— კი ბატონო, — მასპინძელმა ღილებს უშვა ხელი და მუხლებზე დაიწყო.

— რატომ გადმოაგდეთ? — ციკოლიას გამჭოლი მზერა და მტკიცე, გაუზზარავი ხმა ჰქონდა.

— გადმომივარდა, წყალს ვუსხამდი და გადმომივარდა, ეგ უპატრონო, კაკტუსიან ქოთანს ვინ სულელი გადმოაგდებდა, — ისე დამაჯერებლად და გულწრფელად თქვა ბრალდებულმა, რომ მოწმეებმა თავები ჩაჰქინდრეს, ხოლო ქაჯანამ ინანა, რომ აქ შემოვიდა.

— აჩვენე ერთი ამას ბეჭი! — მელიორატორს მიუბრუნდა ზემდეგი.

ქაჯანამ კვართის ზედა სამი ღილი შეიხსნა და შეწითლებულ-შესივებული ბეჭი გამოაჩინა.

— ჩემი სიკვდილი, — დაიწრობინა კაკტუსის პატრონმა.

— დაინახე კაცს რომ დაეცა? — ულვაშებდაგრებილი მოწმის შეკითხვა ორგანოს მუშაკს ნაადრევად მოეჩვენა, მაგრამ არაფერი უთქვამს.

— კი, დავინახე.

— მერე, რატომ არ ჩამოხვედი?

— კარი გავაღე და მოვბოდი, მა-რა ხალხი რომ დავინახე, შემრცხვა.

— შეგრცხვა? ვისი შეგრცხვა, კაცო? — ქაჯანამ თავი ვერ შეიკავა.

— მეზობლების. ყველაფერი რაგა ჭირსო, სიცილოს დამაყრიდნენ — შენი სარცხვილის გულისთვის კაცს კლავდი, ამხანაგო? — კათანდარა მოწმის ხმა იყო.

— რა მოკლავდა, ბატონო?

— რა მოკლავდა და ქოთანია.

— ერცახე ქოთანია, ბატონო. სული ძლივს უკიდა, ვერ ხედავთ რა თხელია? — ნამსხვრევებს მიათითა დამნაშავემ.

— სხვას რომ მოხვდა იმიტომამა მჩატე და თხელი, თვარა აბა შენ დაგცემოდა, რანაირად იჭიკჭიკებდი, — ულვაშდაგრებილი მოწმე მრისხანებას ვერ მალავდა.

— მოკლედ, ორნაირი დამნაშავე ხარ: ჯერ ერთი, ქოთანია რომ გადმოაგდე და მეორე — შენგან დაზარალებული მოქალაქე ბედის ანაბარა რომ მიატოვე. აღარ უნდა ამას ლაპარაკი — თქვა ზემდეგმა.

— დამნაშავე ვარ, ბატონო, გეუბნებით, არ ვარ დამნაშავე-თქვა? — ქაჯანას თვალს არ აცილებდა უზომოდ შეწუხებული მასპინძელი.

ციკოლიამ ტყავის საქალაღდე გაშალა, აქტის დაბეჭდილი ბლანკები ამოიღო, ორ საასლე შავ ქალაღდში მოაქცია და ფანქრით წერას შეუდგა.

აქტს ჯერ თარიღი და ნომერი დაუსვა, მერე, წერის დროს, მორიგეობით ეკითხებოდა დამნაშავეს და დაზარალებულს სახელს, მისამართს და თანამდებობას.

ქოთნის გადმომგდები — დროებით უმუშევარი ბადრი ბაკურაძე აღმოჩნდა.

ზემდეგმა ხმამალა წაიკითხა აქტი, ოთხივეს ხელი მოაწერინა, მერე თვითონ, ორ ადგილას მოაწერა ხელი, ხვალ, თორმეტ საათზე მილიციის ქვეგანყოფილებაში ოცდამეცხრე ოთახში გამოცხადდებითო, ბაკურაძეს დაუბარა და ამჯერად, რატომღაც, პირველი თვითონ გავიდა დროებით უმუშევარი მასპინძლის ფარღალა კარებში.

საკონსერვო ქარხნის კლუბთან შე-

ჩერდნენ. ზემდეგმა მოწმეების მისამართები ჩაიწერა, მადლობა გადაუხადა და დაემშვიდობა, ხოლო ქაჯანა აფაქიძე სამედიცინო ექსპერტს მიჰგვარა, სხეულის მსუბუქი დაზიანების ცნობა ააღებინა და ის ცნობაც, აქტთან ერთად, ჩანთაში ჩაიღო.

ქაჯანას შინ არც გაუმხელია ეს ამბავი. მართალია, ბეჭი სტიოდა, მაგრამ არც ისე ძალიან, რომ ვერ მოეთმინა. მეუღლე ტყუილად ინერვიულებდა და შველით ხომ მაინც ვერას უშველიდა.

მეორე დღეს, „ვრემიას“ დაწყებას აღარაფერი აკლდა, ძალმა ჭიშკართან ყეფა რომ ასტეხა.

— მიხედეთ, შეჭამა ძალმა ვიღაცა, არავინ ხართ მაქეთ, დაწყდით სუყველა? — მისი მდგომარეობის ადამიანისთვის სრულიად შეუფერებელი, მჭეპარე ხმით დაიძახა სიდედრმა, მაგრამ ქაჯანას მისი ხმა არ გაუგონია, იგი ჭიშკრისკენ მიდიოდა და თან ძალს ამშვიდებდა.

ელექტრონის წრეში, ბოძთან ხელებდაშვებული ბადრი ბაქურაძე იდგა. ქაჯანას იგი კიდევ უფრო დაბატარაებული მოეჩვენა. მასპინძელი რომ დაინახა, ერთი ნაბიჯი გადმოდგა და ისე მიაღდა ფეხი, როგორც მოწაფეებმა იციან ხოლმე საპარადო მზადებისას.

— შემობრძანდით, არ იკბინება, — ჭიშკარი გამოაღო მასპინძელმა და ღრენაზე გადასულ ქოფაკს შეუტია — გადაშენდი იქით!

— თუ შეიძლება დააბით, ბატონო. მე ვიცი ჩემი იღბალი. ქვეყანაზე კაციშვილს რომ არ ერჩოდეს ძალლი, მე მიკბენს მაინცდამაინც, — სტუმარს ანგინიანი კაცის ჩაქვენისილ-ჩახრინწული ხმა ჰქონდა.

ქაჯანამ ძალლი დააბა და ბაქურაძე შინ შეიპატია.

— შინ არ შეგაწუხებთ, ბატონო, აგერ მივჯდეთ ცოტახანს, ორი სიტყვა მაქვს სათქმელი, თუ შეიძლება, — სთხოვა მოსულმა და შიშით გაიხედა

დაბმული ძალისკენ, რომელიც ახლა უფრო მეტად გააგებულოყო, რაფაქანას მის დაბმაში მთავარ დამნაშავედ, სრულიად სამართლიანად, სტუმარს თვლიდა.

საგვიანო ტყემლის ძირში, ძელსკამზე, ჩამოსხდნენ.

სტუმარი მუხლებზე ხელებს ისვამდა და საუბრის დაწყებას აგვიანებდა.

— მხარი როგორ გაქვთ? — როგორც იქნა იკითხა შავკასაშტერებულმა ბაქურაძემ.

— მტკივა ცოტა დაბეჭილია. მოტეხილი არ არისო, ექიმმა.

— ფეხები რატომ არ მომტყდა, მაინცდამაინც იმ დროს რომ გავედი აივანზე. კაქტუსის მოვლა მაკლდა სწორედ. კაქტუსი ვნახე დამწვარი.

— რა შენი ბრალია, ძალით ხომ არ გინდოდა.

— თავში რომ დაგცემოდა, ბატონო? თავის გატეხისთვის რა მნიშვნელობა აქვს; ძალით გადმოაგდე თუ გადმოგივარდა. სად წაესულიყავი მაშინ, მეტი რომ მოგსვლოდა?

— ყურადღებით უნდა იყო, მარცხი ერთწამსაა. ის ზემდეგი რომ არ მოსულიყო, მე არც ამოვიდოდი მაღლა. რა მეწყინა უფრო მეტად, ხომ იცი?

— ვიცი, ბატონო.

— ქართველ კაცს, მე ვთქვო, ისე რამ გაუყინა სისხლი-მეთქი. ამხელა ქოთანნი კისერში მდრუხა და ზის არხეინად, ამბავი-ხაბარი მაინც იკითხოს, ეგება ვკვდები ადამიანისშვილითქვა.

— ისე არხეინად დაჯდა შენი დამაწყევარი, მე რომ არხეინად ვიჯექი. არხეინად კი არა, კბილს კბილზე ვაკაწკაწებდი. თითები დავიჭამე. ორჯერ ჩამოვედი კბეზე, მაგრამ გარეთ გამოსვლა ვერ გავბედე. ფეხზე მდგარი რომ დაგინახე, გადავჩრენილვარ მეთქი და პირველად მაშინ გადავყლაპე ჰაერი თავისუფლად.

— იყავი დღეს მილიციაში?

— კი. თორმეტზე მივედი, როგორც დამიბარა. არ იყო კაბინეტში. მაგენ-

საც წაღმა-უყუღმა დაარბენინებენ, რა
ქნან, ამხელა ქალაქია. ასე, საათნახე-
ვარში მოვიდა. არ ჩანს, სხვათაშორის,
გლახა ბიჭი. მეო, სულ არ მინდა
თქვენი დასჯაო, მარა როგორც კანო-
ნი მოითხოვს, ისე უნდა მოვიქცეო.
მე რომც შემეძლოს, ახლა, შენტვის
თავის განებება, აფაქიძე არ მოისვენებ-
სო. მიჩვილებს და სამხრეებს დამატო-
ვებინებსო.

— ვუჩვილებ აბა, მეტი არა მაქვს
საქმე. ხომ გითხარი, დამძალეს, თვა-
რა არც მაშინ მინდოდა ამოსვლა. რა-
ღაი ცოცხალი გადავრჩი, მე ვთქვი,
აღარ დავეძებ არაფერსთქვა.

— რავე გეკადრება, ბატონო. დამნა-
შავე ვარ და პასუხი უნდა ვავო. ასე
თუ ყარა ხალხმა აივნიდან ქოთნები,
წინ წავალთ ნამეტანი. ბოდიშის მოხ-
და ადვილია. ბოდიში არ შევლის ამ
საქმეს. საბოდიშო პირი რომ არ მქონ-
და, იმიტომ არ ჩამოვედი. მე ანერვი-
ულებული ვიყო და ხელი მიკანკალე-
დეს, თქვენ რა შუაში ხართ. ჩემზე
უარეს დღეში ჩააგდე, ღმერთო, ვინც
მე ამ დღეში ჩამაყენა, ვიწყევლები დე-
დაკაცივით.

— რავე, რა იყო? — ქაჯანა წინ გად-
მოიხარა და საქამრესმიწყობილი ხელის
თითები ერთმანეთში გაუყარა.

— ვერ ვარ კარგად, ბატონო. უძი-
ლობა მჭირს და ხელი მიკანკალე-
ბს. დამეში ორი „ტაზეპამი“ არ მყოფის.
ხანდახან იმნაირ შავ ფიქრებში გადა-
ვეარდები, რომ ერთი ბეწო მიკლია,
გავლო კარი და ვისკუპო მეოთხე სარ-
თულიდან. უწინ, კაცმა თავი მოიკლა-
აო, რომ გავიგონებდი, მიზეზის გა-
გებაც არ მსურდა. რამ უნდა მიგიყვან-
ოს კაცი ამ ნაბიჯამდეთქვა. ახლა სხვა-
ნაირად ვფიქრობ. არის თურმე ცხოვ-
რებაში წუთები, როცა ერთადერთი გა-
მოსავალი თვითმკვლელობაა. თავს
არავის არ ვაცოდებ, ბატონო. მე რაც
მჭირს, ალბათ, ჩემი ბრალია, მაგრამ
რომ ჩავუკვირდები, არც მთლად ჩემი
ბრალი ჩანს. მე, ჩემის მხრივ, ცდა და

გარჯა არ დამიკლია, მარა ვერ ვაძა-
ცხოვრება. ხომ არის ხანდახან ^{გადაწყვეტილი}
გამოვა, არ აეწყობა. გინდა ^{შეღიშებით}
მიაწეკი და გინდა რქებით. დედ-მამა
არ მახსოვს. საწყლები ერთად წასუ-
ლან ამ ქვეყნიდან. მამაჩემი მონტო-
რი ყოფილა და თავის სახლში, სამ-
ზადში დენი რომ გაყავდა, დაურტყამს
და ჩაუხვევია, დედაჩემს უფიქრია მი-
ვეშველებიო და შიშველი ხელით სცე-
მია მავთულს. ერთად გაუსვენებიათ
ორივე. სამი წლისა დავრჩი ობლად-
ჩემმა აბეკუნმა — დეიდის ქმარმა,
თხუთმეტ წლამდე შემინახა, მერე სახ-
ლი გამიყიდა, შენს გაზრდაში ამდენი
დამეხარჯაო, მიანგარიშა, ნახევარზე
მეტი ფვითონ ჩაიჯიბა და იმ ერთო-
თახიან ბინაში, სადაც თქვენ ბრძანდებ-
ოდით, თავვი რომ კუდს ვერ მოიქ-
ნევს, ჩამტოვა. დავამთავრე ავტორტე-
ნიკუმი დაუსწრებლად. თან ფაიფურის
ქარხანაში მეყალიბედ ვმუშაობდი და
თან ვსწავლობდი. რადიოს ფაბრიკა-
ში გამანაწილეს დანადგარების ტექნი-
კურ ზედამხედველად. ათი წელი იქ
მოვათავი. ხელფასზე ვიჯექი რასაკვირ-
ველია. უშნო თავმოყვარე რომ იქნე-
ბა კაცი; საამქროს გამგემ (იმ დღეს
გლახა გუნებაზე იყო) შე ბოთევიო,
დამიძახა, რალაც არ მოეწონა, ერთი
დაზგა არ მუშაობდა, ჩემით ვახლა-
ფორთებდი, ჩამოსაწერი დაზგა იყო.
უნდა მომემთინა, რასაკვირველია, მა-
რა ნერვებმა მიმტყუნა და რადიო
ვესროლე თავში, პატარა ექვსმანეთი-
ანი რადიო რომაა. მეორე დღესვე მომ-
ხსნეს სამსახურიდან. წამოვედი და
დავიწყე ახალი სამუშაოს ძებნა. მოხ-
სნილს, ხომ იცი, ყველგან სხვანაირად
უყურებენ. ბოლოს შევეცოდე ღვთი-
ან-მადლიან კაცს—გამტარების კვლევი-
თი ინსტიტუტის დირექტორს და ლა-
ბორანტად დამნიშნა. ექვსი წელი იქ
ვიმუშავე და ახლაც იქ ვიქნებოდი.
არ ვიყავი სამსახურის უკმაყოფილო.
ლაბორანტობა წყნარი საქმეა. ახლაც
იქ ვიქნებოდი მეთქი, მაგრამ შტატე-

ბის შემცირებაში მომავლოეს, ახლა აგერ მეორე თვეა. სამი ლაბორანტი შეგვამცირეს, გვპირდებიან რალაცას მარა როდის იქნება სანამ რამეს გამოგვიძებნიდნენ, ჭამა გვინდა თუ არა, არავის აწუხებს. არ მესმის, რანაირად შეიძლება, დილით, სამსახურში მოსულ ადამიანს — შეგამცირეთო, გამოუტყვადო. რა ქნას, სად წავიდეს, არ უნდა უთხრა? უდანაშაულოდ კაცის ქუჩაში გაშვება შეიძლება? არ ვიყავი ცუდი ლაბორანტი, ორჯერ მადლობაც მქონდა მიღებული, მარა დირექტორსაც ვერ ვამტყუნებ. შეამცირე ლაბორანტებიო, უთხრეს და რა ექნა იმასაც.

უფხო და უგერგილო დამბადა გამჩენმა და სამსახურის საქმე ხომ ასე წავიდა, ოჯახიც ვერ ავაწყე. გოგო მიყვარდა სკოლიდან და ცხვირწინ გამითხოვდა. ნათქვამი გვექონდა პირობა ერთმანეთისთვის, სახლშიც დავდიოდით, მისმა მშობლებმაც იცოდნენ. მე ტექნიკუმის მესამე კურსზე ვიყავი, თვითონ ლითოფონის ქარხანაში მუშაობდა. ვათხოვდა უცებ. რას გაუგებ ქალს, რა ბზიკმა უკბინა, რა ვიცი. რაკი ასე დავმარცხდი სიყვარულში, სიმართლე გითხრა, დაოჯახებას არ ვაპირებდი. ოთხ წელიწადში ჩემს ყოფილ შეყვარებულს ქმარი მოუყვდა, ავარიასი მოყვა საცოდავი. ერთი წელი იგლოვა და მერე ქე გამომყვა ცოლად. ბავშვი არც ჩემს ხელში შექნია. შარშან ლითოფონს თავი დაანება და ქვიტირის გზაზე ღამის სკოლაში ხატვის მასწავლებლად დაიწყო მუშაობა. თურმე გაყიდული ვყავარ თხასავით. სანამ მე ეპეს ყურს მივეუგდებდი და მითქმა-მოთქმას დავიჯერებდი, ადგა ეს ჩემი ცოლი, გეიქცა სახლიდან და ღამის სკოლის ქიმიის მასწავლებელს გაყვა... ცოლ-შვილი დაატოვებია იმ კაცს. ქალია ახლა მაგი? სამი კვირის ამბავია ეს ამბავი. ჭერ განქორწინებაც არ გაგვიკეთებია.

დავრჩი, ასე ქაჯანა ბატონო, უცო-

ლოდ და უსამსახუროდ. უსაშველო და არავის რომ არ დამართნია არაფერი მჭირს, მარა ჩემს, ისევე დაწყვეტილ ნერვებს დააწვა ეს ყველაფერი და გავნახვერდი კაცი. იმ დღეს იატაკს ვრეცხავდი, ვალაგებდი ვითომ, სახლს, ჩემი ჰკუთით. კაქტუსს, გოდო-უშენდა მაგას მომგონი, წყალს დავუსხავთქვა, გადაკოჩა ფიცარმა და ქე გადმოგორდა ის ქოთანის, ის უპატრონო, რალა ჩემდა იღბლად, შენ გამეიარე მიინცდამაინც იმ წუთში. ა, ეს იყო სულ. რატომ მოვედი შენთან? გულგრილ და ფეხზემკილია კაცად რომ არ ჩამთვლო, სხვა არაფერი.

ორივენი კარგახანს სდუმდნენ.

ქაჯანა აფაქიძეს ყელში რალაც აწვებოდა და ბაკურაძის მოგუდული თითქოსდა გატეხილ სალამურში გამოტარებული ხმით ნათქვამი აღსარება გულმუცელს უწევდა. მარტო სიბრაულეს კი არ გრძნობდა, ეს რალაც მეტი იყო; თანაგრძნობაც, შემწეობის სურვილიც, მენახის სიყვარულიც — ყველაფერი გაერთიანდა. დამნაშავედაც გრძნობდა თავს ბადრის წინაშე. ეგონა, რომ მის თავზე დატრიალებული ავი ბორბლის ღარში წყლის მიმშვებთაგანი თვითონაც იყო.

— წავალ ახლა მე, — ბაკურაძე წამოდგა — არ შემაგინო, თუ ძმა ხარ; ჩემზე გლახა რამ არ ჩაიდგა გულში. ხვალაც ამ თვისაა. ჩვენ კიდევ შევხვდებით ერთმანეთს.

— რავა გეკადრება. შენ სხვა საქმეს მიხედ. ამის დარდი ნუ გექნება. ხვალ დილას მივალ ციკოლიასთან და დავახევინებ იმ აქტს. ავუხსნი ყველაფერს, — ჭიშკრისკენ წასულს ფეხდაფეხ მიჰყვებოდა ქაჯანა.

— თუ ძმა ხარ, მაგას ნუ იზამ. სხვანაირად იფიქრებენ, — შეეხვეწა ბაკურაძე.

მეორე დღეს ქაჯანა სამსახურში არ წასულა. აეტობუსის გაჩერებასთან შეკრებილ მელიორატორებს თავს წაადგა და სთხოვა უფროსისათვის გადა-

ეცათ, რომ დღეს გადაუღებელი ოჯახური საქმის გამო სამსახურის გაცდენა უწყვედა.

ზემდეგი ციკოლია ადგილზე აღმოჩნდა. აფაქიძემ დიდი ბოდვის მოხდითა და დამორცხვებით აუხსნა, რომ ბადრი ბაქურაძეს აღარ უჩივის და სახელმწიფოს წარმომადგენელს სთხოვს, გააუქმოს გუშინ შედგენილი აქტი. ციკოლიამ ულვაში ქვედა ტუჩში მოიქცია და ერთხანს იწიწკნიდა კბილებით შავი, მეჩხერი ულვაშის ბოლოს. მერე დაზარალებულს ახედა და უსაყვედურა:

— გუშინდელი ბავშვი არ ჩანხარ, ამხანაგო აფაქიძე და მეტი არ იცი მოწმეების და მილიციის თანამშრომლის ხელმოწერილი აქტის დახვევა რომ არ შეიძლება? სხვათაშორის, მე ვიცოდი დღეს რომ შენ მოხვიდოდი და ამას მეტყობდი რა უბედურება გვჭირს, გამაგებინეთ. მარტო ბაგრატიცეულში ხართ ასე გულჩვილი ხალხი? მეორე წელია თქვენთან ვმუშაობ და საქმის ბოლომდე მიყვანას დიდი ვაინაჩრობით ვახერხებ. ყველა ერთმანეთის ნაცნობი და მოკეთება, შეიძლება ასე? თუ იმ დღეს, იმ წუთას დაიჭერ კაცს, თვარა. მეორე დღეს მთელი ქვეყანა დაგესევა და პირველ რიგში დაზარალებული წაგიჭერს ყელში ხელს. შენ იოლი გგონია ეს, ყველაფერი? შენ, კი, ბატონო, აპატიე ბაქურაძეს ქოთნის თავში დარტყმა, მარა, შენ გგონია სხვებმა, გამვლელებმა აპატიეს? შენ გგონია, ის ორი დარბაისელი მოწმე არ იკითხავს, რა უყავით ქოთნის გადმომგდებსო? შეიძლება ხუთი თვის მერე სამმართველოში. შევიდეს ანონიმური წერილი: „ამა და ამ დღეს“, რა ქუჩა იყო?

— კიკვიძის.

— ამა და ამ დღეს, კიკვიძის ქუჩაზე, ესა და ეს ფაქტი მოხდა და ზემდეგმა ციკოლიამ ხელი დააფარაო. ხელის დაფარებას ჩვენთან, ხომ იცი, უმე-

ტეს შემთხვევაში, ქრთამის აღმოჩენისთანა.

— კი, მაგრამ კაქტუსი ხომ მე დამეცა? სხვას არავის. მე არ ვჩივი. დავიწერთ ხსენა-განმარტებას, — შეწუხდა ქაჯანა.

— ვერ გაიგე? შენ დაგეცა, მარა შენს გარდა იქ ოცზე მეტი მოქალაქე მოგროვდა, რომელიც აღშფოთებული გაპყვიროდა: — ხომ შეიძლებაო, მე დამცემოდაო. გესმის ახლა? მე არაფერი შემიძლია. დაწერე ა, ბატონო — ქალაქი და კალმისტარი გაუწოდა, — ვაჩვენებ უფროსებს და, როგორც იტყვიან, ისე იქნება.

ქაჯანამ დაწერა: — ქოთნის მსუბუქი ნატეხი დამეცა, კაცმა რომ თქვას, მაინცდამაინც არც მიგვრძნია. თავს მშვენიერად ვგრძნობ და ბადრი ბაქურაძეს არ ვუჩივი. გთხოვთ გუშინწინ შედგენილი აქტი გააუქმოთო,

ზემდეგმა კარგა ხანს ატარა კაბინეტებში ბაქურაძის საქმე, ბოლოს, სადამოისპირს შემოირბინა და ჩათვლემილ ქაჯანას ახარა:

— ხუთ თუმან ჯარიმას გადაიხდის ხვალ შენი ბაქურაძე და თავისუფალი იქნება. ესეც დიდი პატივისცემაა, რომ იცოდე. მეტი არაფერი მოუხერხდა.

— სადა აქვს ხუთი თუმანი იმ საწყალს, — ჩაილაპარაკა აფაქიძემ და წამოდგა.

— იშოვის, ნუ გეშინია... მთლად ისე ამოწყვეტილი რავა იქნება, ხუთი თუმანი ვერ იშოვოს, — ზემდეგსაც სინანულგარეული, პატრუქდაწეული ხმა ჰქონდა.

კარი რომ არავინ გაუღო, მეზობელს დაუთქაუნა.

რკინიგზელის ფორმიან, ქალარა კაცს ქალაქი სთხოვა.

რეპუზ მიწვევლაჲმ
ნოველიზი

ქალარა შეტრიალდა, ქალალი გამო-
უტანა; სახლში იქნება ბადრი, გარეთ
იშვიათად დადის. შეიძლება აბაზანაშია
და ვერ გააგონეთო, უთხრა და კიბე
ჩაირბინა.

„შეიძლება მართლა ასე იყო, მაგრამ
ქაჯანას მეტჯერ არ დაუკაკუნებია.“

კიბის მოაჯირს ჩამოეყრდნო და და-
წერა:

„ბადრი, ციკოლიას ბევრი ვეხვეწე,
მაგრამ მთლად პატიება არ შეიძლებაო.
მე მგონი, მართლა არ შეიძლება. ხვალ
დილით მიხვალ მილიციაში. ჯარიმის
ქვითარს გამოგიწერენ. ამ ხუთ თუმანს

ვადიხდი და თავისუფალი ხარ. ეს საქ-
მე ამით დავამთავროთ. საერთოდ გულ-
ნუ გაიტეხ. ჩემთან ხშირად გამოიარე,
ვილაპარაკოთ. ქაჯანა აფაქიძე“.

წერილში ხუთი ათმანეთიანი შეხვია
და კარის ღრიჭოში ქვემოდან შეა-
ცურა.

ორიოდე წუთის შემდეგ კიკვიძის
ქუჩას მსუბუქი ნაბიჯით, წელში გამარ-
თული მოუყვებოდა მელიორატორი
ქაჯანა აფაქიძე.

იენისის ქარიანი საღამო იყო. ქარი
ბაგრატისეულში, სულ ცოტა, ერთკვი-
რიანი მაინც იცის.

დ ა უ თ კ ე ბ ე ლ ი

ავვისტოს ცხელი, მაგრამ სამაგიე-
როდ მშვიდი საღამოა.

მოგეხსენებათ, ამ დროს ძირითადად
ქალაქში აბითურეიტებთან დაკავშირე-
ბული ადამიანები და ის ჯიუტი მამა-
კაცები სჭარბობენ, რომელთაც ცოლ-
შვილი კარგა ხანია აგარაკებზე გახიზ-
ნეს, თვით კი ბინის არმიტოვების სა-
ბაბით დასვენება სექტემბრისთვის გა-
დადვეს. მართალია, ისინი ხვდით გა-
თანგული, ოჯახისათვის შეწირული კა-
ცის სევდიან წერილებს იწერებინან,
მაგრამ, მცირეოდენი გამოწაყლისის
გარდა, არც ისე გულუბრყვილონი გან-
ლავან, როგორც ზოგიერთ დარწმუნე-
ბულ დიასახლისს ჰგონია. დასმენასა-
ვით გამომდის, მაგრამ ჭეშმარიტებას
როგორ ვუღალატო. ამ დროს შესაბა-
მისად ქალაქში რჩებიან ისინიც, ვის
გმირობასაც ოდესმე მაინც სათანადოდ
დააფასებს მემატთანე — ცოლშვილიან
მამაკაცებზე ნახევრადსაიმედოდ შეყ-
ვარებული ქალები. ისინი ზაფხულის
ცხელ თვეებში შეთანხმებულებივით
უარს ამბობენ არალეგალურ საქმიანო-
ბაზე და ლეგალურ ცხოვრებაზე გად-
მოდინან. სწორედ ისინი დააბიჯებენ
ახლა თქვენს მიერ საგანგებოდ მოპრი-

ალებულ პარკეტებზე, ძვირფასო ცო-
ლებო, ურცხვად აღებენ მაცივრებს
და, ღმერთო შეგცოდნე, (ასეთი შემ-
თხვევებიც არის) თქვენეულ, გაფუშ-
ფულეულ საწოლებშიც დილაძდე ნე-
ბივრობენ.

ოჯახის ბოლომდე ერთგულ არაერთ
მამაკაცს რომ არ ვიცნობდე, მეც კარ-
გა ხანია ვირწმუნებდი ეკზისტენციო-
ნალისტების მიერ დაქინებულ იმ ყბა-
დაღებულ აზრს, რომ ცივილიზებული
ადამიანის ცხოვრება ორი ნაწილისა-
გან — ოფიციალური და გასაიდუმლო-
ებული მხარისაგან შედგება. რომ ად-
მიანური ინსტიქტების უმეტესობას ვე-
რა დააკლო რა მის მიერვე შემოღე-
ბულმა ეთიკურმა კანონებმა, რომ აკ-
რძალული ხილის გემო ადამის ნაშიერს
ჩვენს დღეებამდე მოჰყვა და ვინ იცის,
იქნებ ამ ორსახეობისდაფარულის და
ცხადის თანაარსებობა ადამიანთა ცხოვ-
რებას ინტერესს ჰმატებს.

ვინც თავისი ერთსახოვანი და თან-
მიმდევრული ცხოვრების წესით მაძი-
ლებენ მედგრად შეგებრძოლო ბურ-
ჟუაზიული ფილოსოფიის ამ ნაბოძ-
ვარს, ახლა, აგერ, დავითაშვილის მეო-
რე ჩიხში, ერთ მორყეულ სამეზობლო

ძელსკამზე სხედან და გულიანად საუბრობენ.

ჯერჯერობით სამნი არიან; ბულჰალტერი გრიშა ასათიანი, მეთუნუქე გიგლა ჩირაძე-მელიქიანი და ტყიბულის მოქალაქე, აბითურიენტის მამა, გაურკვეველი პროფესიის კასიანე ლუჯავა. კასიანემ კარგა ხანია აუწყა მეზობლებს მისი გოგონას ჩაჭრის სამწუხარო ფაქტი და, უნდა აღინიშნოს, თანაგრძნობის მხურვალე სიტყვებიც უხვად მიიღო. ლუჯავა ხვალ აპირებს გამგზავრებას. გოგონა აგრეთვე ჩაჭრილ მეზობლის ყმაწვილთან ერთად ვაკის პარკში — კინოში გაუშვა (იქნებ, დაზარალებულმა ბავშვებმა ცოტა გული გადააყოლონო), თვით კი ახლადშეძენილ მეგობრებთან საუბარი არჩია.

რა მიმართულების იყო სამი თავისუფალი მოქალაქის უეშმაკო მსჯელობა, ჩემი ალლოიანი მკითხველი გიგლა ჩირაძე-მელიქიანის ამ ალალ, გულიდან წამოსულ შეკითხვასაც შეატყობს:

— მივივრის და გამვივრებო. ორი ერთნაირი ჭკუის ადამიანი ხომ არ არსებობს. ყველას თავისი ვიფოფები ჰყავს. ისევე, რატომ სხვა რამეებში ეგრე არ არის?

— სხვა რამეებში რას ჰგულისხმობ? — ჰკითხა გრიშამ.

— გინდა საქონელი ავიღოთ, გინდამც მფრინველები. გინდამც სხვა რამე. იქ ხომ არ არიან ჯიბვირები, ხულიგნები, აფერისტები. არ გიკვირთ ლოთიანად? — კასიანეს შეხედა გიგლამ, მაგრამ კასიანეს თავისი დარდი უდავავს გულ-მუცელს და, არიან თუ არა ცხოველებში ხულიგნები, ნაკლებად აინტერესებს. დიალოგის კოცონი რომ არ ჩაქვრეს, ზრდილობის გულისთვის, რასაკვირველია, თავს უქნევს შეკითხვის დამსმელს,

— შენ ეგრე გეგონოს. ჩვენი თვალიდან ასე ჩანს, თორემ, არ დაიჯერო, ცხოველ-ფრინველთა სამყარო ჩვენზე უფრო მოწესრიგებული ერთეულების-

გან შედგებოდეს. იქაც არიან თავისებური ზარმაცნი და ფარისეველები. ხულიგნები და თქვენ წარმოიდგინეთ, ჯიბიდან გაეარდნილიც. ერთ ამბავს გაიმბობთ და თქვენვე დარწმუნდებით.

გიგლამ და კასიანემ ერთდროულად დაიწყეს მუხლებზე ხელები და სმენად იქცნენ. გრიშამ სიგარეტს თავი მოუსრისა, ამოწეული თამბაქო ამოაკლო და ერთხელ კიდევ გაისვა თითებზე სიგარეტი, მოუცილა, გააბოლა და ფეხებთან ჯირკს ჩამოაღო. ასე იცის; სანამ სიგარეტი ბოლომდე დაიწვებოდეს, ერთ ნაფაზს კიდევ დაარტყამს. შეიძლება მეტი აღარც დაარტყას; გააჩნია როგორ გაიტაცებს ამბავი, რომლის მოყოლასაც აპირებს. საერთოდ სამ ათეულ წელზე მეტია, მეზობლები ამ ძელსკამთან იკრიბებიან (კასიანე, როგორც მოგახსენეთ, ახალია) და ყოველდღე, თითქმის, ერთიდაიგივე მეორდება; ჯერ ცოტას წაისაუბრებენ მერე კი გრიშა ასათიანი ჰყვება, ხოლო სხვები უსმენენ. თქვენსკენაც ხომ ასეა, ძვირფასო მკითხველო, სამეზობლო ჯგუფში, ძირითადად ერთია მთხრობელი. თუ მეორე მთხრობელიც გაჩნდა, ჯგუფი იყოფა და ეზო-ყურეში ახალი ძელსკამი ჩნდება. ყოველისმცოდნე და ლამაზად მოლაპარაკე მთხრობელებს ერთმანეთი ძალიან უყვართ მეთქი რომ გიმტკიცოთ, მართალი არ ვიქნები.

— რომელი წელი იყო ხორცი და პური რომ ცოტა შემოგვაკლდა? — დაიწყო გრიშამ.

— სამოცდაორი — წააშველა გიგლამ.

— სამოცდაორი, სწორი ხარ. ეს ამბავი კი სამოცდაოთხში მოხდა. მაშინ ჭრა-კერვაში ვმუშაობდი; მთავარ ბუღალტრად. ვახტანგი ხომ იცოთ, ჩემი ძმაკაცი — საბაძე, ცირკის სასტუმროს ადმინისტრატორია ახლაც. ჰოდა, ვახტანგმა ამტეხა; კათაყვავკავში თურმე გოჭ-ქათმეული ნახევარ ფასად იყიდება, წავიდეთ ერთ შაბათ-კვირას, რატომ უნდა გვაჯობოს სხვამ — კათაყვა-

ური ენა არ ვიცით თუ ვაჟაკობა გვაკლიაო. ჭკუაში დამიჯდა. არ დავ-
მაღავ, ვიცუდლულტე პატარა; გამოვაწე-
რინე ჩემს უფროსს რვაკაციანი ავტო-
ბუსები რომაა, ახლა რაფს ვეძახით,
მაშინ აღარ მახსოვს, რა ერქვა. ეს,
ახლანდელი, ცოტა გაუმჯობესებულია,
მაშინდელი უფრო მაღალ ბორბლებზე
იდგა და თუ ოცზე მეტი სიჩქარით
მოუხვევდი, გადაბრუნება ხელში გე-
კავა.

ერთი სიტყვით, გავუყევით გზას. მან-
ქანა, რა თქმა უნდა, ძველი და დან-
ჯღრეული გახლდათ, მაგრამ, სამაგი-
ეროდ, მძღოლი შეგვგვდა გამოცდილი-
სამოცესადამოორებელი კაცი იყო, მარ-
ცხენა ლოყა დიდი, ბადრიჯნისფერი
ტყირპით ჰქონდა ჩაბნელებული. დი-
ლით, ცოტა არ იყოს, დაავიანა მოს-
ვლა და შეგვაშინა. ღვთის წინაშე, ბო-
დიში მოგვიხადა, მანქანას ვაკეთებდი,
დაბერდა და დღედღეზე ჩამოსაწერია,
მაგრამ არ ვეშვებითო. მე რომ ცოტა
შეცბუნებულმა განვუცხადე ექსკურ-
სიის სხვა წევრები არ ჩანან მეთქი, გა-
იღიმა და თვალი ჩამიკრა — არ გინ-
დათ, ბატონო, ჩემთან მასეთი ლაპარა-
კი. გუშინდელი ხომ არ გგონივართ.
მშვენიერად ვიცი, რის საყიდლადაც
მიდიხართ კათაყვავკავში. ექსკურსიებზე
ვინღა დადის ახლაო.

გივლამ იცის, მე ვაჭიანურება არ
მიყვარს და თავს აღარ შეგაწყენთ იმის
მოყოლით, თუ იქეთობას რამდენი გვა-
წვალა და გავვაძალა მანქანამ. განსა-
კუთრებით ფასანაურს რომ გავცდით,
რადიატორში წყალი დულდებოდა და
წამდაუწუმ ვასვენებდით. ერთ კინოდ
ღირდა ჩვენი „დასვენება“. ძრავა რომ
ზლიწინ-ჩლაზუნს დაიწყებდა და მანქა-
ნა ჩორთით მიმავალ ჯაგლაგზე უფრო
ნელ სიჩქარეზე დაეშვებოდა, გავჩერ-
დებოდით. მძღოლი სახეზე შემდლდე-
ბელთა ნიღამ-სარკეს აიფარებდა (წინ-
დახედული კაცი იყო. იცოდა თავისი
მანქანის ამბავი და თადარიგი დაეჭი-
რა) და კაპოტს ახდიდა. ბრეზენტის

ერთთითიანი, ჭუჭყისგან ჯალაშასავით
გასქელებული ხელთათმანებით. რადიატორის
სახურავს მოხსნიდა და უკან
მიასკდებოდა, რომ აღუღებული წყლის
შადრევიანი თავზე არ გადავლებოდა,
როცა რადიატორის ამოფრქვევა მი-
ნელდებოდა და ცხელი წყალი ბუყ-
ბუყზე გადავიდოდა, პირნიღაბიანი
მძღოლი ონკანს გახსნიდა, მდულარეს
ჩამოდვრიდა, რადიატორს ცივი, მინე-
რალური, ბუბუბუა წყლით გაავსებდა
და გზას განვაგრძობდით. კილო-
მეტრნახევარში, ჰა, ორკილომეტრში
კვლავ დაიწყებდა ძრავა თუხთუხ-ჩლა-
ზუნს და ყველაფერი თავიდან მეორ-
დებოდა, დარიას რომ გავცდით და
გავივაკეთ, თითქოს სული ჩაედგაო,
აიწყვიტა ჩვენმა რაფმა და რაც ჯგრის
უღელტეხილზე სიმწარე გვანახა, ლა-
მის დაგვაგოწყა.

შაბათ დილით წასულები, ასე, ღამის
თერთმეტ საათზე ჩავედით კათაყვავკავ-
ში. სასტუმროში ადგილს ვინ მოგვცემ-
და და, სხვათაშორის, არც გვქონდა
პრეტენზია, ღამე გლახის სახლში გა-
ვათენეთ.

ახალგათენებულზე დავაცხრით ბა-
ზარს. ოთხფეხს აქაც ცეცხლი ეკიდა.
გოქს სამ თუმანზე ნაკლებ არ დაგა-
ლაპარაკებდნენ, ქათამი კი, ცოდვას
ვერ ვიტყვი, ჩვენს ბაზართან შედარე-
ბით იაფი იყო. ვიყიდეთ მე და ვახტან-
გმა თითო მოზრდილი გოჭი, ხუთ-ხუ-
თი მომსებელი დედალი და ცხრა
იყო, თუ თერთმეტ-თერთმეტი ვარია.
მძღოლმაც ამდენი, თუ ცოტა მეტი.
აღარ მახსოვს, შეიძინა. ავკარგიანი კა-
ცი იყო. ცხოველ-ფრინველთათვის
ყუთებიც მოემარაგებინა და ტომრე-
ბიც წამოელეო. მთავარი კინლამ დამა-
ვიწყდა, მეორე ვზობაზე ბაზრიდან
რომ გამოვდივართ და თითოს თითო
გოჭი ატატებული მოგვყავს, ვახტანგი
ბაზრის გამოსასვლელში არწივისცხვი-
რიან, ფაფახოსან ჩერქეზს შავხალები-
ან გოჭზე შეევაჭრა. გოჭი ჭყვირილით
იდებდა იქაურობას, თავდაღმადაკიდე-

ბაზე სასტაკ პროტესტს აცხადებდა. ჩერქეზმა საკმაოდ ძვირი დაუფასა, ვახტანგმა გაიკვირვა; რა ამბავით და ჩავიარეთ. მე მეგონა ვახტანგმაც ისე, ყასიდად, ფასის გასაგებად ჰკითხა მეთქი, რაკილა თავიდან თითო გოჭის ყიდვა გვქონდა ნავარაუდევით. ნავაჭრი მანქანაში რომ დავაბინავეთ და ის-ის იყო უნდა დავძრულიყავით, ვახტანგმა ამ წუთში მოვალე და ბაზრის ხახაში გაუჩინარდა. ხუთიოდე წუთში უკან მოდის და ჭყვირილით გაქაფულ ხალხებიან გოჭს მოათრევს. გოჭი ხტუნავს, იკვარდება, ჭირვეულობს, ტანს ზამბარასავით ათამაშებს. ძლივს დავამაგრეთ სამივემ. ტომარაში ძალით ჩავტენეთ და თავი რომ მოვუკარით, ამოვისუნთქეთ. მძლოლმა ტომრიანად ყუთში ჩაუშვა, ზემოთ ფანერის ნაჭერი დაადო და ფანერს, ყოველშემთხვევისათვის, აგური დაამატა. გულმა არ მომიტმინაო, წაიბოდიშა ვახტანგმა, საერთოდ შავხალხებიან გოჭს გემრიელი ზორცი აქვსო.

მანქანა პირველ მოსახვევს გამოცილებული არც კი იყო, ჩერქეზულმა გოჭმა რომ ჭყვიტინი ატეხა. ჩერქეზულმა მეთქი ასე დაბეჯითებით იმიტომ ვამბობ, რომ რაღაც თავისებური, დანადაბეჯენილი ქალივით ცივი, გამყინავი ხმა ჰქონდა. დანარჩენი სამი გოჭი ერთ ყუთში გვყავდა. ყოველშემთხვევისთვის თავი ავხადე ყუთს. იწვნენ მშვიდად, უდრტვინველად, ღრუტუნითაც კი არ ღრუტუნებდნენ. გოჭები არ იყვნენ ახლა ისინიც? გეკითხები მე შენ.

ასე არ გამოვაო, მძლოლმა. თუ რამე არ ვისაშველეთ, კარანტინია და, შეიძლება მთელი ნავაჭრი ჩამოგვრთვანო. რატომღაც მე მომიბრუნდა, შეირბინე ერთი იმ მაღაზიაში, იქნებ ერთი ბოთლი არაყი გაახერხოვო. გავიქეცი. სადაა არაყი. წამლად რომ გინდოდეს, იშოვი? ჩემთვის როდი მინდა, ასე და ასეა ჩემი საქმე, გოჭებისთვის მინდა მეთქი, დავეღრიე გამყიდველს. შეწუხდა, ხომ იცი. რა ვქნა ახლა,

სტუმარი როგორ გაგაწბილო, მითუმეტეს. შენთვის თუ არ გინდაო მითხრობ კეცა წითელი თუმნიანი და გამოძინა ვახეთ „წინსვლის“ ნაგლეჯში გამოხვეული არაყი აფშენდი კაცი! მაღაზიიდან გამოსვლისას ვილაღამ მკლავში მომიკიდა ხელი. მოვიხედე, ჩემს წინ მებღვაურისქუდიანი, ბუკლეუსპიჯაკიანი, გახუნებულულღვაშა მაღალი კაცი დგას. საბუთი ნახევრად ამოსწია ჯიბიდან და არც მეტი, არც ნაკლები — მილიციის ქვეგანყოფილებაში გაყოლა მიბრძანა. ვიი ამ ქამას. ეს მინდოდა ახლა მე? ჩემთვის კი არ მიყიდა, პატივცემულო, მე ღვიძლი მტყევა, საერთოდ გრამს არა ვსვამ, გოჭისთვის შევიძინე მეთქი. ადგილზე ვაეარკვეთ ყველაფერსო. მე ხომ ვიცი, ადგილზე გარკვევა რას ნიშნავს. ჯერ ერთი საექსკურსიო ავტობუსის არადანიშნულებისამებრ გამოყენებისთვის დაგვსჯიდნენ, მერე კარანტინის დროს ცხოველების რესპუბლიკის გარეთდაყვანისათვის მოგვცხებდნენ და ვინ იცის, კიდევ რა შარს მოგვდებდნენ. გაწვირე მეორე თუმნიანი, ვუყიდე არაყი მგრძნობიარე თანამშრომელს და რომ იცოდეთ, რა მაღლობელი დაფარჩი მისი, ხელი რომ ჩამომართვა და გზა მშვიდობისა მისურვა.

სამ მშვიდ გოჭს თითო ყლუბი დავაღვივინეთ, ჩერქეზულს ნახევარ ბოალოზე მეტი ჩავაცალეთ ხახაში. ცოტა ხანს გაბურბუსალბებული მოგჩერებოდა, ისევ ტომარაში ჩავამწყვდიეთ და დაიმედებულეებმა გზა განვაგრძეთ.

კათაყვავკავის გამოსასვლელში რასაკვირველია, გაგვაჩერეს. ჩვენსკენ ხანშიშესული, ტანშიმე სერჟანტი წამოვიდა: მძლოლს საბუთები გაუსინჯა და საეჭვოდ შეგვათვალეირა. სულდგმული ხომ არაფერი გიყიდათო. შოფერმა უარი განუცხადა და, ის იყო, უნდა დავძრულიყავით, ჩერქეზულმა ტყვემ ისეთი ჭყვირილი ატეხა, შენი მოწონებული. — მიაყენეთ მანქანა და ჩა-

მოდით სამივემ, თქვენი პატრონი ქვე-
ყანაცაო, სერჟანტმა.

— არ დაგვლუბო, — ვეხეწებით, —
წვრილი ცოლ-შვილის პატრონები
ვართ, ხელფასზე დანაზოგი ფულით
გოჭი და ქათმები გვიყილია, ნუ ჩადგე-
ბი ჩვენს ცოლვაში. გიცნობთ, რა ან-
გელოზებიც ბრძანდებითო, ნამუსგა-
რეცხილი სპეკულიანტები ხართ, ჩემი
გაცურება გინდოდათო, — მძინვარებს
სერჟანტი. მერე ხმას დაუწია და მივ-
ხედით, რომ მთლად არ გაგვირია გამ-
ჩენმა. მცირე პაუზის დროს ხუთი ვა-
რია აუფრთხილეთ ხელებში. ეცოტა-
ვა, ორიც დავუმატეთ და მოგვეშვა.

მოვდივართ და მოვიმღერით მეთქი
რომ გითხრათ, არ იქნება მართალი.
სიმღერა ვის ახსოვს, მაგრამ გულის
სიღრმეში მაინც გვიხარია, რომ ხიფათს
გადავრჩით, არ გავილანძღეთ.

ქალაქ ჩაქურჩეთამდე ხუთიოდე კი-
ლომეტრში ახალი, მშვენიერი ცისფერ-
ფრთებიანი ჯიხური დგას — ავტო-
ნაპეტიის საგუშაგო. ფხიზელმა მორი-
გემ შორიდანვე შეგვნიშნა, ჯიხური-
დან გამოვიდა და თავზიანად შეგვე-
გება. მესმის ყურადღებიანი ხალხი.

რასაკვირველია, შეახლება გოჭის
ჰყვირილი ქვეყანას იღებს. უქულო,
წაქისფერთვალება ავტონისპექტორმა
მანქანაში შემოიხედა, გაიღიმა და თავი
გადააქნია. მძლოლი იახლა, საბუთები-
ანდ შეიყვანა ჯიხურში და კარგა ხანს
დააყოვნა.

— ქათმებზე უარს ამბობს, ერთ
გოჭს უნდა შეველიოთ, — გამოგვიცხა-
და მძლოლმა უკან დაბრუნებისას
და თავი ჩაჰკიდა.

— ჩერქეზული მივცეთ, — ანგარიშ-
მიუცემლად ვთქვი მე — დავისვენებთ
ქე მაინც, თავიდანაც არ უნდა გვეყიდა.
ასეც გადაწყდა.

როგორც იქნა, ამოვადარკალეთ
ტომრიდან ურჩი გოჭი და შემოგებე-
ბულ მასპინძელს ხელებში მივაჩიჩქეთ.
ეტყობოდა, ასეთ საქმეებში ჩვენი
დამხედური ხამი არ გახლდათ. უკანა

ფეხებში სტაცა ხელი და ჯიხურისკენ
გაარბენინა. მძლოლმა საბუთებში
რდილობელს ამოუდგა და საჭეს მი-
უჯდა თუ არა, ბარაქიანმა ხალხურმა
გინებამ ავტონისპექტორის ჯიხურის-
კენ მიგვიღიჯა კისრები. მორბის
ჩვენსკენ გზის გუშაგი. გოჭი ისევ ისე
მარჯვენა ხელში უჭირავს და ჩექმით
სცემს ცხვირპირზე, მარცხენა საჩ-
ვენებელი თითი პირში ჩაუდგია და
სისხლი სახელოზე მოწვეთავს. — გა-
დააყენეთ მანქანა, თქვე ბანდიტბოვო-
თქვენგან რა ხეირს ნახავს კაცი. ვე-
ლური გოჭი შემომაჩიჩქეთ, თითი კინა-
დამ მომაკვნიტაო. დასანდობი არა
ხართ არცერთი. მე ადამიანები მეგო-
ნეთ, პატივი გეცითო.

მოკლედ, დავიბრუნეთ უკან ჩვენი
არამზადა და ნერვებმოშლილი გზის
ღარაჯი სხვა, მშვიდი, ფუმფულა თვა-
ლებშიღელეული გოჭით დაეასაჩუქრეთ.
ბრუთის მყინვართან, ჩამოსახვევ-
ში, გზა გადაკეტილი იყო. ორი წითელ-
სამკლაურიანი მთიელი მოგვიახლოვ-
და. დაბეჯითებით უნდა ვთქვა; პირ-
დაპირი, პატიოსანი ხალხი აღმოჩნდა.
საბუთები არც კი მოუთხოვიათ, ექვსი
შვილივით ნაზარდი დედალი ამოი-
ღლიავეს და გაგვიშვეს.

შვიდს აღარაფერი აკლდა, მიმინოს-
ქალას რომ მოვუახლოვდით, პირი გა-
ვისველოთო, ვახტანგმა. ჯერ მყავე
წყალს დავეწაფეთ, ხელები დავიბანეთ,
სახეზე შევისხით და მერე საზიკლეს
მივაშურეთ. ხინკლის გარდა ყველაფე-
რი ჰქონდათ. გვარიანად დანაყრდით,
თითო გავაბოლეთ და ავტობუსს და-
ვებრუნდით, მაგრამ სანამ კარს გავა-
ღებდით, ჰყვირილ-კაკანმა გული გა-
დაგვიბრუნა. საშინელი სანახაობა გა-
დაგვეშალა თვალწინ. ჩერქეზულ ავა-
ზაკს ტომარა გამოეჭამა, ფანერ-აფური
ამოერღვია და ამოსულიყო. ჯერ ვარი-
ებს დარეოდა და დაეჯიჯნა, ახლა
ტუტუტუბიროდ მოხტუნავე, ფეხებშეკ-
რულ ქათმებს დასდევდა ავტობუსში.
სანამ თავაწყვეტილ გოჭს მოვიხელ-



თებდით და რაფს ხელში ჩავიგდებდით, ჩვენი დაგვემართა ავტობუსის ოკუპირების შემდეგ ვაჩრვია, რომ სამი დედალი და რვა ვარია ამქვეყნისა აღარ იყო, გოჭის კბილებით მოგუდულები გადაყარეთ, თავწაწყვეტილ-სისხლგამდინარენი ყუთში ჩავყარეთ და დანა პირს არ გვიხსნიდა, ქვასანაყურს რომ მოვადექით.

არც დაბა ქვასანაყურის საგზაო შემთხვევების მეთვალყურეობის სამსახურმა დაგვაყენა კარგი დღე. გულდასმით გავვინჯეს და, ცოტა არ იყოს, მოიწყინეს, რომ ჩვენს მანქანაში ნარკოტიკები ვერ აღმოაჩინეს. პირადობის მოწმობები ჩამოგვართვეს და კარგა ხანს იღუმელი მზერით გვცდიდნენ სწრაფად, თვალის დაუხამხამებლად შეგვეძლო თუ არა ჩვენი სახელისა და გვარის, სამუშაო ადგილის და დაბადების თარიღის დასახელება. როცა დარწმუნდნენ; რომ საზოგადოებისთვის დიდ საშიშროებას არ წარმოვადგენდით, გავვიშვეს და ერთი ქათქათა გოჭი მძევლად დაიტოვეს.

ვისაც მოვუყევი, არავინ დაიჯერა და რალა თქვენ დაიჯერებთ; გასავათებულები, ქანცვაწყვეტილები შუალამისას შემოვედით თბილისში. ჩვენი სავაჭრო ეპოპეის დასასრულს მანქანაში ჩერქეზული გოჭი და სამი თავწაწყვეტილი დედალიდა დაგვრჩენოდა.

ვახტანგ საბაძე ქვემოთ ცხოვრობს, მოგხსენებათ, ამოსასვლელში და, ბუნებრივია, პირველად მის სახლთან შევჩერდით. ხელების ფშვნებით გადავიდა და დაგვემშვიდობა, — გოჭს ვის უტოვებ მეთქი. — შენი იყოს, მე მაგის სახლში შემყვანი არ ვარო. — როგორ გეკადრება, გოჭი შენ შეიძინე და შენი საკუთრებაა. ხომ იცი, ხალიან გოჭს რა გემრიელი ხორცი აქვს მეთქი. ცოცხალი თავით არ ვიზამ მაგასო, მიპასუხა და გააბიჯა.

წამოვხტი, გოჭს ტომრიანად ხელი დავავლე, ავტობუსიდან ჩამოვხტი და გამოვეცილე. ხუთიოდე ნაბიჯი არ გა-

დამედგა, ხელში სიმსუბუქე ვიგრძენი და ჭონქაძის ქუჩისკენ გაქცეულ გოჭს მოვკარი თვალი. თურმე ეს ტომარაც გამოულრღნია და ამდენ ძიძგილაობაში თავს უშველა. არიქა ბიჭებო მეთქი, შეეყვირე და გამოვუდექი. ვახტანგმა თავს დავუვლიო და ჩიტაძეზე ჩაირბინა, მძღოლმა რაფი დაქოქა და ფარებანთებული უკან მოგვედევს. გოჭი წინ და ჩვენ უკან. ვილას ესმის შემხვედრი მანქანების გაბმული სიგნალი, ვილას ეხამუშება აივანზე გადმომდგარი ვალვიძებული მოქალაქეების სიცილ-ხარხარი. უკანასკნელად ფუნიკულორის სადგურთან მოვკარი თვალი, კიბიდან კისრისტეხით ჩამორბოდა, მერე ცამ ჩაყლაპა თუ მიწამ, ველარ ვიპოვეთ. რას ეძებთო, დამეულ მთაწმინდას შეფენილებს გვკითხა, თოფიანმა დარაჯმა. — გოჭსო, — უკანმოუხედავად ესროლა საბაძემ, — რომელ გოჭს? — არ მოგვეშვა დარაჯი. — ჩერქეზულს! — ისე ხაზგასმულად, კბილების ღრჭიალით მივუგე მე, რომ დარაჯს მეტი შეკითხვის სურვილი არ გასჩენია.

დაახლოებით ასე, ღამის სამ საათზე, დევნა შევწყვიტეთ და თავი დამარცხებულად ვცანიო. იქნებ აღმართს არც კი შედგომია, რომელიმე კუსტარ-მარტოხელას სარდაფში ტუცა თავი. ვინ იცის, გოჭს და, მითუმეტეს ჩერქეზულს, შენ გაუგებ რამეს?

მინაწერი: ეს ნოველა შარშან, ერთ ოჯახში, ნაცნობების ვიწრო წრეში წავიკითხე. დიდი მოწონება ხვდა მეთქი, რომ გითხრათ, სიცრუე იქნება, მაგრამ მთავარი ეს არ არის. ამასწინათ, იმ წრიდან ერთი კაცი შემხვდა და მითხრა: რამდენი ვიცინეთ მაშინ გოჭზე დაწერილ შენს ნოველაზე, რატომ არსად ბეჭდავო.

მაშინ არ მითქვამს, მაგრამ თუ სადმე შეგხვდეთ, იქნებ თქვენ მაინც აუხსნათ, ძვირფასო მკითხველო, რომ ეს ნოველა გოჭზე არ გახლავთ დაწერილი.

ნანა კარებშივე ალაპარაკდა.

— შლაპიანი მოხუცი ქალი. ოციანი წლების ყოფილ ბალერინას ჰგავს, პენსნე უკეთია და თვალებზე აბრეშუმის შავი ბადე აქვს დაშვებული.

კაცმა მხრები აიჩიჩა:

— ალბათ სტუმარია.

— თქვენ რომელზე მეტქი, ქალბატონო, არ მიპასუხა. მე რომ მეხუთეს დავაჭირე, პენსნითი დააკვირდა ლილას. დამდურებულივით მიცქეროდა.

— მალლა ავიდა?

— კი, რომელზე ვერ გეტყვი.

ნანამ ასე იცოდა. სალამს კი არ იტყოდა, პირდაპირ საუბარზე გადადიოდა. სანდრო უკვე შეჩვეული იყო, შეშოვიდოდა ნანა და, ან იმით იწყებდა, თუ როგორ აეკიდა ტროლეიბუსში ვიღაც „იდიოტი“, ან იმით, რომ დღეს უსაშველოდ გრძელი დღე იყო და ლექციების დამთავრებას საშველი არ დაადგა, ან იმით, რომ პალტოში ძალიან ცხელა და ხალხის რომ არ რცხვენოდეს, სიამოვნებით ივლიდა მოსასხამით ამ შუა ზამთარში. მერე პალტოს ან ჩექმებს მიყრი-მოყრიდა. სანდროს ხალათს და შლოპანცებს ჩაიცვამდა, დივანზე მოკალათდებოდა, ტელეფონს მუხლებზე დაიდებდა და სამ-ოთხ მეგობარს შიანც დაურეკავდა, რომ სანდროსთან არის და თუ დედაჩემმა დარეკოს, უთხარი ჩემთან იყო და ამ წუთში წამოვიდათქო. „მერე მაშინვე დამირეკე გესმის? წავედი“, დააყოლებდა, პერს ახედავდა, ესეც ეგერიო, იტყოდა, დივანზე თავდაღმა, ლამაზად გაწოლილი, ჩანთას გადაუწვდიდა ხელს, სიგარეტს და სანთებელას ამოიღებდა, სიგარეტს გააჩაღებდა, გაზეთს ცალ გვერდს აახევდა, ძაბრივით საფერფლეს გააკეთებდა და გააბოლებდა.

მეორე წელია სანდრო ამ დროს, ერთსა და იმავეს ეუბნება:

— აკი ხვალიდან აღარ მოვწყევო?

— გეხვეწები ამ ერთხელ. ხვალიდან მართლა აღარ მოვწყევ.

სანდრო აღგებოდა, კარადის თავზე დადგმულ საფერფლე-ნიჟარას აიღებდა, მიუახლოვდებოდა, საფერფლეს სკამზე დაუდებდა და ხუჭუჭა თმებზე მოუქიჩავებდა, მოეფერებოდა.

მაგრამ იმ დღეს გოგონამ მასპინძელს უგუნებობა შეატყო და ლიფტში დამგზავრებულ მოხუც ქალზე საუბარი უცებ შეწყვიტა, პალტო გაიხადა, ჩანთა დივანზე მოისროლა, სკამი გამოსწია, მუშტებს ლამაზი ნიკაპი დააყრდნო და სანდროს თვალბეჭეში შეხედდა.

— რა მოხდა?

— მამაშენი იყო ჩემთან.

— როდის? სად?

— სამსახურში დღეს, ასე თორმეტისკენ იქნებოდა.

— მარტო იყო?

— მარტო.

— რაო?

სანდრომ თითები მაგიდაზე აათამაშა, ნანას თვალი შეავლო და განზე გაიხედა.

— რას მეტყობა.

ქალიშვილმა სიგარეტს მოუკიდა და საფერფლის კიდეც ჩამოაღო.

— დაწვრილებით მომიყვივი.

— შენ არ ვითქვამს, რომ მამაშენმა ყველაფერი იცოდა.

— იცის. დაურეკეს.

— ვინ დაურეკავდა?

— რა მნიშვნელობა აქვს. ჩენი ამბავი მთელმა ქალაქმა იცის. მერე?

— მოვიდა ის კაცი ოთახიდან გამო-მინმო. ქვევით ბაღში ჩავედი. მე ხომ ნანახი არ მყავდა, მაგრამ მაშინვე მივხვდი, რომ მამაშენი იყო.

— ?

— გგავს რაღაცით. წარბებით მგონი.

— მერე? — ნანამ სიგარეტი აიღო

ნათაზი დაარტყა, გადაფერვლა და ისევ საფერვლეს ჩამოადო.

— მეო, ყველაფერი ვიცო. ვატყობდი, ლაპარაკი უჭირდა. დაღლილი, ნაწამები სახე ჰქონდა. რა მინდა ახლა აქ რომ მოვედიო, თუ ძმა ხარ, ქვეშ გამომსვლელ კაცად არ ჩამთვალო. მე ჩემს წრეში ვაყკაცად მიცნობენ და ერთ სიკვდილს ვთავებ, ახლა რომ გელაპარაკებო. შენ რას გემართლები, კაცმა რომ თქვას, მე ჩემსას უნდა მოვუარო, მაგრამ რა ვქნა, შვილს ვერ მოიკვეთ თურმე, ძნელი ყოფილაო. არადა, მთელი ოჯახი გადაყვევით, მაგრამ არაფერი გავგივიდო. ისიც ვიცო; რომ ცილშვილიანი ხარ და ისიც ვიცი, რომ შენს შვილებზე მზე და მთვარე ამოგდისო. მე საპრეტენზიო არაფერი მაქვს, ა, ორი კაცი ვართ აგერ, იქნებ როგორმე მოვუაროთ ამ საქმესო. ეს სიტყვები ისე მიაყარა ერთმანეთს, რომ სიტყვის ჩადგმა არ მაცალა. ვერც ვიკადრებდი და მაიმუნობაც იქნებოდა, რომ დამეწყო: როგორ გეკადრებათ, ეგ სიკრუთა, თქვენს ქალიშვილს ხეირიანად არც კი ვიცნობ, მონაჭორია ყველაფერი მეთქი. ხომ მართალი ვარ?

— მერე?

ნანას ფართო შავმაყვალა, გრძელწამწამებიანი თვალები გამალებით მოძრაობდნენ. მზერა სანდროს ხელებიდან მხრებზე, ტუჩებზე, თვალებზე გადადიოდა. მოჩვენებით სიმშვიდეს ნანას რომ ფარად ეხმო, სწორედ რომ შეშფოთებული თვალები ამხელდნენ.

— რა მერე. ვიჯექი და ვუსმენდი. იგი ჩემთან დასატუქსავად ან ჭკუის სასწავლებლად კი არ მოსულა. ასე რომ ყოფილიყო, გავლიზიანდებოდი და მეც რაღაც პოზიციას დავადგებოდი. შვილი მეღუბებო, მითხრა. აბა შენ წარმოიდგინე, ჩემს მდგომარეობაში შენი თავიო. მე ჩემი გითხარი და აწი, როგორც სინდისმა გაგიჭრასო, ადგა და წავიდა.

— შენ არაფერი გითქვამს?

— კი. რაღაც გაურკვეველი... აღარ მახსოვს... ყოველ შემთხვევაში მტყუარა ჩვენა, თითქოს, ჩემს სიტყვას მისთვის მნიშვნელობა არ ჰქონდა. რა ვქნათ?

ნანა ყველაფერს ელოდა ამ შეკითხვის გარდა. ნუთუ დღემდე გარკვეული არ იყო, რაც უნდა ექნათ. იგი წამოდგა, ფანჯარასთან მივიდა და შემოუტრიალებლად თქვა.

— ვიცოდი რომ მოვიდოდა. სამ თვეზე მეტი იქნება, რაც მე იმ სცენებს ვუძღვებ. რამაც შენ პირველივე დღეს ასე შეგაშფოთა. ყოველ დღე ნატაციებს მიკითხავენ. დედაჩემმა გუშინწინ შენი საყვარელი „ბანანები“ დამიჭრა და კარებში გასულს ტუფლი მესროლა, მაგრამ მე შენთვის ერთი სიტყვაც არ მითქვამს.

— ამას რატომ მეუბნები? მეც არ უნდა მეთქვა?

— რა ვიცი, — ნანა მობრუნდა და ნერვიული ნაბიჯით წამოვიდა სანდროსკენ, მხრებზე ხელი დაადო, დაიხარა და თვალებში ჩახედა. მათი ტუჩები ლამის ეხებოდნენ ერთმანეთს — სალაპარაკოდაც არ ღირს მეთქი ყველაფერი ჩვენს სიყვარულთან შედარებით. მე ყველაფრისთვის მზად ვარ, სანდრო. დედა იმისია, რომ შეიცხადოს და „ბანანები“ დამიჭრას, დამამწყვდილოს და სახლიდან არ გამომიშვას, მამა იმისია, რომ ჩემს „გადასარჩენად“ რამე იღონოს. გარეგნულად ხომ საზოგადოებას ჩანს; მე ოცდაერთი წლის გოგო, შენი, ორმოცდახუთი წლის ცოლშვილიანი კაცის, საყვარელი ვარ. ასე რომ, მე ძალიან კარგად მესმის ჩემი მშობლების.

— და ჩვენ ვალდებული ვართ ანგარიში გავუწიოთ.

— რაში გავუწიოთ ანგარიში, სანდრო. სიყვარულში? ეს მხაზველობითი გეომეტრიის ფრიალზე ჩაბარება, ან სარეცხის გაწურვაში მოხმარება კი არ არის. მთელი ცხოვრების აზრია. შენ არ მითხარი? ან რა შენი თქმა მინდობდა, მე თვითონ ვერ ვგრძნობ? მეღალა-

რაკებიან სახლში გაუთავებლად, დააბი-
ჯებს წინ და უკან მამაჩემი და მავალი-
თები მოჰყავს, როგორ დაღუბა მავანი
და მავანი, როგორც თვითონ ეძახის,
ბავშვურმა გრძნობამ. აკაწკაწებს კბი-
ლებს დედაჩემი; ქვად მქცეოდა მუცე-
ლი და შენ არ გამეჩინეო. ხანდახან,
თითქოსდა, მეც ვირწმუნებ, რას ვერჩი
ამ ხალხს მეთქი. ვზივარ და ყველაფე-
რი მჯერა. პირობასაც ვაძლევდი ადრე,
რომ ხვალიდან არ განახავდი. მერე?
დამთავრდება ლექციები და არც კი ვი-
ცი, როგორ აღმოვჩნდები ხოლმე შენს
კარებთან. ერთი რამ ვიცი, მთელი ქვე-
ყანა რომ წინ ვადამიდგეს, მაშინ, რო-
ცა ტროლეიბუსში ვჯდები და შენსკენ
მოვდივარ, ვერ დამაკავენს. ამ ბოლო
დროს მიხვდნენ, რომ არაფერი გამოვა
და თავი გამანებეს. აკი მამაჩემსაც უთ-
ქვამს. ახლა იერიში შენზე მოიტანეს.
ბოლოს ყველაფერში დარწმუნდებიან
და შენც მოგეშვებიან.

სანდრომ კისერი გაინთავისუფლა,
ხელისგულები დაუკოცნა, სკამზე დას-
ვა და თავის ადგილს დაუბრუნდა.

— არც ასე იოლადაა საქმე. ცოტა
უნდა დავფიქრდეთ, საჭიროა.

ნანამ კვლავ მუშტებს დააყრდნო ნი-
კაბი.

— შენ მე გიყვარვარ, სანდრო?

— ძალიან.

— ჰოდა, მორჩა და გათავდა. სიყვა-
რული განსჯას და ბჭობას ვერ იტანს.

— სიცოცხლეს რომ მიჩრევენხარ,
სწორედ იმიტომ მინდა ყოველთვის
კარგად იყო.

— რას მთავაზობ ჩემი კარგად ყოფ-
ნისთვის, ბატონო სანდრო?

ბოლო ორი სიტყვა ნანამ გაღიზი-
ანებული ხაზგასმით წარმოთქვა.

— ნუ ბრაზობ. თუ გჯერა ჩემი, მო-
მისმინე.

— გისმენ, ნაფიცი მოწაფესავით.

— შენ იმდენად საყვარელი გოგო
ხარ, რომ ჩემთვის კისერგასივებულნი,
თმაგაცენილი, უწარბო კაცისთვის არც
კი მემეტები. მე შენ იმდენად მიყვარ-

ხარ, რომ შენ რომ რამე გაგიჭირდეს,
თავს მოვიკლავ.

— სენტიმენტების გარეშე მითხარი.

— მე არაფერი წინადადება არა
მაქვს. შენს თავს ვფიცავარ, მეც ისე
ვარ მთვრალი შენით, რომ განსჯის
თავი არა მაქვს, მაგრამ რალაც უნდა
მოვიფიქროთ. ეს შენთვისაა საჭირო,
თორემ ჩემი თავი ჯანდაბას. მე არც
მომავალი მაქვს და არც ხვალისდელ
დღეზე ვფიქრობ.

— მამაჩემი სანამ განახავდა, არ ფიქ-
რობდი ჩემს მომავალზე?

— ვფიქრობდი, რატომ მელაპარაკე-
ბი ასე გამომწვევად?

— ვიჩხუბოთ სანდრო? — ნანას ტუ-
ჩები უთრთოდა.

— არა. ვილაპარაკოთ. ბოლოსდაბო-
ლოს შენ უნდა გათხოვდე და შენს
გზას ეწიო.

ნანა წამოდგა. ხელები თოჯინასავით
გააქან-გამოაქანა, გაიცინა და სარკეს-
თან დადგა.

— დიდი მადლობა ზრუნვისათვის,
სანდრო. საქმროს შერჩევაშიც ხომ არ
დამეხმარებოდი?

— აი, ხომ ხედავ, შენთან ლაპარაკი
არ შეიძლება. ვიტყვი, რაც სათქმელი
მაქვს და მერე, როგორც შენ გსურს,
საერთოდ, ისე მოვიქცეთ. მე შენ მიყ-
ვარხარ, გესმის?

— ეგ სიყვარულის ხმა არ არის, სან-
დრო.

— სწორედ რომ სიყვარულისაა.

— შენ შარშან, გუშინ ამ დროს, ასე
არ ლაპარაკობდი.

— დღეს მამაშენი იყო მეთქი ჩემ-
თან. ჩვენ ორივენი მამაკაცები ვართ.

— კეთილი, მამაჩემი ყველაფერში
მართალია. მამაჩემს სურს შენ ჩამოგ-
შორდე, ცოტა ხნის შემდეგ, როცა,
როგორც თვითონ ამბობს, ყველაფერი
გამივლის, მოვძებნო ვინმე ჩემი შესა-
ფერისი და გაეთხოვდე, მაგრამ შენ?
შენ შეგიძლია მშვიდად იყო იმ დროს,
როცა მე ქორწილის ცერემონიალს
გავითამაშებ, როცა გრძელი, თეთრი კა-

ბით და თაიგულით სხვის გვერდით სა-
ქორწინო სახლის კიბეზე ავალ?

— ჩემთვის ეს ძალიან მძიმე იქნება,
მაგრამ უნდა გავუძლო.

— შენ ხომ არ გაგიყდი, სანდრო, ამას
შენ ამბობ? რას უნდა გაუძლო, მე
რომ სხვის საძინებელ ოთახში ჩემი ფე-
ხით შევალ? ეს შენ არ მეკითხები
ყოველდღე? ამ და ამ საათიდან და ამ
წუთიდან სად იყავი? შენ არ გიწით-
ლდება ყურები მე რომ ქუჩაში ვაყს
მივესალმები და ყელში მოწოლილი
ბოღმით არ მეკითხები, საიდან იცნო-
ბო?!

— დამშვიდდი, ნუ ყვირი. ეგ ყველა-
ფერი ეგრეა, მაგრამ ბოლოსდაბოლოს.

— რა ბოლოსდაბოლოს?

— შენ ჩემი თაობის გოგო არა ხარ.
მე, ხვალ თუ ზეგ, დაებერდები.

— ეგ შენი სიტყვები არ არის, სან-
დრო. შენ ხვალ დაებერდები თუ ზეგ,
ამას მნიშვნელობა არა აქვს. მე ახლა,
ამ წუთში ბედნიერი ვარ შენთან და
სხვაზე არაფერზე ვფიქრობ.

— მაგრამ შენ ხომ მთელი ცხოვრება
წინა გაქვს.

— მიჩუქნია შენს მიღმა დარჩენილი
მთელი ცხოვრება იმისთვის, ვისაც ძა-
ლიან უნდა.

— უფრო კონკრეტულად ვილაპარა-
კოთ. ჩემთან შენი ურთიერთობა, თავი-
დანვე გითხარი, უპერსპექტივოა.

— რა პერსპექტივაზე ლაპარაკობ.
მე შენ მაღაზიაში არ მიყიდინხარ და
არც მოლაპარაკებების დრო გვქონია.
მე შენთან ყოფნა მინდა და ვარ.

— მაგრამ ხვალ? როცა წლები გაირ-
ბენს და რაღაც-რაღაცეები შენთვისაც
გვიან იქნება?

— ნუ მაშინებ, სანდრო, გეხვეწები.
როდის გახდი შენ ასე საზოხრად შკვი-
ანი და პრაქტიკული.

სანდროს თვალზე ცრემლი მოადგა,
მან მშვენივრად იცოდა, რომ სისულე-
ლეს ამბობდა, მაგრამ უკანდახევა არ
შეეძლო.

— შენთვისვე, ჩემო ძვირფასო.

ნანა წამოხტა, უკნიდან შემოუარა და
თვალებზე ხელი ააფარა.

— ძალიან გთხოვ, მითხარი რომ ნუშ-
რობ!

— მე არ ვხუმრობ, ნანა.

ქალიშვილი დივანზე დაემხო და აქ-
ვითინდა.

— მე ვიცი ახლა გძულვარ, მაგრამ
ოცი წლის შემდეგ ამ დღის მადლობე-
ლი იქნები. ეს მე მივდივარ სასიკვდი-
ლო მსხვერპლზე შენი გულისთვის.

— არა! არა! არა!

ნანამ მუთაქას ხელები დაუშინა.

— დაწყნარდი. ესა ხარ სუთულ? აქი
ყველაზე ჭკვიანი გოგო ვარო, — სან-
დრო დივანზე ჩამოჯდა და აცახცახე-
ბულ მხრებზე ხელით ჩამოჰყვა, — რა
გითხარი ასეთი, მე შენს გვერდით ვარ
და არსად წასვლას არ ვაპირებ.

— შენ... როგორ შეგეძლო... თურმე
ჩემს გათხოვებასაც შეეგუებო.

— შევეგუები თუ არა, ეგ სხვა საქ-
მეა. შენი მომავლისათვის კი ეს აუცი-
ლებელია.

— ვის? ვის? მე შენს იქეთ ვერა-
ვის ვერ ვხედავ. ყველა მამაკაცი ნერ-
ვებს მიშლის. მზადა ვარ ქუჩაში უტი-
ფრად მოჩერებულს მივუბრუნდე და
თვალები ამოვკორტნო!

— ეგ ახლა გეჩვენება.

ნანა წამოჯდა და თვალები თითებით
შეიმშრალა.

— მე არც ისე პატარა გოგო ვარ,
რომ რაღაცეები მეჩვენებოდეს. ჩემი
ტოლი ბიჭები ნერვებს მიშლიან. დე-
გენერატებად მეჩვენებიან და მათთან,
შენთვისაც ბევრჯერ მითქვამს, მკაცრი
მასწავლებლის დამოკიდებულება მაქვს.
მინდა ხანდახან ყური ავუწიო.

— ესეც დროის ამბავია. გაივლის.

— სანდრო, — ნანა ჭერს შესცქერო-
და და კარგა ხნის შემდეგ მიაბრუნა თა-
ვი სანდროსკენ, — სხვებიც ასე ამთავ-
რებენ? ასე ცუდად?

— ჩვენ არაფერს არ ვამთავრებთ.
უბრალოდ ვსაუბრობთ, ხომ გითხარი.
საერთოდ, შემთხვევათა მსხვერპლია
ადამიანი.



— ეს როგორ?

— ჩვეულებრივად. ჩემი და და სიმე რომ ალუიროში არ წასულიყვნენ, ამ თოთხსაც არავინ დამიტოვებდა. თუ ეს თოთხი არ მექნებოდა, მე მგონი, შენც არ მეყოლებოდი.

— არ გამაგიჟო, ახლა რაღაც დიდი საშინელება წამოიწყე.

— როცა თავისუფალი ბინის გასაღები ხელთ მქონდა, მე შენ გამოგივინე.

— ბატონო?

— სწორედ იმ თვალთ შეგხედე ინსტიტუტის ვესტიბიულში, რის საშუალებასაც თავისუფალი ბინა და გასაღები მძღვლედა.

— უარი რომ მეთქვა და აქ არ წამოგყოლოდი?

— მაშინ, ალბათ, სხვას ვეტყვოდი.

— სანდრო!

სანდრომ გაიცინა. გადმოატრიალა, თვალები დაუკოცნა.

— ჩემი სულელი გოგო. აი, რა ადვილად შეიძლება შენი ვაგიყება. ხომ იცი, როგორ მიყვარხარ. არაფერი არ დაიჯერო. მე შენთვის არაფერი მითქვამს.

ნანა მოშვებული იწვა. განძრევის თავიც აღარ ჰქონდა. ალერსს მარტონი მით პასუხობდა, რომ სანდროს ტუჩებს თავის ამობურცულ, კახაბალივით წითელ ტუჩებს შეაგებებდა ხოლმე.

სანდრო წამოდგა, ხალათი და შლოპანცები გამოიტანა და დივანთან დაუწყო.

— შედი აბაზანაში. შენთან ყოფნა მინდა.

არაბულ ტახტზე იწვნენ. ნანა სანდროს მარცხენა გვერდს ჩაჰკვროდა, მორგებულ-მიწებებულს სწორედ იმ ადგილას ედო თავი, სადაც კაცის გულისცემა ყველაზე მკაფიოდ ისმის ხოლმე. ქალიშვილს ყურში უბრაგუნებდა ვაჟკაცის მშფოთვარე, დაღლილი გული. სანდროს მარჯვენა თავკევე ამოედო...

კაცმა მარჯვენა გაინთავისუფლა, სკამის საზურგეზე დაკიდებულ ელექტროსაათს მისწვდა და დახედა.

— გეჩქარება, რასაკვირველია ძილბურანიდან თქვა ნანამ

— შეიძლე შენ უნდა ვიყო.

— ფეხბურთია, რა თქმა უნდა.

— არა, ფეხბურთი არ არის. უნგრელი სტუმრები უნდა მეწვიონ.

— უნგრელები თუ არა, ჩეხები მაინც იქნებიან.

— მართლა. შენ თავს ვფიცავარ.

— ცოტა ხანს ვიყოთ, გეხვეწები, ოც წუთში წავიდეთ. რაღაც თავი მტკივა. დამაწყვიტე ნერვები.

— სულელი ხარ, შენთან ადამიანურად ლაპარაკი არ შეიძლება.

— რას ეძახი ადამიანურად ლაპარაკს?

— რატომ არ გესმის. რატომ გინდა ჩემი სიკვდილი. შენ რომ ცუდად იყო, ხომ იცი, თავს არ ვიცოცხლებ.

— კარგად რომ ვიყო, ამისათვის რა, დავუჯერო მამაჩემს და დედაჩემს?

— მე შენ კუბოს კარამდე მეყვარები, მაგრამ...

— რა მაგრამ, სანდრო? — ნანა წამოჯდა და პრიალა, სწორი შავი თმები უკან გადაიგდო.

— არ შეიძლება რაღაც-რაღაცებს ანგარიში არ გავუწიოთ.

— ისევ დაიწყე?

— ნანა, შენ ახლა ბავშვი ხარ. ხომ გეუბნები, დრო გაივლის და მერე, როცა ყველაფერი განელდება და ტკბილ მოგონებაში გადავა, პირველი შენ დამდებ ბრალს; რატომ შემეყოლიეთ.

— რა განელდება, სანდრო? — ნანა გამშრალი ხმით ეკითხებოდა.

— ახლა შენ ამაზე ფიქრიც არ გინდა, მაგრამ, სამწუხაროდ, ყველაფერი ძველდება და ქრება. ერთ მშვენიერ დღეს შენ თვითონვე აღმოაჩენ, რომ თურმე უკვე მოგწყინდი.

— შენ? მე?

— ჰო, შენ რომ წიგნები წაგიკითხავს და კინოები გინახავს, უღროოდ შეწყვეტილი სიყვარულებია. სიმძაფრე, ცრემლი და დრამატიზმი სწორედ იმას

ახლავს. აბა დაეხატა შექსპირს რო-
მეოსა და ჯულიეტას სასიყვარულო
ურთიერთობა მათი ქორწინების მეოცე
წელს ყველაფერი რომ ნორმალურად
განვითარებულყო? ეს იქნებოდა
მთქანარებისმომგვრელი, მოსაწყენი ამ-
ბავი.

— რატომ გავიწყდება, რომ მე ახლა
ოცდაერთი წლისა ვარ და ჩემს და
ჩემს გონებას ფიქრიც არ შეუძლია იმ
სასიყვარულო სიბრძნეზე, რითაც შენ
ასე გულმოდგინედ მაშინებ.

— ვიცი, მესმის, მაგრამ ცოტათი
ხომ უნდა დამიჯერო.

— და რა გავაკეთო?

— უნდა შეუშვა თავში იმის ფიქრი,
რომ ყველაფერსა აქვს დასაწყისი და
დასასრული.

— ვთქვათ დავიჯერე. ამით რა შე-
იცვლება?

— არაფერი... საერთოდ... გეცოდინ-
ება...

— მე რომ დავიჯერებ, სიყვარული
თანდათან ნელდება და ქრება მეთქი,
ხომ იცი, იმ წუთიდან ცოტათი უფრო
ნაკლებად მეყვარები. შენ ეს გინდა?

— არა. აი, მე მჯერა, მაგრამ ამის
გამო „ცოტათი უფრო ნაკლებად“ არ
მიყვარხარ.

— გახსოვს? შენ ერთხელ მითხარი;
სიყვარული თანდაყოლილი თვისებააო,
სიყვარულის ნიჭი ყველას არ დაყვე-
ბაო. ადამიანთა საკმაოდ დიდი ნაწილი
თავიდანვეა განწირული უსიყვარულო-
ბისთვისო. მართლა ასეა?

— კი.

— მერე მე ხომ ბედნიერ უმცირესო-
ბათა შორის ვარ. მიყვარხარ და რატომ
გინდათ შენ, მამაჩემს, დედაჩემს —
ყველას ვინც ჩემს ირგვლივ ტრია-
ლებთ, დამიპატარავოთ, გამიქარ-
წყლოთ, პრაქტიკული სისულელეებით
დამინაგვიანოთ ეს წარმოუდგენელი
ბედნიერება — სიყვარული?

— ამის გაქარწყლებას ვერავინ შეძ-
ლებს. ჩვენ უბრალოდ გვინდა გაგახსე-

ნოთ, რომ სიყვარულის გარდა არსე-
ბობს, იქნებ არც ისე მთავარი, მაგალი-
ძალიან მნიშვნელოვანი რამ — ცხოვ-
რება.

— განა სიყვარული ცხოვრება არ
არის?

— სიყვარული რაღაც უფრო მეტია.
უფრო სწორად ცხოვრება სიყვარულის
გარდა ისეთ წვრილმანებსაც მოიცავს,
როგორიცაა „სასურსათო პროგრამა“
და ლატარიის ბილეთი.

— მაგით რა გინდოდა გეთქვა?

— რაც მინდოდა, უკვე ვთქვი.

ნანამ დაამთქანარა და კედლისკენ
შეტრიალდა. სანდრო ზურგზე მიეკრო.
ქალიშვილის ტანი სასიამოვნოდ გრი-
ლი იყო.

— ნუ მიბრაზდები, თუ ჩემი სი-
ცოცხლე ხარ. შენთან ყოველი შეხვედ-
რის ღროს ის ფიქრი მიღრღნიდა
ტვენს, რომ არ მქონდა შენს ცხოვრე-
ბაში ასე ღრმად ჩარევის უფლება.

— სიყვარული და უფლება ერთმა-
ნეთს ხომ იცი, ვერ ეწყობიან.

— ეგ მართალია, მაგრამ შენ ისეთი
ანგელოზი ხარ, ასე მგონია, მარტო
შენს წინაშე კი არა, მთელი ქვეყნის
წინაშე ვარ მეთქი დამნაშავე.

ნანა გადმობრუნდა, ორივე ყურში
ჩააფრინდა სანდროს და სახეში ჩასძახა:

— გეხვეწები, შეწყვიტა ეგ ლაპარა-
კი!

სანდრომ გაიცინა:

— ასე მგონია სანდრო კი არა, უც-
ხო ვიღაც ხარ, გაზეთის მოწინავედან
გადმოსული და მამაჩემის დარიგებუ-
ლი.

— ცოტა ასეც არის, მამაშენთან
საუბრის შემდეგ, რაღაც ჩაწყდა ჩემს
გულში, რომ იცოდე.

— შეგიძლია, სანდრო ერთი რამ შე-
მისრულო?

— ჰო.

— ახლა მე ჩავიცვამ და ძალიან
გთხოვ, სანამ წავილოდე, არც ერთი
სიტყვა არ მითხრა. არცერთი სიტყვა.

გადაბრუნდი და ჩემსკენ არ გამოიხედო. ახლა შენი ხმა რომ კიდევ გავიგონო, ყელის ძარღვს გადავიჭრი. ერთი დღისთვის ძალიან ბევრია. წავალ ახლა მე და ვიფიქრებ. არ შეგეშინდეს, სისულელეს არ ჩავიდნ. ხვალ, თორმეტ საათზე, დავირეკავ და ყველაფერს გეტყვი.

ნანა აუტანლად დიდხანს იცვამდა სანდროს მისკენ არ გაუხედავს. როცა კარმა გაიჭრიალა, წამოხტა.

კარებში გადაეხვივნენ ერთმანეთს.

ლიფტი რომ ამოვიდა, ნანამ ხელი დაუქნია და ლიფტში გაუჩინარდა. სანდრომ ფანჯარა გამოაღო და ქუჩას დააჩერდა. ორ წუთში ნანა სადარბაზოდან გამოვიდოდა, ხელს დაუქნევდა და ტროლეიბუსის გაჩერებისკენ წავიდოდა. ნანას მალა არ ამოუხედავს, თავჩაქინდრული მიიჩქაროდა გაჩერებისკენ.

სანდრო შემობრუნდა, ხალათზე ქა-
მარი შემოიჭირა და სარკეში ჩაეხედა.
თვალები ცრემლით ჰქონდა სავსე.
მინაწერი: ამ ნოველას ფინალი არ აქვს.

დამერწმუნეთ, თვითონაც არ ვიცი რა იქნება ხვალ. რა გზას დაადგება ნანა, ან ინანებს თუ არა სამუდამოდ იმდღევანდელ საუბარს სანდრო.

გიოხრათ სიმართლე, ცხოვრების ორომტრიალის შემყურე, მეც დავიბენი. თქვენ როგორ ფიქრობთ, როგორ აჯობებს ამ ორი ადამიანის სიყვარულის ხვალინდელი დღის გათენება ამ დაულავებელ ცისქვეშეთში?

ჰოდა, როგორც თქვენ გაგებხარდებათ, ისე იყოს.

მე რომ ამ თავსატეხის ამოხსნა შემეძლოს, თქვენზე უკეთეს ვის ვეტყობდი.

თ ე ბ ე რ ვ ა ლ ი

— გოგო, ადამიანურად გავლა არ შეგიძლია შეენ?

— რა იყო ბაბუა?

— აბა, თექვსმეტი წლის გოგოს ასე ბრიგინ-ბრიგინით სიარული გამიგონია?

— მეჩქარება, ბაბუა, ოთხზე სკოლაში უნდა ვიყო.

— რა გინდა ოთხზე სკოლაში?

— შეხვედრა გვაქვს.

— სულ რავე გეჩქარება. შეხვედრა გუშინ არ გქონდათ?

— გუშინ რეპეტიცია გვქონდა, ბაბულია.

— ციალა!

— რა იყო?

— ნელა იარე, შე გადარეულო, ამომაგვა გული. ნუ გეშინია, არ გაგექცევთ შეხვედრა არსად.

ციალა შეჩერდა, ჩანთა მარცხენა ხელში გადმოიტანა, ცვილისფერი პალ-

ტოს ჩაბრუნებული საყელო ნიკაპთან ამოაცოცა, ქუსქუსით მომავალ ბაბუსა გამოხედა და ზუსტად ისე მოიქცა, როგორც მისი ასაკის გოგონებმა იციან წყენის გამოხატვა; მუხლებში ორჯერ ოდნავ ჩაიკეცა და გაიმართა.

თებერვალი იწურება.

ზამთარმა კული მოიქნია და მესამე დღეა ჰყინავს.

თვის დასაწყისში მოულოდნელად დათბა. თოვლი სწრაფად გააღწო და ლობისძირებსღა შეატოვა ზამთრის მოგონებად. გოჭოურას უასფალტო შესახვევებში თოვლ-ჰყავი გამეფდა. გუბეები და სარდაფები წყლით აივსო. ფეხით მოსიარულეთათვის ყველაზე უსიამოვნო დღეები დადგა და აი, ამ ბოლო დროს, ყინვამ მოუჭირა. გუბეებს თხელი გამჭვირვალე აკი გადააქრა, მაგრამ ყინულის სქელ ფენად ვერ აქცია. ფეხის დადგმისთანავე ყინული

ობზარება და წყლით იფარება. მანქანებითა და კარეტებით დახაზული მიწა გააქვავა და, მართალია, ტალახით მოსკრის საშიშროება აღარ არის, მაგრამ დიდი სიფრთხილე გმართებს, ფეხი არ დაგიცდეს და ყინულს შენი სხეულის ნაწილები არ დაახატო.

დიდი სამამულო ომის ვეტერანი ებიფანე ლომსაძე თავის „გადარეულ“ შვილიშვილს ფეხდაფეხ მიჰყვება და ისე ტუქსავს, რომ სხვა გამვლელებმა ვერაფერი შეამჩნიონ, ხოლო ცილა ზოგჯერ შეჩერდეს, მუხლები შეატოკოს და ბაბუას იძულებულის სახით დაელოდოს.

ებიფანე ნაბიჯს არ უჩქარებს, თავმოყინულ გუბებს შემოუვლის, მოლიპულ მიწას ფეხით მოსინჯავს; ხომ არ სრიალებსო, და მიუხედავად ცილას ბუზღუნისა, დინჯად, მძიმედ მიაბიჯებს. მისი ასაკის კაცებს აღარ შეჰფერით („აღარ შეჰფერით“, იქნებ მთლად ზუსტი გამოთქმა არ იყოს) ლაღი და გაბედული სიარული, როცა შენი მუხლების იმედი გაქვს და თუ წაიქცევი, არც ამით დაგიშავდება რაიმე.

ეზოებში ნაზამთრი მამლები ძიძგილაობენ, ღობესმომდგარი იხვები ფრთებს აბათქუნებენ და ნაცრისფერ ცას შეჩერებული, უსაქმობით დაღლილი ძაღლები ამტყნარებენ.

— ცხონებულმა ბებიაშენმაც მაგნაირი, მეველესავით სიარული იცოდა, მისგან გამოგყვა შენც. გამიგონია ქალის ამხელა ნაბიჯებით სიარული, ბაბუკა?

— რა ვქნა აბა, როცა მეჩქარება ასე ვიარო ასე? — ცილა ფეხის წვერებზე იწევა და გავის თამაშით ზანტად მიიწმარუნება, ჩანთას საკარცხულივით მიიქნევს.

— წესიერად გაიარე, გოგო. ნუ მაიმუნობ, თვარა გამოძრჩევი კაი წკნელს კოჭებში! — წყრება ებიფანე.

— რა ვქნა აბა, ბაბულია. მეჩქარება, იცი რას ჰქვია „მეჩქარება“?

— თუ გეჩქარებოდა, დავეტყობდი სახლში. არ მჭირდებოდა შენი რობა-რავარცხა იყო, მოვიტანდი ხორცს ნელა, უშენოდ.

— ა, შენ არ მითხარი, წამოდი დაღლილი ვარ, მეშინია, გული არ შემეწუხდესო?

— არა ხარ კაი გოგო, ბაბუა, არა. ასეა ეს. წალმართიანად არ მიეხმარები კაცს არაფერში.

ამ ლაპარაკით ჩავიდნენ ეზოში. ცილამ ჩანთა სამზადში შეაგდო და კიბეორი ნახტომით აირბინა, ვიოლინო გამოარბენინა და ჭიშკრისკენ გაიქცა. ებიფანემ თვალი გააყოლა, ხელი ჩაიქნია და ბლის ქვეშ, ლურჯადშეღებულ ძელსკამზე დაეშვა.

სამზადიდან წინსაფრიალმა რძალმა გამოხედა, იხვებს როფოში ღერძილის ნარეცხი ჩაუსხა და ებიფანეს შეეხმიანა.

— გეიქცა ეს თხაბელა? ხვარ გიჩხუბიათ კიდევ?

— არა, ბატონო, არა. რა ქნას მავანაც. ეჩქარებოდა და დამაწყვიტა მუხლები. შეხვედრა ჰქონიათ დღესაც, — ებიფანეს მუხლებზე ხელები ეწყო და შორს უჭიმერიონის თავზე წამოჭიმულ, შავთეთრად დაღარულ ხვამლის მთას შეჰყურებდა.

მეხუთე თვე დაიწყო, რაც გოჭოურაში სერგეი ლაზოს ქუჩაზე, აბანოს გვერდით, ომის ვეტერანთა მაღაზია გახსნეს. მაღაზია უნივერსალური გახლავთ; ეს იმას ნიშნავს, რომ სურსათიც იყიდება და სამრეწველო საქონელიც. ამ კეთილშობილურ დაწესებულებას კარგად ამარაგებენ და ამიტომ, შესასვლელთან, ყოველთვის ხალხმრავლობაა. შესასვლელთან მეთქი იმიტომ მოგახსენებთ, რომ კარებთან ისინიც იკრიბებიან, ომში მონაწილეობა რომ არ მიუღიათ, მაგრამ დიდი სურვილი აქვთ ისარგებლონ ვეტერანთათვის განკუთვნილი ამ სიყვით. მაღაზიაში შესვლა, რაღა თქმა უნდა, ვეტერანთა წიგნაკებითაა, თანაც ომის მო-

ნაწილემ პირადად უნდა წარმოადგინოს საბუთი. მოგეხსენებათ, ვეტერანის მოწმობის სხვაზე გადაცემა არ შეიძლება. კარებში მდგარი, წითელსამკლავურიანი მორიგე-ვეტერანი მკაცრად იცავს დადგენილ წესს და, მიუხედავად ზოგი ენაჭარტალა მოქალაქის პროტესტისა („შეგვივი ჩვენი, / რა მოხდა, ბოლოსდაბოლოს, ჰამა ერთნაირად უნდა ვეტერანსაც და წვევამდელსაც...“), დახლთან მომხმარებლად ყოველთვის ჩვენი სახელოვანი, ტყვიის წვიმასა და ქარცეცხლში გამოვლილი მოხუცები დგანან.

ზის თავის მამაპაპეულ ეზოში ეპიფანე ლომსაძე და, რა დაუჯერებლადაც უნდა მოგეჩვენოთ, ლაფაროში, უნაბის გასწვრივ, განმარტოებით მდგარ თეთრთავა ინდაურზე ფიქრობს. იმ ინდაურმა დილით უეცრად მოიწყინა. წყალში ჩამბალ შავ პურს ერთი-ორჯერ უხალისოდ ჩაჰკრა ნისკარტი, მერე განზე გადგა და ქრიამულ-ალიაქოთით როფოს მისეულ ინდაურებს და ქათმებს მიაჩერდა. ეპიფანეს რძალმა, ნანულიმ სცადა ხელით დაეპურებინა უქეიფოდ მყოფი ინდაური, მაგრამ განგისპირას გაჩენილი ფრინველი, გაჯიუტდა. თავს ისე მოხერხებულად იძვრენდა ნანულის თითებიდან, რომ ქალმა მხოლოდ ორიოდ მსხვილი ლუკმის ჩატენვალა მოახერხა ინდაურის მოჩვარულ ნისკარტ-ჩიჩახვში. ხელი რომ გაუშვეს, ერთი-ორჯერ უქმაყოფილოდ ჩაიკრახუნა, აქაოდა, რა დამამცირებელი მეთოდით მასაუზმესო. მსხალსა და ლაფაროს შუა გაირბ-გამოირბინა, მერე ბუმბული აიბურდა და თავის გემოზე სვენებ-სვენებით დაილაგა. ახლა ისევ ლაფაროში დგას. აშკარად ეტყობა უგუნებობა, თვალს დახუჭავს, ფრთებს ჩამოყრის და თვლემამორეული წაბორძიკდება. ფეხს წადგამს, კისერს წაიგრძელებს და, თითქოს, რა მოხდაო, ირგვლივ მიმოიხედავს. მერე ისევ უპატარავდება კისერი, კვლავ ელულებს თვლები და,

რაც ყველაზე უსიამოვნოა, ფრთხილ-ნელა უტყურდება მობუზულ ბიდან.

ეპიფანეს შესცივდა, ხელები ერთმანეთს გაუსვ-გამოუსვავა, თითის წვერები პირთან მიიტანა და დაიორთქლა. რეზინის მაღალყლიან ჩექმებში თითები აათამაშა და ქუსლები ერთმანეთს მიარტყა. ერთხანს შუბლსა და დაფანჩულ, თეთრ წარბებზე ისვა ხელი, მერე ძველთაძველ, ზევითშეკრულ დაბამულ ქულს ნასკვი გაუსხნა და ყურებზე ჩამოიწია. ნაცრისფერი, ოთხად გაკეცილ-დაუთოვებელი ცხვირსახოცი ამოიღო, გულმოდგინედ გაშალა, დაფერთხა, ჯერ სიცივისგან ცრემლჩამდგარ თვალეში ამოისვა, და მერე ისეთი ხმაურით მოიწმინდა ბადრიჯანისმსგავსი, ვეებერთელა ცხვირი, რომ ცალ ფეხზე მდგარი ავადმყოფი ინდაური შეკრთა და ორი ნაბიჯი უკან გადადგა.

დაიღალა ეპიფანე. დღეს მეორედ მოუწია სერგეი ლაზოს ქუჩაზე გასვლამ. დილით ნამგალაძის სიდედრმა წაიყვანა, იქნებ ყველი გამომატანივით, ეპიფანე ბატონო, თქვენი მაღაზიიდან, გრამი ყველი არ მაქვს სახლშიო. უარს ხომ არ ეტყოდა. გაყვა. ორმანეთიანი ყველი იყო, არა უშავდა, კილონახევარი თავისთვისაც აიღო. იცოდა, სამ საათზე ისევ მოუწევდა წასვლა ხორცს შესვენების მერე მივიღებთო. სკოლიდან მოვარდნილი ცილა აიშვავდა და ძლივს მიუსწრეს ხორცს. ადრე მოეტანათ და კიდევ გაყიდულიყო. ეპიფანეს რომ არ ემარჯვა და მაღაზიის კარებთან მორიალეთა ცრურთივი არ გაერღვია, აღარაფერი შეხედებოდათ. დღეს დეკეულის ხორცი მოეტანათ და ვეტერანები კვირის მარაგსაც ყიდულობდნენ. მაღაზია ხორცს, მართალია, ყოველდღე იღებდა, მაგრამ, ვინ იცის, იქნებ ასეთი, მაღალი ხარისხის ხორცი ამ კვირაში აღარც მოეტანათ.

— კაი გამარჯობა, ეპიფანე ბიძია:



— რომელი ხარ? — ვეტერანმა თავი ასწია, კიშკარსმომდგარ სტუმარს განედა. ხმა ეცნაურა, მაგრამ ცნობით ვერ იცნო.

— ტუხუ ვარ, ტუხუ!

— ტუხუ?

— გუბელაძე. ვერ მიცანი. ხვარ დაგვობერდი, ეპიფანე ბიძია?

— არც უმაგისობაა. შემოდი ეზოში, ტუხუა. რავა უცხოსავით ირჩები, ბიჭო, შენ!

ტუხუ კალისტრატე გუბელაძის ბიჭია. საწყალ კალისტრატეს შარშან თიქარი გაუმიზუნდა. ინფექცია შეეპრა და სისხლი მოეწამლა. ოპერაცია გაუკეთეს, მაგრამ ვეღარ უშველეს. ეს ერთი შვილი დარჩა. ტუხუ არაა გლანა ბიჭი. ფიზკულტურული დაამთავრა და საცურაო აუზის დირექტორად მუშაობს. სამი თუ ოთხი შვილი ჰყავს. ხელმოკლედ ცხოვრობს. რა ქნას აბა, გულითაც რომ უნდოდეს და შეეძლოს, რას მოიპარავს აუზში. ქუდი არ ახურავს. გრძელი, ლურჯი მოსასხამის ქვეშ ზურგსუკან დაუწყვია ხელები და შავ უღვაშებში ღიმილმიკარგული ისე გულდაგულ მოდის, გეგონებათ მასპინძელს რალაც გულგასახარი საიდუმლო უნდა აუწყოსო.

— ხომ ხარ ძველებურად, ეპიფანე ბიძია?

— ძველებურად სადაა, მარა ვუძლებ ჯერჯერობით, — ეპიფანემ სტუმარს ხელი ჩამოართვა — დაბრძანდი.

— დასაბრძანებლად რომ მეცალოს, კაი შენ, ჩემო ბიძია.

— დეისვენე პატარა, მეითქვი სული. სულ რავა გარბიხართ, ბიჭო, რა ხალხი ხართ თქვენ.

— მაინც ნახევარს ვერ ვასწრებთ, ეპიფანე ბიძია. ა, საქმეებს შევრჩი. იქეთური — აქეთური და სამსახურში კი არ წავსულვარ დღეს, — ამ ლაპარაკში ტუხუ მასპინძელს გვერდით მიუჯდა, წკნელი აიღო, შუაზე გატეხა, გრძელი ბოლო მოისროლა, მოკლე დაიტოვა და თითის წვერებზე ირტყამს.

— რას შობით მამაშენისას?

— მარტში სრულდება აგერ ა, თორმეტ მარტს. რალა დარჩა.

— თორმეტ მარტს იყო? მე რალაცა იქით მახსოვდა?

— თორმეტში, ეპიფანე ბიძია. თორმეტში დევიქეცი დე დევიმზე კაცი. კალე რომ მყავდეს, რა მიჭირდა. ხომ ავად იყო, მარა მაინც რამხელა იმედი ყოფილა სახლში. ახლა მთლად მარტო ვარ.

— აბა რავა გინდა, ახლა მალე ბოვშები წამეგესწრებიან.

— სანამ მაგენი ჭკუას ჩახვდებიან, მე ჩემი მომიგა.

— შენ მასე გგონია. ხელათ გადის დრო.

— რავა წესი, კი არ ვიცი. ზუსტად იმ დღეს უნდა გავაკეთო წლისთავი?

— რა დღე უწევს?

— ოთხშაბათია, მგონი.

— შეგიძლია გადაწიო შაბათამდე. სამი დღე იქით, აქეთ, არა აქვს მნიშვნელობა. ისე, ცა და ქვეყანას ნუ შეეღები. პატარა წლისთავი გააკეთე.

— ხარჯი ხარჯია, ეპიფანე ბიძია. მეზობლებს და ახლობლებს ხომ უნდა დაგიძახოთყენ, მარტო აქ გროვდება სამოც კაცამდე. რა ვქნა ახლა, თავს ვერ შევირცხვენ. როგორც წესია, ისე უნდა გავაკეთო. მეტს აღარაფერს მომთხოვს მამაჩემი.

— შენც მართალი ხარ.

— ცოტა ხანს ჩუმად ისხდნენ.

— ეპიფანე ბიძია, — სტუმარმა ცაში გაბარჯლულ კორკიმელს ააყოლა თვალი, — ერთ სიკვდილს ვათავებ, რომ გაწუხებ, მარა სხვა გზა არ მაქვს და უნდა მიშველო.

— ჰო, — ეპიფანემ ქუდი იმ მხრიდან აიწია, რა მხრიდანაც გუბელაძე იჯდა.

— რაცხა შარვალივით იყიდება, თურმე, თქვენს მაღაზიაში, შემიპაჩემმა გოგომ.

ვეტერანს გაეცინა.

რეზა მინჯვალაძე
ნოვოდელო



— მაგაზე გუშინწინ მე და ჩემმა შვილიშვილმა რაღმე დავბოცეთ ერთმანეთი. დამიყინა; შარვალი იყიდება, არიქა, არ გათავდესო. გავვარდით. რა შარვალი, რისი შარვალი, გალიფეა ოფიცრის, ჩემო ბატონო. სტაცა ცივლამ ხელი; ესაა, ამაზე გეუბნებოდით. რაა, გოგო, მე ვუთხარი, არ ამწიო ახლა ჭკუიდანთქვა, ამას ჩეიცვამ ქალიშვილი ქალი, სამხედროს გალიფე შარვალს შენ თქვა? თავი მეიკლა. ესაა ახლა მოდაში, ვიცი მეო. — რაკი ესაა მოდაში, ამით ჩემ ეზოში ვერ გევიღვი შენმეთქი. თუ ასე ძალიან გინდა, გიყიდი და გადაშენდი სახლიდან, ჩემმა თვალმა არ დაგინახოს, ჩემს ბარობაზეთქვა. დავაშინე ვითომ, ჩემი ჭკუით. ახლანდელ ბოვშებს შენ გადაათქმევინებ რამეს? შამემეხვია ყელზე, ჩემი ბაბუღია, ჩემი სიცოცხლე, თუ არ მიყიდი, თავს მევიკლავ ახლავეო. ვუყიდე, რა მექნა? სად ჩეიცვამ, გოგო, ამას, მე ვუთხარი, სადაც ჩევიცვამ მე ვიციო. ქე უყიდი სახლში, იმას ჩააცვამს ღედამისი? მეტი არ იქნა ჩემი მტერი.

— მაგ დღეში ვარ მეც, — დაიჩივლა ტუხუმ.

— კი ბატონო, წაყოლაზე რავე გეტყვი უარს, მარა ვარგა ასე?

— რაი?
— მივეუშვათ, ასე, ბოვშები თავის ნებაზე?

ტუხუს არაფერი უთქვამს, წამოდგა და წელში გაიზნოქა.

— მომკლა ამ წელმა, ამ უპატრონომ, დამტანჯა კაცი.

— იშიაზი გექნება.

— იშიაზი რომ მქონდეს, რა მიჭირს, მალის ამოვარდნილობა მაქვს.

— რამ ამოგიგდო, ბიჭო, მალა?

— რა ვიცი, ეშმაკი. ფარცხანაყანებში სვამსო, ვიღაც ექიმბაში, სინაურძე ყოფილა. მიხვალ და ჩაგიჯენსო ხელად.

— მერე?

— მევიცალე მისასვლელად?
— გესმის?! — სამზადი სახლის კარებს გასძახა ეპიფანემ.

კარებში ნანული გამოჩნდა.

— ტუხუს ჩაეყვები მალაზიაში წამას და მოგბრუნდები. ეს ინდოური ვერაა კარგად. საღამოსაც თუ არაფერი ჰქმა, დანა და მისი ჯანი.

— ჭირი თუ დაგვეცა, ის თქვი შენ, — ნანულამ თავსაფარი ლოყებქვეშ შეიკეცა.

— ჩაყობოდა რალაცა. ჭირი სადაა ამ ზამთარში, — ტუხუ გაეპასუხა.

ჭიშკარი გაიკეტეს და გზაზე რომ გავიდნენ, ტუხუმ ჰკითხა:

— წიგნაკი ხომ წამოიღე, ეპიფანე ბიძია?

— აჰა, აჰა, ისე ვინ შემისვებს. ჯიბეში მიდევს სულ.

ექვსს აღარაფერი აკლდა, რომ დაბრუნდნენ.

ყინვა ძვალ-რბილში ატანდა და ცის დასავალს ნარინჯისფერი დასდებოდა.

— ქარი იქნება ხვალ. — ეპიფანემ ჭიშკარს ხელი შეუყო და ურდული გადაატრიალა.

— ქარი გვაკლდა, — ყრუდ ჩაილაპარკა ტუხუმ და გაზეთში გახვეული გალიფე შარვალი იღლიაში ამოიჩარა.

— შემოდი ცოტა ხანს, წვევივასშმოთ პატარა, — გაეიმერულა მასპინძელი.

— შენ არ მომიკვდე, დასაჯდომად არ მეცალოს. ქუჩაში მიცდის ჩემი სულელი გოგო, ვიცი მე. რავე შეგაწუხებ, რავე დაგდალე, ეპიფანე ბიძია, ამხელა გზაზე. შენ შემოგვევლოს ჩემი თავი, — ტუხუ ჭიშკარს მოშორდა.

— კაი ერთი, თუ ძმა ხარ. აჰა, მეყოლე კარგად.

— დიდი მადლობა, გადამეხადოს, ეპიფანე ბიძია, — სახლისკენ წასულს დაადევნა სტუმარმა და ჩქარა გააბიჯა.

ის იყო ივანეშმა და სამზადში ტანტზეწამოწოლილს წასთვლიმა, რომ ეზოში ლაპარაკი მოესმა და მიაყურადა.

გარეთ ბნელოდა.

— ახლა მობრუნდა. მეტი ხანი არ არი. დაღლილია, მე ვერ ვეტყვი, შენი ჭირიმე — ნანულის ხმა იყო.

— არ გამოიმტრა ყელი, თავი მომეჭრება, — იხვეწებოდა სტუმარი.

— ა, ბატონო, მაგერ წევს და შენ უთხარი, — წყენა გაერია ხმაში რძალს, მაგრამ ჭიუტმა სტუმარმა, როგორც ჩანს, არ დაიშალა და მოხუცს თავზე წაადგა.

— ეპიფანე ბიძია, ოღონდ ახლა მიშველე და შენხელა სანთელს დაგინთებ, ხაკოიის სულს ვფიცავარ.

გაუკვირდა, ხმაზე როგორ ვერ ვიცანიო, ზაურ რევიშვილი, წყალსადენის მორიგე. ახლახანს ჩამოსახლდა ამ ქუჩაზე. დომენტი კვირკველიას ნახევარი სახლი იყიდა ჰესთან. ღორღოცა ხმა აქვს. ხმამაღალი ლაპარაკი იცის და ენასაც უკიდებს ოღნავშესამჩნევად.

— რა იყო, ბიჭო?

— სტუმრები დამეცნენ მოულოდნელად. ოთხი კაცი, რა ქვას ვეცე არ ვიცი. მაგენის ყბიდან ვერ ამოვალ.

— ახლა მევედი, ციალს გეფიცები, ჩამომწყდარი ვარ ფეხზე. რაღაცა გულიც ვერ მაქვს კარგად, — ეპიფანე ტახტზე წამოჯდა და მუხლებზე ხელი ჩამოისვა.

— კაი, ეპიფანე ბიძია, სხვას ვეწვივო რაღაცას. ვიცი, შენ ფეხზე რომ იყო, უარს არ მეტყოდი, — ზაურის ხმაში სასოწარკვეთა გაერია, კარებისკენ წავიდა და შემობრუნდა — მე რომ მათხოვო, მოწმობაა თუ რაღაცა, ეპიფანე ბიძია?

— არ შეგიშვებენ შენ, ბატონო, არა, — ყრუდ ჩაილაპარაკა ეპიფანემ — წამოდგა და ღრმად ამოისუნთქა.

— სადაა, გოგო, ქული?

— აგერ, ბატონო, — ნაწულიმ ქული მიაჩეჩა.

— კი მარა. თუ ავად ხარ... თუ დაღლილი ხარ... ეს რა მომივიდა... რაღა ჩემდა ჭირად, ახლა მევიდნენ მაინცდამაინც... ეპიფანე ბიძია... დარჩი თუ არ შეგიძლია, შენი ჭირიმე — ალუღლულდა სტუმარი.

— წამოდი, ბატონო, წამოდი. ვივლი რავარცხა იქნება. თუ მივუსწარიო, რომელია შენთან?

— შეიდი სრულდებოდა, სახლიდან რომ გამოვედი.

— მივუსწრებო, მე მგონია, რავე კეტავენ. გესმის? — ეპიფანე ნაწულის მიუბრუნდა, — მე თუ დამაგვიანდეს, ბოვშს გოუდექი. ჩამოსახვევთან დახვდი. არ შეაშინოს ვინმემ. რა შეხვედრები ოუტყდათ ამ სიცივეში. რა ქნა ინდაურმა?

— შეცოცხლდა პატარა. ვუყუროთ დილაძდე, რას იზამს.

— ჰამა?

— ცოტა წეიციცქნა.

— არ გვეზარალოს...

— შენი ჭირი წოულია — რძალმა სკივირიდან ხელთათმანები ამოიღო და გაუწოლა, — გაიკეთე მამა, თუ გიყვარდე, ჰყინავს.

— ვერ ვგუობ მაგ ოხერს, თვარა კაი შენ, — ზაურს შეხედა, — თურმე ახალგაზრდობაში რაცაა კაცი, ის დანარჩენა ბოლომდე; ხელთათმანებს ვერც ახალგაზრდობაში ვგუობდი. სტალინგრადთან რომ ვიბრძოდით, ოც გრადუს ყინვაში დახეთქილი მჭონდა თითები, მარა ხელთათმანი არ მიხმარია. აბა, წევიდით.

ჭიშკარს რომ გასცდნენ, მარჯვნივ, შუქაში რწევით მომავალი კაცი შენიშნეს, მოსახვევიდან გამოსულმა მანქანამ რომ მიანათა, ვეტერანმა ერთი გახედა, ნაბიჯს აუჩქარა და სალდაძის გარაჟს ამოეფარა. ზაური მიჰყვა.

— რა იყო, ეპიფანე ბიძია? — ჩურჩულით ჰკითხა.

— ის პარმენი არ იყო, სანდუხაძე?

— მე მგონი, რავე?

— არაფერი. მივდგეთ აგერ ერთწამას, ჩეიაროს. არ მინდა შევხვდე.

— ხვარაფერი გაწყენინა?

— რავე გეკადრებდა. მაწყინარი კაცია სალდაძე? მაგნაირი ტკბილი ბიჭი ამ მოსახვევში არ მეგულებოდა, მარა რა იყო იცი? ამ ერთი თვის წინ ოცი მანეთი ისესხა ჩემგან. არ დარჩა ხელზე, ალბათ, თვარა აქამდე მომიტანდა. არ მინდა ახლა პირისპირ შევხვდე. დეიმორცხვებს. საერაოდ, ეს იცოდე, ჩე-

მო ზაურო, თუ კაცს შენი ვალი აქვს, ზშირად არ უნდა შეეჩხირო თვალში, თორემ შეძულდება. ასე იცის ვალმა.

სალდაძემ ლილინით ჩაიარა. გარაქს-მიმალულებს არც კი გამოხედა, ეტყო-ბოდა, შეზარხოშებული გახლდათ.

სალდაძე რომ თავის ჩიხში მიიმალა, მეზობლები საფარიდან გამოვიდნენ და გზა განაგრძეს.

— აღარ მოგვეშვება, აწი ეს ზამთარი? — ეპიფანემ ჭიბიდან ხელები ამოიღო და დაიორთქლა.

— ჩვენ რა გვიჭირს, იქით ყოფილა გლახათ საქმე. ბათუმში რვა გრადუსი ყინვააო, რადიო ლაპარაკობდა ამ დღით.

— აუჰ, — შეიცხადა ვეტერანმა, — აბა დაახრობს ციტრუსებს, ხომ? რვა გრადუსს, ბათუმში ეხუმრები?

— თუ ქარი არ იქნა, შეიძლება ვერ დააზიანოს. თუ ქარი დაერთო, მეყო-ლიე კარგად.

სერგეი ლაზოს ქუჩაზე რომ გავიდ-ნენ, ლამპიონები გამოირთო. შეჩერ-დნენ.

რევიშვილმა უქიმერიონს ახედა და ჩაილაპარაკა:

— აქეთ, გამოდმა ჩააქვრეს, ხიდს გაღმა ქე ანთია.

— რაშია აწი საქმე?

— სულ ვიძახი, ასე ღამით გამოსვ-ლისას ფარანს ჩევიდებ ჭიბეშითქვა, მარა არ დამიყენეს ბოვშებმა, ვერ დაე-მალე ვერსად. „უუკის“ ხმა მეზარება და ამასწინათ გრძელი, კაი ფანარი ვი-ყიდე, ვერ მივაგენი. წეიღეს ალბათ და ან დაკარგეს, ან აჩუქეს ვიღაცას.

მთვარის შუქზე თავმოყინული გუბე-ები ლამაზად ჩანდა. სინათლის ჩაქრო-ბასთან ერთად ქუჩაში არაჩვეულებრივ-მა სიჩუმემ დაისადგურა. აქა-იქ ფან-ჯრებში მკრთალი ციალი დაჩნდა, მაგ-ნიტოფონ-ტელევიზორთა ხმაურისგანაც დაისვენა ყურებმა.

მალაზიამდე ბევრი აღარაფერი დარ-ჩენოდათ, დენი რომ ჩართეს. ღამის ქა-ლაქი ერთბაშად გაცოცხლდა, დაიძრა, ახმაურდა, თვალში გამოიხედა.

კარებთან მდგარ, წითელსამკლავო მორიგეს ეპიფანემ მოწმობა და რევიშვილზე ანიშნა.

— ჩემთანაა.

— ვხედავ, ბატონო, — მორიგემ „ბა-ტონოს“ რატომღაც ხაზი გაუსვა, მოწ-მობისთვის არც დაუხედავს, განზე გა-იწია და მოსულნი გაატარა.

ხორცი აღარ იყო. „ბრინზას“ ტიპის ყველი იყიდეს: ზღვის ბალახის კონსერ-ვები და ბულგარული მწნილი. გამოს-ვლისას მორიგემ ღონიჯი გაიკეთა და ეპიფანეს მწყურალად შეხედა.

— თქვენ სხვას უნდა არიგებდეთ „ტავარიშ პაღბალკოვნიკ“, ნამუსიც კაი საქონელია.

— რა არის? — ვეტერანს ჯერ ეგო-ნა მეხუმრებო.

— რა არის და ნამუსიც კარგი საქო-ნელია.

— მე მეუბნები? — ეპიფანეს სული შეეხუთა, გულმა დაქაჩა და რკინის მო-აჯირს მიეყუდა.

— თქვენ გეუბნებით სწორედ, მეოთ-ხეჯერ მოდიხართ დღეს. ამას ვიტყვი, სადაც საჭიროა.

— თქვი.

კიდეც უნდოდა რაღაც ეთქვა, მაგ-რამ ველარ მოახერხა, გარეთ რომ არ გამოსულიყო და ღრმად არ ჩაესუნთქა, ეგონა, გული გაუსკდებოდა.

სახლამდე ისე მოვიდნენ, ერთმანე-თისთვის არაფერი უთქვამთ.

რევიშვილი ხვნიშობდა. უნდოდა რო-გორმე განემუხტა ეს დაძაბულობა, მაგ-რამ არ იცოდა, რითი დაეწყო. სიტ-ყვებს ვერ პოულობდა. ჭიშკარს რომ მიადგნენ გულუბრყვილოდ ჰკითხა:

— სულ მინდოდა მეკითხა. ომში რა-ვა იყო ჯანმრთელობის საქმე. სიტყვა-ზე, მაგალითად, თუ არ დაიჭრებოდი, ისე ხდებოდი კაცი ავად?

ეპიფანემ კარგა ხანს არ უპასუხა. ჭიშკარი გააღო, ეზოში შევიდა. გაშ-ლილი ხელები მესრებს ჩასჭიდა და ჩუმად თქვა:

— ომის დროს... რა ვიცი... ახალგაზ-

რდა ვიყავი. მაშინ ფქრის დრო სად გვექონდა.

იმ ღამით ებიფანე ცინცაძემ ვერ იქნა და ვერ დაიძინა.

გული დამძიმებოდა. ვალიდოლმა ენა გაუთეთრა, პირში მლაშე გემო დაუტოვა, გულზე დადებული ლოდი კი ვერა და ვერ მოიშორა.

საწოლზე წამოჯდა. მამლის პირველ ყვირის წამომჯდარი შეხვდა.

თავის ავადმყოფობაზე სიტყვა სოდე სოდეს დაუძრავს და არც ახლა დოდა შეილ-რძლის შეწუხება.

როდის-როდის ფეხები რომ გაუთბა და გაუხეშებული ენა დაურბილდა, ძველი მაზარა მოისხა, ნიფხავ-პერანგის ამარა მაგიდას მიუჯდა და წერა დაიწყო.

წერდა დიდხანს, სვენებ-სვენებით, იმაზე რაც აწუხებდა და რაც არ შეიძლებოდა მავანთა ყურადღების მიღმა დარჩენილიყო.

კ ი ა ზ ო

აგაბო, როგორც კი თვალი ჰკიდა კიბეზე აჩა-ბაჩად ჩამომავალ კიაზო თვალავაძეს, გველცემულივით შემოტრიალდა და დერეფანს ლამის სირბილით გამოუყვავა. ანატომიის კაბინეტის კარს მიაწვა, მაგრამ, მისდაიბლად, მაინცდამაინც ახლა აღმოჩნდა დაკეტილი კაბინეტის მუდამ მოღიავებული კარი. „ეტყობა ვერ დამინახა; გადავრჩი“, გაიფიქრა მან და ნაბიჯს აუჩქარა. სამასწავლებლოს ჩაუარა. იქ რომ შესულიყო, კიაზო სამასწავლებლოში უეჭველად მოძებნიდა. დერეფნის ბოლოში, ცეკვა-აქრობატიკის დარბაზის ღია კარში ტუცა თავი და კარიც მოიკეტა. ღრუბლის ხალიჩაზე სამი გოგონა მეცადინეობდა, სამივეს ე. წ. „შპაკატი“ გაეჭიმა და წინა, მარცხენა მუხლთან ლამაზი თავების მიტანაში ვარჯიშობდნენ. აგაბოს ერთი გამოხედეს, ამოიხვნეშეს და კვლავ თავიანთ სერიოზულ საქმიანობას დაუბრუნდნენ. მესამე კურსელები იყვნენ. ორ კვირაში ავტორიტეტის სხელმწიფო საგამოცდო კომისიის წინაშე წარდგომა ელოდათ.

აგაბომ იანგარიშა, სასწავლო ნაწილის გამგე უკვე ჩაივლიდა და ის იყო, საფარიდან გამოსვლას აპირებდა, რომ კარს ვიღაც მოაწვა და ფანჯარასთან მირბენილ აგაბოს ავტომატის ჭერივით მიაყარა:

— აგაბო, აქ ხარ, კაცო? მოვეკვი შენი ძებნით.

— შენ ხარ? შემთხვევით შემოვიხედე... ცარცი გამითავდა... წვიმას აპირებს, — სიტყვებს ეძებდა ბავშვივით დაბნეული „მსხვერპლი“.

კიაზომ ხელი გამოსდო, დარბაზს გამოარიდა, დერეფანში გამოიყვანა და სწორედ იქ, სადაც ეროვნული ილუზიონის პიონერის — შაპრუპ დეისაძის ბიუსტი დგას, შეაჩერა და ჰკითხა:

— რა ჰქენი ჩემი კორკიმლის?

— ხომ გითხარი, გავაკეთებ, ჯერ ვერ მოვიცალე, — დამნაშავეის იერით განზე გაიხედა აგაბომ.

— ხომ იცი, საშენო საქმეა, — ცოტა არ იყოს, მოწყენილი, მაგრამ საქმიანი კილოთი უთხრა თვალავაძემ.

— ვიცი, მონიშნული მაქვს.

— მოპარვის ამბავი უნდა გაათამაშო, ხომ იცი, კარგად. დღე იყო, მაგრამ შენ შეგიძლია ღამე გადაიტანო მოქმედება. ხომ იცი, ასე შუალამეგადასულზე. მაგ დროსაა, ხომ იცი, საერთოდ ქურდობა.

— ვიცი. მოპარვას მოგუხერხებ რამეს.

— იქ შეგიძლია ძალღიჯ გამოიყენო. ძალღიჯი საერთოდ არ ჰყავდა აგრაფინას, მაგრამ რა გენაღვლება, ვინ გამოწმებს. ვითომ შაქრის კვნიტა იბოვა ჭიბეში და ძალღს გადაუგდო. ძალღი, ხომ

იცი, ისე არ დაგანებებს თავს. ჩვენ-
ბური ძაღლი, ეზოს ძაღლს რომ ეძა-
ხიან, სახელს ქე მოუძებნი, შენ ეგ არ
გაგვირდება.

— კი კაცო. ეგ იოლია.

— ახლა, ხომ იცი, ტალახია, ხომ
იცი. მთავარია მთლად სუფთა ტალახი
კი არ იყოს, საქონლის სკორეც იყოს
შიგ გარეული. წყალ-ჭოჭყოიანი ტალა-
ხი, კორკიმელი რომ ველარ ამოკრიბოს,
ხომ იცი.

— კი, კი. შენ ფიქრი ნუ გაქვს, ტა-
ლახს მშვენიერს დაეხატავ — დაამე-
და აგაბომ.

— აბა, ნუ გადადებ, ხომ იცი, შორს
ამ საქმეს. ზედგამოჭრილი თემაა შენ-
თვის.

— არა... არ გადავდებ... ახლა პატა-
რა ხელი შემეშალა. სხვა საქმეები მო-
მაწვა... მოვიცილი პატარას და ჩავუჯდე-
ბი:

— აბა, ჰე, ხომ იცი, ოქრო მასალა.
ღმერთი შენკენ.

კიაზო სამასწავლებლოსკენ წავიდა,
აგაბომ კი გულხელი დაიკრიფა და კე-
დელს ზურგით მიეყრდნო.

გულხელდაკრეფილ აგაბო გეგუჩა-
ძეს ეჩვენებოდა, რომ ამ წუთში მასზე
უბედურნი ცოტა ვინმე თუ იყო ამოდე-
ნა ღუნიაზე.

აღარ გავაწვალე პატივცემულ, თით-
ქმის უკვე ყველაფერს მიმხვდარ, მკით-
ხველს და, ბარემ, ამთავითვე ვუამბობ,
რაც ხდება მწერალთა კავშირის წევრ
აგაბო გეგუჩაძის თავს.

აგაბო ორმოცგადაცილებული, ტან-
თხელი, საშუალოზე ოდნავ მაღალი,
ფერკამელებით სახედაისრული, მაჩვი-
ვით ჩუმი და ფუტკარივით მშრომელი
კაცია. კრიტიკოსების ერთხმად აღიარ-
ებით, საშუალო მხატვრული დონის
ნოველებს სწერს. ხოლო მკითხველი
მასის აზრი ხშირად იყოფა: ერთნი
თვლიან, რომ აგაბო გეგუჩაძე შესა-
ნიშნავ ნოველებს სწერს, მეორენი კი
რადიკალურად საწინააღმდეგო შეხე-
დულებას გამოთქვამენ. კიდევ კარგი,

აგაბოს ნაცნობთა შორის პირველნი
ჭარბობენ, თორემ ჩვენს უპრეტენზიო
ნოველისტს გული გაუტყდებოდა და,
ვინ იცის, იქნებ წერაზეც აეღო ხელი.
ამით, მსოფლიო ნოველისტიკის ის-
ტორია ბევრს არაფერს დაკარგავდა,
მაგრამ, ვერ დავმაღავ, აგაბოს წვრილ-
შვილს ეკონომიურად, როგორც იტყვი-
ან, საგრძნობლად დაეტყობოდა.

მოკლედ, აგაბო ნოველების წერაში
გაწაფული მწერალი განლდათ. არც
ჟურნალისტებს მოუკლავთ თავი შე-
კითხვების მიცემით (აგაბოს ერთადერ-
თი ინტერვიუ ადგილობრივი სპორ-
ტული გაზეთის კორესპონდენტმა ჩამო-
ართვა ამ ოთხი წლის წინათ. ინტერ-
ვიუ, რა თქმა უნდა, მეშვიდე ლიგაში
მთამაშე გუნდს — „ნათურას“ შეეხე-
ბოდა) და არც აგაბოს ახსოვს როდის
და რატომ დაიწყო წერა. პირველი ნო-
ველა პირველი ნოველის დაწერიდან
ცხრა წლის თავზე გამოაქვეყნა. სახე-
ლის მოხვეჭის მერე შედარებით აეწ-
ყო საქმე. ჟურნალები წელიწადში თო-
თო ნოველას უბეჭდავენ და ყოველ
მეოთხე წელს გამომცემლობის გულკე-
თილ დირექტორს მისი თხზულებების
წიგნი შეაქვს გეგმაში. განცხადებით
აგაბო გეგუჩაძე ყოველ მეოთხე წელს
თვრამეტ საავტორო თაბახს მოითხოვს,
იმის იმედით, რომ გამომცემლობა სამს
ჩამოაკლებს და თხუთმეტზე დაიყვანს,
მაგრამ რატომღაც გამომცემლობის
მკაცრი მესვეურნი თორმეტ თაბახზე
მალა არ უშვებენ აგაბოს. ლამის ოცი
წელია მწერლობს აგაბო გეგუჩაძე და
იმდენს ვერ მიხვდა, რომ თუ თხუთ-
მეტფორმიანი წიგნის გამოცემა გინდა,
გამომცემლობას სულ ცოტა ოცდახუ-
თი ფორმა მაინც უნდა მოსთხოვო. ათ-
ფორმიან წიგნში აგაბო ყოველ მეოთხე
წელს ურიგო პონონარს როდი იღებს,
მაგრამ არც იმდენს, ძვირფასო მკით-
ხველო, სამსახურს თავი გაანებოს და
პროფესიონალი მწერლის ფათერაკებით
აღსავეს გზას დაადგეს. უხარისხო
აგაბო გეგუჩაძე ცირკო-ქორეოგრაფი-

ულ სასწავლებელში ქართული ლიტერატურის ისტორიის მოკლე კურსს კითხულობს.

წესად აქვს ნოველისტ გეგუჩაძეს, ახალ წიგნს რომ გამოსცემს, ოცდაათი ოდეს ცალს სასწავლებელში მიიტანს და ჩამოარიგებს — გულისამაყუჩებელი წარწერით დამწვენებულს. ხელმძღვანელობის გარდა, ღმერთო შეგცოდვი, მდებერსონალიდან რამდენიმე ისეთ კაცსაც ერგება აგაბოს ავტოგრაფიანი წიგნი, ვინც წიგნების კითხვას თავი ჯერ კიდევ მეხუთე ხუთწლეულის შუა წლებში გაანება. ისინი დიდი მადლობით ხვდებიან გეგუჩაძის საჩუქარს და მერე, უკეთეს შემთხვევაში, სამსწავლებლოს ფანჯრის რაფაზე რჩებათ წიგნი, ხოლო, უარეს შემთხვევაში — ტროლეიბუსში. აგაბო გეგუჩაძეს ამ საქციელზეც ეტყობა, რომ, ცოტა არ იყოს, გულუბრყვილო კაცია. გულუბრყვილობაა აბა რა არის; ნოველისტს სჯერა რომ მისი ახალი წიგნის გამოსვლა ნაცნობ-მეგობართაგან ყველას უნდა გაუხარდეს, კიდევ მეტი — არა თუ უნდა გაუხარდეს, გეგუჩაძე ღრმად და დარწმუნებული, რომ ავტოგრაფით ნაჩუქარი წიგნი ყველამ უნდა წაიკითხოს. შინაგანი კულტურის ამბავი, იტყვის ხოლმე. რატომ არ უნდა ესმოდეს ამ ხნის კაცს, რომ ადამიანთა გონება მილიონი უფრო სარფიანი საქმით არის დაკავებული, ვიდრე აგაბო გეგუჩაძის უპრეტენზიო ნოველების კითხვა გახლავთ.

ასე იყო თუ ისე, შარშანდღამდე მშვიდად მიუყვებოდა აგაბო თავისი წილი ცხოვრების გზას. შარშან, თვრამეტ ოქტომბერს (ზეგ წელი შესრულდება) ცირკო-ქორეოგრაფიული სასწავლებლის დირექტორის მოადგილე ხალხური გართობა-თამაშობის დარგში, ყოფილი მოჭიდავე კიაზო თვალავაძე კიბეზე დაეწია და ახარა: ნოველისთვის ბრწყინვალე თემა უნდა მოგცე და ყურადღებით მომისმინეო.

ეზოში ჩავიდნენ, გადაბერებული

თუთის ძირას, მორზე ჩამოჯდნენ. აგაბომ ფანჯარი მოიმარჯვა და სმენად იქცა. კიაზო თვალავაძემ, რასაკვირველია, იცოდა რომ აგაბო მწერალი იყო (წინააღმდეგ შემთხვევაში სიუჟეტის „ჩუქების“ ახირებული სურვილი არ გაუჩნდებოდა, რ. მ.), მაგრამ წაკითხვით კი, სანაძღვოს ჩამოვალ, აგაბოს ხელიდან გამოსული არცერთი ნოველა არ წაეკითხა. მან სულმოუთქმელად, ალტაცებით უამბო გეგუჩაძეს ერთი სევდიანი ამბავი, რომელიც სიყმაწვილეში გადახდენოდა, აგაბოს მომავალი ნოველის თვალავაძისეული სიუჟეტი ასეთი გახლდათ: თვრამეტი წლის კიაზოს მეზობლის ქვრივ აგრადინასთვის კორკიმელი მოეპარა. ნაქურდალით უბეგავსებული, სოფლის ორღობეში, ტალახში წაქცეულიყო და კორკიმელი დაბნეოდა. ამ ბოლო დეტალს ისეთი სიცილით ჰყვებოდა თვალავაძეში ცრემლჩამდგარი კიაზო, რომ აგაბოსაც კინაღამ გაეცინა, მაგრამ ამბის მთელი სილატაკე რომ წარმოიდგინა, გული შეეკუმშა და თვალავაძეში სასოწარკვეთა ჩაუდგა.

— მდაა, — თქვა მან და ფანჯარი კიტელის ჯიბეში ჩააცურა.

— ხომ კარგი თემაა? — ალტაცებით ჰკითხა კიაზომ.

— რა უჭირს, — განზე გაიხედა მწერალმა.

— შენი ფეშქაში იყოს. დაწერე. მე არაფერი მინდა, სადმე კუთხეში თუ მიაწერ, — გუძღვნი კიაზო თვალავაძესო, ხომ კარგი, თუ არა და, არც მაგაზე დაგემდურები.

მაშინ აგაბოს არაფერი უთქვამს და მე მგონი, პირველი შეცდომა სწორედ აქ დაუშვა. გულუბრყვილო მწერალს ეგონა, დირექტორის მოადგილემ თავისი საქმე გააკეთა, მწერალს თემა მომწოდდა, რა ვუყოთ, რომ ნოველისთვის ყოვლად აუტანელი სიუჟეტი, კაცმა პატივი მცა მისი ჭკუით, მადლობის მეტი რა მეთქმისო. ხელისჩამორთმევით დაშორდნენ ერთმანეთს

და აგაბოს დიდი იმედი ჰქონდა, რომ ყოფილი მოჭიდავე ამ შემთხვევას აღარც კი გაიხსენებდა, მაგრამ ღრმად მოტყუვდა.

თემის ჩუქების მესამე დღეს აგაბო გეგუჩაძეს დირექტორის მოადგილის კაბინეტში უხმეს. სასწავლებლის თავისებურ ცხოვრებაში მწერალს, სხვადასხვა მიზეზის გამო, მაინცდამაინც აქტიურად არ რეგდნენ და აგაბოს გაუკვირდა კიდევ ხალხური გართობათამაშობების დარგის შეფმა თავაზიანად რომ მიიღო, სკამი შესთავაზა და მდივან-გოგონასაც შეეხმინა, ცოტა ხანს არაეინ შემოუშვაო.

თვალავაძემ ხელის თითები ერთმანეთს შეაწება და ჭერს ახედა.

— შენ კორკიმელი ხომ იცი რა არის? — გრძელი მოსაწყენი პაუზის შემდეგ ჰკითხა.

— მეტი რა ვიცი, — თავი დახარა აგაბომ.

— გეცოდინება კი. ახლა ვფიქრობდი, ხომ იცი, ჩემთვის. ამ პარტიოსანმა კაცმა, იქნებ, კორკიმელი არც კი იცის მეტი.

— ქლიავის ბუშს ეძახიან. ქლიავზე უფრო წვრილია, მაგრამ უფრო ტკბილიც არის.

— ო, ო, — კვერი დაუკრა კიაზომ — აგაშენა ღმერთმა, გცოდნია. ახლანდელმა ახალგაზრდებმა შეიძლება აღარც იცოდნენ. სადღაა ახლა კორკიმელი. კაი ხანია ბაზარშიც არ მომიკრავს თვალი.

— არის ხანდახან. გოდოგნიდან შემოაქვთ — გეგუჩაძე სასწავლებლის ხელმძღვანელთაგანს თვალს არ აშორებდა; რა უნდა, რაზე დამიძახაო.

— ახლა, მე რომ შემემთხვა ეს საქმე, ხომ იცი, მკითხველმა არ უნდა გაიგოს. გეგუჩაძე არ ჩაწერო შიგ.

— გაფრთხილება მინდა? მაგდენი არ მესმის მეე?

— ხომ იცი, ხალხი ჭორიკანაა. სხვაგან გადაიტანე მოქმედება, სხვა ქალაქში. თუ გინდა, ქალაქი ნურც იქ-

ნება. დაბა იყოს, რამე დასახლებასავით.

— დაბაც შეიძლება.

— გვარი გაგოშიძე, ან გუგუციძე, რომელიც გაგენარდება.

— მთლად ჩიბურდანიძეს ჩავწერ. ნეიტრალური გვარია.

— ო, ო, ყოჩაღ, აგაშენა ღმერთმა. ჩიბურდანიძე მშვენიერია. კიდევ რა მინდოდა მეთქვა? — კიაზომ კვლავ შეაწება თითები ერთმანეთს და ჭერს შეაძქერდა, — მე მგონია, მეტი არაფერი. თუ გამახსენდა მერე გეტყვი. აგერ არა ხარ?

აგაბო გეგუჩაძემ კარი გამოიხურა და ღერეფანს მარჯვნივ გაუყვა, მაშინ, როცა მარჯვნივ არაფერი ესაქმებოდა, წესით მარცხნივ უნდა წასულიყო.

კვირა არ გასულა ამ ერთი წლის განმავლობაში, რომ დირექტორის მოადგილეს აგაბო არ მოეძებნა და „კორკიმელის“ ამბავი არ ეკითხა. ჭერ დაინტერესდებოდა, დაიწყო თუ არა მწერალმა მის მიერ ნაჩუქარი თემით ნოველის წერა, მერე სიუჟეტის ცალკეული ფრაგმენტების განმარტებებს მოჰყვებოდა. ამბის ძირითად ჩონჩხს (კორკიმელის მოპარვა-ტალახი), რასაკვირველია, იგივეს სტოვებდა, მაგრამ ჩანართ ეპიზოდებში ბევრ რამეს ცვლიდა. ისე იყო გატაცებული „შემოქმედებითი მუშაობით“ კიაზო თვალავაძე, რომ ყველგან და ყოველთვის აგაბოს დაეძებდა. პედსაბჭოს სხდომის შემდეგ სალაპარაკოდ სტოვებდა, ზოგჯერ ლექციიდან გამოჰყავდა, საპარადო მსვლელობისას გვერდით დაიყენებდა და კორკიმელზე საუბარს გაუბამდა. ბოლო დღეებში აგაბო აბეზარი მესიუჟეტისგან დამალვას თითქმის ვეღარ ახერხებდა. იგი დამნაშავესავით ფეხაკრფით, მოწყენილი დააბიჯებდა და თანდათან უფრო რწმუნდებოდა, რომ კიაზო თვალავაძეს ყველა საკაცობრიო საზრუნავი გვერდზე გადაედო და აგაბოს შემოქმედებით ავტონომია-

ზე იერიშის მიტანის გარდა არაფერი აწუხებდა.

გუშინწინ, შაბათობაზე არ აპირებდა ავაბო წასვლას. ტანი უგრძობობდა, რომ კიაზოსთან უსიამოვნო საუბარი ელოდა, მაგრამ ამ წელს წინა ექვსი შაბათობა გააცდინა და ეშინოდა, ვერ გამოიგებენო.

მეშაბათეებს დიმიტრი ხუროძის სახელობის დიდი აუდიტორიის დალაგება-დასუფთავება არც კი დაემთავრებინათ, რომ მეორე კურსელი აქტივისტი გოგონა შემოვიდა და გამოაცხადა: — ბატონ ავაბოს ბატონი კიაზო უხმობსო.

— რა ჰქენი? — უბოდიშოდ, კარებშივე შეაგება დირექტორის მოადგილემ.

— ვმუშაობთ, იატაკი მოვამთავრეთ, ფანჯრის წმენდაზე გადავდივართ, — თავი მოიმიამიტა ავაბომ.

— შენ კარგად იცი, რომ სხვა რამეს გეკითხები! — კიაზო არ ხუმრობდა.

— აა, ხოო — თითქოსდა ახლა მოაგონდაო, კეფა მოიფხანა გეგუჩაძემ — მიდის ნელ-ნელა.

— რა ნელ-ნელა, შენ მე სულელი ხომ არ გგონივარ?! ხალხური ვართობათამაშობების მებაირალტრე აშკარად აღულებულ გუნებაზე იყო.

— რატომ კადრულობთ ასეთ რამეს? — მწერალი მაგიდის კუთხესთან დადგა და მელანჩაშვრალ სამელნეს დაუწყო წვალება.

— მე კი არა, შენ რატომ კადრულობ. შენი საგლახაო ვარ ვითომ მე?

— ვინ გკადრათ, ბატონო?

— რას ჰქვია ვინ მკადრაო. ოქროსავით თემა მოგეცი. შემოიყოლიე მთელი წელი. შენი მოსატყუარი კბილები კარგა ხანია მოვიცვალე, ხომ იცი შენ?

— არ მომერგო, ბატონო, გუნებაზე და რა ვქნა მე.

— არ მოგერგო კი არა, არ მოირგე. გლანა მასალა იყო, ხომ იცი, შენმა მზემ. ერთი უნდა ჩავჯდე და უნდა წვიკითხო, რას წერ უკეთესს.

— შეიძლება მშვენიერი თემა იყოს, მაგრამ არ ზის ჩემს ხასიათში და ვერ გეგნება.

— თავის მართლებას ნუ კადრულობ, ხომ იცი, ახლა. გაგამაიმუნე-თქვა მითხარი, ეს სჯობია ყველაფერს. არაფერი მორგება მაგას არ უნდოდა, საათივით იყო აწყობილი. შენთვის მინდოდა პატარა ხელი გამემართა, თვარა, შენ როგორ ფიქრობ? შენზე ნაკლებად იცის წერა-კითხვა კიაზო თვალავაძემ?

— წერა-კითხვა რა შუაშია, ბატონო.

— შენი გამოჩენა მინდოდა, თვარა შენზე ნაკლებ ნოველას დავწერდი, შენ გგონია, მე თვითონ? ამისთანა თემები ქუჩაში ყრია, ხომ იცი, მიდი და აკრიბე!

— დაწერეთ ბატონო, ვინ გიშლით.

— ხომ იცი, არა შეჯდა მწყერი ხესაო. არამია შენთვის ამნაირი თემა. კორკიმლის ამბავს მე მოვუძებნი. ადგილს, მაგრამ ჩემს მასხრად აგდებას არავის არ შევარჩენ, ეს იცოდე შენ, მწერალო ავაბო გეგუჩაძე!

უკანასკნელი სამი სიტყვა კიაზომ განსაკუთრებული ხაზგასმით ღრანჭების კანკალით, კბილებში გამოსცრა.

ამ საუბრიდან ორი თვეც არ გასულა, რომ ცირკო-ქორეოგრაფიული სასწავლებლის უფროსმა მასწავლებელმა ავაბო გეგუჩაძემ სასწავლებლის დირექტორს, ვეტერან კეფერაძეს განცხადებით მიმართა — სამსახურიდან გამანთავისუფლეთო.

— რაშია საქმე, ხომ არაფერი გაწყენინეთ ავაბო? — შეიცხადა ეს ამბავი დირექტორმა.

— არაფერი, ბატონო, — თავი ჩაქინდრა გეგუჩაძემ.

— არა, მართლა? თუ გიყვარდე.

— არაფერი ნამდვილად.

— აბა, მოგწყინდით, ავაბოს ჭირიმე?

— მოსაწყენი რა გჭირთ, ბატონო.

— სხვაგან იშოვე უკეთესი სამსახურ-

რი? არ გეწყინოს, ასე რომ ჩაგაცივდი, ჩემო აგაბო. შენი წასვლა, რასაკვირველია, დიდი დანაკლისია ჩვენი სასწავლებლისთვის. გვესახელები, მწერალი კაცი ხარ

— არა, არაფერი, რაღაც დადლილობას ვატყობ თავს. ცოტა ხანს მინდა დავისვენო. მერე ვნახოთ, თუ მოწყენილობამ გამიარა, შეიძლება სხვაგან დავიწყო მუშაობა უბრალო საქმეზე. ლექციების კითხვა მდლის ძალიან.

— ეგ მიზეზია, ვითომ მეტი არაფერი, დავიჭერო? — თვალეები მოჭუტა ყოფილმა არტილერისტმა.

— ნამდვილად, სიყრმეს გეფიცები.

— კაი აბა, თუ ასეა... რაღაი გადაწყვეტილი გაქვს... ხელს არ შეგიშლი, — ღირებურობა განცხადებას რეზოლუცია დაადო. აქ ვერც იმის მტკიცებას მოვყვები, რომ სასწავლებლის ხელმძღვანელს სამსახურიდან მწერლის წასვლა ძალიან ეწყინა.

ჩვენს შორის დარჩეს და სასწავლებლის მიტოვების ნამდვილი მიზეზი აგაბო გეგუჩაძეს მაშინ კი არა, მერეც არავისთვის გაუმხელია და, ალბათ, კარგადაც მოიქცა; მაინც არ დაუჭერებდნენ.



სურო ბატრეცილ კედელზე

კოეზა

ბევრი მარგალიტი დავიწყების ტალღებში კიაფობს,
ვინ იცის, ახლოს რამდენჯერ ჩავუარეთ
და მის სიახლოვეს წყალი ავამღვრიეთ.

წარსული დიდია... ბავშვობა მისი მწვანე კუნძულია,
სადაც ერთ სიმღერას ვმღეროდით ყველა
და სივრცე მხოლოდ შნათობების სავანე გვეგონა.
მერე აქ აღმოვჩნდით
და მივხვდით, თურმე სხვადასხვანი ვართ
და სხვადასხვა სიმღერებიც გაისმა თანდათან.

ნაპირი წაიშალა და თვალებს ახსოვს,
ვარსკვლავი ცას მოსწყდა და გულში ჩაიძირა...

ბავშვობის დღეებს ვერ გაიმეორებ,
ბავშვობა სიზმარშიც კი არ მეორდება,
მხოლოდ გაიეღვებს, შეგძრავს და გაგაღვიძებს;
ბავშვობის სიმღერები სივრცეშია ამაღლებული,
ალბათ, ამიტომაც მზის ყოველ ამოსვლისას
უპირველესად იგი გვახსენდება;
ბავშვობის სიზმრების ყვავილები
შვიდივე სივრცის ვარსკვლავებმა გაინაწილეს,
ალბათ, ამიტომაც გვიყვარს ვარსკვლავები
ასე ტბილად, მშობლიურად და ნაღვლიანად...

ბავშვობა სიზმარშიც კი არ მეორდება,
სიზმარში შეიძლება, იხილო ღმერთი,
ღმერთს ბავშვის თვალები აქვს...

წვიმა ბავშვობაში ციდან სასწაულის წამოსვლა იყო,
ღრუბლების გალობა ისმოდა თითქოს,
ბრწყინავდა ცისარტყელა ქალღმერთის ქამარით
და სიხარულისგან ყვავილები სტკიოდა მინდორს...
წვიმა და იავნანა ერთად ჩაგვესმოდა
და მერე სიზმრებში მიგვეყვებოდა შუქად და სითბოდ...

როგორ გვიხაროდა წვიმა ბავშვობაში,
მაგრამ რა ვიცოდით,
რომ მას სარკმლებისთვის და წყაროებისთვის
შორეული ვარსკვლავების ტკივილიც მოჰქონდა,
რომ იგი არა მხოლოდ ჩვენს სახეებს და სათამაშოებს,
სასაფლაოთა ქვებსაც ასველებდა...

წვიმავ... ჩემი ბავშვობის წვიმავ,
შენი შრიალი ზოგჯერ ისე ახლოდან ისმის,
რომ გაოგნებული სივრცეს ვაკვირდები,
მგონია, დაგინახავ და თავს შეგაფარებ
და შენგან ამწვანებულ დედამიწას ვეამბორები.

სიხარულისგან აღღურტულეებულ,
წრედ შეკრული გულების შუაში
ქიაკოკონა ბრიალებდა, სივრცეში მიიწევდა,
თითქოს უნდოდა, მიწას მოსწყვეტოდა,
მაგრამ ამაოდ... ერთ ადგილზე წრიალებდა და იგრიხებოდა,
ვით მზეთუნახავი ცალი ფეხით მახეში გაბმული;
ქიაკოკონა გიზგიზებდა და გვაბრუებდა,
მისი შუქი ჩვენს თვალებზე ირეკლებოდა
და ჩვენაც რიგრიგობით
მის მოქანავე ცეცხლში გავსხლტებოდით
და მეორე ნაპირზე ვეშვებოდით
და ერთმანეთის შეტრუსულ კულულებს
ისე ვუცინოდით, რომ ამის მხილველი
ქიაკოკონა უფრო მალღებოდა
და მეწამულ ყვავილებს გვესროდა...

ცის სიცილს ჰგავდა ცეცხლი ბავშვობაში,
მაგრამ რა ვიცოდით,
რომ ამ ქვეყნად სხვა ცეცხლიც არსებობდა —
ტკივილის ცეცხლი ბედისგან დანთებული,
ძნელად ჩასაქრობი, ან, საერთოდ, ჩაუქრობელი;
მე ცეცხლი მიყვარდა,
როგორც დედა მეწამულკაბიანი,
მე ცეცხლი მიყვარდა,
როგორც ანგელოზი ზღაპრიდან მოვლენილი,
და ცეცხლით ვზარობდი,
როგორც შადრევანი მზიანი წვიმით,
როგორც ნუკრი პირმზითის წყაროთი.

ზოგჯერ ისე ჩამოთბება ჩემს ირგვლივ, სივრცეში,
ასე მგონია, შენ ანთიხარ ჩემს სიახლოვეს,
ასე მგონია, შენი ალი ათრთოლებს ჰაერს;
ასე მგონია და ვცდილობ, დაგინახო,
რომ ერთხელ კიდევ გაუშრიალდე შენს სიმხურვალეში,
ცეცხლო... ჩემი ბავშვობის ცეცხლო!..

ბავშვობის ქარის გახსენება ცრემლის გარეშე?
გავრბოდით მისგან აღღვლებულ, მაღალ ყანაში
და იმ ქარს თითქოს უკვდავების წყლით დაენამა,
ბრწყინავდნენ თავთავები...
ზოგჯერ ჩვენს თვალწინ მზე ყანიდან ამოდლიოდა
და თავთავებით გაცინებულ ჰაერის ფონზე

მოვჩანდით, როგორც სიცოცხლის სიმღერები,
ცის დასაწყისთან წამიერად გაქვავებულნი...
ქარისაგან აღელვებულ ყანაში ვიდექით
და დასალიერზე ღრუბელი ჩადიოდა,
თითქოს ფრთხილობდა, რომ მისი ჩრდილით
არ გამკრთალებულიყო ჩვენი სახეები
და ქარის ნაკვალევი...

მე მაშინ სამოთხის მდინარესთან ვიდექი თურმე,
მის ტალღებს ვეთამაშებოდი, მის წყალსა ვსვამდი.
ახლა იქ სხვები დგანან, უდარდელნი და ბედნიერნი,
რომლებიც მომავალში ჩემსავით იტყვიან:
„მე მაშინ სამოთხის მდინარესთან ვიდექი თურმე,
მის ტალღებს ვეთამაშებოდი, მის წყალსა ვსვამდი“...

იყო სიმრავლე ბედნიერი ნატერფალების,
იყო სიახლოვე მზეების
და ასე გადიოდნენ დღეები.

* * *

ჩუქურთმა წვიმაში და მზეში გამოხუნდა
და წინაპრის სახეს დაემსგავსა.
ეს სულ სხვა გზა არის,
სახიფათოც და მშვენიერიც...
გზაჯვარედინთან დაღლილი მგზავრი.
ნათეხურები ძველი, გადაშლილი.

თუ ვაჟკაცი ხარ, შენი ხელით მოწყვიტე ეკალი.
თუ ვაჟკაცი ხარ, განზე გადექი
და შენზე ძლიერი გაატარე!

ეს სულ სხვა გზა არის... ცრემლი და ყვავილი.
ვიდაცის ნაღვლიანი და სათნო თვალები.
ვიდაცის მხიარული და ცივი სახე.
ერთი მინდობილი და მეორე დაუნდობელი.
ერთი გამყიდველი და მეორე მოუსყიდველი.

ამ უსასრულო, საოცარ გზაზე
მე ვხედავ, მზეო, რომ სიყვარულია
ყველაზე დიდი და ლამაზი მოგზაური,
წინაპრის წინაპარი, მომავლის მომავალი,
სიცოცხლის მხარეებში მოგიზგიზე დღესასწაული;
სიყვარულია ხერხემალი პირამიდების,
სიყვარულია ტყუპისცალი დედამიწისა,
ზოგი ხედავს და ზოგი ვერ ხედავს,
ხოლო ვინც ხედავს, ის ასწილად ბედნიერია,
იგი მკვიდრია ერთდროულად ორი პლანეტის,
ორი პლანეტიდან ესმის სიმღერები

და, რა თქმა უნდა, ნაღვლიანი საგალობლებიც;
ორი პლანეტიდან ესმის მონატრება
და, რა თქმა უნდა, დუმილიც ეჭვიანი...

ვარსკვლავები განა მხოლოდ საკუთარი შუქით ბრწყინავენ,
მათ სახეებზე და მათ შორის გაკიდულ ბილიკებზე
ანარეკლია სიყვარულის კოცონებისა!..

ბავშვობის ბილიკი ყვავილოვან ბურუსში დაიწყო,
იმ ბურუსში ჩვენ თითქოს ყველაფერს ვხედავდით,
მაგრამ ვერც ვხედავდით...

და, როცა ბურუსი გაიფანტა,
ჩვენ შევკრთით, რადგან ფერად ფარდაზე,
ყვაილებს შორის, ჭრილობა შევამჩნიეთ
და იმ ჭრილობიდან
ვიღაცამ სუსხიანი თვალებით გამოგვხედა;
ჩვენ შევკრთით, რადგან ნაღვლიანი ექო გაისმა
და სულ სხვა სივრცე და სიმალლე გვაგრძობინა;
აი, ეს გზაა იმ სივრცის ნაწილი.
აი, ეს გზაა იმ სიმალლით განათებული.

ცხოვრება ფშაური ფარდაგივითაა,
ყველანაირი ფერი ალამაზებს:
მწვანე თუ მეწამული, შავი თუ თეთრი
და, რაც უფრო გახუნდება და გაიცრიცება,
უფრო ძნელად დასათმობი და მშვენიერია!..

ბავშვობის ბილიკი კარგი იყო:
დაეცემოდი და წამოგაყენებდნენ,
სხვას წააქცევდი და გაპატიებდნენ,
მაგრამ ამ გზაზე თუ დაეცი?! —
კი, შეიძლება, აქაც შეგეშველონ,
წამოგაყენონ, გაგამხნევენ, მტვერი ჩამოგფერთხონ,
მაგრამ ამ გზაზე დაცემული როცა წამოდგება,
მან უკვე იცის, რომ დალი შერჩა,
რომ უკვე ეზიარა დამარცხების სუსხსა და სიმწარეს;
მან ისიც იცის:
ამის მერე მრავალჯერ უნდა გაიმარჯვოს,
რომ ერთი დაცემა თვითონაც დაივიწყოს
და სხვებსაც დაავიწყოს...
მაგრამ განა ყველა გაიმარჯვებს
და თანაც მრავალჯერ?!
გამარჯვება ადვილი არ არის,
ერთი გამარჯვება გულზე გაჩენილი ათასი ბზარია,
ერთი გამარჯვება ტკბილ-მწარე სიფხიზლით
გატეხილი ათასი ღამეა!

პირველი დამარცხება ბავშვობიდან გამოსვლა იყო,
დამარცხება საოცრად ღამიანი,

და, როცა ერთხელ უკვე ლამაზად წააგებ,
ამის მერე იწყება ცხოვრება...

ვინა ხარ, ასე უიმედო რატომ ხარ, ძმაო?
რა ნაღვლიანი ნაბიჯებით ჩადიხარ დაღმართზე!
ხომ ხედავ, ძმაო, რომ მარტო არა ხარ,
რომ მხოლოდ შენს თვალებში
არ მოჩანს საყვედურის დილა და საღამო;
ხომ ხედავ, ძმაო, რომ ბედნიერი ხარ,
რადგან ცისა და მიწის ნაწილი ხარ
და მხოლოდ შენს გულში არ ბრწყინავს ეკალი.
უიმედობა რატომაა შენი მეგზური
ახლა, როდესაც დედამიწა მწვანით იმოსება,
როცა მდინარეში მთა ქანაობს ყვავილოვანი,
აკვანი ჭრიანებს და დედა ილოცება...
ახლა, როდესაც ბუდეებში სიყვარულის ფეთქვა გაისმის,
უიმედობა რატომაა შენი მეგზური?
ხედავ?! — ბალის სკამზე ბრწყინავს თაიგული —
ეს იმას ნიშნავს, რომ ვილაცას ვილაცა უყვარს
და, როცა თუნდაც ერთი თაიგული არსებობს ქვეყანაზე,
შენ რატომ მიდიხარ ნაღვლიანი, დაღლილი ნაბიჯებით
და უიმედობა რატომაა შენი მეგზური?!

• • •

მე სიყვარულმა ულამაზეს ცას მაზიარა.
მისი ნათელი, დიდი სარკმლიდან
დავინახე უცხო ნაპირები,
სადაც ისეთი ხმები გაისმის, სადაც ისეთი მღუმარებაა,
რომ არც ცხადისა გეგონება და არც სიზმრისა;
სადაც ვერაფერს იტყვიან ბაგენი,
იქ მხოლოდ თვალები იტყვიან
და თანაც ლოცვასავით:
„ალბათ, ასეთია მხარე უკვდავების“...
მე სიყვარულმა ულამაზეს ზღვას მაზიარა,
მალალ ტალღებში მიცურავდა მწვანე ხომალდი,
ოთხივე მხრიდან მიცინოდა სამოთხის ნაპირი,
იკვლებოდა ამინდი და ზოგჯერ — თანამგზავრიც,
მაგრამ ხომალდი მაინც მიცურავდა
და, როცა უცხო კუნძულებს ჩავუვლიდით,
ვხედავდით: სივრცე ყველგან ისეთია,
რომ დედის თვალებს გაგახსენებს;
ვხედავდით, რომ მიწა ყველგან უბრალოა,
ვით ქრისტეს სამოსელი...
უკვე გითხარით: ზოგჯერ თანამგზავრიც იკვლებოდა,
ზოგი რომ ხომალდს გამოიცვლიდა,
ზოგი, საერთოდ, რომელიღაც ნაპირზე რჩებოდა,
მაგრამ მე მარტო არასოდეს არა ვყოფილვარ,
ხომალდი ყოველთვის მიცურავდა,



ავყავებული ნაპირების ხისლში ირწეოდა,
 ხოლო ხანდახან ფრინველების ჩრდილით დაქორთვლილი
 წყლის ჰორიზონტზე ისვენებდა;
 გზა არ სრულდებოდა,
 თანდათან უფრო ლამაზი და ძნელი მოჩანდა
 და ზღვის ზედაპირზე მშვენიერი იყო ხომალდი,
 როგორც მარცვალი ქალღმერთის ხელისგულზე...

იყო განშორება...
 და განშორების გაცრეცილი ჰორიზონტიდან
 ტკივილის კაშკაშა მზე ამოდიოდა
 და უფრო მკაფიოდ მოჩანდა სახეები
 და უფრო მკაფიოდ ისმოდა ხმები
 წარსულის სიჩუმიდან, თუ მომავლის მხარეებიდან.

სიცოცხლე რაა ცრემლისა და ტკივილის გარეშე,
 სულ ბედნიერი შენი თავიც არ გვახსოვს, მზეო!

ტკივილო, ჩემო კეთილო წინაპარო,
 ჩემო ყოვლისმცოდნე, ნადვლიანო, ტკბილო გადიავ,
 შენ ხარ გაბზარული ზარების მფარველი,
 როდესაც ყვავილცვენით განათებულ ხილზე გადმოდიხარ
 და ჩვენთვის სახსოვრად მოგაქვს ყვავილები
 მზის სიახლოვეს, წმინდა მიწაზე მოკრეფილი.
 ტკივილო, შენც გული გაქვს
 და ამ გულში მზეა გახვეული,
 შენ რომ არ იყო, ყველა ქარი მოდუნდებოდა,
 მდინარეებზე ტალღები ჩაქრებოდა,
 სალამურის ბაგეს მტვერი დააქცნობდა,
 კლდეს ბზარი არ გაუჩნდებოდა
 და ისეთი კლდე ვის რად სჭირდება,
 თუ ბზარი არა აქვს
 და ამ ბზარიდან არ უცინის ყვავილი ვარსკვლავებს?!
 შენ რომ არ იყო, ვულკანი არ შეირხეოდა
 და თუ დედამიწა ათასში ერთხელ
 არ იძრა და არ აგვაწრიალა,
 ასეთი დედამიწა უფრო აგეტკივდება
 ჩვენც და ვარსკვლავებსაც...

ტკივილო, შენც მგზავრი ხარ
 და ბედი გულიდან გულში დაგატარებს —
 უფრო ლამაზი მხარეები არსებობს კიდევ?!
 ტკივილო — სიმღერების მიზეზო,
 შიშო და განსაცდელი მზიანო,
 მოულოდნელად დათოვლილი
 გაზაფხულის ტოტების შრილო,
 შენც მგზავრი ხარ და სივრცე გწყურია,
 რატომღა გწყევლიან, ტიალო?!

მე შენ გაგიცანი დიდი ხნის წინათ,
როდესაც დედა ლილინებდა...
და მაშინ უფრო კარგად გაგიცანი,
როდესაც შვილის კრიალა თვალებიდან
ცრემლებთან ერთად შენც გამიცინე...

ყველა ქანდაკების გამოხედვაში სხივია შენი.
ყველა მეტეორის ნაკვალევზე ფერფლია შენი.
ოკეანეთა ლურჯ სიღრმეებში შუქია შენი...
ტკივილო — სიყვარულის მხარეთა ბინადარო,
ჩემო კეთილო, ბრძენო წინაპარო.

სიცოცხლე ტკივილია, ხანგრძლივი, მშვენიერი ტკივილი!
სიყვარულის მაღალ სამრეკლოში
ტკივილის ზარი მონატრების ტკბილი ხმით წკრიალებს.
და ეს წკრიალი გვარწმუნებს დედამიწის
და ვარსკვლავების უკვდავებაში...

ო, დედამიწავ, რა კარგია, რომ ერთადა ვართ
და ერთმანეთის სიტყვებს ვხედავთ ცის სინათლეში.
შენს ყვავილოვან ბალახში რომ სახეს ჩავმაღავ,
ან შენი ფოთოლი შუბლზე რომ შემეხება,
მე მაშინ ვრწმუნდები, რომ, მართლაც, დედა ხარ,
ყველა დედაზე ტკბილი და აზღობელი;
შენი შრიალი ღვთაებრივი იავენანაა,
შენი მღუმარება შეილთა შენთა დალოცვად გაისმის;
როდესაც ბილიკზე ბედნიერი წყვილები გარბიან,
შენ ტკბილად გელიმება
და, თითქოს ამ ღიმილის პასუხად,
ფრინველები ცისკენ მიფრინავენ
და მაშინ ვრწმუნდები, რომ სივრცეც შენია,
შენი ხმების და ექოების ლურჯი სავანეა!..

დედამიწას და ადამიანს ერთნაირი იღბალი ჰქონიათ:
ორივეს უყვარს. ორივეს სწყურია. ორივეს სტკივა.
ორივეს ძილში ელიმება:
ზოგჯერ — ტკბილად, ზოგჯერ — ნადვლიანად,
ერთმანეთის იმედით ცოცხლობენ
და სივრცეებში ერთმანეთის სიმღერებს ხედავენ.

ხიფათი სუსხიანი თვალებით გიმზერს
კოსმოსის ბნელი უფსკრულებიდან,
ოკეანეების დაბინდული სიღრმეებიდან,
თვით შენი წიაღიდან... და მაინც ყვავილობ,
შენი მწვერვალები მაინც იცინიან, ვით მზექაბუკები;
შენი ბილიკები მაინც მზისკენ მილივლივებენ
და ამ ბილიკების უსასრულობისთვის
გმადლობთ, დედამიწავ!..

ო, დედამიწავ, რა კარგია, რომ ერთადა ვართ,
ერთად გვილამდება და ერთად გვითენდება,
თოვს... ერთად ვიბარდნებით,
წვიმს... ერთად ვსველდებით;

ო, დედამიწავ, რა კარგია, რომ ერთადა ვართ.
ჩემი ბავშვობის ნათესურები

შენს წილს სითბოდ და სინათლედ შეემატა.

მე მახსოვს, როგორ მალვიძები

ზოგჯერ სიჩუმით და ზოგჯერ ჩურჩულით;

შენი ფერებით და ხმებით მოხიბლული

ფეხშიშველი შენსკენ გამოვბობდი,

შენს მწვანე ალმურში ყვავილებს ვკრეფდი

და დედა ამაოდ მეძახოდა...

შენი ბავშვობა, დედამიწავ, შენც გემახსოვრება,

გემახსოვრება, როგორ გადადგი

მზის გარშემო პირველი ნაბიჯები;

გემახსოვრება, დიდმა დედამ გზა როგორ დაგილოცა,

გემახსოვრება და ახლაც ჩაგესმის:

„ბედნიერად გველოს მზის გარშემო,

მარადიული ყოფილიყოს შენი მგზავრობა“...

სამყარო ტაძარია და შენ მის სივრცეში

ზარი ზარ და ძველისძველ, ხავსიან ბზარებში

უკვდავების წყალი გიკამკამებს...

* * *

ბავშვობას არავინ მიუტოვებია,

იგი ავიწყდება მავანს და მავანს

და ერთ მშვენიერ დღეს წამოიძახებს:

„რატომ მიმატოვა? როდის მიმატოვა?“

ბავშვობა არასოდეს დაბრუნდება,

რადგან, საერთოდ, არსად წასულა,

ან რატომ წავილოდა? ან ვისთან წავილოდა?

იგი ჩვენში დარჩა, ვით მლოცველი ერთადერთ ტაძარში,

მაგრამ როდესაც ტაძრის სიახლოვეს გაისმა ხმები

მისთვის უცხო, მკაცრი და ეჭვიანი,

იგი ჭერ შეერთა, მერე კი თანდათან

ჩვენს არსებაში ჩაღრმავდა, ჩაიკარგა,

შორეულ შრეებში გაიჩინდა;

იგი ხანდახან შეიჩხევა რბილად, მსუბუქად

და გულს შეაჩქროლებს...

ბავშვობა ვულკანია პატარა და ყვავილოვანი

და ბედნიერია ამქვეყნად ყველა,

ვის არსებაშიც არ გაციებულა

და ცდილობს მძიმე შრეებში ამოღწევას.

მე არც ბროლის კოშკი გამაჩნია და არც ოქროს ნავი,

მე შემოდლია, სიმღერა გისახსოვრო,

რომელსაც სურნელი აქვს შენი გოლეულის
და ვულკანის ყვაველებისა...

• • •

შარშანდელ გაზაფხულს ბუნება ვერ გაიმეორებს,
მაგრამ ის სინათლე,
რაც შარშანდელმა ყვაველცვენამ გულებში დატოვა,
მომავალი დღეების ნუგეშია,
მერმისის მწვერვალებზე გადმომდგარი ქარების ზეიმია.

შარშანდელი გაზაფხული რაც უფრო შორს მიდის,
სამყარო მოჩანს მით უფრო მშვენიერი
და ამ სამყაროში გაისმის:

„გაურკვევლობის უდაბნოში მდგარი ოაზისი —
ეს სიყვარულია...“

მაშ, უფრო ამალლდი, სიყვარულო,
და შორეულ ვარსკვლავთა მხარეში
იკიაფე პლანეტების გასახარებლად;
უფრო ამალლდი, სიყვარულო, რომ ყველა ბილიქს
შენი ნათელი გადასდიოდეს;

რომ ყველა გუმბათზე და ოკეანეზე
შენი სიცილი ირეკლებოდეს;

უფრო ამალლდი, სიყვარულო, რომ შენი სიმალღე
იყოს ჩვენი ფარი და მახვილი

და ჩვენი დღეების ჩრდილი და სინათლე,
ნისლი და ხავერდი, ცეცხლი და ქარიშხალი,
ლოცვა და ღვთაებრივი ნექტარი...

იქ, სადაც შენი სუნთქვა ახლოვდება,
კედლის ბზარები ღიმილიან ბაგეებს ჰგვანან;
იქ, სადაც შენი მდუმარება ნაპირების გალობად გაისმის,
სიცოცხლე და სიკვდილი ერთმანეთს
ანგელოზის თვალებით უყურებენ;

იქ, სადაც შენი ვენახი ანთია,
დღე ღამის სიცილია და ღამე — დღისა.

თუ ვინმე არის სამყაროში ღირსი უკვდავების,
ეს შენ ხარ... ეს შენ ხარ, სიყვარულო!..

ბედნიერად გვევლოს მზის გარშემო,
მარადიული ყოფილიყოს ჩვენი მგზავრობა!



წერილი მამოზარს ოდიშიდან

გამომალვიდა ხმაურმა სისხლის.
ცა ოდიშური გაბოლდა ნისლით.
სახლი გამოჩნდა პატარა ისლის,
ბულბული ნაზად გალობდა მისთვის...

აქ მქონდა წინათ ლამაზი ოდა,
აქ წინათ ჩემი ბავშვობა რბოდა

და სიხარულიც უღევი მქონდა,
დიდი ხნის მერე კვლავ მომაგონდა...

და ვუშვებ ახლა ოდიშურ მინდვრებს,
მდინარეს — ქვებზე ცხვირ-პირს რომ
იმტვრევს,
ჩონგურის ღვთიურ უნაზეს მოტივს.
გათავდა, მორჩა, სიბერე მოდის.

მინდა

შემოიხურა ღამემ მანტია,
სული იეზით უცებ ამევსო...
არა, არ ვუხმობ ახლა განთიადს,
მინდა გეხვიო და გეაღერსო.

ყოველი წუთი შენს თავს მაცილებს,
დარდი ფარული ჩუმად ივსება...
სიყვარულს, შენ რომ გაგინაწილებ
ქვეყნად არავის არ ეღირსება.

ვეოცხლობ

მივერეკები ცის დასავალთან
ძვირფას ტკივილებს, რაც განვიცადე.
ბევრი ძმაკაცი იქ დასამარდა,
ერთი წუთითაც არ დამიცადეს.

მინდორი, ჩალა, ბღავილი ხარის,
მუხების ტევრი, მდინარე მომცრო,
უსაყვარლესი მშობლიურ მხარის
ულამაზესი დღეებით ვეოცხლობ.

მეზინ და ახლა

ის ზაფხული იყო ცხელი
და მეც გსვამდი წყაროსავით...
ბიძაჩემის თეთრი ცხენი
ლაგამს ხრავდა ტაროსავით,
იქვე, ნაძვთა ჩრდილში მისთვის
იდგა თეთრი სალოცავი...

კაკლის ხე და ძველი ოდა,
ის პირველი დაპირება.
ყველაფერი მიხაროდა,
ყველაფერი მაკვირვებდა...
ახლა?

ინამ უხვილს

მე რომ ვიღლები ხანდახან,
შენ გეჩვენება სასაცილოდ,
მოვა დრო, სოფლის გადაღმა
როდესაც უნდა გამაცილო.

ვიცი, ჩემს გავლილ გზებს
ბევრი მოკვდავი ინატრებდა,
მეც ჩამიჭრება მზე,
რომელიც მუდამ მინათებდა.

უნდა გამიხსენო კარკ კაცად
და ბედს არასდროს ემორჩილო...

ცხოვრებამ ბოლომდე დამქანცა,
აწი შენ იცი, ჩემო შვილო.



პახას

სასაფლაოზე ჩამოწვა ბინდი,
მე დღეს ვერაფერს ვერ ვიტყვი ახალს.
გადსასვლელი პატარა ხიდი
ჩაიმსხვრა შენთვის, ძვირფასო კახა.

გულისტკივილით ვიხსენებ იმ დროს,
ცხოვრება შენი ჰყვოდა როცა.
შენ სიყვარული გართმევდა დიდ დროს
და დაგყვებოდა თან დედის ლოცვა:

რად შეეკვცა ფრთები შენს სურვილს,
ბედი, შავბედი თურმე მოგდევდა...
და შენი თეთრი ლამაზი სული
აფრინდა ცაში ანგელოსებთან.

მწარე ფიქრებით ვაბოლებ ოთახს,
განუჟურნელი მე სევდა მახლავს.
რით ვანუგეშებთ მამაშენს, ოთარს,
ან შენს დედიკოს რას ვეტყვით ახალს...

იმ დღეს ბუნება ატირდა ლამის,
აი, ამ ლექსშიც ბევრი ვიწვალე...
ნუგეშო დედის, იმედო მამის,
რად გაგვიფრინდი და გაგვეცალე.

სასაფლაოზე ჩამოწვა ბინდი.
მე დღეს ვერაფერს ვერ ვიტყვი ახალს.
გადსასვლელი პატარა ხიდი
ჩაიმსხვრა შენთვის, ძვირფასო კახა.

ბრახაზე თელავისკენ

ოცდაორი აგვისტო,
წვიმა, ქარი, თელავი...
მხოლოდ ერთმა გაგვისწრო,
დანარჩენმა ვერავინ.

ნარ ოცნების სათავე
დაიდურები ფერებდალ...
ველარ მოათავთავე
შენი ბედნიერება.

ზღვა იყო წყნარი

ზღვა იყო წყნარი და ლურჯი ზეცა,
ვეება მთები იდგნენ ჩიქურად.
თქვენ გუშინ თეთრი ჭინები გეცვათ
და გიხდებოდათ ფანტასტიკურად.

მზე მიგორავდა — ედემის ვაშლი...
ბიჭები ერთუროს მისდევდნენ ცურვით
და შენს თვალეში პატარა ბავშვის
ღიმილი ჰკლავდა წუთიერ სურვილს...

სამება

ვიციო სამება რომ
არის ერთი,
და თაყვანსა ვსცემთ
ჭეშმარიტებას,
ქართველში იყო
და არის ღმერთი,
ბოლომდეც ალბათ
ასე იქნება...

მაგრამ მეორეც
ვიციო სამებას
და თაყვანსა ვსცემთ
ვითარც მესიას,
საქართველოში
მუდამ ერთია
მესია, ფუნჯი
და პოეზია.

მათრახმა სტვენით წრე შემოსალტა
გაიჭრა ველზე ჩემი იაბოც,
უცნაურია დოღი მგოსანთა
ყველა თავ-თავის სივრცეს მიაპობს,

ყველა სიმღერა სხვანაირია...
ყველას აღება უნდა ტატნობის,
დღეს ჩემი ცხენიც გადაირია
და მეც მტკაველის არ ვარ დამთმობი.

ბიეტა აბშილაგა

●

გოჯის ციხესთან ჩაფიქრებული
ლურჯთვალა ტეხურს
აღვას ნათელი...
ფეხზე წამოდგა ნაქალაქევი
საუკუნეთა კორიანტელით.

●

რიყე-რიყე ჩაპყოლოდა
ია-ია ბილიკს...
ორწოხ-ორწოხ იმუხლებდა,
თრთოდა, თრთოდა ნისლი...
მალღღებოდა, მალღღებოდა
კოლხის ჭერი ისლის...
ალაგეზე მომდგარიყავ, მიმზეროდი
იჭვით...
ნარინჯებში სულს ნაბავდა
სიო, — მორცხვი ბიჭი...
ისევ ვლუმვართ, ერთურთისკენ
ვერ გადავდგით ბიჯი...



მატარებელი. ზვიმა...

... არა, რაც გინდათ თქვით და, ჩვენი ამბავი მაინც იმასა ჰგავს, მოპასიანის ზოგი მოთხრობა რომ იწყება — დარბაზში, ბუხართან ვისხედით, გრაფ დე...ს რალაც ვთხოვეთ და მანაც შემდეგი ამბავი გვიამბოო... ჰაი გიდი! გვარი-შვილობაზე ნუ მიდგება საქმე, თორემ ბარემ ორ გრაფს კი არა, ჰერცოგსაც მოვკაკეინო, ვინძლო, თითი, მაგრამ, მახლას, ვაჰ, დრონი, დრონიო, ცხონებული ალექსანდრე ჰავკავადისა არ იყოს — ახლა მეც ისეთივე კნიაზი გახლავართ, როგორი ბარონ-ვიკონტებიც თქვენა მყავნართ და რა ციხე-დარბაზიც ეს კაფეა, ასე რომ, ჯანდაბას თქვენი თავი, მაინც ამეშალა უკვე ლაპარაკის საღერღელი და მოგიყვებით ერთ ამბავს, ოღონდ სანაცვლოდ ერთ ბოთლ შამპანურსაც ჩამოღით... ვაჰ, დალოცვილებო, არისტოკრატობას არ მანებებთ, ლაქლაქით ლამის სიქა გამომაცალოთ და გასამრჯელოც აღარ გემეტებათ, სადაური სამართალია... ჰმ, ბატონი ბრძანდები! ჰოდა ეს ჰიქა შემევისეთ, ჰირჰილს და თვალის პაჭუნს მოეშვით და, იცოდეთ, არ შემეწყვეტინოთ, თორემ, მამის სული ნუ წამოწყდება, მე ვიცი მაშინ თქვენი სეირი... ჰო, წელან, ვაჰ დრონი, დრონი-მეთქი, რომ ვახსენე, ამაზე მომაგონდა ერთი თავგადასავალი — დიდი ხნის ამბავი კია, თუ არ ვცდები, ოცდაათი არა, რის ოცდაათი — ეხლავე გეტყვით, — ჰო, თუ მეტი არა, ორმოცი წელი მაინც იქნება გასული, მაგრამ კარგად მახსოვს — სხვა თუ არაფერი, ჩემს ყურნალისტურ დებიუტთან არის დაკავშირებული. — ჰო, ზუსტად ორმოცი წელი გასულა

— და, ეტყობა, ამიტომაც ჩამრჩა მეხსიერებაში ეგრე ნათლად, თორემ ისე, რომ მომკლა წუხანდელ ამბავს ვერ გამახსენებ ზოგჯერ. — რას იზამ, ასაკს თავისი გააქვს, თუმცა ბებრულ წუწუნს მოუკვდა პატრონი, რას ვამბობდი?.. ჰო, ყურნალისტურ დებიუტთან არის-მეთქი დაკავშირებული — მაშინ ახალი დაწყებული მქონდა რედაქციაში მუშაობა. თუმცა რაღა ახალი — მთელი ორი წელი ისე მაყურყუტეს, ხეირიან საქმეს არ გამაქარეს, ჰოდა, ერთხელაც, უკვე იმედი რომ გადამეწურა, ეტყობა, თვალში ვერ მოგუფვიდი-მეთქი, რედაქტორი მიბარებს — გრიშა იყო მაშინ, ჩემი ხნისებს თქვენც გეხსომებათ ზოგაერთს, მკვდარზე არ ითქმის, მაგრამ კაი ოხერი ბრძანდებოდა, ცხონებულნი... რა გაცინებთ, ტყუილს ვამბობ?.. ჰოდა, აბა მაცალეთ — მიბარებს და მეუბნება, ზღვისპირეთზე მიმოხილვას ვამზადებთ და ფოთში რომ გაგაგზავნოთ იქაური ნავსადგურის მუშაობის და საერთოდ ცხოვრების გასაშუქებლად — ეს სიტყვა უყვარდა ძალიან — რას იტყვიო. რას ვიტყვოდო? ჯერ ერთი, რომ ჯეელი ვიყავი, ჯანაც მომდევდა და გულიც, კოლიმა რომ ეთქვათ, მაშინაც არ დავიხვედი უკან, უეტაოდ თუ მიმავლენდნენ, ცხადია, და ესეც არ იყოს, პირველად მანდობდნენ ნამდვილ საქმეს და ისე დავფაცურდი, ახლავე წავალ-მეთქი, რომ ლამის იყო გადაიფიქრა იმ კაცმა, მაგრამ აღარ გადათქვა მერე, კარგა ხანს მარიგა ჰქუა და, აბა შენ იციო, გზა დამილოცა. დამისხი ერთი გასამრჯელოს ანგარიშში, დამისხი, იშტაზე მოსაყვანად... ჰმ, ასე.

თქვენი არ ვიცი და, ბათუმი ან სოხუ-
მი, საერთოდ, ჩვენი ზღვისპირა ქალა-
ქები, თუნდაც გაგრა ავილოთ, ხომ ბო-
მბონიერებს ჰგვანან ყველანი და სი-
ლამაზით ეგებ ბევრი ქალაქიც ვერ შე-
ედაროს, ყოველ შემთხვევაში, შავ
ზღვაზე მე მაინც ფოთი მირჩევნია, ის
კი არა, ბრაზიც მერევა ხანდახან, ასე
იშვიათად რომ ახსენებენ ხოლმე, იმის
არ იყოს, დედას რომ გული ეტკინება,
სტუმრები შვილებს რომ უქებენ, რა
გადასარევეები გყვანანო და ნაკლებ
კობწიას და უფრო მორიდებულს კი
ყასილად შეაწევენ სიტყვას. მართლაც,
არის ეს ფოთი თავისთვის, არც ლექ-
სებს უძღვნიან, არც სიმღერებს, არც
კინოსურათებს, ის კიდევ ყურს არ იპა-
რტყუნებს, შრომობს ზამთარ-ზაფხულ,
ეწევა „საზღვაო ჭიშკრის“ ჰაპანს და
დამბაღლებითაც არაფერს იმადლება.
არადა, არც სილამაზე აკლია, რომ
იცოდეთ, და სიძველე ხომ რალა სალა-
პარაკოა... არა, არგონაეტებს ნუ გამაზ-
სენებ, თუ ძმა ხარ, რა სატრაბახო ეგ
არის?.. სიძველით? მაგაზე სხვა დროს,
ეხლა კი ისედაც გამიგრძელდა სიტყვა.
რას ვამბობდი?.. ჰო, მოკლედ, ძალიან
მიყვარს ფოთი. მაგრამ ეს სიყვარული
მოგვიანებით, დროთა განმავლობაში
გამოჩნდა, მაშინ კი, რომ ჩავედი, გუ-
ლზე შემომეყარა — ცოდვა გამხელი-
ლი სჯობს და კიდევ იმიტომ მიმიხარო-
და ფოთში რომ რაც უნდა ყოფილიყო,
ზღვაზე მივდიოდი, იმ დროს კი — ომ-
ისწინა დროს მოგახსენებთ, ეს შედა-
რებით უცხო ხილი გახლდათ, ჰოდა,
ეფექტობდი ერთი ორჯერ ხომ მაინც
ჩავეყურყუმალავდები ზღვაში, ცოტას
გავშავდები, თანაც ეგება შორეულ ნა-
ოსნობაში გადაკარგული რომელიმე
მეზღვაურის თანამეცხედრეს ვცე ნუ-
გეში-მეთქი. აკი ვთქვი, ჭეელი ვიყავი,
თავქარიანი და დიდად არ გამემტყუნე-
ბოდა ამისთანა ვერაგული ზრახვები,
მაგრამ, საქმეში ხარ — წვიმა ხომ
წვიმად დამხვდა, ზღვაც ისე აქოჩრი-
ლიყო, ჩემზე გაცილებით გულადსაც
დააფრთხობდა მარტო მისი შეხედვა და

ქალაქიც ისეთი მოჰამული მეჩვენებო-
ერთი პირობა კინალამ უკან გამაფრთხი-
ნდი, მაგრამ მაღლე გამიქარვდა და დღე-
ბი — გეცოდინებათ, ჯერ ახლა რო-
გორ ხვდებიან ხოლმე „ცენტრიდან“
ჩასულ კორესპონდენტებს და მაშინ ხომ
ნულარ იკითხავთ, თავზე გადაყვენ
— ჯერ სასტუმროში ისეთ ნომერში
დამაბინავეს, ფლიგელ-ადიუტანტიც
არ იუკადრისებდა, პირადი მანქანაც
— „ემადინი“ იყო, აბა სხვა რა იქნე-
ბოდა — მანქანად მომიჩინეს და, საე-
რთოდ, ისე მელოლიავებოდნენ, აღარ
ვიციოდი რა მექნა — ახალბედა ვიყავი,
დამწყები, ჯერ არ შემყროდა ჩემი კო-
ლეგების პროფექციული სენი, თავზე-
დობა რომ ჰქვია ქართულად, იმათაც
რა შემატყვეს, არ გვედიდგულემა და,
პირიქით, დაირცხვინა კიდევცო — არა,
მართლა კარგი ხალხია ფოთლები, ყო-
ველ შემთხვევაში, ახლა არ ვიცი, დი-
დი ხანია აღარ ვყოფილვარ, იმ ხანებ-
ში კი იყვნენ — ეს რომ შემატყვეს პა-
ტივისცემა გამიორკეცეს და მეც დღის-
ით რომ ნავსადგურში, ელევატორზე ან
სადმე სხვაგან დავფორთხავდი, მერე,
სადამოს, ნომერში ყოველ სიტყვას
თავს ვაკლავდი, ვინძლო პატივისცემა
დავუფასო-მეთქი ჩემს მასპინძლებს,
მით უმეტეს, რომ წვიმა არადა არ იდ-
ებდა და გულის გადაყოლებაც გამომ-
დიოდა. მოკლედ, ამ ყოფაში რომ ვარ,
ერთიც ვნახოთ და, არ გამოიღარა! —
სწორედ ის იყო ნაშუადღევს ნავსად-
გურში ამწეების მუშაობის შესწავლას
მოვრჩი, იქაურებთან ერთად სადილად
ცოტა გადაკვრაც მოვასწარი — მაშ
როგორ გინდათ, ხომ უნდა დავახლო-
ვებოდი მასებს — და ცამაც გადაიკარა
— გარეთ რომ გამოვედი, სულ კრიალი
გაუდიოდა ყველაფერს. რაკილა დარს
ველირსე, შინ, ესე იგი, სასტუმროსა-
კენ მიმავალმა მანქანა გავუშვი და ფე-
ხით გავუდექი გზას, დიდხანს ვინეტი-
ლე, სანამ საბოლოოდ ავიღებდი გეზს
შინისკენ. კარგად მახსოვს, სადამოს პი-
რი იყო, ზღვიდან გრილი, საამო ნიავი
უბერავდა, ქალაქიც ამჭერად ბევრად

უფრო მიმზიდველი მეჩვენა, შექიფი-
ანებულად გახლდით და ისეთ გუნება-
ზე დავდექი, რომ ღიღინაც წამოვიწყე
და ამ დროს მართლა არ შემომესმა მუ-
სიკის ხმა?! ვიოლინო უკრავდა. ცოტა
კი გამიკვირდა, ხომ იცი, მაგრამ, რა-
დია-მეთქი და ყურადღება აღარ მი-
ნიჭებია, არადა, რაც უფრო წინ მივი-
წევ, ხმაც უფრო ახლოვდება. ძლიერ-
დება და უეცრად, კუთხეს რომ გავც-
დი, რას ვხედავ: დგას — ხომ ამდენი
წელი გავიდა, გუშინდელივით მიდგას
თვალწინ — მაღალი, მაკინტოზს რომ
ვეძახდით, ისეთ ლაბადაში ჩაცმული
მოხუცი, გრძელი, თეთრი, ბოლოებში
შევევითლებული თმა ლამის მხრებამდე
სცემს, ვიოლინო მოუმარჯვებია და უკ-
რავს, თან ისეთი სახით, გეგონება ყო-
ველდღე კონცერტებზე გამოდიოდეს,
არადა, ამ დროს ფეხებთან, ამობრუნე-
ბული ფართოფარფლებიანი შლიაპა
უდევს და შიგ ორიოდ შეაურიანი თუ
აბაზიანიც ჭიატებს — მოკლედ, ნეა-
პოლია რაღა და ეგ არის. ყველა-ყვე-
ლა და, ამას კი აღარ ველოდი — სახ-
ტად დავრჩი, ხომ იცი, ცოტა ხანს კი
ვუყურე ასე გაშტერებულმა და მერე,
დაკვრა რომ მოათავა — რაღაც უბრა-
ლო მელოდიას უკრავდა, — შემომხე-
და და მეც, არ ვიცი რა ბზიკმა მიკბინა,
ეტყობა, მეტისმეტი დაბნეულობის
დროს რომ იცის, ისე მომივიდა, ვი-
თომდა დარდიმანდულად მივახალე,
а ну-ка маэстро, сыграйте что-ни-
будь из Глазунова-მეთქი. აქამდე ვერ
გამიგია, ან რუსულს რა მრჯიდა — რუსს
არა ჰგავდა, ან გლაზუნოვი რამ გამახ-
სენა — ჩემს ღღეში არ ვყოფილვარ მი-
სი მოყვარული. მაგრამ ამას ვინ ჩივის,
თქვენ მოხუცი თქვით — ამის თქმა იყო
და, ერთი კი აზიდა წარბები და მერე
მოკვეთით დაემხო მუხლებზე, ხელები
გამოიშვირა და, как вы знаете моего
дорогого учителя Александра Кон-
стантиновича Глазунова-ო შემომ-
ლაღადა. სახტად დარჩენა ახლა გენახ-
ათ, მგონი თვითონ გლაზუნოვი რომ

გამომცხადებოდა იმ წუთს, ამაზე უფ-
რო არ გამიკვირდებოდა, რომ იტყვიან
პირი დავაღე, ამ სიტყვის სრული
მნიშვნელობით. მერე, როგორც იქნა,
ამოვილულულე, лично быть знаком
чести не имел, но кое-что слышал-
მეთქი, — ანგლობა ვცადე, ვითომ, ჩე-
მი ჰქუთო. ვცადე და ძალიანაც ვინანე
იმწამსვე — ისე შემომხედა, მიწა გამ-
სკდომოდა, ის მერჩია. ადგა, მუხლები
დაიფერთხა, ვიოლინოს ბუდე გახსნა და
საკრავი შიგ ჩაღო, თან, ვხედავ, ნიკაპი
და ხელები უკანკალებს, თვალბეჭეც
ცრემლები მოსდგომია. წავხლი კაცი —
Ради бога, извините за дурацкую
шутку, но я и в самом деле с удо-
вольствием послушал бы что-нибудь
из Глазунова-მეთქი შევევედრე. გა-
მომცდელად შემომხედა და უცბადვე
მოუბრუნდა გული — ისევ ამიღო ვი-
ოლინო, მოიმარჯვა, ცოტა ხანს ემზა-
და, ხან ასე დადგა, ხან ისე — ერთ რა-
მედ ღირდა ამის ყურება — და ბოლ-
ოს დაიწყო, მუსიკა ვიცანი — კონცე-
რტი იყო ვიოლინოსა და ორკესტრი-
სათვის... ახლა რომ გითხრათ, პაგანინი
იყო-მეთქი, ან ოისტრაბი, არ დამიჯე-
რებთ, და მართალიც იქნებით, მაგრამ
გვარჩინად კი უკრავდა, ბგერა სუფთა
ქონდა, ინტონაციაც სწორი, თუმცა
ამას არც აქვს მნიშვნელობა, მთავარი
სხვა რამე იყო — ძველი სკოლის ოს-
ტატების პეწი და ლაზათი ჰქონდა შე-
მორჩენილი პოზაშიც და საერთოდ შე-
სრულების მანერაში; ისე რომ დაკვრის
ხარისხს ყურადღებას აღარც კი აქცე-
ვდი — როგორ გითხრათ, იმას ჰგავდა
მისი ამბავი, ძველი საათები რომ არის
ხოლმე — მუშაობითაც ძლივს მუშაო-
ბენ, წამდაუწუმ ჩერდებიან, ხმაც დან-
ჯღრეული აქვთ, როცა რეკავენ, მაგრამ
ისე არიან მოვარაყებულ-მოჩუქურთმე-
ბული, ისეთი ზიზილ-პიპილოები ამ-
შვენებთ, რომ მუშაობას სულ არ
თხოვ — ყურებასაც სჯერდები. აი, ამ-
დაგვარი გრძნობა მქონდა, მოკლედ, პი-
რწავარდნილი „მაესტრო“ იყო. ჰოდა,

ვიდექით ასე, კარგი სანახევები კი ვაქ-
ნებოლით ორივენი, ვინმეს რომ გამოე-
ვლო, მაგრამ, ვერ გეტყვით, ადგილი
იყო ისეთი, თუ დრო, არავენ შემო-
გვსწრებია, თან კაცმა რომ თქვას, არც
გაჭინაურებულა ეს ჩვენი კონცერტი,
თავი-ბოლო ხუთიოდე წუთის თუ გას-
ტანა და მერე ჩემმა მაესტრომ უცბად
ხელები ჩამოყარა — მეტი არ შემოდ-
ლიათ, სევდიანი ღიმილით მოიბოდიშა.
არა უშვას, მთავარია, რომ განუზომე-
ლი სიამოვნება მომანიჭეთ თქვენი ხე-
ლოვნებით-მეთქი, დავამწვიდე. რას
ბრძანებთ, სამადლობელო თუ მაქვს,
მე მაქვსო, იმანაც მიბასუხა და ასე შე-
ყვევით ნელ-ნელა. მართლა გლახუ-
ნოვის ნამოწაფარი ყოფილიყო, ძველი
პეტერბურგელი, მაგრამ მერე გზა არე-
ოდა, ბევრიც ეხეტიალა, ბოლოს საქა-
რთველოში მოხვედრილიყო და აქ რა-
ტომღაც ფოთში დამკვიდრება ეძგობი-
ნებინა. ძალიან კარგი ქალაქია, თანაც
ცოტა პეტერბურგს მაგონებს თავისი
დაგეგმარებით და ნესტითო, ასე ამიხს-
ნა. მოკლედ, ფოთში დასახლებულიყო
და ბოლო დრომდე სასტუმროს რეს-
ტორანის ორკესტრში ემუშავა, მაგრამ
სმა ჰყვარებოდა საწყალს და ერთი-ორი
თვის წინ დაეთხოვათ იქიდან. ჰოდა,
გადაწყვიტა, თავის გასატანად ბედი ის-
ევ ქუჩაში ესინჯა, где и подвизаюсь
ныне, в качестве первой скрипки,
за отсутствием других-ო, როგორც
თვითონ იხუმრა. ამასობაში სასტუმრო-
მდეც მივალწიეთ და ეს რომ მითხრა,
თავში მყისვე ერთმა აზრმა გამკრა —
წამომყვევით-მეთქი, მკლავში ხელი მოე-
კიდე და სასტუმროში შევედი. ჰო, მა-
რთლა, ამდენ მიეთმოეთში სულ დამავე-
წყდა მეთქვა, რომ სასტუმროს დირექ-
ციასაც და პერსონალსაც, რაკი მხედა-
ვდნენ, ქალაქის მესვეურებს რა პატივ-
შიც ვყავდი, „ათას ერთ დამეში“ რომ
გადაცემული ხალიფა დაიარება ბაღდა-
დში, რა ერქვა?... ..ჰო, ჰარუნ-არ-რა-
შიდი — რალაც იმდაგვარი თუ არა, ბე-

ვრად ნაკლებიც არ ვეგონე — სულ
ელეთ-მელეთი მოსდიოდათ ჩემს და-
ხვაზე და მეც ვიფერებოდი უკვე საიმ-
დროოდ, ხომ იცი, ამ ამბავს... ვაჰ, კა-
ცი ჰირს ეჩვეოდეს, ის გიკვირდეთ, თო-
რემ ლხინი გაუტკბეს, რა სათქმელია
— ჰოდა, ეს ჩემი მოხუცი რომ წარვე-
დგინე და დავეუცაცხანე ადმინისტრა-
ტორს თუ დირექტორს — ახლა აღარ
მასსოვს — ეს კაცი შესანიშნავი მუსი-
კოსია და ორკესტრიდან მისი გაგდება
როგორ გაგიბედათ, ახლაც აღადგი-
ნეთ-მეთქი, ისე დაფეთდნენ, სულ, რა-
ც გეკადრებათ, მაგაზე გაწყენინებთოს
ძახილით გაამწესეს დაუყოვნებლივ ჩე-
მი მაესტრო ხელახლა ორკესტრში.
ერთი სიტყვით, სრული რევანში ავიღე
წელანდელი განცვიფრებისათვის — მო-
ხუცმა გაოგნებით შემომხედა და, **вы
что, переодетый принц-о?** თითქმის
სერიოზულად მკითხა. **Нет, больше-
корреспондент-მეთქი,** მივუგე და,
როცა მიხვდა, ისეთი ხარხარი წაგვსკდა
ორივეს, სულ დავუბნიეთ თავგზა ჩემი
რისხვით ისედაც დაზაფრულ სასტუმ-
როს პერსონალს. აბა, ახლა გენახათ
ჩემი მაესტრო, აღარ იცოდა, საბრალო-
მ, რითი გადაეხადა ამაგი — საღამოს
რესტორანში რომ შევიდოდი ხოლმე,
დაკვრას შეწყვეტდა, ორკესტრსაც შუა
ნოტზე შეაჩერებდა — სხვათა შორის,
მუსიკოსები, როგორც შევატყვევ, ძა-
ლიან აფასებდნენ — და მისი ღირი-
ქორობით ისე ომახიანად დასცხებდ-
ნენ ტრიუმფალურ მარშს „აიდადან“,
რომ ვინც იქ იჯდა იმ დროს, მე მგონი,
კარგა ხნით კარგავდა სმა-ჰამის მადას
და, საერთოდ, საზოგადოებრივი თავ-
შეყრის ადგილებში სიარულის ხალისს,
სამაგიეროდ, მე მოწყალე ღიმილით და-
ვუქნევდი თავს და, ვითომც აქ არა-
ფერიო, გადავხედავდი თანამგზავრს...
მეზღვაურების თანამეცხედრეებთან,
ნურას უკაცრავად და, სხვა მხრივ კი
ვცდილობდი გულისნადების ასრულებ-
ას, მაგრამ ამას ჩვენ ამბავთან არაფე-
თარი კავშირი არა აქვს და თუ დამა-
ლით, კარგს იზამთ, რას ვამბობდი?... ჰო,

ასეთი აზრით მხედვებოდა. ზოგჯერაც, თუ დიდხანს შევერჩებოდი იქაურობას და მარტოკასაც დამიგულებდა, Если позволите-ო, მკითხავდა, მომიკლებოდა და გავაბამდით მასლაათს. გვიანობამდე ვისხედით ხოლმე, აქეთურს ვიტყოდით, იქითურს, უფრო მეტად მაესტრო ლაპარაკობდა — ხან სასაცილო რამეს მოყვებოდა, ხანაც ნაღვლიანს — მაგრამ ყოველთვის საინტერესოს, უფრო სწორად, საინტერესოდ, ისევ შესრულების თვალსაზრისით. ერთი კარგი თვისებაც ჰქონდა — ნიშანწყალსაც არ ამქლავებდა აულიარებელი გენიოსობისას, თავსაც რომ იწამლავენ და შენც გიშხამავენ გუნებას ბედის გაუთავებელი სამღურავით, ფილოსოფიურად უცქეროდა თავის ყისმათს, დიდ ქარტახილებში მოყოლილი ნაფოტა ნავი ვარო — Аки челн во море-окиане-ო, წაუძველრუსულებდა. საერთოდ, უყვარდა მაღალფარდოვანი ლაპარაკი — მაგალითად, მე «Благородный юноша»-ს მეძახოდა და არ ვიცო, კიდეც რა ეპითეტებით მამკობდა, მეც ჩემი მხრივ, მაესტრობით ან სახელ-მამის სახელობით მივმართავდი ხოლმე და ვიყავით ასე შეხმატებილებულად. ერთი სიტყვით, რაღა ბევრი გვაგარძელო, ძან დროს ვატარებდი და ამ განცხრომაში ისე მომეპარა გამომგზავრების დრო, რომ ვერც კი გავიგე. ბოლოსწინა დღეს აუარებელი საქმე გამომიჩნდა — ეს დარჩენილი „ობიექტების“ დათვლიერებაო, ეს ისაო, ეს ესაო, მერე საქეიფოდ გამაქანეს და სასტუმროში, შუალამეს იყო გადაცილებული, რომ მიმიტანეს. დილით, ნაბახუსევმა, თავი ძლივს ავაგლიჯე ბალიშს, ისევ მასპინძლებმა მიპატრონეს — ჩამაცვეს, დამახურეს, ცოტა მომასულიერეს, სადგურზე ციმციმ მიმიყვანეს და ვაგონშიც ლამის ხელში ატატებული ამიყვანეს. მაინც ვერ გამომიკეთდა გუნება — საშანლად მტკიოდა თავი, თან ისეთი წვიმა დაუშვა, ჩემს გამცილებლებს, მთელი მათი თავაზიანობის მიუხედავ-

ად, დიდი ხეყნა-მულარა არ დასჭირვებიათ, ისე გამომეთხოვნენ და უშველეს. მე კი ამ დროს, რაღაც კირა-ალ, ჩემი მაესტროც მომაგონდა, დაუმშვიდობებლად რომ ვტოვებდი და, ხომ მოგეხსენებათ, ნამთვრალევეზე რავარი სინდისის ქენჯნა იცის — იოტისოდენა რამე ამაზრზენ დანაშაულად მოგეჩვენება კაცს — ისეთ ხასიათზე დავდექი, ისეთი ნაღველი შემომამწვა, აღარ ვიცოდი, რა მექნა. ეგებ ცოტა გულზე მომეშვას-მეთქი, ის იყო, პაპიროსი გავაბოლე და მატარებელიც დაიძრა — ბაქანს გავხედე უქანასკნელად და რას ვხედავ — არ მორბის ჩემი მაესტრო თავქუდმოგლეჯილი ამ თავსხმაში და ვიოლინოს ბუდეს არ მოაკონწიალებს? იმის გაფიქრებაც კი მოვასწარი, ეს რაღა უნდოდა-მეთქი, რომ ამ დროს, რაკი შეატყო, ვეღარ დავეწევიო, გახსნა ბუდე, ამოიღო ის თავისი ვიოლინო, მოიმარჯვა და დაკვრა არ დაიწყო — ან რა უნდა დაეკრა, ან ვიოლინო არ დაენანა — თვალისჩინივით ჭფრთხილდებოდა, საწყალი — მაცილებდა თავისი ჭკუით. გადავირეე, ხომ იცი, ამის დანახვაზე, დავეჭაჯგურე ფანჯარას — არ ვიცო, რას ვაპირებდი, რომ გამელო, მაგრამ, გაგიგონია, ძვრაც ვერ ვუყავი. მეორეს ვეცი — იმასაც ვერაფერი მოვუხერხე და დავყარე ფარ-ხმალი — მინას მივაჭყლიტე ცხვირ-პირი და ასე გავცქეროდი მოხუცს. ის კიდეც იდგა ასე ბაქანზე, სანამ მოჩანდა და უკრავდა — თვალს რომ მიეფარა დამერეც, გზაში, კიდეც დიდხანს მეჩვენებოდა, თითქოს ვიოლინოს ხმა ჩამემსოდა შორიდან...

... ჰმ, ეგეთი ამბავი იყო, მაშ. მაინც დამაინც ვერ შეგაქვეყინეთ თავი, როგორც გატყობთ, მაგრამ ნუ გამირისხდებით — თქვენ თვითონ დაიყინეთ, რამე მოგვიყვევიო, მე კი უკეთესი არაფერი მომაგონდა. ასეა თუ ისე, გასამრჯელო მაინც მეკუთვნის, ხომ მართალია?.. ჰოდა, თითოც ჩამოასხით, თორემ ახლა კი მართლა გამიშრა ყელი...

დარბაზს სამი მხრიდან მინა ვრტყა, ერთადერთი მკვიდრი კედელიც ხეიარისმაგვარი მოზაიკით იყო დაფარული და ხმელ-ხმელ, ჭაღარაშერეულ მამაკაცს, რომელიც ჩვეულებისამებრ კუთხის მაგიდასთან იჯდა, კვლავ ისეთი გრძნობა დაუფლებოდა, თითქოს უზარმაზარი, ოღონდ დაწრეტილი აკვარიუმის ფსკერზე იმყოფებოდა. ამ შეგრძნების მიუხედავად, ან იქნებ მისი გამოისობითაც, ამ კაცს უყვარდა აქაურობა, მეტადრე საღამოობით, როცა გაჩახჩახებულ, ხალხით გავსებულ დარბაზში ყრუ, გაბმული გუგუნი ისადგურებდა, სქელი, მყიფე მინები კი გაუმჭვირვალი ხდებოდნენ და მხოლოდ კაფეს შიგთავსს ასახავდნენ გარსმომდგარი სიბნელისაგან სარკელქცეულნი. ასეთ დროს დარბაზისაკენ ზურგშექცევით ჯდებოდა ხოლმე და ისე ადევნებდა თვალს წამსვლელ-მომსვლელს, მაგრამ ახლა სხვა გასართობი ეპოვა — ციციბო, გლუვ მინას ერთგან ზადი აღმოაჩინდა და მასზე დაცემულ მზერას როცა აადგილებდა, უძრავი სიბრტყე ახირებულად, ჩაგდებული კენჭისაგან ატორტმანებული, ლივლივა წრეებად გაშლილი ტბორის ზედაპირივით ამრუდებდა და ასხეფერებდა არეკლილი საგნების მოყვანილობასა თუ მოძრაობას.

— შეიძლება? — მოესმა ანაზღად. მოიხედა; ჩვიდმეტ-თვრამეტიოდღე წლის გოგო და ბიჭი დასდგომოდნენ თავს. ბიჭი ძალიან მაღალი იყო, მაგრამ კარგი აღნაგობის წყალობით მისი სიმალღე არც ისე თვალშისაცემი იქნებოდა, სანდომიანი, ქალის პირობაზე არცთუ ტანმორჩილი თანამგზავრი რომ არა, რომელიც მხრამდე ძლივს უწევდა და ხაზს უსვამდა მის ახოვანებას. მაინც უხდებოდნენ ერთმანეთს, თუმცა ახლა გვირანად შეცბუნებულნი გამოიყურებოდნენ, რადგან დარბაზში დაუკავებელი მაგიდა აღარ დარჩენილიყო და ახლო-მახლო მსხდომნიც ერთ-

თგვარი ნიშნის მოგებით უცქერდნენ. ბიჭმა თავისუფალ სკამს დაადო ხელი და, ემანდ, დაბნეულობა არ შემატყოსო, უკმეხად გაუმეორა:

— შეიძლება?
კიო, თავი დაუქნია კაცმა და ისევ მინისაკენ იბრუნა პირო.

— არ მომწონს აქაურობა, — გაიგონა დასხდომისთანავე როგორ გადაულაპარაკა გოგომ ბიჭს, — მოდი, წავიდეთ...

— რაღა დროს წასვლაა, თანაც ვერ ნახე, ყინავს გარეთ, აქ თბილა მაინც, — ბიჭს ხმა ახალი დაბოხებული ჰქონდა და ჩუმი ლაპარაკი არ გამოსდიოდა.

— წავიდეთ, რა, — არ დაიშალა გოგომ.

— კარგი, გეყოფა.

კაცმა მინაში მაგიდასთან მოსული ოფიცინატი ქალი დალანდა, მობრუნდა და როცა თანამესუფრეებმა ყავა და ნამცხვარი შეუქვეთეს, პატარა, მუცელგაბერილ, გამოცლილ მინის სურაზე ანიშნა უხმოდ, კიდევ მომიტანე კონიაკო. კარგო, უხმოდვე დაუქნია თავი ოფიცინატმა და გაეცალა.

— მოგვიტევეთ, ასე დაუბრუნებლად რომ შემოგეზიარეთ, — მიტრიალებდა არ აცალა, მოუბოდიშა გოგომ, რომელსაც ეტყობოდა, თანმზღების უხეშობის გამოსყიდვა უნდოდა. — სხვაგან ყველა ადგილი დაკავებული იყო და იძულებული გავხდით, თქვენ შემოგვიღლებოდით.

— არა უშვავს, — გაუღიმა კაცმა, — ამ დროს აქ ყოველთვის ასეთი ამბავია.

— ღიახ, ამბობენ, ძალიან ეტანება აქაურობას ხალხი და თანაც საკმაოდ ჭრელიო, არა? — გაუხარდა გოგოს შემრიგებლური პასუხი.

— მიიხედ-მოიხედე და თვითონ დარწმუნდები, — გააწყვეტინა „საზავო მოლაპარაკება“ ბიჭმა, რომელსაც ეტყობოდა, ჭერაც არ განელებოდა წელანდელი გაღიზიანება. გოგომ მზერით

უსაყვედურა, წყენის დასაფარავად ერთხანს თავი დახარა და მერე, მაინც მოავლო თვალი დარბაზს.

— ნახე, ვინ ზის იქ, — ხელზე შეეხო უცხად ბიჭს.

იმან უხალისოდ მიიხედა. დარბაზის შუაგულში, ამოსასვლელთან, სადაც უფრო დიდი მაგიდები იდგა, რამდენიმე ქალთან და მამაკაცთან ერთად იჯდა მსუქანი, მელოტშეპარული კაცი — ახლახანს სახელგაყვარდნილი მწერალი, საუბრით გართულს, თითქოს აინუნშიაც არ მოსდიოდა გარეშემოთა ყურადღება.

— დიდი ამბავი... — თავი მოაბრუნა ბიჭმა.

— რატომ, რას ერჩი? — გაუკვირდა მის თანამგზავს.

— არაფერს, უბრალოდ, ვინ ზისო, ისე თქვი, გეგონება, მართლა დიდი ვინმე დაგენახოს.

— რატომ რა, ცუდი მწერალია?

— უკეთესებიც არსებობენ...

— ყოველ შემთხვევაში, დღესდღეობით მაგაზე უკეთესი ბევრი არ უნდა იყოს.

— დღესდღეობითაც არიან, ალბათ, ოღონდ მაგასავით არ ეჩვენებიან ხალხს, დატყბით, რა ბიჭი გყვეართო.

— ნუ იცი ასეთი ლაპარაკი, აქოლა, თავმომწონეობაში არ ჩამომართვანო, გარეთაც ვეღარ გამოსულა, ისე გამოდის.

— ნუ გეშინია, არც სახლში ჯდომით დაემართება ჟანგბადის უკმარისობა, მე როგორც ვატყობ.

— შენ უბრალოდ გშურს, — გაბრაზდა გოგო.

ბიჭმა ერთხელ კი გადახედა, მაგრამ აღარ შესიტყვებია — აშკარად არ ეჭმუნებოდა უცხოს თანდასწრებით კინკლაობა, გოგო კი მისი უგუნებობის მიზეზს ვერ მიმხვდარიყო და კრიკაში ჩადგომით უხდიდა სამაგიეროს, ისე რომ ოფიციალტმა სწორედ დროზე მოუსწროთ — სანამ იგი სუფრას აწყობდა, არაფერი უთქვამთ, ბიჭმა ჰკითხა მხოლოდ, სიგარეტი ხომ არა გაქვთო,

და უარი რომ მიიღო, რაღაც ჩაილაპარაკა უკმაყოფილოდ. კაცმა თავი უწოდა, ეს მოწონებო, და იმანაც ცოტაოდენი ყოყმანის შემდეგ გამოართვა. თვითონ კაცმა კონიაკი დაისხა, მაგრამ დალევა დაახანა.

— უკაცრავად, ყურს რომ გიგდებდით, მაგრამ რაკი ასე მოხდა, ბარემ, თუ შეიძლება, ესეც მინდა გავიგო, თქვენ რა ნაწერები არ მოგწონთ მისი? — მოულოდნელად მიმართა ბიჭს.

— ნაწერებში არაა საქმე, — შეიშმუნა იგი, — თუმცა უკეთესის დაწერაც შეიძლებოდა.

— აბა?

— ამას მაგ კაცის პოპულარობა აღიზიანებს, — განუმარტა გოგომ და ყავა მოსვა.

— გალიზიანება არაფერ შუაშია, არც ეგ კაცი თუ მისი პოპულარობა, უბრალოდ, — ბიჭმა სიგარეტს ფერფლი მოაშორა, — უბრალოდ, არ მიყვარს საკუთარი დიდების სხივებში მოქყუპალავე ხალხი.

— ჰოო, — გაელიმა კაცს და მწერალს გახედა, — ისე, არც უმაგისობაა, ალბათ.

გოგომ ფინჯანი ლამბაქზე დადგა:

— არ ვიცი, იქნებ მართალიც იყოთ, მაგრამ არა მგონია, მიუტყვებელ ცოდვას სჩადიოდეს მაგით, მით უმეტეს, რომ თვითონვე მოიპოვა ეგ დიდებაც და პოპულარობაც.

— მაგის გაკეთება არც ისე ძნელია, დამსწრე საზოგადოების გემოვნებას თუ გავითვალისწინებთ, — თქვა ბიჭმა.

— ჯერ ერთი, არ მესმის, რას ერჩი დამსწრე საზოგადოებას, და მეორეც, სხვასაც ბევრს მოსწონს მისი ნაწერები, ამდენი ხალხის გულის მოგება კი იოლი არ უნდა იყოს.

— გულის მოგებას თუ დაისახავ მიზნად იოლია...

— მერედა, რა არის ამაში ცუდი?

— არაფერი, გარდა იმისა, რომ „სადღესდღეობო“ სახელს დახარბდა და უღლეური, იაფფასიანი იგავების თხზვას

შეალია თავი, არადა, იქნებ, მეტიც შე-
ეძლო.

— ესე იგი, ისეთი რამეებიც წერა,
რასაც ვერავინ გაიგებდა, არა?

— გამგები გაიგებს, ახლა თუ არა
მერე, მოგვიანებით მიინც.

— კარგი და, მერეც ვერავინ გაიგოს,
მაშინ? ხომ ტყუილად ჩაუვლის ყველა-
ფერი? ან თუნდაც გაეგოთ, თვითონ
ხომ ვეღარ მოესწრება აღიარებას?

— მაგას არა აქვს მნიშვნელობა,
მთავარია, რიგიანი დაეწერა რაიმე და
უსათუოდ გაიგებდნენ, თუ არადა, მა-
შინ მარტო თვითონ ეგონებოდა, დიდი
რალაც შეეჭმენიო და საკუთარი თავის
მეტს არავის მოატყუებდა.

— დიდი ვერაფერი ნუგეშია...

— მაგისტვის არა და, ზოგისთვის
იქნებ არის, — სიგარეტი საფერფლე-
ში ჩასრისა ბიჭმა.

გოგოს გაეცინა:

— თუ იცი იმ ზოგიერთებს რას ეძა-
ხიან?

— რას?

— ხელმოცარულებს, აი, რას. მარ-
თალი არა ვარ? — კაცს მიუბრუნდა
გოგო.

— კი, ეგრე ეძახიან, — დაუმოწმა,
იმა.

— ეგენი, — თავი გააქნია ბიჭმა, —
ეგენი ეძახიან ეგრე.

— შენ ვერაფერი გადაგაჯერებს, —
ხელი ჩაიქნია გოგომ.

კაცმა ცოტა ხანს კიდევ ატრიალა
თითებით კონიაკით სავსე სირჩა მერე
აიღო, ნელ-ნელა გამოცალა, მაგიდაზე
დადგა და ისე, რომ არავისთვის მიუმა-
რთავს, იკითხა:

— თბილისელები უნდა იყოთ, არა?

— დიახ, — უპასუხა გოგომ.

— მაშინ იქნებ გინახავთ, ამ რამდე-
ნიმე წლის წინათ ერთი კაცი იყო, მხა-
ტვარი, რუსთაველზე, ზედ შუაგულ
ტროტუარზე იდგა ხოლმე მოლბერტით
და ისე ხატავდა.

— ჰო, მახსოვს, — გაკვირვებით შე-
ხედა ბიჭმა, — ჩემი სკოლის წინ იდგა
ხოლმე, ყველაზე ხალხმრავალ ადგილ-

ას. კაფანდარა კაცი იყო, ჭალარათმისანი,
ველვეტის პიჯაკი ეცვა ზამთარზე, ზამთარზე
ულ...

— რას ხატავდა? — ჰკითხა გოგომ.

— რა ვიცი, — მხრები აიჩეჩა ბიჭმა,
მგონი სამხატვრო გალერეას, თუმცა ტი-
ლოზე კი ბუნდოვანი ლაქების მეტი არ-
აფერი ჩანდა, არადა, ბლომად ხალხი
ეხვეოდა, ვნახოთ, რა გამოუვაო, მაგ-
რამ არ დააყენა საშველი.

კაცმა კვლავ შეივსო სასმისი:

— თუ გახსოვთ, რამდენ ხანს გრძე-
ლდებოდა ეგ ამბავი?

— თუ არ ვცდები, ორ წელიწადს მა-
ინც, — შუბლი შეეჭმუნა ბიჭს, — ჰო,
ბოლო კლასებში რომ ვიყავი, თითქმის
ყოველდღე ვხედავდი, მერე სადღაც
გაქრა...

— თუ იცით, რატომ?

— რატომ გაქრა?

— არა, რატომ არ დაამთავრა სურა-
თი?

ბიჭმა ისევ აიჩეჩა მხრები. კაცმა
კონიაკი გადაჰკრა და სულმოუთქმელ-
ად, ოდნავ ჩახლუჩილი ხმით თქვა:

— დღისით დადებული საღებავის ფე-
ნას საღამოს ფხეკდა ხოლმე შინ, ისე,
რომ არც აპირებდა დამთავრებას.

— კი, მაგრამ, რატომ შვრებოდა
ამას? — გაოცდა გოგო.

— რა მოგახსენოთ. რამდენადაც ვი-
ცი, თავის დროზე ისიც არ დაგიდევ-
დათ თანამედროვეთა აზრს მომავალი
აღიარების თუ სხვა რალაცის იმედით,
მაგრამ ბოლოს, ეტყობა, საკუთარი თა-
ვის რწმენამ უმტყუნა, ჰოდა, მანაც გა-
მონახა დიდების სხივებში ჭყუმპალაო-
ბის ხერხი, — ღიმილით გადახედა ბიჭს,
— თავისებურად, რალა თქმა უნდა, და
სიამოვნებას იხანგრძლივებდა, ალბათ.

— მერე?

კაცმა ბიჭზე ანიშნა:

— აკი თქვა, სადღაც გაქრაო, მეც
აღარ მინახავს...

გოგომაც გადახედა ბიჭს, მაგრამ ის
კაცს უყურებდა — დაკვირვებით თუ
მოლოდინით და ამანაც იქით გადაიტა-
ნა მხერა:



— თქვენ იცნობდით იმ მხატვარს?
 — არა, — უპასუხა კაცმა, წამოდგა, კარგად იყავითო, დაემშვიდობათ და ოფიციალტს მიაშურა დანახარჯის გადასახდელად. იქიდან გამობრუნებულს ის იყო, კიბეზე უნდა დაედგა ფეხი, რომ მწერალმა თვალი მოჰკრა და ფეხზე წამოდგომით, მომეტებული თავაზიანობით მიესალმა, როგორც იციან ხოლმე აღზევებულმა ადამიანებმა, თავმდაბლობის გამოჩენა როცა სურთ. ამანაც დაუკრა თავი და ხვეულ მარმარილოს კიბეს ჩაუყვია.
 მაგიდასთან დარჩენილნი ჩუმად ისხდნენ, — მინაში იყურებოდნენ და

თუმცა იგი კვლავინდებურად დატბანის შიგთავსს უფრო მკაფიოდ ასახავდა, ვიდრე გარე სამყაროს, ბოლოს მაინც გარჩიეს მხრებში მოხრილი მაღალი კაცი, ჩქარი ნაბიჯით რომ შორდებოდა კაფეს. გარეთ სუსხს, ეტყობა, კიდევ უფრო ეძალა და ასფალტიც ალაგ-ალაგ მოყინულიყო, მიმავალს ერთი-ორჯერ ფეხი აუსხლტა, კინაღამ დაეცა, მაგრამ ნაბიჯი არ შეუწყლდებია, სულ უფრო სცდებოდა კაფეში დარჩენილთა თვალთახედვის არეს, მინებიდან გადაღვრილი შუქით განათებულ სივრცეს და თანდათანობით, თითქოს ნაწილ-ნაწილ ერწყმისო, უჩინარდებოდა სიბნელეში.



კვრივების ელგობა

— კვრივი — ხატის ნაკრძალი.

ქვაზე ფეხწითელა მტრედის ნავალი ეტყობოდა.
მთა-მთაზე წარღვნის გამორიყულ კიდობანივით იდგა.
ირხეოდა რალაც მუსიკისნაირი,
მაგრამ არ იყო იგი მუსიკა —
ხეობას ეფინებოდა სიჩუმის ექოები,
რომელსაც კაცშეუვალი კვრივები გამოსცემდნენ...

შროშანებს შრიალ-შრიალით მოჰქონდათ ნაცრისფერი ყვავილები
და მიმოფენდნენ საბეკურის კარზე...
სადაც მზე და მთვარე მიცურავენ ხავსიან ცაზე
და კაცთა ყოფის საიდუმლო ნიშნებს ანათებენ...

თითქოს ხე, რომელიც ნაყოფის მომცემია,
აღარ ჰყვავის და ხმება უხილავი ცეცხლით...
ამ არემარეში მაინც ხარობს მცენარეთა უძველესი ჯიშები:
იელი, ბზა, ღვია...

ქაცვი...

თრემლი...

რომელთაც ადამიანის თვალები აქვთ...

მათი ბუჩქები სანთელივით ანათებენ მყუდრო სამოსახლოებს,
დამარხულ ქალაქებსა და ულამაზეს ადგილებს,
რომლებსაც წინაპართა დარქმეული სახელები შვენის...
თუკი ჩვენ დაგვეკარგა ბუნების ბოძებული საიდუმლო
და რაც ვიცით იმასაც თანდათან ვივიწყებთ, —
ეს იმიტომ რომ —

ველარ ვიძინებთ იმ დიდროვანი ხეებისა
და უძველესი ჯიშის მცენარეთა ჩრდილებში,
რომელთაც ყველაფერი ახსოვს...

ბუნება ჩვენთვის შეუვალ კვრივად იქცა...

თორემ ერთი ძილი და სიზმარიც კი
საკმარისია იმისათვის, რომ კაცმა სულ ცოტა
საკუთარი პაპის სახელი მაინც გაიხსენოს...
მოიგონოს ერთი ანდრეზთავანი მაინც,
რომელიც „დროთა კავშირზე“ მიუთითებს...

ნუთუ ჩვენ ველარ ვიცხოვრებთ იმ ქალაქებში,
და ველარ დაეწევიით იმ დროს

და იმათ, —

„ვისაც თავიანთ ბალებში უყვარდათ

თავისი ზაფხული...“

და ვერ გავსინჯავთ იმ მცენარეთა ცხარე ნაყოფს
წელიწადში სამჯერ რომ ჰყვავოდნენ
და სამჯერ მწიფდნენ...(?)

ეს ჩვენი წინაპრების აგარაკებია —
იმ ნიშან-დებული ადგილებით, —
სადაც ბებერი ხარები იწვნენ
და რქებზე სანთლები ეკრათ,
ახლა კი ჭინკები ჭიაკოკონებს ანთებენ...

მე შევედი ერთხელ

ერთი დიდებული ქადრის ქვეშ — კვრივში, და შევისვენე...

ეს ხატის ხე იყო,

იგი ანათებდა ხატსა და ხატის ირგვლივ მდებარე
აკრძალულ ზონას —

სადაც არ შეიძლებოდა ხორციელის სიარული —

მაგრამ შეიძლებოდა შესვლა ლტოლვილისა,

გაძვეებულისა სხვათა თემიდან,

ან — თავისი მამულიდან —

და თავის შეფარება — როგორც „ხეთის საელჩოში...“

ხეს, წელიწადის სხვადასხვა დროს, —

სხვადასხვა ფრინველები სტუმრობდნენ...

ზოგჯერ ქედნების გუნდი ჩაეშვებოდა მის ბებერ ტოტებში

და ხვთიურ სულს ჩააფენდა...

ნაბუნობს რქათეთრი ირმები შეჰბლავლებდნენ ხოლმე

ხის ფულუროდან ამოვარდნილ მთვარეს!!!

ხე უფრო იმ სულებს „ჰყვარობდა“,

რომელთაც მის ხსოვნაში გაიარეს

და ახლაც მის წიაღში ეძინათ,

...და გამოვედი იქიდან ისეთი მშვიდი და სათნო,

როგორც ბალახი...

და ისეთი ფერნაცვალი,

რომ ნაცნობებს თივის ბულული ვეგონე,

ხოლო მწყერჩიტები მესეოდნენ

როგორც მწყერთიფქლას მწიფე ბუჩქებს...

და ვიხილე სიზმარი — რომელიც ერთხელ გახუას დაეისიზმრა

და მეფე მირიანმა იხილა ზედაზნის მთაზე...

ეს მხარე,

ეს ადგილები ჩემი წინაპრების სამოსახლოა,

და რაკი აქ სხვა აღარავინ დარჩა აქაველი,

და მხოლოდ მე ვარ ცოცხალთა შორის „ცოცხალ-მკვდარი“,

და მკვდართა შორის ცოცხალი, —

მე შევდგი ფეხი ამ კვრივში...

ქვეყნის ოთხივე კუთხეს ძაღლივით ნათრევი,

დასჯილი და დამცრობილი —
მოვედი აქ და ვებეწევი:
შემიხიზნავს კვრივი როგორც ხორციელს
და ცოდვილს,
თუ ქვეყნიერი რიოშის მორევში დამტოვებსღ.

• • • • •
თუ ძველი ნასოფლარის ქვებზე ჩამოჯდები,
თუ კედლებზე გადავლილ ბალახს მოთიბავ,
მოძებნი კერიას და ცეცხლს დაანთებ, —
ნასახლარი მაშინვე სახლად იქცევა,
ნასოფლარი — სოფლად!
ცეცხლი უკან აბრუნებს და ირგვილ იკრებს გარდასულ სულებს
და გარემო იხსენებს დავიწყებულ სიხარულს...
თუ ნასოფლარში დარჩენას აპირებ —
ცეცხლი დაინთე და გვერდზე მოუწევი;
ცეცხლი ისე გიცავს სიმართოვეში,
როგორც მამა — შვილს,
ანდაც ხვთაება — თავის ბარძიშს...

• • • • •
მაგრამ მაინც:
რად ხმებიან ბრდღვიალა ხეები ასე მწარედ
ძველ მამულებში?...
და ზეზეურად ნალაატევი ლანდებივით ფითრდებიან?!
და მიხრებიან თავისი მარადიული ზაფხულიდან —
ზამთრის ბაღებისაკენ?..
იქნება ჩვენგან სწყინთ რამე?
იქნება არ მოსწონთ ჩვენი საყვირების ექოები ძველ კვრივებს
და თავისი ზარებისა ურჩვენიათ!..

• • • • •
სააღდგომოდ,
როცა ბალახი ჯერ კიდევ არ არის გამოსული მიწიდან,
როცა ჯერ კიდევ ილო-ჭრილოა —
აქ ყველაფერი შავ-თეთრი ფირივით იხატება —
და სულში ტკივილით მქდავენდება...

• • • • •
ნაბუნობს —
არე-მარე თითქოს სიზმარში იძირება —
მთები გველის პერანგს იცმევენ,
თევზები მდინარიდან ფშებში გადადიან,
და ღგება: ბალახთა მწიფობისა... და...
წყალთა შედედების ჟამი...

• • • • •
მერე მოვა თოვლი
და სიჩუმის თეთრი ბუხრებიდან
ყვავების გუნდი აბოლდება...
მოკვდავთა მიერი საგნები და სახელები —
ნახშირით ნახატის სახეს იღებენ...

სიჩუმის თეთრი სწფლები არ იცინიან
 ბავშვისა და მოხუცის ნაფეხურებით...
 არ ირთვებიან მელისა და მამლის... იგავით, —
 არე-მარე მხოლოდ მგლის ყმულით იქსელდება...
 და დგება ისეთი ამინდი,
 როცა თვითონ მზესაც სცივა ხოლმე,
 რაკი საკვამურები სოფელს არ ათბობენ,
 სიხარულს უჭირს
 და დღე გადადის ღამის გუმბათზე...
 თოვლი საერთო ფონს უქმნის
 და მეტი სიმკვეთრით გამოაჩენს —
 აღამიანთა ყოფის ამსახველ ფერწასულ „ბარელიეფებს“.

ამ გარემოს ერთი კეთილშობილი ველი ამშვენებს, —
 საღვთო კრავების საბეკური,
 წინდის ნაჭრელსავით რომ გადაუდის ნახნაური სრელები
 და ჭვარის ყანები...

აქ ერთად ცხოვრობდნენ კაცი და ჭვარი,
 ჭვარსაც ისევე სჭირდებოდა, როგორც კაცს, —
 ქერი და იფქლი...
 ქერის ლული
 და ქადაგი გაიდაურის „რიოში“ წირვანი...

ეს ადგილები:
 ეს ჭვართვაკენი...
 ხოლთგორ-ახოთგორი:
 თილილა — მარაისძის,
 იღია — თოხოლიჩას ნადგომები...
 მათი სახარავენნი,
 მათი თიკანსახოცანი და საირმიანი,
 მალალ საჩალე და საელიაოს წვერი,
 ბაგანი და ნახიზნარნი, —
 ახლა ერთი მთლიანი კვრივია...
 თუმცა არავის ეკრძალება იქ შესვლა,
 მაგრამ მაინც — არავინა სჩანს მუნ მყოფელი —
 თვინიერ მკვდართა და მეზვერეთა...
 და ამ უცხო ნაკრძალს
 ახლა ეშმაკის რემები სძოვენ...

მე როცა აქა ვარ
 კივილ-კივილით ავდივარ სერებზე,
 კლდეზე ნისლის კოტორივით ვკიდივარ,
 ხეებში გატეხილ მთვარესავით ვგდივარ...
 ხან სად ვზივარ მარტო ტურასავით
 და ვწევარ ხატის მწვევარივით...
 ზოგჯერ ძილშიაც მღვიძავს

და მღვიძარე სიზმრებს ვხედავ, —
რომლებიც მიმანიშნებენ ჩემს საბედისწერო შეცდომაზე...

მაგრამ ჩემი სული და სხეული,
ჩემი ძილი და სიზმარი
ვერა სწვდება ამ ვრცელ სამოთხეს —
არ ჰყოფნის,

და ვერ ავსებს მის მარტოობას!..
ამიტომ შეპყრობილი ვარ მე
ჩემი ტკბილ-მწარე უმწეობით
და მარტოობის სალუდე ქვაბებში თავდაყირა ვდგევარ
და ნისლებით ვთვრები...
თუმცა: „არცარა ნისლმა დამათრო...“

„ძველი სოფლის“ ზურგთან აწოწილი მწვერვალები დგანან
და ერთმანეთის ეჭოებს ისმენენ...
მთები ერთი დაკვილებით შექრიალდებიან ძირიდან თხემამდე
და მიმოირხვეიან ლაყვარდში...
თქვენ შეგიძლიათ მობრძანდეთ
და მოუსმინოთ მათს ეჭოებს —
და ერთმანეთისაკენ მიმორხვევას დაესწროთ!!

ზოგჯერ, გაზაფხულობით, იგრგვინებენ მწვერვალები, —
თითქოს ვეფხვებმა გაიღვიძესო, —
თოვლის მდინარეები ჩამოიღვრებიან
და დეკის რტოებს გამორიყავენ ძველისძველ საფლავებზე,
მაგრამ ეს მცენარენი ვერ ჰგუობენ „მკვდართა სოფლებს“,
ფოთლებს იცვლიან და სხვა სახით ხარობენ...

შელმა სოფელში 13 ნასახლარია
და ეს ნასახლარები ახლაც ინახავენ
ამ მწვერვალების ეჭოებს...
ხოლო მათ „შუკებსა“ და „აივნებზე“
უხვად ჰყვავიან ის უცნობი მცენარენი,
რომელთაც ცოცხლები არ რგავდნენ... თავის სიცოცხლეში
და ოდესღაც დეკის ყვავილები შვენოდათ...

ამ სოფლებს აქვს იმისი „ბედნიერება“
რომ დიდხანს ასე დარჩნენ
და წარსულის სიზმრებში იბანაონ...
თუმცა, ჩემთვის, აქ ისევე ჰყვავიან
ის გაუგონრად ლამაზი, გველისფერი სათიბები
და ქალი-სამძიმარა, ჯუთ ელენეს ყელლილიან ქათიბში,
ჩემი სიხარულის გვირილით...
მე რა ვიცოდი, რომ ყოველი სათიბი და ნამთიბლავი
ბოლოს გვრინით თავდებოდა!..
და ხიმშირას მოსამკელი ყანის კუღსაც

ბრიალა მზე და ქარბორბალები აიტაცებდნენ,
 და იმ ქურწითელა ვაშლებსაც გველი შეიპყრობდა...

ახლა სწორედ იმ ყანის კუდზე ვწევარ, —
 სადაც აქაურებმა უკანასკნელი ძნები მომკეს,
 სამი ხშიადი გამოაცხვეს
 და საღლაც წავიდნენ —
 მიწა აქ ისევ მოლოდინშია და გულივით ფეთქავს...

მინდა ჩემს „სააგარაკოში“ მობრძანდეთ
 და ის ხეები გავანდლოთ,
 რომლებიც აქ დიდი ხნის წინ ჰყვოდნენ —
 და როცა პატრონი თვალს მოეფარა —
 ისინიც მიეთარნენ...

ახლა მე მოვედი, თორღვა ძაგანივით და შევეუდექი კოშკის აგებას
 კვრივის წიაღში!..

ველი რომელიც მწვანე ჩარჩოშია ჩასმული
 ტიხრული მინანქარივით მოსჩანს მაღლიდან.
 თუ ბორცვზე გულაღმა დაეგდები და მაღლა აიხედავ
 იხილავ ცას — რომელიც ცისა უნახავს გაგზდის...
 ღამით, უმთვაროც რომ იყოს, მანც ანათებს!
 და ელოდები: ჩამოდგება ნავი
 და გველეშაპი ჯაჭვის თვალს ჩამოგიშლის!
 გულაღმა დაწოლილი
 და თევზივით ლაყურგადებული
 სუნთქავ ვარსკვლავების ყრიალში, —
 სანამ არ ჩამოივლის ერთი აქაური —
 დეიის ბუჩქში ნამძინარევი კაცი და არ გაგიღიმებს:
 „მგ ცა სულ ეგრე იყო, ჩემო კარგო კაცო,
 რად გაგკვირვებია? —
 კიღობანში ხომ არ ჰყავდი დამწყდელი?“
 — ვყავდი! ვყავდი! —
 შესძახებ შენ და გონზე მოხვალ.

ახლა მე მოვრჩი თხრობას, იმ უცნაური ნაკრძალის შესახებ,
 რომელსაც ჩვენი წარსული ჯერ კიდევ ახსოვს —
 ამით ჩემს გულშედეგებულ ტკივილს ვაცხადებ,
 და ვამბობ:
 რომ ღმერთი არ ჩარეულა ამ საქმეში —
 და საკვირველია მამულების ასეთი გაკვირვება კაცის ხელით.....



ბ ი ო რ ბ ი ა თ ო ნ ე ლ ი

პარი მესამე

კვართი

ქვა არის სიმტკიცე დედამიწისა, ჩონჩხი მისი სხეულებრივი ანაგებისა, სასოება მისი ტანის სიმთელისა და გაწურდველობისა.

უკეთუ ქვა არ ყოფილიყო, ადამიანიც არ იქნებოდა, ანდა თუ იქნებოდა, სხვანაირი უნდა ჩამოკვეთილიყო ადამიანი, სულ სხვანაირი.

(იქნებ კიდევაც აჯობებდა, სხვანაირი ყოფილიყო ადამიანი, იქნებ უარესიც იქნებოდა, მაგრამ ახლა ამ საკითხავთან არაფერიც არ გვესაქმება).

ჰო და, ქვა არის-მეთქი სიმტკიცე დედამიწისა და... ადამიანის სიმტკიცეც.

ადამიანი ქვის სიმტკიცის და სიმკვრივის იმედად ცხოვრობს და იღვწის და მთელს წუთისოფელს ქვასთან განუყრელ ჯუფთად ატარებს ადამიანი.

ქვა არის მისი პირველი საშრომელი და საბრძოლველი იარაღი — საცხოვრებელი.

ქვა არის მისი კერია — საცხოვრებელი.

ქვა არის მისი საკურთხეველი-საცხოვრებელი.

ქვა არის მისი სახლი-საცხოვრებელი.
ქვა არის მისი წისქვილი-საცხოვრებელი.

ქვა არის მისი საფლავი-საცხოვრებელი.

ქვასავით მტკიცე.
ქვასავით მძიმე.

ქვასავით მკვრივი.

ქვასავით მთლიანი.

ქვასავით მომთმენი.

ქვასავით უგრძნობელი.

ქვასავით გული, გინა — გულქვა.

და ქვა თვითონ არს გულქვა, ადამიანისთვის ფრიად გულქვა.

არაფერი ისე გულქვად, ჯიუტად არ ეურჩება ადამიანის ხელს და გონებას, როგორც ქვა.

მაგრამ შინც დააბიჯებდა ქვით ნამტკიც დედამიწაზე კაცი კაცთაგანი, რომლის წინაშეც ყოველი ჯიშის ქვას სისხლში მონის თვინიერება ჩაუსახლდებოდა, მისი ხელის უბრალო გადასმაზეც ქვის გული ცვილისად ექცეოდა, მისი საჭრეთელის შეხებისას ძვალსახსარში ვასილისკო გაუფლიდა და ტანი აუცახცახდებოდა.

და ეს კაცთაგანი იყო: სახელად — თვალშეწინიერი, გვარად არსუკისძე, მესაიდუმლე და მეუფე სულისა ქვისა უსულოისა

ველურ ქვათაგან ყოვლად მყაფარ და საჭრეთლის მსხლეტარ რუჟან კოხის ქვასაც თვალს დაჰკრავდა თუ არა, მაშინვე უცნაური გერვით უბოვნიდა უწვრილეს ნერვებს და, ჩუგლუგის ერთი შემოკვრით, ეტრატის ფურცლებით დაშლიდა ყოველი სხვა ოსტატისთვის შეუღწეველ შხამიან კოხს.

უფრო მსუბუქად, თამაშ-თამაშით, მოჰყვებოდა არსუკისძის ხელს — კაქარი და არძანი, სალა და კარკარი,

სპონდიო და ფიქალი, სიპი და სასრევი, ქარწბია და სოდომის ნალეწი.

მაინც დრუნგილი იყო ტრფიალი და გზნება თვალშეწინიერ არსუკისძისა.

ალგეთის, თეძმის და ნიჩბისის ბუღობთაგან ამოკაფული ლაქვარდოვანი, მწვანე და ხორცისფერი დრუნგილის ლორფინები იყო მისი საყვარელი, სულის მარგებელი სამუშაო მასალა.

სრული გატაცებით და თავდავიწყებით თლიდა და კვეთავდა ჩუქურთმას და ყოველი ახალი თხზულხაზის, ალაგრეკის, მევანდრის წარბის ახსნა და თვალის ანელა უსაზღვრო სიხარულით ავსებდა მის გულს.

გარშემო კი სრული ძალისხმევით იძვროდა ყოველი იძვრისი სვეტიცხოვლის აღმშენებლობისა.

გიორგი მეფისა და მელქისედეკ კათალიკოსის მკაცრი განკარგულებანი, განუცადებელი ზრუნვა და ურვა მტკიცედ ესაწინდრებოდა ტაძრის აღმასვლას.

ხარები, ცხენები, კარაულნი, ვირი, კერძოვირი და აზავირი — ცალუღლად, უღლად, ყვერად — განუწყვეტლივ ეზიდებოდნენ ქვასა და ღორდს, ლოდსა და როჰკს, სილას და ქვიშას, კირსა და ცარცს, გაჯსა და კირლამს. ხე-ტყე ტივეებით მოცურავდა მტკვრით და არაგვით, და ზედ ტაძართან ერთდებოდნენ, წერობის გუნდის მიწამსგავსად.

განუწყვეტლივ და მონაცვლეობით თავიანთ კერძ სამუშაოს განასრულებდნენ — ხურონი, ქვითხურონი და კირითხურონი, მხატვარნი, მსახვარნი და მეჩუქურთმენი, ზეინკალნი და კვერისხურონი.

იჭრებოდა, იკაფებოდა, ითლებოდა და ირანდებოდა — აბაკი და ადიტონი, დვირე და დროშის ჭოკი, ანწალა და ავარტანი, ელაშონი და ელევენი, თავბანდი და თავკიდე, კამარა და არწივაკი, ლატანი და ლავგარდანი, ბაზო და გულფიცარი, ბატიყელა და სერსერათი, თალი და თალის წარბი, კაქუტი და ჭალაბდარი, ლართხი და ლარტყა,

ნიენივა და საგბოლისი, საცრემლე და სალექარი.

ხალხში უკვე დადიოდა ხმა: მცხეთის სვეტიცხოველი ქუთათისის ბაგრატიულს ეჯიბრება ისე, ვითარცა კონსტანტინოპოლის აია სოფია ეჯიბრებოდა იერუსალიმის სოლომონის ტაძარსო.

და არსუკისძე არსუკისძეს ეჯიბრებო, — ამასაც ამბობდნენ.

იცოდე, მკლავს დაგაგდებინებ, ჩემმა რომ მამაჩემისას არ აჯობოსო, — უთხრა ქუთათისიდან ახლად ჩამოსულმა, ახლადნაკურთხმა მეფემ, გიორგი პირველმა თვალშეწინიერს.

თან ისე უთხრა, კაცი ვერ მიხვდებოდა, სახუმროდ თქვა თუ საჭეშმაბრიტოდ.

ქვას აპობდა, აკობიტებდა, თუ კაზმავდა — ყოველთვის მარტობა ერჩინა თვალშეწინიერს, კაცთაგან მარტობა.

არ უყვარდა, როცა მისი თითების კვალდაკვალ სხვისი თვალები დაცოცავდნენ, ღრიანკალის საცეცებივით.

მეტადრე შურიანი თვალების ფათურს ვერ იტანდა მის ნახელავზე.

არა და, თვალახმის გარეშეც უტყუარი გერშით შეიგრძნობდა და შეიცნობდა ბოროტი თუ კეთილი თვალის თვალთვალს გრძნეული ხუროთმოძღვარი.

იმ დღესაც ასე მოხდა.

თვალშეწინიერი ტაძრის მთავარი კარიბჭის კურტიმლებს კაზმავდა, როცა ოფლით დაცვარულ მარჯვენა ხელის მტევანზე მოშურნე და მოძნაური მზეურის დაცემა შეიგრძნო.

ხელი ზედ ქვაზევე გაუქვავდა.

აიხედა.

ჯარბის თვალები უცქერდნენ, უძვრელად, ჩაცივებით.

ფეხისგულები გაუხურდა არსუკისძეს (რაც სჩვეოდა უამური განცდის უამს).

ჯარბის თვალებიანი მწიფური ჭაბუ-

კი იყო, მწითური თხელი წარბებით, დაბალი უნაოქო შუბლით და წინწამოზიდული, უსაშველოდ გრძელ-ბიბილოვანი ყურებით.

— რაი არს, ხუროთმოძღვარო, ასე ავად რომ შემომხედე? იქნებ, საჭკრეტად გებილწებოდე? — თქვა ჯიქურად მოსულმა და ისე ცივად გაიცინა, რომ სიცილი იგი ტუჩ-კბილის არეს არ გასცილებია და სახეზე ნაკვთიც არ შერხევია.

გალახული კვერცხიდან გამოჩეკილს ჰგავსო, გაიფიქრა თავისთვის თვალშეწერიერმა, ხოლო ხმამაღლა ეს ჰკითხა ახალმოსულს:

— ვინ ხარ, ჭაბუკო, შენ?

— მეც ჩვეულებრივი ადამიანი ვარ. ჩემი მოსვლაც ამ ქვეყანაზე ჩვეულებრივი იყო. ჩემი არსებობაც ჩვეულებრივი პამპულობით დაიწყო. დავიბადე თუ არა, ვითარცა ყველას, მეც სულ პირველად ბარძაყებში ჩამხედეს — ბიჭი დაიბადა თუ გოგოო — და მერე მოითვალისეს ცხვირი და თვალები, პირის ნახევი და ყურის ნაკრევი, ხელები, ფეხები, თითები...

— მე დაბადება არ მიკითხავს და, კიდევ, როგორი კვერცხისაგანი ხარ შენ, — გააწყვეტინა არსუკისძემ და კვლავ აემზადა სამუშაოდ.

— მაშ, სხვარიც გეტყვი: არიან სხეულნი გრილნი და სხეულნი ტფილნი, ხოლო მე გრილთა სხეულთაგანი ვარ, — და ნასაუკუნევე ძვალთა ჩხარუნის მიწამსგავსი ხმით გაიცინა მწითურმა სტუმარმა.

„ვიცნი საქმენი, შენნი, რამეთუ არცა გრილი ხარ, არცა ტფილი, და მეგულების აღმოგდებაი შენი პირისაგან ჩემისა“, — უცებ მიუგდო არსუკისძემ სიტყვითა იოანე ღვთისმეტყველისა.

— მე ვარ ქირჭიშ აბულახტარი! — შესძახა სტუმარმა, დიდგულა, მზვარობარი ხმით.

— მაინც რაისთვის მოსულხარ, ჭაბუკო აბულახტარო? — ყრუდ ჰკიფხა თვალშეწერიერმა.

— სახილველად სვეტიცხოვლის აღმშენებლობისა.



— აჰა, ესერა, შეხედე, მიდი ხალხთან, აღმშენებლებთან.

— ხალხთან? — სიცილი აუვარდა ქირჭიშ აბულახტარს. კარგახანს ღინცილებდა მხრებისა და ყურის ბიბილოთა ტოკვით.

— ვინდა ხალხი და ვინდა ხვასტაგი! ბლავილი კუჭთა და აღრევა მამართა და მღედართა, სხვა არაფერი! დაწარჩენი ყოველივე, გონისმიერი, არის მხოლოდ ყალბზე უყალბესი ლაყბიერება, სიცრუე და ფარისევლობა! — როგორც იქნა დააბოლოვა და ბიბილოებიც დაუწყწარდა.

— საძრახისია, ფრიად საძრახისი, შენი სიტყვაც და შენი სიცილიც! — მკაცრად თქვა არსუკისძემ და ისევ შეუდგა მუშაობას.

— ხალხთან კი არა, მე შენს სახილველად მოვედი, ხუროთმოძღვარო.

— ჩემთან, რაისთვის? — ისე იკითხა, თავიც არ აუღია და არც მუშაობა შეუწყვეტია არსუკისძეს.

— სილდიღისთვის.

ეს რომ მოესმა, მაშინ კი ასწია თავი თვალშეწერიერმა, კითხვის ნიშნით სახეგარდასახულმა.

— რა სილდიღისთვის?

— იმისთვის, რასაც დღეს ჰქვია სახელად თვალშეწერიერი და გვარად არსუკისძე, აღმშენებელი ქუთათისის სამეფო და მცხეთის საკათალიკოსო ტაძრებისა.

— მერე, იხილე ერთიც და მეორეც.

— ტაძრები?

— სწორედ.

— მე ტაძრების დიდი აღმშენებლის ხილვა უფრო მეწადნიერება, ვიდრე იმ აღმშენებლის დიდი ტაძრებისა.

— ?!

— ვინათგან ხალხი აღმშენებელზე მეტს ლაპარაკობს, ვიდრე აშენებულზე.

— აკი ხალხი ხვასტაგიაო, და უკე-

თუ ასეა, მის ლაპარაკს რაღა ფასი აქვს?

— ხალხის ფასი სწორედ მხოლოდ ლაპარაკში და ხმაურშია, ვინა ხვასტავით ზმუილში, ბლავილში და სხვა არაფერში.

შეჰარა ამ სიტყვებმა თვალშეწინიერი. დიდხანს სდუმდა, მიწას თვალმიბჯენილი. რეცა, ეგზომ უტიფარი სიტყვის მოქმელიც გადაავიწყდა. მერე ტაძრის გარშემო მომუშავე და მოფუხფუხე ხალხს გაჰხედა და უსაზღვრო სიბრალულმა მოიცვა გული მისი. ბოლოს მოუბრუნდა იმ უსიამო სტუმარს და უთხრა თავშეკავებული მძვინვარებით:

— წადი აქედან, ჰაბუკო, წადი და დაივიწყე, ჩემთან რომ იყავ და მეც დაივიწყებ შენს სტუმრობას.

— არა, არ დაივიწყებ, არაის გზით არც დაივიწყებ და ვერც დაივიწყებ! — უნით დატენილი ხმით შესძახა სტუმარმა — ქირქიშ აბულახტარს ვერავინაც ვერ დაივიწყებს, და განა მართო იმიტომ, რომ მას გრძელი ბიბილოები და ჯარბის თვლები აქვს, ან კიდევ, ხელის თითები უფრო მოკლე, ვიდრე ფერხთა თითები!

უნებურად თვალი გაქეცა არსუკისძეს და მართლა გააოცა ქირქიშ აბულახტარის ხელებზე თითების სიმოკლემხელებიდან ფეხებზე ჩამოჰკრა მხერა, მაგრამ ძვირფასი, სინგურისფერი წაღები ემოსა ფეხებზე მწითურ ჰაბუკს და არ უჩანდა ფერხთა თითები.

—...არამედ საქმენი მისნი გაიძულეზენ, ვერასოდეს ვერ დაივიწყეთ ქირქიშ აბულახტარი!

სოჭვა მუჭარით და უცებ იქვე მწოლარე უზარმაზარ რუენ ლოდს დაწვდა ორივე ხელით, დაწვდა და, სანამ არსუკისძე რაიმე გააზრებას მოასწრებდა, ასწია ქირქიშმა ციმციმ ის მქისე ჰეაკლდე, ათი ვაჟკაცო ასაწევად ხელს რომ ვერ შეუხედავდა. ასწია, წუთით ჰაერში გააჩერა და ისევ არხე-

ინად ჩამოუშვა და დაასვენა ლოდი იგი მისსავ ნაწოლზე.

— აჰანდე! — იყვირა ნიშნისგებით და თვალი თვალში გაუყარა აბულახტარმა არსუკისძეს.

გაოგნებული იდგა სვეტიცხოვლის აღმშენებელი.

— სადაც ვინმე თავისი სოჭვას, იგი ნურც ჩემსას დაივიწყებს! — გაიცინა აბულახტარმა ავი სიცილით.

გაიცინა, გატრიალდა და გაუჩინარდა.

გაუჩინარდა და რაღაც უცნაური სუნი დატოვა, ჯარათის სიმყრალის მიწამსგავსი.

თვალშეწინიერი კი იდგა და გატერებით დასცქეროდა ქვას, რომელიც მართლაც ათ კაცს ბზის ფორნიდან ძლივს გადმოიღო და ახლა ერთ ვინმე კოტიტა თითებიანს ეგრე იოლად დაებრიყვებინა.

იმ დღეს ერთხელ კიდევ დაისვა ღრიანკალი ბარძაყზე ქირქიშმა.

დაისვა და გაახელა მსუბუქი ბწყენით, და როგორც კი გაავებულმა მცოცავმა ტიტველ ხორცს მარწუნები მოუჭირა და ნამარწუნხალში გესლით გატიენილი კუდი ჩაასრიალა, სრულად ჩანერწყვა და ჩაწურვა აღარ აცალა ქირქიშმა და უმალვე აიგლიჯა ხორციდან მცოცავი იგი.

ისე ჩანდა, თანდათან, მცირე ნანერწყვავით აჩვევდა ტანს ახალგაზრდა აბულახტარი ღრიანკალის გესლს.

ის დღე მოეწამლა თვალშეწინიერ არსუკისძეს. რასაც ხელი მოჰკიდა, ვერაფერი სასიკეთოდ ვერ მოიხმარა — ვერც საჭრეთელი და ვერც საჭვრეთელი, ვერც სატეხი და ვერც საკვეთი, ვერც ხვეწი და ვერცა ჩქუთი.

ბოლოს, ნასამხრალზე იფიქრა — სულ მოცდენას, საიოლო რამეს მაინც გავაკეთებო და ბადიმებს ჩაუჭდა გასათლეულად.

და უკვირდა ყველას, ბადიმების



საქართველოს
ქრონიკალი

სათლელად როგორ მოიცალა ჩვენმა დიდმომღვარემა.

თლიდა და ქირქიშ აბულახტარზე ფიქრობდა არსუქისძე. უეჭველად გალახული კვერციდან იქნება გამოჩეკილი, ფიქრობდა, მაგრამ იმოდენა ძალა რა სატანას უბოძებია ამ ბოროტისთვისო. თანაც თავს ეგულისწყრომებოდა თვალშვენიერი, რატომ ვფიქრობო, აკი გადავწყვიტე სამუდამოდ დავივიწყო ეგ ნავსიანი ნაშობი ბელაზებულისაო.

და ამ ფიქრში რომ იყო, უცებისად ისევ იგერშა უცხო თვალი ბადიმის თლაში გართულ ხელის მტევანზე.

მაგრამ ამჯერად იგერშა არა თვალი ჯარბისა, არამედ ჰოროლი მზისა.

წამისად აიხედა თვალშვენიერმა.

მის წინ შავ ბურუნესში გახვეული და შავი საკვართულით წელშეკრული ჭაბუკი იღვა, ხმელი, მაღალი, უხამლოი. მრგვალი თმები მძიმე ვარჯებად ეყარა მხრებზე. სახე ნაშუური ჰქონდა, უცხო, არაამქვეყნიური ფერისა და იერისა.

ასეთი წყობილი და დაწყნარებულნი სახე არასოდეს ენახა არსუქისძეს.

„ჭაბუკი სიბრძნის სიმწიფითა ნაყოფითა განშვენიებული და... ეგზომ წყობილი, ეგზომ სახედაწყნარებულნი...“

ნეტავ, ასეთი ხომ არ მიხდა იყოს სვეტიცხოველი?!

და წამით ტაძრისკენ გაიხედა ხუროთმოძღვარმა.

წამითვე შემობრუნდა და ისევ სახეში შეხედა მოსულს.

თვალეები დიდი და ლურჯი ჰქონდა.

და, რეცა — წარბებიც ლურჯი.

მარცხნივ, საფეთქელზე — ცისფერი აშკი კათოლიკე ძარღვისა, ვითარცა ზედწარწერა — „კან“.

ხოლო, შუბლი — მაღალი და ჭვარსახოვანი.

ღმერთო დიდებულო!

თვალი ხომ არ მაედუნებსო, გაუელვა არსუქისძეს, ჭაბუკის შუბლს წამით მხერა მოწყვიტა, ზედანენს გაჰხედა,

მერე ჯვრის ტაძარს, იქიდან არმაზის მთას და ასე, გაწაფული თვალის კონკურსი სტუმრის შუბლს მიაშტერდა.

ბეჯითად — ჭაბუკს შუბლზე ჯვარი ესახა!

ერთმანეთს უცქერდნენ დიდხანს, მღუმარედ, თვალგანწონილი.

და გრძობდნენ ცალცალკე — როგორ ეღვრებოდათ ერთმანეთისგან სულში უცხო მზე — ამქვეყნიური სამზეოსგან მიღმიერი მზე.

გიორგი ვერ მიხვდა, ეს როგორ უნდა მომხდარიყო, მაგრამ აზრი კი დაიკრა, რა კითხვაც დაიბადა არსუქისძის გულში — „ვინ ხარ, ჭაბუკო, შენ?“ — და გულნაფიქრალის სიტყვით გაცხადებას თვითონ დაასწრო პასუხი:

— ერთი მწირი ვინმე ვარ, მდაბალი და უხმარი მონაი ღმრთისა.

ეს მაინც და მაინც არ გაჰკვირვებია თვალშვენიერს. აკი ვინაობის გასაგისი კითხვა ყველასათვის ერთნაირიაო და ახლა თვითონ დაასწრო კითხვა:

— სახელად რა გქვია ღვთის ნათლულო?

— გიორგი.

— საიდან და რა გზით მოდიხარ?

— იმ გზით, რა გზითაც იარა ნინომ — ფარავნიდან მცხეთის კარამდე.

— ნინოს გზით? — გაიკვირვა თვალშვენიერმა. მცირედ ჩაფიქრდა და განაგრძო — იქნებ ყოველ ნათესავ ქართველს სულის მარგებელ ევლოგიად განეცდებოდეს ერთხელ მაინც გავლა მაგ გზისა.

თქვა და ისევ მიაჩერდა სახეზე სტუმარს.

ღუმითი გახანიერდა.

„რომ გაიღიშოს, სამი-ოთხი წლის ყრმას დაემსგავსება“, გაივლო გულში თვალშვენიერმა.

და „გულში გავლებულს“ წამსვე ხმაშემაღლა მიუგო გიორგიმ:

— ბავშვის ერთ ღმირს მთელი სამყაროს სიხარულიც ვერ აიწონის.

ამას კი აღარ მოელოდა თვალშვენიერი.

(მაგრამ გიორგი კი მოელოდა?!).

„ნუთუ ეს ჭაბუკი არის იგი — მარჩბივი ჩემი სულისა?!“ — გაუელვა არსუვისძმეს.

„ნუთუ სვეტიცხოვლის ხუროთმოძღვარი არის მარჩბივი ჩემი სულისა?!“ — გაუელვა გიორგის.

— ბავშვის ღიმილით, რაისად ამბობ? — ხმამალა იკითხა გაოგნებულმა არსუვისძმემ.

— გზაზედ, ურბნისს რომ მოვატანე, ერთი ხის ჩრდილში მცირე ხანს შევდექე დასასვენებლად — დაიწყო გიორგიმ — იქვე მცირე მოღზე მივწექე და თვალი მივლულე. რაღაც შრიალმა გამომაღვიძა. ვხედავ, ჩვილი ყრმა, სამი ანუ ოთხისა წლისა, ბალახში მოაბიჯებს უძალო და უსასოო ნაბიჯებით. მოდის და ხელში ყვავილი უჭირავს რაღაც უცხო, სისხლისფერი ყვავილი. ხოლო სახეზე.. ღმერთო ჩემო, რა სახე იყო ეს, ან რა ღიმილით მოქანდული და დამშვენებული! მოვიდა ახლოს, სულ ახლოს, ყვავილი ჩემკენ გამოიწვიდა და მითხრა პირღიმილიანმა: „აჰა, ესერა!“ — მე ჩამოვართვი ყვავილი უცხო, თავზე ვეამბორე ყრმას და ჯვარი გარდავსახე სამგზის. სახე დაუდინჯდა და დაუბრძენდა ყრმას. გაიღიმა ისევ-მეთქი, შევევედრე. წამით გაიღიმა, უცნაური არილის შუქით, ისევ ჩაიჭრო ღიმილი, ისევ დინჯი სახით ამომხედა, მიცქირა, მიცქირა და, უცებ, რეცა რაღაც გაახსენდა, გაბრუნდა და წავიდა უძალო, აცაბაცა ნაბიჯით, და შევიდა ღია ქიშკარში, საიდანაც გამოსულიყო ჩემი ძილის ქამს.

დაასრულა, უბეში ხელი ჩაიყო და ყვავილი ამოიღო გიორგიმ.

— აჰა, ესერა, ყვავილი იგი, უწმიდესი, უმანკოესი და უსათნოესი ხელით მოწყვიტილი, და მთნავს მე, რამეთუ მოგიძღვნა შენ!

მადლი მიუგო თვალშვენიერმა, ყვავილი ჩამოართვა, დაყნოსა, დახედა და თქვა გაკვირვებულმა:

— ასე ცოცხალი, ასე სურნელმოსი-

ლი, თითქოს წუთის წინ მოეწყვიტოთ — ორი დღე-ღამის წინ მოისრულდა და მაინც არის ისევ ცოცხალი, ცოცხლითა პირველშობილებითა, — თქვა გიორგიმ.

ატრიალა და აბრუნა ხელში ყვავილი იგი თვალშვენიერმა, მერე გიორგის შუბლს მიაჩერდა და თქვა მხურვალედ:

— ხოლო მასაზრდოებელი ამა ყვავილის უჭკნობლობისა — წმიდა გზანინო განმანათლებლისა, ხელი უმანკო ყრმისა და ხელიდან ხელში წმიდა ჭაბუკისა.

— ...და კვლავაც უჭკნობელი დარჩება იგი უწმიდეს და უნეტარეს ხუროთმოძღვართან დავანებული, — დაასრულა გიორგიმ სიტყვა თვალშვენიერისა. გაეცინა თვალშვენიერს.

— უწმიდესი და უნეტარესიო? ჩუმი, ჭაბუკო, მელქისედეკ კათალიკოსს არ მიწვდეს ყურში, თორემ მერე ის გვწვდება ჩვენ ყელში, — თქვა, სიცილი ჩაათავა და ისევ დინჯად და საქმიანად დაასრულა:

— ეს ერთი დამეც ვაცალოთ და, უკეთუ ხვალ დილითაც ყვავილი ესე უცნაური კვლავ ამნაირი ცხოველმოსილებით შემოგვანათებს, მაშინ ჩვენც ჩვენებურად სასწაული ვისასწაულოთ.

თქვა თვალშვენიერმა და წავიდეთო, ანიშნა გიორგის. მიჰყვა სტუმარი მასპინძელს. სვეტიცხოვლის ეზო გაიარეს. უხაროდა გიორგის, საუფლო ტაძრის მშენებელთა სახეებს რომ უცქეროდა, საუფლო ოფლით აღმურმოდებულ სახეებს.

„და სრულად მიმოსახედნი და მიმოსადგომნი სვეტიცხოვლისა მოუცავს ერთ მთლიან, განუკვეთელ და განუჭრელ სუნთქვას, საუფლო სუნთქვას“, — ფიქრობდა გიორგი.

— აქ ერთობილი საუფლო სუნთქვით სუნთქავს ყოველი, — თქვა თვალშვენიერმა და ხარაჩოს პირველ კბებს შეუღდა.

„ღმერთო დიდებულო, ეს ხომ ჩემი

მღუმარე ფიქრი იყო და ამან სიტყვივით, სწორედ ახლა, გასწვრივად ჩემი ფიქრისა, ვით განაცხადა?! — ტვინი დაეწვა გიორგის.

— ...სხვანაირად სვეტიცხოველი არც აშენდება, — დაასრულა ორივეს ფიქრი თვალშეწვენიერმა, ხმამაღლა დაასრულა, ხოლო თავისთვის გულში კვლავ გაივლო, სწორედ ეს ჭაბუკი უნდა იყოს მარჩბივი ჩემი სულისათ.

მიუძღოდა მასპინძელი სტუმარს და ფიქრობდა თავისთვის გულში: „ნეტავ შემეძლოს, მუხლმოყრილმა რომ ავაშენო სვეტიცხოველი“.

მიჰყვებოდა სტუმარი მასპინძელს, კბიბით-კიბებზე და ფიქრობდა თავისთვის გულში: „ნეტავ შემეძლოს, მუხლმოყრილმა რომ აღწერო ჟამნი და ცხოვრებანი საქართველოსი“.

მიდიოდნენ და ადიოდნენ მალლა მარჩბივნი სულისანი.

„და უკეთუ სხეულით ვერ შევიძიებ, სულთ მამსუ დაჩოქილი ვიქნები შენი აღშენების ჟამს, სვეტიცხოველი!“ — ფიქრი მოინაცვლა თვალშეწვენიერმა.

„და უკეთუ სხეულით ვერ შევიძიებ, სულთ მამსუ დაჩოქილი ვიქნები შენი ჟამთავლის აღწერისას, ქართლოსის ჩიშო!“ — ფიქრი მოინაცვლა გიორგიმ. ადიოდნენ.

და თავისთვის ფიქრობდნენ. და ერთნაირად ფიქრობდნენ. მაგრამ ერთმანეთის ფიქრი არ ესმოდათ ახლა.

განგებას ორივენი იმით დაესაჯა, ყოველთვის რომ ვერ შეეტყუოთ ერთმანეთის მღუმარე ფიქრი.

ვიდოდნენ ქვემოდან მალლა, ვიდოდნენ მამსუ ერთი სულისანი, ერთობილი ფიქრობდნენ სვეტიცხოველებით აღვსებულნი.

ნაზრახვენი და ნაზიარევი შინაგანი სულისანი.

სულ მალლა ავიდნენ, წელში გარდაკვეთილი ტაძრის ზღუდად.

იღვა ქვედატანი ტაძრისა და სულწასულად, გამთლიანების წყურვილით შეპყრობილი, ელოდა სადღაც ზედეთში

გაფრენილ ჯერ კიდევ უსხეულო თანასხეულს.

ჩამოსხდნენ.
თვალშეწვენიერმა გიორგისგან მიძღვნილი ყვავილი ილეკროს ლორფინზე დასდო და თქვა:

— დილამდე დაველოდოთ და ვიხილოთ ძალმოსილება მისი ცხოველმოყვებობისაი.

გიორგიმ მღუმარე თავდადრეკით ამცნო თანხმობა.

მზე ჩაიწურა.
ჰაერი იძრა.

ჩრმობა იწივლა.
მწუხრის ძელსა სცეს სამთავროს ტაძარში.

და უცებ, სიმღერის თუ ლოცვის მინაგვარი ხმით აღმოხდა არსუკისძეს:

ძელი მწუხრისა. ძელი მწუხრისა,
ხმა ზენაარი, ფიქრი უფლისა.

— ეს როგორღა მოხდა, ხუროთმოძღვარო?! — შესძახა გიორგიმ.

— რა, გიორგი?

— ეგ ლექსი ხომ ჩემს სულში დაიბადა, ფარავნის ტბასთან, ხოლო... შენს სულში საიდან გაჩნდა?

— რა ლექსიო? — იკითხა თვალშეწვენიერმა განცვიფრებით.

— რაიც ახლა თქვი, — და თვითონაც ლოცვასავით თქვა გიორგიმ:

ძელი მწუხრისა. ძელი მწუხრისა,
ხმა ზენაარი, ლოცვა უფლისა.

— ნუთუ მართლა! ნუთუ ისე... — იყვირა თვალშეწვენიერმა.

ველარ შეენიშნათ, როგორ წამოვარდნილიყვნენ ფეხზე ორივენი.

დიღხანს იღგნენ ასე — ჩაფიქრებულნი, გაოცებულნი, გაშეთებულნი.

— მე ვიცი ახლა რა სიტყვა სუფევს შენს სულში, — უთხრა თვალშეწვენიერმა.

— მეც ვიცი, რა სიტყვაც სუფევს შენს სულში, — შეაგება გიორგიმ.

— სიქვი!

— ძელის ცემა მარადიული სიცოცხლე და სიფხიზლეა კაცთა მოღვმისა.

— აგრეა, აგრე, ფიქრი ჩემი! — შესძახა თვალშეწვენიერმა.

— აგრეა ჩემი ფიქრიც, რაიც ჩემს სულში დაიბადა ჯერ კიდევ პირველ ყრმობისას.

— მაშ, შენს სულშიც, ჩემს სულშიც, ჟამყამეულად, ერთნაირი საფიქრალნი აღიძვრებიან, ერთნაირ წყობით, ერთნაირ ხმობით, ერთნაირ გრძნობით! — სთქვა თვალშევიერიშა და მარჯვენა ხელი მხარზე დაადო სტუმარს.

გიორგიმ იგრძნო, რომ არსუკისძის მარჯვენა უსაზღვრო სიყვარულით იყო ტვირთული.

— მაშ, ვართ ერთარსნი! — თქვა გიორგიმ.

— თუ, თანაარსნი?

— არა, ერთარსნი! — მტკიცედ გაიგეორა გიორგიმ.

— ამინ, ერთარსნი! იყოს ეს სიტყვა ჭართული, ნარუქად ნაშობი შენი სულისა.

— ჩვენი სულისა! — ჩაასწორა გიორგიმ.

და ჩამოსხდნენ სულით გაბედნიერებულნი.

„მართალი ყოფილა: მსგავსი მსგავსს ახარებს და აბედნიერებს“, — გაუელვა ორივეს ერთყამეულად.

სული მარტოი იღლება მარტოსულობის სიმძიმითო, — ამბობდა არსუკისძე — დადის მარტოსული დაღლილდაქანცული, დადის და ეძებს მეორეს, თავის ჯუფთის ცალს, რათა მიეყრდნოს, მიესვენოს, მასთან მიმოსუნთქვით აღორძინდეს და კვლავ განემტკიცოს. უმეტეს წილ ამოდ ეძებს მარტოსული თავის ჯუფთის ცალს და უკეთუ ვერ იპოვის, ბოლოს და ბოლოს სული იგი იამავარი დაიმსხვრევა საკუთარი უსხეულო სხეულის სიმძიმით...

ლამე განზოგადდა, „ერთარსთა“ საამურ სიტყვაქცევაში.

ძილს მოეცვა სახლაკნი სვეტიცხოვლის მაშენებელთა.

„სახლაკი მუშისა სახლაკი სულმწარისა არს“, — გაუელვა გიორგის.

და იდგნენ წყვილიადში განზავებულნი სახლაკნი სულმწარეთა...

უცებ შორეული, უცხო ძახილი შემოიჭრა მცხეთურ ცისგვამში. ბლავსასაქ ჰგავდა ხმა იგი, ზმუილსაც, გმინვასაც, ოვნერასაც.

— ირემი დაიბადა, — თქვა არსუკისძემ სიხარულით — ფურირმის ძეობა და ზევობა სუფევს ახლა ზედაზნის ტყეებში.

— ღმერთო, უშველე! — ჩაიბუტბუტა გიორგიმ.

კიდევ გაისმა ძეობის ხმა ზედაზნის მთიდან... კიდევ...

ისხდნენ და ისმენდნენ მარჩბივნი სულისანი.

ისხდნენ მღუმარედ, სიტყვაგანრიდებულნი.

ისხდნენ და უტყვად ისუნთქავდნენ ერთმანეთის აზრს.

და აზრი მათი იყო მტკიცედ დაჯიშებული, წმინდად გათლილი და გარანდული, უხორკლო და უმეჭქეზო, ვითარცა ქვა — გათლილი თვალშევიერი არსუკისძისგან, და სიტყვა — გათლილი გიორგი თაქთირისძისგან.

ზედაზნის მთიდან კი ჟამყამეულად ისევ მოდიოდა ხმა ძეობისა და ზევობისა, და ხმას თან მოჰქონდა ჩვილი სურნელი ნადირის ჯიქნიდან ნადინარი ნარუქი რძისა.

აედონთა სულისშემძვრელი გალობა მოედინებოდა სამთავროს წალკოტიდან.

და ისხდნენ ერთად შუაგარდაკვეთილ სვეტიცხოველზე ხურო ქვისაი და ხურო სიტყვისაი.

ისხდნენ და ისმენდნენ ნადირთა და ფრინველთა ხმიანს — თანადედამიწელთა ხმიანს.

ისხდნენ და ისუნთქავდნენ ველურ ძუძუდან ნადინარი ლორთქო რძის სურნელს.

ისხდნენ და ისუნთქავდნენ ერთმანეთის აზრს.

გიორგიმ იგრძნო, რეცა იმ წუთში გაიზარდა სვეტიცხოველი.

— არა, ეს შენ თვითონ გაიზარდე ამ წუთში, — უთხრა თვალშევიერიშა.

უკვე აღარ ვაპყვირებია გიორგის, ზიარმა სულმა რომ ზიარ სულს ფიქრი გაუსწორა.

დრო კი ვიდოდა.

ვიდოდა სივრცეში დრო.

— მე მინდა სვეტიცხოვლის მეოხებით დრო სივრცეში მოვაქციო და მოვამკერივო, — სთქვა თვალშეწვენიერმა.

— ვიცი, შენ მიელტვი დროის და სივრცის განსხეულებას, — მაშინვე გადაუხა სიტყვა სიტყვაზე გიორგიმ.

— მინდა და მიველტვი, მაგრამ ძალუძს კი-ა კაცსა დროის და სივრცის განსხეულება?

— ძალუძს, უკეთუ კაცთან იქნება ღმერთი.

— ღმერთი?! — უცებ, სატევრად მონაქნევი ხმით იკითხა ხუროთმოძღვარმა.

— სწორედ, ღმერთი! — დაბეჭდა გიორგიმ.

— მაგრამ...

— ?!

და უცებისად ორივემ იგერშა, რომ ამ წუთში ისინი უკვე აღარ იყვნენ ტყუბნი სულისანი. ისინი უკვე სხვადასხვა იყვნენ, ერთმანეთისგან სულგანლტოლვილნი და სულგანწვალეზულნი.

არც შეემჩნიათ, ისე წამომდგარიყვნენ და ამართულიყვნენ, ღმერთზე ფიქრით აღვისილნი.

ღუმილი გახანიერდა.

— ვიგრძენ და ვიცან: სხვადასხვანი არიან ღმერთი ჩემი და ღმერთი შენი, — დაარღვია მღუმარება თვალშეწვენიერმა.

— განა, იესო, უფალი და მაცხოვარი ჩვენი, ორივე ჩვენთვის არ არის ერთი?! — განცვიფრებით შესძახა და, მარტო გული კი არა, ძვლებიც შეუძრწუნდა გიორგის.

— უფლის ნათლულო, ოდენ ქრისტეს აღმსარებლობა როდი გვჟოფნის სრულიად ღმერთის გააზრებასა და გაცნობიერებაში, — შემწყვალეზულური ღიმილით უთხრა თვალშეწვენიერმა.

წყენა ჩაუხდა გულში გიორგის.

— აკი ქრისტე, თვითონ ღმერთი წარმოიშვა ღმერთის წიალიდან!

— და მასთან ყოველი არსიც წარმოიშვა იმავე წიალიდან, — წაართვა სიტყვა თვალშეწვენიერმა.

— და წიალი იგი, ღმერთი ყოვლისმომცველი, ყოვლის განმყოფელი და თვითონ ერთარსება განუყოფელი! — უკუიჭირა სიტყვა გიორგიმ.

— მაღლი შენ, უფლის ნათლულო, რამეთუ მიწილადე სული შენი, მაგრამ კვლავ გეტყვი — მე სხვა ღმერთს ვეძებ და მივესწრაფი, განსხვავებულს შენი ღმერთისგან! — ყინიანად დააწვა სათქმელს თვალშეწვენიერი.

— მაინც რა არის შენი ღმერთი, საყოველთაო ღმერთისაგან განსხვავებული? — ჰკითხა გიორგიმ, რეცა, დაღლილი ხმით.

— ყური დამიგდე, ნათლულო ღმერთისა, — მძიმედ ამოისუნთქა თვალშეწვენიერმა — შენ რომ ღმერთს ამბობ, ღმერთი იგი, გეთანხმები, არსებულთა მარადიულად, უსაწყისოდ, დაუსაბამოდ, ისე ვითარცა არ აქვს საწყისი არც დროს, არც სივრცეს. გარნა ის ღმერთი, საითკენაც მე მივისწრაფი, არის ღმერთი არარსებული.

— არარსებული?!

— სწორედ და, იქნებ ღმერთი არც იყოს იგი, — თქვა არსუქისძემ.

— და შენ უნდა შექმნა იგი?! — ჰკითხა გიორგიმ.

— მე უნდა შექმნა! — დაუბეჭდა ჭიუტად ხუროთმოძღვარმა.

— მაინც ვითარი იქნება იგი? — არ ეშვებოდა გიორგი.

— არ ვიცი, სიტყვით არ ძალმიძს გამოვხატო, ვინათგან სიტყვათა მიღმა იგი!

— სიტყვათა მიღმა?

— ჰო, სიტყვათა მიღმა და უხილავი, ვითარცა აზრი.

— ალბათ, შენს ღმერთს მაშინ იხილავ, როცა სვეტიცხოვლის აღმშენებ-

ლობას განასრულებ, — ფიქრის შემდეგ უთხრა გიორგიმ.

— შენ ასე გგონია? — იკითხა თვალშეწვენიერმა და გიორგი ვერ მიხვდა, რა უფრო იმსჯელებოდა მისი სიტყვიდან, წყენა თუ სიხარული.

ისევ დადუმდნენ და ისევ უსიტყვოდ სუნთქავდნენ და ისრუტავდნენ ერთმანეთის ფიქრს, ზედაზნიდან ველური რძის სურნელთან ერთად.

ზემოდან ისევ გაისმოდა ოხვრა მშობიარე ფურჩინებისა.

ჭვემოდან კაცთა ოხვრაც ისმოდა ხამუშხამუშად.

მძიმედ ეძინა ქვასთან ბრძოლით დაქანცულ მუშათა საცხოვრისს. ავი ძილისშორისი აწამებდა ყოველ სახლაკს სულიმწარისას.

ისევ გიორგის სიტყვამ განაპო დუმილი:

— დიდ არს ძალა ჩემი ღმერთისა, რომელმაც შენ ჩაგინერგა უნარი შენი ღმერთის ძებნისა და მოპოებისა.

ფიქრა ერთხანს თვალშეწვენიერმა ამ სიტყვაზე და ბოლოს ეს უპასუხა:

— მარადიული ნათლის ძუძუს ხარ დაწაფებული, ყრმაო კეთილო, მაგრამ მითხარი, განა მე უკვე მოვიპოვე ჩემი ღმერთი?

— მოიპოვე და იგი არს სვეტიცხოველი.

და ისევ იგრძნო გიორგიმ, თითქოს სიმაღლე მოემატა სვეტიცხოველს, და აზიდა იგი მალლა თვით აზიდულმა სვეტიცხოველმა.

— ისევ შენ თვითონ იზრდები, ყრმაო კეთილო, სვეტიცხოველი კი ელოდება ზრდის დასასრულს. მაშასადამე, უკეთუ მართლა ჩემი ღმერთი ეს ტაძარია, ღმერთი იგი კვლავ არსებობის საზღვრებს მიღმაა.

— ჯერ არსებობაზე მალლა დგას იგი, ხოლო დადგება უამი, ოდეს შენი გრძნეული ხელით ტაძარი ესე თვითონვე შექმნის არსებას თვისას.

მცირე ხანიც მოითიეს უტყვად და

უცებ შესძახეს, რაც ერთად იშვა როგორც სულში:

— სვეტიცხოველო, ჰქმენ თავი შენი სვეტიცხოველი კი იდგა განკვეთილი და გამთლიანების წყურვილით ატანილი.

იდგა და სულწასულად ელოდა ჯერაც უსხეულო თანასხეულს.

ისინი კი ისხდნენ და საუბრობდნენ.

ძილის მეუფე ვერ ბედავდა მისულიყო და თავისი ყოვლის დამრეცავი კვერთხის მიმთხვევით დაეხუჭა მათი თვალები.

მწყურვალე წადნიერებით ეკითხებოდა ყრმა მწირი და პასუხობდა ხუროთმოძღვარი, და ერქვა მათ საუბარს — „ხელოვნებისათვის“.

ხელოვნებას, ჯერ აზრად განსჯილს, „ზედმიწვეულობას“ ვუწოდებთ, ხოლო, აზრი, საქმედ განსრულებული — არის სრულქმნილი ხელოვნება, — ამბობდა ხუროთმოძღვარი.

მაგრამ არა ყოველი ხელთაქმარი არის ქეშმარიტი ხელოვნება, არამედ: ქეშმარიტი ხელოვნება არის ღმერთი. ქეშმარიტი ხელოვნება არის ლოგოსი.

ქეშმარიტი ხელოვნება არის ხელოვანი.

მაგრამ ხელით კეთება და ხელით კეთების ცოდნა არ არის ხელოვნება, არამედ იგი არის ხელოსნობა, ანუ — ხელოვნება ნავსი.

— ალღოსმიერია, თუ აზრისმიერი ხელოვნება? — ჰკითხა გიორგიმ.

— ალღო თვითონ აზრია, მაგრამ აზრი ნადირთა, და ნადირული აზრით, ანუ ალღოთი, იწყება თვითონ ადამიანი, — ამბობდა თვალშეწვენიერი.

— ალღო იგერშებს ხელოვნებას, ვითარცა ნადირი სისხლსა ნაყოლისასა, ხოლო აზრი, საკუთრივ აზრი, დასწმენდს, დაასაწმისებს და დაასისწორებს ალღოთი ნაგერშალს.

— მაშ, დვრიტა ხელოვნებისა ყოფილა ალღო, ანუ გერში, ხოლო აზრი

ილისტიკი ყოფილა მისი, — თქვა გიორგიმ.

— კარგად ისიტყვე — მოეწონა თვალშეწინიერს — დვრიტა და ილისტიკი!

— და როცა ჩვენ ვამბობთ — განაგრძო გიორგიმ — „სიბრძნემან იშენა თავისა თვისისა სახლი და ქუეშე შეუდგინა მას შვიდნი სუეტნი“ — შეგვიძლია ესეც ვისიტყვოთ, ვითარმედ: ხელოვნებამან იშენა სახლი თვისი და ქუეშე შეუდგინა მას შვიდნი სუეტნი ალლოსანნი და გერშისანნი.

— ხოლო, შვიდთა სვეტთაგან უზენაესი — სვეტი-ცხოველი! — ჩამოართვა თვალშეწინიერმა.

— სვეტი-ცხოველი, სვეტი-სული, სვეტი-სხეული! — დაიძახა გიორგიმ.

— სვეტი ცხოველი, სვეტი სული, სვეტი სხეული! — გაიმეორა არსუქისძემ, ნახატურივით გარინდებულმა და ახლა თვითონაც იგრძნო, როგორ ამოიზიდა შუაგარდაკვეთილი ტაძარი და როგორ აზიდა მალა ორი თითის დადებით აღმშენებელი მისი.

— სვეტიცხოველი — სვეტი ერისა, სხეული ერისა, სული ერისა!

— ღმერთო ძლიერო! „სულიერი“! „სული“ და „ერი“ ერთ სიტყვაში შერწყმული და შეერთებული! „სულიერი“, სულიერი!

— სვეტი-ცხოველი — სხეული ერისა, სული ერისა!

— და, სვეტიცხოველო, სულო ერისაო, ჰქმენ თავი შენი!

— სულო ერისაო!

— ჰქმენ თავი შენი!

— იქმენინ თავითა შენითა!

და ცისკარი შემოვიდა, ნედლი და ნათელმორთხმული.

უხილავი ჯადოქრის ხელით ახლადგაწაფული, ვერცხლისფერი ილეკროს თალი ჩამოადგა წყვდიადისაგან ენაწართმეულ დედაიწას.

„ხოლო, არიელი, ძე ჰაერეთისა?“ — ფიქრად გაუელვა გიორგის, ცისკრის მხილველს.

— ორბი? — სიტყვად აღმოხდა თვალშეწინიერს.

და ისევ გაოცებულნი და ბუბულნი, თვალგებით ერთუთრთს შეეყინენ სულის მარჩბინნი.

და, როგორც იქნა, ისევ თვალშეწინიერმა შეძლო ყინვის გაღწობა:

— მაშ, ერთხელ კიდევ ვიწამეთ ჩვენ საოცარი, კაცის გონებით მიუწვდომელი თანაზიარობა ჩვენი სულები-სა: არიელი, ძე ჰაერეთისა, ორბად გისახავს შენ შენდათავად, და აგრევე მეც ჩემდათავად, ვინათგან სულნი ჩვენნი არიან ცალკე და არიან ერთად!..

ხოლო, თვითონ არიელი არსად ჩანდა.

არსუქისძემ იცოდა, ორბი რომ იმ დღეს არ მოფრინდებოდა.

გიორგიმ კი არ იცოდა.

(ყოველთვის, განუწყვეტლივ და განადაგებით როდი იყვნენ ისინი ტყუბნი სულისანი)...

წამოიმართნენ და ყვავილს დააქქერდნენ, ილეკროს ლორფინზე ღამენათევს.

ყვავილი იყო ცვარით და ზრიმლით დაღველფილი, კვლავ ზრობაშეუხებელი და ლორთქოდ ცხოველმოსილი.

— ხარ-ობს, ვინათგან უ-ხარ-ია! — დამარცვლა გიორგიმ, თვითონ გახარებულმა.

— სი-ხარ-ული! — დამარცვლა თვალშეწინიერმაც, ყვავილი იგი აილორუდუნით, და გიორგის ანიშნა.

და დაეშენენ ძირს.

სანამ მიწაზე ფეხს დაადგამდნენ, მესტეინარმა ნესტეს ჩაჰპერა და ზეწამოჰყარა მსახლობარნი ქონთა, კარავთა და სახლაკთა.

გამოჰყავდათ მუშები ჰაჰაპეტებს, სამუშაოთა ზედამდეგებს, ეპისტატებს, აღმშენებელნი სვეტიცხოვლისა, ჯგუფ-ჯგუფად, წყვილ-წყვილად, თითო-თითოდ. არაგვისკენ გარბოდნენ. შედიოდნენ მდინარეში, ხეღბირს იბანდნენ, მხარ-მკლავს და გულ-მკერდს იხელდნენ ცივი წყლით. ძილისა და ძილის-

შორისს ნაშთებს განუტევებდნენ სხეულიდან. გარბოდნენ სიცილით და ოხვრით, ხუმრობით და ლანძღვით, დღინით და ბუზღუნით.

— წყალო, წყალო, შენ წაიღე ჩემი ცუდი სიზმრები! წყალო, წყალო, შენ წაიღე ჩემი ცუდი სიზმრები! წყალო, წყალო, შენ წაიღე ჩემი ცუდი სიზმრები! — ბუტბუტებდა რომელიღაც, წყალზე თვალდაშტერებული.

წყლიდან ამოდიოდნენ და იქვე, მდინარის პირას, ერთი უტევანის სიგრძეზე სახელდახელოდ ნაგებ ფიცრულ ტბოშს უსხდებოდნენ სასაუზმედ.

მზარეულები უკვე არიგებდნენ, პინაკებით, მოხარული ლოპინარისა და ოსპის ბოლოოწოს.

არსუკისძეს საგანგებოდ გამოეთხოვა მეფისთვის და კათალიკოსისთვის, მუშას არ მომიწოდეს და არ მომიწყურდესო. სვეტიცხოველი სიყვარულმა, სიხარულმა და მადლმა უნდა ააშენოსო. ხოლო, მშვიერი კაცის ცრემლი და წყევლა-კრულვა, ახალს აგვიშენებს კი არა, აშენებულსაც დაგვიგრავს და წაგვიღეკავსო.

კუჭი დედაა წუხილისაო. მეფენი, ბაგრატ და გიორგი, დიდად ზრუნავდნენ სვეტიცხოვლის მუშათა სიმძღვრისათვის. ორივე მეფის უამს სვეტიცხოვლის აღმშენებელთა ტბოში ყოველდღე ოთხჯერ უნდა გამლილიყო, ოთხივე ჯერით — საუზმე, სადილი, სამხარი და სერი.

ჯერ ბაგრატმა დაადგინა და მას უკან გიორგიმ განაახლა მამის დანადგინარი: ვინცა ვინ სვეტიცხოვლის აღმშენებლობაზე იღვწის, განტევებულ იქნას ყოველი გადასახადისაგან და მის კარზე რაიმეს მოსათხოვრად აღარავინ მისდგომოდეს, თვინიერ მზისა, ქარისა და წვიმისაო.

მელქისედეკ კათალიკოსიც არ ივიწყებდა სვეტიცხოვლის მაშენებელთა მძღვრისად დაპურების საზრუნავს. მოსე წინასწარმეტყველიც და პაველ მოციქულიც მოგვიწოდებდნენ — „არა

შეუკრა პირი ხარსა მლეწველსაო“, ამბობდა მელქისედეკი.

არსუკისძე მუდამ სასტიკი თვალთზომავდა მნე-მუჯირებს, რომელთა კისრად იყო ზრუნვა მუშის საზრდელსანოვავეზე. ერთხელ სადილეული საზრდელის დაგვიანებისთვის, არსუკისძემ მუჯირს ისეთი სილა შემოჰკრა, სამდღეს ცნობაზე ძლივს მოიყვანეს მუჯირი იგი...

მესტინარმა ისევ ჩაპბერა ნესტეს-ძელსაც ჰკრეს სამთავროს ტაძრისიანებმა.

საუზმე ჩათავდა. ეპისტატებმა სვეტიცხოველს შემოუხიეს აღმშენებელნი.

ცა — სუფთა, უზადო და უმეჭეჭო — ელოდა მზეს მარადიულ სამზეო გზაზე.

მზე კი, უფალი მზე, რეცა ამოსვლას აგვიანებდა.

არსუკისძემ ცას თვალი აუხშირა, თითქოს იქიდან ვისმეს მოსვლას ელოდებოდა, მაგრამ არ მოდიოდა. თვითონაც იცოდა, იმ დღეს რომ არ მოვიდოდა. ძალიან კი უნდოდა, გიორგის ენახა მისი ორბი.

— მზის ამოსვლა მაინც ვიხილოთ და ვიგემოთ ერთად, — უთხრა გიორგის ღიმილით.

გაუკვირდა გიორგის, „მაინცობა“ რად ჩაურთო და ცაზე მზის გარდა კიდევ რას ელოდებოდაო, — გაიფიქრა, მაგრამ არაფერი უთქვამს, მხოლოდ სპასუხობდ გაუღიმა მკრთალი ღიმილით.

მზე ამოვიდა, ისევ ახალი და ხელახალი. ნელი, ზვიადი რხევით გადმოადგა იგი ჯვარის მონასტერს და პირველი სხივები ჩამოჰყარა კონა-კონებად მტკვრისა და არაგვის წყალსაქრებელში.

თვალშვენიერმა მარცხენა ხელი გიორგის გადასდო მხარზე, მარჯვენათი

ლევან სანიკია
გიორგი ამონალო

კი მისი ნაჩუქარი ყვაილი მზისკენ გა-
იშვირა.

— მადლობელი ვართ, მე და ჩემი
უმრწემესი ძმა, ვინათგან შენ კვლავ
მოხველ ჩვენთან, მზეო კეთილო!

ყვაილი კი ისევ ლორთქო იყო,
ცხოველნაჭერი, დაუმჯნარი და ფერ-
ვაუმკრთალი. მხოლოდ ნალამური ცვა-
რი აკრიფა და შესვა მზემ მისი ფურ-
ცლებიდან.

გამოტრიალდა და გამოატრიალა გი-
ორგი თვალშეწინიერმა.

ახლა ერთად უნდა აღმართოთ მე
და შენ სვეტიცხოველზე ვაზი ჩემი ნა-
ხელავიო, — უთხრა და წაიყვანა.

ტაძრის მარცხენა ნაოსში შევიდნენ
და თავს დაადგნენ დიდი ხის ლართ-
ხებზე დაწოლილ ქვას.

სიგრძე ქვისა — სამი წყრთეული.

სიგანე — წყრთეულნახევარი.

ფერი — თეთრი, კამკამა.

ჯავარი — ქარვა.

ხოლო, ჩუქურთმა ქვისა — ვაზი,
რქამშვენიერი, ორი მტევნით ორმხრივ
ნატვირთი.

ჩუქურთმის გარშემო, ოთხივე მხრის
გასწვრივ — მრუდნახოვანი მეანდრები
და ალაგრეკები.

დასცქეროდა გიორგი ამ საოცარ სა-
ხილველს, საკვირველი ხელოვნებით
ნახელოვნარს.

უცებ დაიჩოქა და დაემხო. ვაზს რქა
და მტევნები დაუკოცნა და უთხრა
მხურვალედ:

— ბედნიერი ხარ, ქვაო შენ, ბედნიე-
რი, ვინათგან ღვთაებრივმა დიდოს-
ტატმა უაზრო და უჯმაჯური ქვაობისა-
გან დაგიხსნა და ვაზის სიცოცხლე მო-
განიჭა! მომილოცნია, მომილოცნია!

ეს რომ სთქვა, იქვე მუხლებზე შე-
მობრუნდა და, ვიდრე თვალშეწინიერი
გონს მოეგებოდა, მარჯვენა ხელის
მტევანზე ეამბორა ნასწრაფევად.

მოხვდია თვალშეწინიერი, აზიდა და
ჩაიკრა გულში ტყუბი სულისა.

ვერ შეემჩნიათ, ისე შემოსდგომოდ-
ნენ ჯგროდ ხელოსანნი.

არსუქისძემ თვალი გადაჰკრა გესლა-
ისძეს. გესლაისძე გავარდა და სვეტიც-
გაიყოლია. მსხვილად ნაგრები კანა-
ფის ჯალამბარი მოიტანეს (ილეკროს
აშქს არ ენდნენ, — ჩუქურთმა არ
დაგვიზიანოსო), ქვა ერთ მხარეს აზარ-
მაცებით აზიდეს, გვარლით შესკვნეს,
სამხრეებით შეამარყუტეს და წასადე-
ბად გაამზადეს.

წინ თვალშეწინიერი ჩადგა, უკან —
გიორგი. მოიმშვილდნენ, სამხრეები
მხრებზე გადაიციეს და გადაჰიმეს, აი-
მართნენ და აზიდეს ქვა-ვაზი. დაიძ-
რნენ და შეუდგნენ კიბის საფეხურებს.

მძიმედ ვილოდნენ, მაგრამ მაინც მი-
დიოდნენ და აღიოდნენ, ქვემოდან
მალა, სვეტიცხოველზე, თვითონ ნი-
შან-სვეტიცის საუკუნისა.

აღიოდნენ და აჰქონდათ ვაზი ჯვარ-
სახოვანი — ზენიშანი საქართველოს
სულისა და სხეულის მთლიანობისა და
ტანგანურღვევლობისა.

ათი ვაჟაკის თანადგომით მარქა-
ფად მისდევდათ გესლაისძე, მაგრამ
ხელის შეშველებაც არ ისურვეს ტვირ-
თში შებმულებმა.

და ავიდნენ, ელამონის თავზე ავიდ-
ნენ. ტვირთი ფრთხილად ჩამოიტივრთეს
და ოფლი ჩამოიწურეს.

მერე, უბიდან ყვაილი ამოიღო არ-
სუქისძემ, გიორგის ნაძღვენიე ყვაილი.

და ყვაილი იგი მთავარ საქდევზე
მიამაგრა ხუროთმოძღვარმა.

ირგვლივ სიო ირხეოდა შეფრფინვით
და ყვაილიც თრთოდა — სიონაკრავი,
კვლავაც ჭკნობაშეუხებელი და სიცოც-
ხლეშეუღლენელი.

და ერთხელ კიდევ შეუდგნენ ქვა-
ვაზს თვალშეწინიერი და გიორგი, ფეხ-
ზე დააყენეს, ზურგით კედელს მიაყრ-
დნეს და მიახუტეს.

ყვაილი ვაზსა და სვეტიცხოველს
შორის მოექცა.

სრულმა დუმილმა და გარინდება
მოიცვა ყველა.

იმ ვაზს უცქერდნენ და შეიგრძნობდნენ.

იმ ყვავილს ველარ უცქერდნენ, მარამ იმასაც შეიგრძნობდნენ.

და პირველი ისევ გამოერკვა არსუკისძე. ილისტიკი მოითხოვა და მოართვეს.

დაადო თავზე ილისტიკი ახლალმართულ ქვას. შუა მოცემციმე ვერცხლის ბურთულას დააცქერდა და დარწმუნდა, რომ ქვა სწორად იდგა. ერთხანს კიდევ უცქირა მღუმარემ მისი სულის და სხეულის ნაშობს. მას უკან ვაზის შუაწულს ხელი მიაბჯინა და მღელვარედ შესძახა:

— სახელი მისი — ვ ა ზ ი ც ხ ო ვ ე ლ ი !

— ამინ! — სთქვა გიორგიმ და ჭვარი გარდასახა ჭვარს, ახალნათლულს.

— ამინ! — და ჭვარი ისახეს ყველა იქ მდგომთა.

ძირს დაეშვნენ ისევ.

ჩემი წასვლის დრო დადგაო, თქვა გიორგიმ.

ჭერ მუქაფა უნდა მოგიძღვნაო, უთხრა თვალშეწვენიერმა.

რას მუქაფაო? — გაიკვირვა გიორგიმ.

ყვავილი რომ მომიძღვენი, ომის სამაგიეროო, — სთქვა ღიმილით თვალშეწვენიერმა, ყრმას მკლავში ხელი გამოსდო და წაიყვანა.

— „ჰმ, მუქაფა! ამაოდ დაშვრები, ღეთაებრივო ხუროთმოძღვარო!“ — გაუღელვა ფიქრმა გიორგის.

— არც დაეშვრები და კრინტსაც ვერ დაძრავ! — სიცილით უპასუხა ხმამაღლა თვალშეწვენიერმა გიორგის ფიქრს.

ისევ ესმოდათ ერთმანეთის ფიქრი; უხილავი და უცნობელი ძაფებით გადაბმულ ტყუბთა სულიერთა.

გიორგის, რეცა, შერცხვა, ნაფიქრალი მუქარა რომ გაუმჟღავნდა და გაძალიანება ველარ შეუბედა, ისე შეპყვავა სახლში მასპინძელს, მისი მძღავრი ხელისგან მკლავშეპყრობილი.

მასპინძელმა ტილოს ნატით დაფენილ

დალოტზე დასვა სტუმარი. თვითონ, ახლავეო, თქვა, გავიდა და ორბოსაღწევი წუთში უკანვე შემობრუნდა. ხელში ტანმორჩილი, შავფეროვანი ვაშკარანი ეჭირა.

ვახსნა ვაშკარანი იგი არსუკისძემ. ვახსნა და ხის მცირე ჭვარი ამოიღო, ქალის დალალით შეკვერთხილი.

ჭვარი რახსისფერი იყო, თმა — ალისფერი, ანუ მზისფერი.

ჭვარის ხილვაზე ჭვარი ისახა გიორგიმ.

იგრძნო ღვთის ტარიგმა — ეგზომ მცირე ჭვარში უზემოესი ხელოვნება და სულიერება ესვენა.

ისიც გაახსენდა გიორგის — ფერი ამ ჭვრისა, რახსისფერი, იმ ორბოსაც კქონდა, ჭერ სიზმარში რომ ნახა და შემდეგ ცხადში, ფარავნის პირას.

— ეს ჭვარი ნინოს ეკლესიის ნაწილია, — თქვა არსუკისძემ.

— ნინოს?!

— ჰო, წმიდა ნინოს ხის ეკლესიისა, მირიან მეფეს რომ ააშენებინა ნინომ სწორედ იქ, სადაც ახლა შენდება ჩვენი, ახალი სვეტიცხოველი.

მღუმარედ ისმენდა გიორგი, ქანდაკებასავით უძრავი და იმ ჭვარს თვალებით ჩაიცივებული.

— სწორედ იმ ადგილას ჭერ იყო ნინოს ხის ეკლესია — განაგრძობდა თვალშეწვენიერი — მერე, იქვე, მის ნაძირკვლევზე, ვახტანგ გორგასალმა ააშენა ქვის სიონი, ხოლო ახლა, გორგასალისა და ხუთასი წლის შემდგომ, ორივეს ნაძირკვლევზე შენდება მესამე სვეტიცხოველი.

— ხოლო, ეგ ჭვარი? — ველარ მოითმინა გიორგიმ.

— ნინოს ეკლესიის ნაწილია-მეთქი. მე თვითონ ჩემის ხელით გავთხარე პირველთაგანი ბალავერი სვეტიცხოველისა, მე თვითონ მოვიძიე და მივაგენ მის ნაშთებს პირველქმნილი სალოცავის საძირებში.

— მაინც, როგორ! — გაიკვირვა გიორგიმ.

— ძალიან იოლად, რადგან მე ხომ მახსოვდა, — უბრალოდ თქვა თვალშვენიერმა.

— მახსოვდაო?! რა გახსოვდა?! — დაიბნა გიორგი.

— ადგილი და აღნაგი იმ ხის ტაძრისა, რომელიც ადრეშენა ნინოს ნებით და წილხვდომილობით.

— მერე, მახსოვსო, ისე ამბობ, რეცა შენ თვითონ დასწრებოდე და თვალით გეხილოს! — პირი შეუცინდა გიორგის.

— სწორედ კიდევაც დავესწარ და კიდევაც ვიხილე.

— როგორ?!

— მე ვიყავ და ვცხოვრობდი მაშინ, — ისევ სრული სიმშვიდით და უბრალოებით სთქვა არსუკისძემ.

გაშრა და გაყვითლდა გიორგი.

— მაშ, შენ ერთხელ უკვე იყავ ამ ქვეყანაზე? — ძლივს შეძრა ენა.

— ვიყავ, — დაუდასტურა თვალშვენიერმა უღიმილოდ.

— მაშ, შენ გინახავს წმიდა ნინო, მეფე მირიან, დედოფალი ნანა და სხვანი და სხვანი იმ ქვეყნისანი, წინანდელნი შვიდასი წლისა?!

— მინახავს, ყველა მინახავს.

— ყველა გახსოვს?

— ყველა.

— მერე, მერე... როგორი იყო წმიდა ნინო?

— ეგ კი აღარ მახსოვს.

— როგორ, ყველა გახსოვს და ის აღარ გახსოვს, უმთავრესი და ღვთაებრივი?!

— ალბათ, სწორედ მისი ღვთაებრიობის გამო არ მახსოვს... ღვთაებრივის დახსოვება მის ხილვაზე ძნელი ყოფილა!

გაჩუმდა და ჩაფიქრდა თვალშვენიერ არსუკისძე.

გიორგისაც მოშლოდა ფუძე სიტყვისა.

— არა და, როგორ მჭირდება გახსენება მისი ხატისა! — აღმოხდა ისევ არსუკისძეს. თქვა და უცებ, თითქოს

ფიქრი იცვალა, ჯვარი მალა და განაგრძო:

— და ეს ჯვარი იმ ხის ნაწილთაგან გამოვთალე და გამოვკვართე, ნინოს ხელნაღერსევი და ცრემლნაფრქვევი ხის ნაშთისაგან... და აჰა, ესერა, შენია იგი! — დაასრულა და ჯვარი გაუწოდა თვალშვენიერმა გიორგის.

— ჩემი?!

— სწორედ შენია, ღვთის ნათლულ!

მივიდა და მარჯვენით მარჯვენაში ჩაუღო ჯვარი იგი სულის ტყუბმა სულის ტყუბისცალს.

ჯვრის შეხებამ და შესხეულებამ გამოარკვია გიორგი.

დააცქერდა, ჯვარი ისახა და ეამბორა. მას უკან ისევ არსუკისძეს ჩაეკრა გულში,

— მადლობელი ვარ! — უთხრა და ეწყინა, რომ ეს სიტყვა სუსტი იყო, ძალიან სუსტი, სწორედ იმ მადლის გამოსახატავად, რაითაც ახლა ავსებულ იყო გული და სრული არსება მისი.

— ვიცოდი, ასეთ მუქაფაზე უარს ვერ მეტყოდი, — ხმამალა გაიცინა არსუკისძემ და თვითონაც ეამბორა გიორგის შუბლსა ჯვარსახოვანსა.

დასცქეროდა გიორგი ჯვარს, ჯადოქმნილი.

ჯვარი! ქრისტემდე — იარაღი კაცთა ტანჯვისა, წამებისა, ვნებისა, დამცირებისა, დამდაბლებისა.

და — „ჰურიათა სამე საცთურ და წარმართთა სისულელე“ (პავლე მოციქულის სიტყვები გაახსენდა).

ხოლო, ჯვარი ქრისტეს შემდგომი, ქრისტეს ღვთაებრივი სისხლით ცხებულ ი — ზენიშანი ცოდვისგან დახსნის, განწმენდის, სიკვდილის დათრგუნვის, ძლევისა და გამარჯვებისა.

ჯვარი! გარდაკვეთა მადლივისა და განივისა: მადლივი — ზენაარისა, გინა ღვთაებრივისა, განივი — ქვენაარისა, გინა კაცობრივისა.

ერთყოფნა ზენასოფლურისა და ჭვე-
ნასოფლურისა.

ჯვარი ქართული!

ქალის თმებით შეკვერთხილი.

ქალის სულიერ-სხეულებრივი ნაყოფიერების სიმძიმით დახრილი ფრთები ქართული ჯვრისა...

— ხოლო, ეს თმები? — უცებ იკითხა გიორგიმ.

— თმებიო?

— ჰო, აი ეს ალისფერი დალალი, რომლითაც შეკვერთხილია ჯვარი ესე, — გაიმეორა გიორგიმ და უმაღლესი ინანა მწარედ.

თვალშვენიერ არსუქისძე გაფიორებულიყო.

ლამის გული გაუხმა გიორგის, ვითარცა კეცი.

— ჰო, კიდევ რა უნდა მეტქვა? — თქვა თვალშვენიერმა დაღლილი ხმით და შუბლზე ხელი წნეხივით გადაიტარა.

— შე უკვე მეშინია, ხუროთმოძღვარო! — უცებ უთხრა გიორგიმ.

— ჩემი გეშინია? — გაეცინა თვალშვენიერს.

— არა, შენი კი არა, შენთვის მეშინია, შენ-თვის.

— მაინც რაისთვის, ვერ გამიგია, — ისევ ნაძალადევად გაიღიმა და მხრები აიჩეჩა არსუქისძემ.

— რაღაც დიდი, უფსკერო წუხილი სდუმს შენს გულში.

— ნუ გეფიქრება. შესაძლოა, ეგ წუხილი ჩემი არსების განუყრელი და განუკვეთელი თანაარსებაა და, უკეთუ ვიქნები — ისიც იქნება, არ ვიქნები და — არც ის იქნება.

ისევ გაჩუმდა და ჩაფიქრდა. და ფიქრის მერე უთხრა გიორგის:

— მოდი, კვართები გავუცვალოთ ერთმანეთს!

— კვართები?!

— ჰო, კვართები, პერანგები

და წელზემით გაშიშვლდა უცებ არსუქისძე.

— კვართები, ჰო, მაგრამ... ენა დაღობა გიორგის.

— რა, გენანება?

— გენანებაო? მე სიცოცხლე არ მენანება, მაგრამ... კვართი საერთოდ არ მაკვია მე, — თქვა გიორგიმ, საკვართული შემოიხსნა და ტანი იძანაც იშიშვლა წელზემით.

და ასე შერჩნენ ერთმანეთს ტანშიშველნი, ზელომავალი ქვის მეუფე და ახლადმომავალი სიტყვის მეუფე.

ერთმანეთს უცქერდნენ ზელომავალი წადნიერებით.

გიორგის წინ ზრდასრული, დამწვინებული ვაჟაკი იდგა, ოცდაათ წელს ვადამცდარი, მზითნაჯერი, სრულად კუნთოვანი, აზიდული და გაშლილი თორაკით.

თვალშვენიერის წინ ჯერ ისევ ყრმა იდგა, ტანითა იჭქლის ფერთა და ზრდაუშეფარი, მაგრამ ნაკეთილგონად წყობილი და სამომავლო ტანის სიმართელით მრავლის აღმოქმედი.

— მერე და, რატომ არა გაქვს კვართი? — ჰკითხა თვალშვენიერმა.

— არა მაქვს, ვინათგან კვართი ჩემი საფლავსა შიგან ჰკიეს.

— როგორ?! — აღმოხდა თვალშვენიერს.

— ნურცა შენ მკითხავ...

— არ გკითხავ, არა, — შეაშველა თვალშვენიერმა.

ისევ მდუმარედ ათვალეობდნენ ერთმანეთს.

— ჩემს კვართში შენ ვერც კი ჩაეტეოდი, — უთხრა გიორგიმ.

— სამაგიეროდ შენ ჩაეტევი ჩემს პერანგში, — შესძახა თვალშვენიერმა. მაშინვე მივიდა, კვართი გიორგის თავზე გადააცვა, ხელებიც სახელოებში თვითონვე გააცმევინა და გარედან მისი ბურნუსიც შემოაცვა.

— სამაგიეროდ? — უმწეოდ იკითხა გიორგიმ.

— სამაგიეროდ ეგ საკვერთხელი მისახსოვრე მე!



ქართული
ლიბრეოთეკა

— აჰა, ესერა, საკვირველო ადამი-
ანო!

არსუკისძემ ჩამოართვა და მაშინვე
შეირტყა წელზე საკვერთხელი იგი.

ისევ მღუმარება, — მღუმარება სიტ-
ყვადქცევაზე უფრო მეტყველი-
დადგა დრო დამშვიდობებისა.

და ეუბნებოდა თვალშევენიერი:

— მაცხოვარი და მეუფე ჩვენი, იე-
შუა ნაზარეველი, ტომით იყო ჰაბირუ-
ელი. დე. ვეთაყვანოთ, მის კვალს მივ-
სლიოთ განუცადებლად, მისთვის და-
ვიზოცოთ, მის ფერხთა მტერად გარ-
დავიქცეთ, მაგრამ იქნებ ჩვენშიც,
ჩვენს თანასისხლიერ ნათესავ ქართ-
ველშიც იყო ვინმე, ან იქნეს ვინმე,
რომლის ღვთაებრივ მადლს და ღირსე-
ბას უკეთუ არ ვეთაყვანებით, აუგად
მაინც ნუ მოვიხსენებთ და ხალხის
ხსოვნიდან მის აღმოფხვრას ნუ ავიჩე-
მებთ.

— რაისთვის ბრძანებ... სიტყვის ჩარ-
თვა სცადა გიორგიმ, მაგრამ ანიშნა
თვალშევენიერმა, ნუ შემიშლიო, და
განაგრძო:

— ვგრძნობ უტყუერად და უცთომე-
ლად, ჩემო გიორგი, დადგება დრო,
შენ სიბრძნის მდელი იქნები და იმა
მდელიზე მრავალსახე ყვავილები
აყვავდებიან; შენთა წიგნთა და ლო-
გოსთა მადლით მოირწყება ქვეყნიე-
რება. მაგრამ, გახსოვდეს, სიბრძნე, სი-
ქველმეც, სიყვარულიც და სიხარულიც
ყოველი სკნელისა, შენთვის და ჩემ-
თვის, ისე ვითარცა ყოველი ქართვე-
ლისთვის — მაინც უნდა იწყებოდეს
საქართველოდან.

გიორგიმ ისევ დააპირა რალაცის
თქმა, მაგრამ ისევ არ დაანება თვალ-
შევენიერმა:

— ვიცი, ვიცი, რომ მეთანხმები,
უსიტყვოდ ვხვდები; აკი უსიტყვოდ
გვესმის ხშირად ჩვენ ერთმანეთის.

გიორგის ხმა აღარ დაუძრავს. იდგა
იგი თავდახრილი, მღუმარი, უსაწყისო
და უსასრულო ფიქრით ნატყვრით.
და როგორც იქნა, ამოიღო ხმა:

— ვიდრე წავსულვარ, ეს ერთი
თხოვნა შემისრულე, ხუროთმოძღვრებულში

— მითხარ, გიორგი!

— სანამ ტაძარს დაასრულებდე, სად-
მე კედელზე, ადამიანის თვალის საჩი-
ნოდ, შენი სახელი დააწერე, ვითარცა
შენ, აღმშენებელმა.

— სახელი მივაწერო? — განცვიფ-
რდა თვალშევენიერი.

— სწორედ, სწორედ!

— არც არასდროს მიმიწერია, არც
ქუთათისის ტაძარზე მიკადრებია და არც
სვეტიცხოველს შევაწუხებ ჩემი ცოდ-
ვილი სახელის მირქმევით.

— უნდა მიაწერო, თუნდაც იმიტომ,
შენს მაგივრად სხვისი სახელი არ აღ-
მოჩნდეს ზედ მიწერილი.

ჩაფიქრდა არსუკისძე, ჩაფიქრდა.
მერე, უცებისად, რეცა სხვა მკვეთრმა
საფიქრალმა გამოარკვია და გიორგის
მხარს მოეჭიდა.

— მაშ, მშვიდობით, ჩემი სულის თა-
ნამოსაგრეც!

— მშვიდობით, ჩემი სულის თანა-
მხედარო!

ერთმანეთს გადაეხვივნენ.

თვალშევენიერმა იგრძნო: გიორგის
გულზე სცხელოდა.

გიორგიმ იგრძნო: თვალშევენიერს
გულზე სციოდა.

და გაშორდნენ.

— არ დაგავიწყდეს, ღვთის მუხლზე
ზიხარ და, ღმერთს გაუფრთხილდი! —
უკანასკნელად უთხრა თვალშევენიერმა.

— შენ კი სატანას გაუფრთხილდი,
ვინათგან — სადაც ღვთის სახლი დაიდ-
გმება, იქ სატანაც დაიდგამს ხშირად
უხილავ სახლაკს! — უკანასკნელად
უთხრა გიორგიმ.

და წამოვიდა გიორგი. წამოვიდა და,
არმაზის მთას რომ ქედზე მოექცა, მა-
შინ შედგა და მოიხედა უკან.

არსუკისძე აღარსად ჩანდა.

ველარც დაინახა და აღარც იმის და-
ჯერება სურდა, რომ სვეტიცხოველის
აღმშენებელიც იმათში ჩაიკარგა, ამ

სიმაღლიდან ჯინჯვლებად ჩენილნი რომ ფუსფუსებდნენ და ფუთფუთებდნენ მტკვრისა და არაგვის წყალსართავში.

კვართის უბიდან ჯვარი ამოიღო და დაჰხედა ხარბად.

კვართსაც და ჯვარსაც სდიოდა სურნელი მისი სულის მარჩბივისა, თვალშვენიერ არსუქისძისა.

ხოლო, აღისფერო ქალის დაღალს თავისი, საკუთარი სურნელი ჰქონდა. ჯვარი ცხელი იყო, თუმცაღა ქალის ნედლი თმა ანელებდა მის მხურვალებას.

ტანის მხურვალებას კი ვეღარ გაუძლო. ჯერ ბურნუსი გაიძრო და მიაგდო. მერე კვართი გაიხადა და ბალახზე გაფინა მოწიწებით. და მაშინ პირველად იხილა: კვართის მარცხენა ძუძუზე ტაძარი იყო ამოქარგული.

მსახვარი სვეტიცხოვლისა! სიხარულით აევსო გული.

და უცებ მოეჩვენა: სვეტიცხოვლის მსახვარი ნინოს ჯვარს ჰგავდა!

და წამსვე, გაშლილ კვართზე, მსახვარის გვერდით, მისგან მარჯვნივ, დასვენა თმით შეკვერთხილი ჯვარი ნინოსი.

უცქირა, უღარა და უჯერა ერთურთს.

და დარწმუნდა, რომ სვეტიცხოველი არ შენდებოდა ვითარცა ჯვარი ყოველი, ანუ აწამდე ქმნილი ტაძარი ყოველი. არამედ იგი შენდებოდა ხატებად ნინოს ჯვრისა, ხატებად ჯვრისა ქართულისა.

თუმცაღა ესეც — უფრო შეიგრძნობოდა, ვიდრე შეიცნობოდა.

მაგრამ, უკეთუ ეს მართლა ასეა, რად არ გაუმხილა თვითონ თვალშვენიერმა — მარჩბივმა მარჩბივისა?!

და უსაზღვროდ მოეწადინა ისევ ხილვა არსუქისძისა.

გადაიხედა და თვალთ ჩხრეკა დაუწყაო ქვეშეთს.

ისევ არ ჩანდა არსუქისძე.

ჩანდა მხოლოდ სვეტიცხოველი, შუაგარდაკვეთილი და გამთლიანების და-

ურწყულებელი წყურვილით პირდაპირ ჩენილი.

დიდხანს უცქირა ვრცელთვალაიანმა.

ისევ ჯვარმა წაართვა მზერა, დახრილმკლავებიანმა.

ასეთ ჯვარზე ცმა უმძიმესი იქნება, რადგან დახრილ ფრთებზე გალურსმულ წამებულს უფრო მძიმე და მძაფრი დატვირთვით დაითრევს დედამიწა...

ისევ გადახედა ქვეშეთს.

ისევ არ იყო თვალშვენიერ არსუქისძე.

მხოლოდ ისევ იყო სვეტიცხოველი, გარდაკვეთილი და გამთლიანების წყურვილით განაწამები.

იღვა ტაძარი და თითქოს იძვროდა. თითქოს ფეთქავდა.

იღვა და ფეთქავდა საქართველოს საფეთქელზე სვეტიცხოველი.

მესამე დღეს, მიმწუხრისას, მიატანა გიორგიმ სოფელსა მშობელსა — ტონთიოს.

ძელი მიმწუხრისა რეკავდა სოფლის ეკლესიიდან.

ძელი მწუხრისა, ძელი მწუხრისა, ხმა ზენაარი, ლოცვა უფლისა.

„ნეტავ ახლა, აი, ამ წუთში, არსუქისძის სულშიც თუ იძვრის ლექსი ესე!“ — გაუელვა გიორგის.

მივიდა სახლსა შინა დამბადებელსა შეხვდა დედა.

შეხვდა მამა.

შეხვდა ძმა.

და ყველა შეხვედრას ერქვა სიხარული და სიყვარული უწრფესი, უნაზესი და უსათნოესი, რადგან ყველაფერი იყო მშობელშვილური და ზიარისისხლური.

მეორე დღეს იაკობმა უთხრა შვილს: ბიძები გიხმობენ ხახულში და შენც უნდა წახვიდე აუცილებლად.

ბიძები? ხახული?

ჰო, ასე იყო: იაკობ თავთირისძეს ორი უფროსი ძმა ჰყავდა — გიორგი და საბა. ორივე, დიდი ხანია, ხახულის ტაძრის ღვაწლსა და სამსახურში იდგ-

ნენ. გიორგის „მწერალს“ ეძახდნენ, რადგან ადრე მწერალთ-გამგებლად მსახურობდა მეფე დავით კურაპალატის კარზე.

და ახლა ბიძები იხმობდნენ ძმის-წულს — გიორგი მწერალი და საბა — „ააცი წრფელი და უმანკო“.

და გადაწყდა ხახულს წასვლა.

გამგზავრების წინ დედამ შვილს პერანგი გაუსინჯა. გაუკვირდა მარიამს. შვილს პერანგი თითქოს ისეთივე ეცვა, თვითონ რომ მოუქსოვა უკერველად, მაგრამ ახლა მარცხენა მხარეს ჯვარი კი არა, ტაძარი ეხატა.

— ეს რა კვართია, შვილო?

— კვართია, პერანგი, სხვა რა უნდა იყოს?

— მეც ვხედავ, რომ პერანგია, მაგრამ ჯვარი რა იქნა?

— გავცვალე, დედა, მთხოვა და უარი ვეღარ ვუთხარ.

— ვინ გთხოვა?

— ერთმა ადამიანმა... მთხოვა და გავუცვალე; ჯვრიანი ტაძრიანი გავუცვალე.

მარიამი გაჩუმდა.

— გული დაგწყდა, დედა? — ჰკითხა გიორგიმ, თვითონ გულდაწყვეტილია.

— არა, შვილო, გული რად დამწყდებოდა, უკეთუ შენმა გულმა გაიხარა? — უთხრა და აკოცა დედამ შვილს...

...და წავიდნენ ხახულს იაკობი და გიორგი.

და მივიდნენ.

და იღვა დიდებული ტაძარი, გუმბათოვანი, სამნავიანი, მდინარე თორთომის მარცხენა შენაკადზე — ხახულისწყალზე.

მეფე დავით კურაპალატს აეშენებია იგი, ღვთისმშობლის სახელზე, გიორგის მისვლამდე ორმოცი წლით ადრე.

იაკობმა შვილი ძმებს მიჰგვარა.

ძმებმა, გიორგი მწერალმა და საბამ, ძმისწული, რომლის მაღალნიჭიერება და ღვთისმოსავობა ადრევე შეეტყვოთ, დიდი სიყვარულით ჩაიბარეს,

იაკობს შვილისადმი მამეული მზრუნველობის აღთქმა მისცეს და უკანვე გამოისტუმრეს.

მეორე დღეს ბიძებმა ყრმა ძმისწული წარუდგინეს ხახულის მთავარი ლავრის წინამძღვარს, მამა მაკარის.

განაცვიფრა ყმაწვილის ხილვამ წინამძღვარი. ჭეშმარიტად უფლისგან ხელღებული არისო და მაშინვე აკურთხა კურთხევითა წრფელითა, მაშინვე საეკლესიო ევლოგიის მოწაწილედ ჰყო და თავის სულიერ შვილად გამოაცხადა.

ხახულის საენეში იმეამად იღვწოდა დიდი ბასილი, ძე მეფე ბაგრატ მესამისა, ძმა მეფე გიორგი პირველისა, „ფილოსოფიასა და ღვთისმეტყველებასა შინა ზედმიწევნილი, მთარგმნელი სხვათა ენათაგან ფრიად კეთილი, და რიტორ-მომთხრობელი, და მაღალ სიტყვათა ზედან დამთხველი, მონოზონებათა სრული, და განმანათლებელი ეკლესიებთა, რომელსაც უწოდეს ქართველთა ეკლესიათა სამკაულად“.

და მიჰგვარეს ბასილი დიდს ახალი მოწაფე. და იმანაც განიხარა მისი ხილვით, სიხარულითა დიდითა. განიხარა და აკურთხა კურთხევითა წმიდითა.

მას უკან კიდევ ღმერთშემოსილმან ანტონი მნათემან აკურთხა გიორგი, ყოვლითა კურთხევითა. ხოლო, ანტონი იყო „ღვთისმეტყველ-ფილოსოფოსი და მთარგმნელი წერილთა, უბნობასა შინა მქვერმეთქვი, და მშვენიერი მთხველი, და მქადაგებელი, რომელიც იწოდებოდა დიდ მეცნიერად“.

ბოლოს, სრულად შეიყარა საკრებულო უნუცესთა სამღვდელთა, იწყეს ბჭობად, ვისთვის მიეცათ სამოწაფოდ მათი ახალი, შვილად აყვანილი ჭაბუკი.

და გადაწყვიტეს: ყველაზე ღირსეული, ღმრთისუფლიერი, მწყემსი კეთილი, რომელიც ახალ მოწაფეს „სწავლის სძესაც“ უხვად შეასმევდა და სათნოებითაც უადრესად განასრულებდა — იქნებოდა ილარიონ თვალთელი.

ილარიონი ადრე თვალის მოწანტერში



მოღვაწეობდა, ანტიოქიის ახლოს. მერე იქიდან წამოსულა, „თვალთვლის“ სახელით, და ხახულის სავანეში დავანებულა.

და „მას უამსა, ვითარცა მთიები, ბრწყინავდა კრებულთა შორის მამათასა“ ილარიონ თვალთვლი. იყო იგი „სიბრძნის-მოყვარებასა შინა სრული, სათნოებისა სარკე და მმარბველთა კანონი“.

და სწორედ ილარიონ თვალთვლის შეპვედრეს სამოწაფოდ სულიერი შვილი თვისი წმიდა მამებმა. და შეიწყნარა „უმადლესი სათნოებითა და სულიერთა მოძღვრებათა შინა განთქმულმა“ ილარიონმა თანამოღვაწე სამღვდელთათა თხოვნა და მიიღო გიორგი მოწაფედ და შვილად თვისად.

განვლო მცირე დრომ და ისევ იწყობო ხმამ მიმორბევა: არც არავინ არს, არც ყოფილ არს და არც იქნებიეს ბადალი გიორგისი, არცა ნიჭის სიმაღლით, არცა გულის სისრულით, არცა სულის სიმძლავრით და არცა ზნეკეთილობით.

საკვირველი სისწრაფით სწავლობდა და ითვისებდა ენებს — ბერძნულს, არაბულს, სომხურს.

საოცარი ძალტევადობით ისრუტავდა მისი მძლავრი გონება ყოველივეს, დაწერილს თუ ზეპირად ნათქვამს. სასწაული იყო მისი ხსოვნითი სისრულე. უნდოდა თუ არ უნდოდა, ყოველივეს საზეპიროდ ინთქავდა გონება მისი: საღვთისმეტყველო წერილნი ყოველნი, ძველი და ახალი აღთქმანი, კანონნი სჯულისანი, საგალობელნი, საწელიწადონი, ძლისპირნი...

მაგრამ — მთავარი მაინც იყო განსჯანი წაკითხულისანი.

და საკუთარი განსჯანი...

...სინათლე შუა ღღისა, სინათლე ცისკროვანი ცისა, სინათლე სრულიცხოველი მზისა — ნუთუ ეს არის სასრული სრულიად სინათლისა?

სწუხდა გიორგი.
შფოთავდა მისი სული.
სინათლე უადრესი!

სინათლე უადრესი!
სადა არს იგი, უკეთუ არს?
უნდა იყოს! რამეთუ სინათლემ ჰქმნა თავი თვისი.

უნდა იყოს და უეჭველ არს, სადღაც არს სინათლე უადრესი, ანუ უ-სი-ნათლო-ე-სი, ანუ უ-ნათლო-ე-სი! უნდა იყოს ამა სინათლის მიღმიერ!

და ვითარ შევივარძნებ მე მას, სინათლეს უადრესსა და მიღმიერსა?

და ვითარ შევიცნობ მე მას?

ანუ, ვითარ ვიალღობ და ვიგერებ მე მას?

ანუ, ვითარ მივწვდები და მივემთხვევი მე მას გონებითა ჩემითა?

ანუ, ძალუქს კი-ა გონებასა ჩემსა და სრულიად გონებასა კაცისასა შევარძნება და შემეცნება უნათლოესისა?

ანუ, ნება აქვს სულსა ჩემსა ჩვენი სინათლის მიღმიერი უსინათლოესის შემეცნებითი ხელყოფისა?!

შემეცნებითი ხელყოფისა...

შემეცნებითი შეურაცხებისა...

შემეცნებითი შებილწვისა...

ვაი, უტიფრობას სულისას ჩემისას!

სწუხდა ჰაბუკი მონაზონი.

შფოთავდა სული მისი.

მარტო იყო.

მარტო იყო იმ უამსაც, ოდეს ძიხი დიდი მოძღვარი და მასწავლებელი ისეთი გზნებით განსჯიდა მასთან სიტყვადმიმოქცევაში საკითხავთა სულის მარგებელთა.

უამყამად ისეთ უსაშველო მარტოობასაც კი შეივარძნებდა, თითქოს მის ახლოს მყოფ ადამიანთაგან თანამედროვეც აღარ მოიძევებოდა და — მხოლოდ დრო და სივრცე იყო მისი თანამედროვე.

უკეთუ არავინ მიეახლებოდა და არავინ გაესიტყვებოდა, თვითონ არარაისთვის არავის არ მიეტანებოდა.

მარტო იყო.

მარტო დადიოდა. საყოველთაო გზას ერიდებოდა. საცანდალოს მოიძიებდა. მხოლოდ მისი „მე“ იყო მასთან.

მხოლოდ მისი „მე“ და მისი „ანტი-მე“.

არავინ უნდოდა, არავინ ენატრებოდა.

თუმცა — თვალშეწინიერ არსუკისძე ენატრებოდა.

ვაი უტიფრობას სულსას ჩემისას, რამეთუ თვალშეწინიერი უტიფარ არს! სვეტიცხოვლის ხუროთმოძღვარი აკი თავის საკუთარ ღმერთს ეძიებს და, აი, უტიფრობა და კადნიერება სულისა მისისა!

მაგრამ... ოოო, რა მომხიბლავია ძიება ახლისა, თუნდაც ახალი ღვთაებისა! ვაი უტიფრობავე, ჩემი სულისა!

მინდოდა მეტყვა: რა მომხიბლავია-მეთქი ძიება ახალი ჭეშმარიტებისა!

მაგრამ არსებობს კი-ა ახალი ჭეშმარიტება?

ანუ, საერთოდ — „რაი არს ჭეშმარიტება?“ — პილატეს ეს აგდებული კითხვა დღემდე ხომ პასუხგაუცემელია? მაგრამ — ვგონებ, ეს კი სწორად ვიცით, რომ ჭეშმარიტება მარადიულია და ჩვენ მისი შექმნა არ შეგვიძლია.

ჩვენ მხოლოდ ჭეშმარიტების მიგნება და აღიარება შეგვიძლია.

ხოლო, არსებულის მიგნება, თუნდაც აქამდე მიუგნებელის მიგნება, არა არს მიგნება ახლისა.

ხოლო, არსუკისძე ეძიებს სრულიად ახალს, ჭეშმარიტების რაღაც მიღმიერს, მამასადამე ღმერთის მიღმიერს, ახალ ღმერთს, აქამდე არარსებულს, თუ ჩვენთვის არ არსებულს და ჩვენი გრძნობის და გონების მიღმიერად არსებულ ღმერთს!

აი, უტიფრობა და კადნიერება თვალშეწინიერ არსუკისძისა!

და ძალიან, ძალიან ენატრებოდა თვალშეწინიერთან ყოფნა გიორგის. მის „უტიფარ სულთან“ ყოფნა ენატრებოდა.

მისაჭე მე და საჭენ, უფალო, რაისთვისაც გამომიწვიე მე, რაის საწუთისოფლოდ, არყოფნიდან ამ უცნაურ,

ჩემთვის ჯერ ისევ გაუცნობიერებელ ყოფიერებაში?

და, არის თუ არა ადამიანი აზრი დღე-ღამიწისა?

ან, იქნებ, თავის თავის აზრიც არ არის იგი?

იქნება, შენის ნებით, უფალო, ადამიანი სამყაროს მხოლოდ მიგდებული ბავეშია და სხვა არაფერი?

იქნებ, ამ სამყაროს ბუშს არცა აქვს უფლება, თავი იმტვიროს და ტვინი იჭყლიტოს, რა სულიერ-სხეულებრივი მიმართებანი შეიძლება იქნეს ან არ იქნეს „მესა“ და „არა-მეს“ შორის, ზენასოფლურსა და ქვენასოფლურს შორის...

მზის ჩასვენება ღამის სათევად, ძილად და ძილისშორისად განაწყობს დედა-ბუნებას და არსთა ყოველთა. ხოლო იგი არ იძინებდა, მაგრამ იმიტომ კი არა, რომ სიკვდილს არ იჩვევდა (აკი ძილი სიკვდილის მიჩვევაა), არამედ, უბრალოდ, არ ეძინებოდა.

არ ეძინებოდა, რადგან მის გონებაში უთვალავ აზრთა ნადიმი იდგა და ყოველი მონადიმი იყო თავისთავად ხელშეუხები, სხლტომადი, მყაფარი, პიტალო და ფიწალო, ჭირვეული და ჩხუბისთავი, დაურიდალი და შეურიგალი.

ამიტომ არ ეძინებოდა.

მხოლოდ, დამწვარი ფოთლების მინამსგავსი სურნელი მოეფინებოდა და მოათრობდა აზრის დუღილით ნადულარ მის გონებას.

მდინარის პირას ჩავიდოდა, ან მდინარეში ჩაცვივულ ვარსკვლავებს ჩასცქეროდა, ან მინდორზე გულაღმა დაირეცებოდა და იწვა დამწვარი ფოთლების სურნელითა და აედონთა გალობით აღრეულ ბურანში.

მცხეთიდან კიდევ ერთი, მანამდე განუცადებელი და გაუცნობიერებელი სურნელი გამოჰყვა, დღემდე რომ განუშორებლად დაუფლებოდა მთელს მის არსებას. სახელი ვერ დაერქმია გიორგის, რა სურნელი იყო ეს, მაგრამ

უსაზღვროდ საამო და სანეტარო კი იყო სურნელი იგი.

აშკარად არსუქისძის კვართს ასდიოდა, ტაძროვან კვართს, მაგრამ კვართს რომ გაიხდიდა, ტანს დაიბანდა და დაისპეტაკებდა, მაშინაც, დედიშობილას, გაუხელებლად განეფრქვეოდა ფშვიადი იგი.

და გიორგიმ უწოდა მას — „სუნნელება სვეტიცხოვლისა“.

უფროს ბიძას, გიორგი მწერალს, კანაახად, მგალობელთ წარმმართველად და საეპმნო წიგნთა მკითხველად ემსახურებოდა ყრმა გიორგი.

უამყამად თვალშეწიერ არსუქისძის დანაბარები უწუხებდა სულს — დიდი ეფთვიმე მთაწმიდელის გზა გელოდება გასაველელო.

ხახულის მოძღვართა და მოწესეთა წყალობით უკვე ბევრი რამ შეეტყო გიორგის ეფთვიმეს ცხოვრებისა და ღვაწლთაგან.

და ფიქრობდა გიორგი დიადი მამაშვილის, იოვანესა და ეფთვიმეს გამო...

გიორგის ფიქრი გაუწყდა: თავზე უფროსი ბიძა დასდგომოდა, გიორგი მწერალი.

იმიერ ტაოში, ხახულის სავანიდან მარჯვედ მოარული მგზავრისათვის ერთი დღის სავალზე, დაბა ტვარწა-ტაფში, წარჩინებული დიდაზნაურისა და სპასპეტის, ფერის ჯოჯიკისძის სასახლე იდგა.

მამამისი, ჯოჯიკ, თორნიკე ერისთავის თანაშემწე სარდალი იყო ბარდა სკლიაროსთან ძღვევამოსილი ბრძოლის უამს.

თვითონ ფერისი, ექვსი ათასი რჩეული მხედრით, მხარში ედგა მთავარსარდალ გაბრიელ ოჩოპინტრესძეს, როცა ქართველებმა სრულად გაანადგურეს მამლან ამირა და მისი მრავალრიცხოვანი სარკინოზული მხედრობა.

ფერისს ცოლად ჰყავდა მეფე ბაგრატ მესამის ასული, კრავაი, ანუ გიორგი მეფის და დიდი ბასილი ხახუ-

ლელის დაი. ამბობდნენ კიდევ მაშინ, ეს დიდებული დედაკაცი ღმრთისმსახურებით მის ძმას, ბასილი ნეტარს, არც კი ჩამოუფარდებო.

და განუზრახავთ ცოლსა და ქმარს, მათი დიდი ოჯახისათვის ვინმე მოეწვიათ საღვთო სწავლებათა და წმიდა ზნეობათა მასწავლებლად.

და ასეთ სასურველ სულის მწრთენელად მიუჩნევიათ და, კიდევაც „დიდითა ვედრებითა და ქენებითა“, მიუწვევიათ გიორგი მწერალი.

და მიდიოდა გიორგი მწერალი ფერის ჯოჯიკისძის ოჯახში მოძღვრად და მასწავლებლად, მიდიოდა და თანაშემწედ მიჰყავდა ძმისწული თვისი, ჭაბუკი გიორგი.

და წაიყვანა.

და პირველ დღეთავე შინა შეიყვარეს ფერისის ოჯახმა და სრულმა სახლეულმა ეს საკვირველი, ნიჰმაღალი, ზნემაღალი, სახედაწყნარებული და ჯვარშუბლოვანი ჭაბუკი.

ფერისის მეუღლემ, კრავაიმ — „საღმრთო მან დედაკაცმან შეილად თვისად აღიარა იგი“.

დრო კი მიჰქროდა. მიჰქროდა უსულთქმოდ და უწერტილოდ. მიჰქროდა ძველ ფრთათა განყრით, ახლადასმული ცინცხალი ფრთების ქნევით, ფართქალით.

ფერის ჯოჯიკისძე სასახლის ახლოს კარის ეკლესიას აშენებდა. მსახვარიც თვითონ იყო ეკლესიისა, ერისმთავარი და ხუროთმოძღვარიც.

მიწის მთხრელნი, ქვითხურონი და კალატოზნი კი სომხები მოეხმო.

გიორგიც — როგორც კი ერისმთავრის სახლეულის სულიერ წრთენასა და წიგნთა კითხვას დაეხსნებოდა — მაშინვე მშენებლობაზე გადიოდა, თვითონაც მუშაობდა და მშენებლებს ქვათა თლაში და ქვათატვირთვაში ეხმარებოდა.

ძალიან შეეთვისნენ ერთმანეთს.

ძალიან მოსწონდა გიორგის ეს კეთი-

ლი, შრომისმოყვარე და ჭკვიანი ადამისძენი.

უხაროდა, რომ ქართველ და სომეხ წინაპართა განუკვეთელი ძმობა და მეზობლობა ამათაც ისე ესმოდათ და ეცნობიერებოდათ, როგორც თვითონ.

მათთან სიტყვათმომოქცევით, სომხურ მეტყველებაშიც იწაფებოდა იგი.

და, ერთხელ, როცა გიორგიმ და გაგია შირაკაცმა კედლის ზღუდარზე ქვა აზიდეს, დათქმულ ადგილზე ჩაასადანგეს, მერე იქვე ჩამოვდნენ და ოფლი მოიწმინდეს, — გაგიცმა ჰკითხა გიორგის:

— რა მითხარი, რა გვარიას სვეტიცხოვლის აღმშენებელი?

— არსუკისძე, — უპასუხა გიორგიმ. გიორგის საფეთქელზე გამალეებით უფეთქავდა ძარღვი კათოლიკე.

მცირე ხნით გონება მოვიცვალათ, უკან დავიხიოთ და ფიქრით იმ წელიწადს მივადგეთ, ოდეს ბოროტი მოუსავლიანობა დაემუქრა საქართველოს.

ბელზებულის, ჭაკი სატანის თვალმა გათვალა და ამოახმო თესლი, ნაყოფის მშობელი, საგანაფხულოდ ნახნავ-ნათეს თერძულებში.

მეფის დამ, ალისფერმა ევნიკიამ იტვირთა განკურნება უცხო მწერთაგან ჯებერწებული ღეღამიწისა.

(სამკურნალო ხელოვნება შეესწავლა ევნიკიას, ვითარცა იყო წესი სამეფო სახლსა შინა).

ძმას, გიორგი მეფეს აბრძანებინა: ყოველ სოფელში თორმეტიდან თექვსმეტ წლამდე ასაკის ქალწულები გამოიყვანათ, სათვეო რიგით წიდოვანნი, და თერძულებში ერბენინებინათ, უროპანაგოდ, დედნიშობილად.

თვითონ პირველმა გაიძრო როპანაგი

ევნიკიამ, თანატოლი ქალწულებიც ქვედა ტანზე გაამიშვლა და შეეცადა ღვა სირბილით სამეფო და საბატონო ყანებისაკენ. ძაღლის ძილზე გავიდნენ და გლეხის სადილობამდე ირბინეს. ირბინეს და აფრქვეის ქალწულობა თვისი ჭაკი სატანის ცხელი თვალთ გათვალულ მიწას.

და განიკურნა ღეღამიწა, განაგდო სატანა და დაიბრუნა ძალი ნაყოფმშობელობისა.

და იფეთქა წვეტილმა. მაშინ თვითონაც ქალწული იყო ევნიკია.

მაშინ...
ხოლო, ახლა...
ახლა აღარ იყო ქალწულობა.

და იყო ოდენ სიყვარული, ნაშობი ქალწულობისა.

ხოლო, სიყვარული თვალშეწიერ არსუკისძესთან განეყოფდა ევნიკიას. გარდარეული სიყვარულით უყვარდათ ერთმანეთი.

ქირქიშ აბულახტარსაც შეჰყვარებოდა ევნიკია გარდარეულად.

ძვირად დაუჯდა ქართველ ხალხს თორნიკე ერისთავის გმირობა, ძალიან ძვირად.

დავით კურაპალატი და თორნიკე ერისთავი რომ არა, ბარდა სკლიაროსი ბასილი კეისარს კეისრობამდე ამოჰყლელდა აკვანში.

ხშირად ემართებოდათ ასე ქართველებს: უცხო თესლისთვის საკუთარი სისხლის ფასად გაცემული მადლი ბოლოს მაინც მატლად ექცეოდათ და უმადურობა ცხვირში ძმრად ამოსდინებოდათ.

არა და, ასეთი ძლიერი ხელმწიფე

არც მოსწრებია ბიზანტიის საიმპერატორო კარს, როგორც ბასილი მეორე — ეს გულმშრალი, ენამოტეხილი უაზნო და უგვარდილო, მეღუქნის ქაღალის ნაშობი.

(უგვარდილონი საერთოდ მოსდგამდა ბიზანტიის საიმპერატორო ტახტსა და გვირგვინს — მელორეები, მეჯოგეები, მეჩინბეები, ცირკის ჯამბაზები, ტაკიმასხარები).

და იყო კეისარი ბასილევსი ბასილი მეორე უაზნო და უგვარდილო, მაგრამ ხელმწიფე ძლიერი ნიჭით, ძლიერი ნებით და ძლიერ ბოროტი გულით.

და, გეშინოდეს, ადამიანო, ძლიერი ბოროტისა!

და მთავარ მტრებად აიჩემა ბოროტმა ძლიერმა: დასავლეთით — ბულგარელები, აღმოსავლეთით — ქართველები.

იმ წელს, რა წელსაც გიორგი პირველი საქართველოს ტახტს ისადაგებდა და მძიმე გვირგვინს ყმაწვილურ თავზე ისწორებდა, ბასილი ბასილევსს უკვე ოცდახუთწლოვანი სისხლნათნევი კეისრობის გზა ჰქონდა განვლილი. დიდძალი სისხლი დაექცათ და დიდძალი ხორციც დაუმინდათ ბერძნებს ბულგარელებთან ხანგრძლივ ხმალთაკვეთებაში, მაგრამ ბოლოს მაინც თავისი, გაუტანია „ბოროტ ძლიერს“.

და მოვიდა საქართველოში ამბავი ბავთი და ზარდამცემი: ბასილი კეისარს ბელასიკის მთებთან გამართულ გადამწყვეტ ბრძოლაში ბულგარელები სასტიკად დაუმარცხებია, თხუთმეტი ათასი ბულგარელისთვის თვალები დაუთხრია, ყოველ ას დაბრმავებულზე, ბრმათა ასეულის წინამძღოლად, ერ-

თი ცალთვალდაბრმავებული წაუმოღვარებია და ამნაირად, ბრმა კოლონატორი ასხმულნი, მათი მეფისათვის, სამუილისთვის გაუგზავნია. ათასეულობით თვალდაშრეტელ თანამემამულეთა ხილვით ელდაცემული სამუილი ლოგინად ჩავარდნილა და მსგეფსის თავზე კიდევაც მომკვდარა.

ამ დღიდან ბასილი ბასილევსს ახალი, უკანსაყივარი სახელი დაარქმევია — „ბულგართმელეტელი“.

მაგრამ არც ეს ჩაუგდია აინუნში გიორგი მეფეს — უშიშსა ვითარცა უხორცოს.

სიცილით კვდებოდა გიორგი: უკანსაყივარ სახელად მაინც „მელეტელი“ სჯობია „მეჰაკესო“ (იმპერატორ კონსტანტინე მეხუთეს გულისხმობდა — ნათვლისას ემბაზი რომ აუქოთებია, ხოლო მოწიფულობისას ჰაკ ცხენებთან რომ მაკინტლობდა).

გიორგი მეფის ბობოქარ სულს სამხრეთული ქართული მიწები მიუხმობდა — ტაო და ბასიანი, რომლებიც იქაურ მოღალატე აზნაურებს მიეცათ ბერძნებისთვის, „ლადრობითა ბოროტითა“.

ღალატი ჰყვაროდა საქართველოში, ღალატი — თანასისხლიერის შურითა და სიძულვილის საძირზე დამყნელი.

ღალატი ბარტყობდა საქართველოში. აგერ, თოთხმეტი წელიწადი იდგნენ ტაო-ბასიანის ქართველთაგან ნაღალატევ ქართულ ციხესიმაგრეებში ბიზანტიური ციხიონები.

ღრო მიდიოდა, ღროს ადამიანები თან მიჰყავდა, მაგრამ ზნისა, ჩვევისა და სსოვნის წაღება, თითქოს არ შესძლებია ყოვლისმყლაპავ ღროს, რამეთუ: ქართველთაგან ნაღალატევი ქართველები ტაო-ბასიანის ქართულ მიწა-წყალზე

ისევ ქართველობდნენ, ქართულ ენასა და ქართულ სულს მიმოიქცევდნენ, მათ თანამსახლობარ სომხებსაც ძველებურად თანაიმპობდნენ, თანაიჭირვებდნენ და თანაილხინებდნენ... თუმცა ციხიონებში მაინც უცხოელნი იდგნენ — ბერძენნი, ანუ ბიზანტიელნი, ანუ „რომეელნი“.

იდგნენ და იყვნენ თავისთვის იყვნენ, თავისთვის-მეთქი! რადგან — ქართულ მიწა-წყალზე, ქართულ შინაყოფაში ჩარევას ვერ ბედავდნენ.

და იყო ორივე მხარე თავისთვის: ქართველობა ქართველობით და უცხოელობა უცხოელობით.

მაგრამ გიორგი მეფეს არ შეეძლო ყოფილიყო ისეთი კუდაბახალა მეფუკა, მის მიწაზე რომ უცხო თესლის „უწყინარობით“ თავი ენუგეშებინა.

სამხრეთისკენ მიეშურებოდა ქართველთა ლაშქარი, ქართული მიწების დასაბრუნებლად, მოსაბრუნებლად და საპატრონოდ.

მეფეს თანასარღლებად მისდევდნენ — ზვიად ერისთავი, რატი ბაღვაში, კლდეკარელი და ხურსი ტაოელი.

ტაოში ფერის ჯოჯიკისძე შემოეგება და შემოუერთდა თავისი ლაშქრით გიორგი მეფეს.

ზედოზედ განდევნეს ქართველებმა ბიზანტიური ციხიონები ქართული ციხეებიდან.

ფერის ჯოჯიკისძემ ძლევის საღბინებელი ტაბლა თავის სასახლეში გაუშალა მეფეს, ტვარწატაფში.

(ისედაც ეწადნიერებოდა მეფეს ფერისის ოჯახში წვევა, რადგან დიასახლისი, კრავაი, აკი მისი და იყო, ასული მეფე ბაგრატ მესამისა).

ტაბლის კურთხევა სახლის უფალმა მიანდო ჭაბუკ ბერს, რომელსაც სახე-ლად ერქვა გიორგი.

და აკურთხა ბერმა გიორგიმ ტაბლა იგი: „მამაო, ჩვენო, რომელი ხარ, ვინაა შინა, წმიდა იყავნ სახელი შენი, მოგვე-
ლი სუფევა შენი, იყავნ ნება შენი, ვითარცა ცათა შინა, ეგრეთცა ქვეყანასა ზედა, პურე ჩვენი არსობისა მოგვეც ჩვენ დღეს, და მოგვიტევენ ჩვენ თანანადებნი ჩვენნი, ვითარცა ჩვენ მიეუტევენთ თანამდებთა მათ ჩვენთა, და ნუ შეგვიყვანებ ჩვენ განსაცდელსა, არამედ გვიხსენ ჩვენ ბოროტისაგან“.

გაოცდა მეფე: არასოდეს ადამიანის სახეზე ასეთი სიმშვიდე არ ენახა.

„ალბათ, ესე არს სიდიადე სიმშვიდისა, ან იქნებ... სიმშვიდე სიდიადისა“, — ფიქრობდა და ნაფიქრალს ინაცვლებდა მეფე.

კურთხევა რომ დაასრულა, უკუდგა და წასასვლელად აემზადა გიორგი ბერი. მაგრამ არ გაუშვა გიორგი მეფემ: მოდი და ვიყოთ ერთად, ჩემო სეხნა და სახელმოდგამო, — უბრძანა კეთილი ღიმილით.

გვერდით დაისვა და მის შუბლს დააცქერდა.

— ღმერთო დიდებულო! — აღმოხდა.

ბერს ხელი შუბლისკენ გაეჭვა.

— ნუ გეფიქრება, მონაზონო, — გაეცინა მეფეს — ჯვარი ესევეთარი, უცნაური და გაუგონარი, არცა წაგერთმევის, არცა წაგეშლების.

მერე ლხინის უფლობა ხურსი ტაოელს უბრძანა მეფემ. აქაური ხარ და აქაურმა გვიწინამძღვრეო.

ნადიმი გაიწყო, გაგრძელდა და გახანიერდა.

სმა იყო სასმურებითა წვრილითა.

ზმა იყო სიტყვითა მცირითა და აზრითა ნოყიერითა.

გალობა იყო ხმითა ჰამოითა და ხიბლითა საგრძნებოთა.

მეფემ თავისი სადღეგრძელო აღკვე-
თა ბრძანებითა რისხვეულითა.

მასპინძელი ადღეგრძელა ლხინის
უფალმა.

ყველამ გაიხსენა ფერისის გმირობა-
ნი, გამორჩევით, ოცი წლის წინანდ-
ელი ვაჟაკობანი. მაშინ ადარბადაგანის
ამირა, მამლანი მოვიდა საქართველოს
წასახდენად. მოვიდა ასი ათასიანი მხე-
დრობით. ვანის ტბის პირად, ქალაქ
ხლათთან დაბანაკდა სარკინოზთა ლაშ-
ქარი. მეფე დავით კურაპალატს სალა-
შქრო ცხენზე ამხედრება აღარ შეეძ-
ლო, წელთა სიმრავლით დატვირ-
თულს, და სახელდახელოდ შეყრილ
ქართულ მხედრობას სარდლებად უჩი-
ნა გაბრიელ ოჩოპინტრესძე და ფერის
ჯოჯიკისძე. და ქართველებმა სასტი-
კად დაამარცხეს რიცხობრივად დიდად
უპირატესი მტერი. ბევრმა ქართველ-
მა ისახელა იმ დღეს თავი, გამორჩე-
ვით — ძმებმა გამრეკელებმა და ფერის
ჯოჯიკისძემ. გაქცეულ მამლანსა და მის
თანამტროლვარე ლაშქარს ქართვე-
ლებმა ხლათიდან არქემშადის სდიეს
ჩეხვით და კაფვით...

ხურსი ტაოელმა მორიგი სასმურითა
ტურფითა დღეგრძელყო ნათესავი ქარ-
თველი.

ნათესავი ქართველი გიორგი მონა-
ზონმა ადღეგრძელოსო, უცებ ბრძანა
მეფემ.

ფეხზე წამოდგა ჭაბუკი ბერი.
სიჩუმე ჩამოწვა.

ყველა უცქერდა და ელოდა უზღვრო
წადნიერებით.

მასპინძლის სახლეულმა კი იცოდა,
რომ მათი მეწიგენ და კანანახი არც
ღვინოს სვამდა და არც საეროებთან
ტაბლას არ იზიარებდა.

— რა გაეწყობა, მე ვარ მიზეზი მოშ-
რომისა შენისა და ნუ იქნები გულ-
კლებულ, უკეთუ გვაზიარო სიბრძნესა

შენსა! — უთხრა მეფემ, დარსახოვანმა.

— იყავნ ნება შენი, მეფეთ მეფეთა
უკეთუ ჩემი ძაბუნი სიტყვა ღირსჰყავ
სასმინრად. მაგრამ ვაი თუ, მიწმან
ჩემმან იბღავლოს და ხნულმან მისმან
იტროს ჩემზედა უძლურებისა სიტ-
ყვისა ჩემისათვის.

— სთქვი გულდებულად და გულუ-
შიშრად! — გაამხნევა ხელმწიფემ.

და თქვა გიორგი ბერმა, გიორგი მე-
ფის ბრძანებით, სიტყვა: რაი არს ნათე-
სავი ქართველი?!

— სამი რამ მშვენიერებად
და ჰაეროვნებად მოსდგამს ნა-
თესავსა ქართველსა: წყობილნაკეთოვა-
ნება ანაგებისა, მზისფეროვნება კანი-
სა, კეთილსურნელება სულისკვეთ-
ისა.

— სამი რამ ძლიერ ნიშატად მოს-
დგამს ქართველის სხეულს: სიმკვ-
რივე კუნთისა, სიმტკიცე ძარღვისა,
სიმხურვალე სისხლისა.

— სამი რამ ძლიერ ნიშატად მოსდგამს
ქართველის გულს: გულისხმიერება,
გულწრფელობა, გულმოწყალება.

— სამი რამ კეთილ ნიშატად მოსდგამს
ქართველის სულს: დიდსულოვნება,
დიდბუნებოვნება, დიდმეცნაობა.

— სამი რამ ქველ ნიშატად მოს-
დგამს ნათესავ ქართველს: სიმამაცე,
სიმართლე, სილაღე.

— სამი რამ გამორჩეულ ნიშა-
ტად მოსდგამს ნათესავ ქართველს: პა-
ტივმოყვარეობა, სახელისმამძიებლობა,
განცხრომისმოყვარეობა.

— სამი რამ უკიდურეს მოყვარე-
ობად მოსდგამს ნათესავ ქართველს:
უცხოთმოყვარეობა, სტუმარმოყვარე-
ობა, ძლევისმოყვარეობა.

— სამი რამ სიძულვილი მოსდ-
გამს ნათესავ ქართველს: სიძულვილი
ნათესავი ქართველისა, სიძულვილი სი-

ბეჭითისა, სიძულვილი მწარე სიმართლესთან თვალსწორებისა.

— სამი რამ უძლურების ნიშანად მოსდგამს ნათესავ ქართველს: უძლურება თეთრკბილოვან მტრის გამოცნობისა, უძლურება თანმიმდევრობისა, უძლურება საიდუმლოს შენახვისა.

— სამი რამ უღირს ნიშანად მოსდგამს ნათესავ ქართველს: სიზარმაცე, ბაქიობა, სახიობური ფარისევლობა.

— ქართველი არის შემწყნარებელი უცხო თესლისა, შეუწყნარებელი შინაური თანასისხლიერისა.

— ქართველი არის უშურველი უცხო თესლისა, მოშურნე შინაური თანასისხლიერისა.

— ქართველი არის შენმდობელი უცხო თესლისა, დაუნდობელი შინაური თანასისხლიერისა.

— ქართველი ფიქრობს: მე როდი ვიწყები საქართველოდან, არამედ — საქართველო იწყება ჩემგან.

— გული — ქართველისა — მთისა უმძიმესი;

— სული ქართველისა — ბზისა უმსუბუქესი;

— გონი ქართველისა — მზისა უნათლესი;

— ორივე ბუნება განუტრეღ და განუტყვეთელ ნიშანად მოსდგამს ნათესავ ქართველს: ბუნებაი საღმრთოი და ბუნებაი საკაცოი. მაგრამ ორივესა ბუნებასა შინა სასწორი ქართველისა არის წონასწორობადაკარგული, საზღვარგადამცდარი, ზომიერებაგანრღვეული, ადვილად მიმორხევადი და მიმორწყევადი.

— აჰა, ესერა, რაისად ხდება რომ ხშირად ეგზომ მოკლენი არიან ქართველთა თვალნი სულ ისანი.

— აჰა, ესერა, რატომ ჰყვავის ღალატი საქართველოში.

— აჰა, ესერა, რატომ ბარტყობს ღალატი ქართველთა შორის.

მცირე ხანს იყუჩა ჭაბუკმა ფიქოსანმა და განაგრძო ისევ:

— ქართველი არის გულმაგიწყყი ფრიადი, რადგან მარად ავიწყდება ის, რაიც არასდროს არ უნდა ავიწყდებოდეს: საქართველო უყვარს ყოველ უცხო თესლს, მაგრამ ქართველი როდი უყვარს ყოველ უცხო მომსვლელს საქართველოში; ვინათგან მათ საქართველო უქართველოდ ესურვილებათ და თავისთვის ესურვილებათ. აი, რა ავიწყდება მუდამისად და არ უნდა ავიწყდებოდეს არასოდეს ქართველს, ვითარცა მარადიული საფხიზლებელი გონებისა.

— ხიზანი უყვარს ნათესავ ქართველს, ხიზანი დევნილი, უქონელი, უბოვარი, სასოწარკვეთილი, ნიადაგამოსხლეტილი; უყვარს თავგამოდებით და თავგადაკვდომით. დაე, უყვარდეს, ვინათგან ქართველის უსაზღვრო კაცთასიყვარულს მეტყველებს იგი. მაგრამ რად ავიწყდება ნათესავ ქართველს, რომ მისგან დაპურებულ და მის სახლში მისგანვე დამკვიდრებულ ხიზანთა შორის ბოლოს და ბოლოს ბევრი ისეთიც გამოიჩენება, შენგანვე სულმობრუნებული და გაღონიერებული, შენსავე სახლში პირველობას რომ გეცილება?! აი, რა ავიწყდება მუდამისად და არ უნდა ავიწყდებოდეს არასოდეს ქართველს, ვითარცა მარადიული საფხიზლებელი გონებისა.

— მაგრამ სამაგიეროდ ფრიად გულმახსოვარიც არის ქართველი, ვინათგან არასოდეს არ ავიწყდება ის, რაიც არასდროს არ უნდა ახსენდებოდეს: წყენა შინაური თანასისხლიერი ქართველისა და, თუნდაც ისეთი წყენა, ყრმობისას უნებურად ნემსით ნაჩხვლელს, სიჭარმავეში გულში შუბის ძვრებით რომ გადაუხდის: აი, რა ახსოვს მუდამისად და რა არ უნდა ახსოვდეს არასდროს ქართველს.

— არასოდეს ადამიანს არ ავიწყდე-

ბა, რაც არ ახარებს, რაც ანაღვლებს, რაც გულს უკოდავს და ქართველ კაცსაც არ ავიწყდება ქართველი კაცი, ვინათგან სიკეთე და ზეამაღლება არ ახარებთ ერთმანეთისა.

— ამიტომაც ქართველი კაცი ქართველისგან არის მუდამ განკერძოებული. განდიდების ცოფით მოსილი ქართველი კაცი განკერძობით მიისწრაფის განდიდებისკენ. საკვირველი უნარი მისი, უნარი სწრაფი, ცხოველი ზრდისა, სრულად იხარჯვის მხოლოდ საკუთარი „მეს“ ამაღლების და აღზევებისთვის.

— ქართველს არ უყვარს სიტყვა „ჩვენი“, ანუ უკეთეს იტყვის, „ჩვენის“ შიგნით უფრო მაინც გულისხმობს „მეს“.

მე ვარ პირველი სიტყვაი,
მე ვარ პირველი აზრი,
მე ვარ პირველი ხმაი,
მე ვარ პირველი ხმალი,
მე ვარ პირველი მკლავი,
მე ვარ პირველი საურვალი,
მე ვარ პირველი მომღერალი,
მე ვარ პირველი მოტირალი (პირველობას ტირილშიც რომ არ შეეღევა!),

მე ვარ...

მე ვარ...

მე ვარ...

მე...

მე...

მე...

მე ვარ ყველაფერი!

ხოლო, სხვა (ქართველთაგანი) — ან არაფერი და არაყოფიერი, ან მხოლოდ ჩემს შემდგომ ყოფიერი.

ყოველი ქება, ხობტა-დიდება ქართველს მარტოდენ თავისთვის უნდა — ყოველ ქორწილში სიძისა და ყოველ ტირილში მიცვალებულისა.

— მე ერთი ვდგავარ ქვეყნის კიბზე — მე, ერთადერთი!

— ჰკითხე ქართველს — ვინაა შენს

შემდგომ მეორე ხმალი? და მაშინვე მოგიგებს მწყურალად: რატომ მეორე, ან მესამე, ან მეოთხე? შენ შეგიძლია მკითხო მეხუთე, უფრო მეექვსე, კიდევ უფრო მეშვიდე, მერვე!.. ჰხედავ? მეორე ქართველისთვის „მეორე ხმალი“ კი დაენანა. დაენანა, რადგან „მეორე“ ძალზე ახლოა „პირველთან“:

— ყოველ ქართველს ბედისწერამ თუ ბედისწყველამ ეს ჩაუნერგა საშოთგანვე: ისე ჩემი აღზევება არ მოხერხდება, უკეთეს ჩემი მოყვასი და მეზობელი არ დაემხობა!

— მე რომ მეფე ვიყო...

— მე რომ სპასალარი ვიყო...

— მე რომ ერისმთავარი ვიყო...

— მე რომ... მე...

— განუწყვეტლივ იქეძება „მე“ ყოველი ნაცრის მქეველის გულში.

— აჰა, ესერა, რაისად უჭირს ყოფნა ქართველთა შორის ამ ძველთაძველ სიბრძნეს — „ბაგე ერთ და ხმა ერთ ყოველთა“.

— აჰა, ესერა, რაისად ჰყვავის ღალატი ქართველთა შორის.

ისევ იყუჩა მცირე ხნით ჭაბუქმა სიტყვისმგებელმა.

ისევ დააწვა დუმილი ტაბლას.

მხოლოდ წვიმის ხმა შემოდისა და გარედან.

და წვიმის ხმაც, თითქოს „თავისთვის“ იყო, რადგან გაქვავებულ მონადიმეებს, გულის სიღრმეში ფიქრჩაქცეულებს, რაიმე გარეგანი ხმისთვის ყურადღება უკვე აღარ დაეთმობოდათ.

და მხოლოდ სიჩუმე ცოხნიდა დროს და სივრცეს, ვითარცა ყაჭი კიჰნაური-სა.

ხოლო სიჩუმისგან წარმოიშვის ყოველი არსი და არარსი.

და ისევ დაიბადა ხმა სიჩუმისგან,

ლევან ხანიძე
გიორგი ათონელი

ხმა რომელიც ისევ წყნარად, მაგრამ ისე განივებულად გაისმოდა, რეცა, ხელით დაჭერა და ხელით წონის განსაზღვრებაც შეიძლებოდა ყოველი ბგერისა და ნაბგერალისა.

— ბოროტება სიკეთის უკმარისობაა.

— სიკეთე სიყვარულის სისასველა.

— უკეთუ არ გიყვარს, მაშასადამე ვერცა კეთილი ვერ იქნები.

— ხოლო, ნათესავი ქართველი სიყვარულს, უკეთუ ეძიებს, უფრო უცხო თესლში ეძიებს, ვიდრე თანასისხლიერ ქართველში.

— მაშასადამე, ქართველი ქართველისადმი უფრო მომტერება, ვიდრე მოკეთე.

— და ასე, ურთიერთ მომტერებობით უმოკლდებათ ნათესავთა ქართველთა თვალნი სულისანი.

— უსიყვარულოდ ადამიანის წუთისოფელი სატანჯველია.

— ხოლო, ამა ჯოჯოხეთური სატანჯველისგან თავდასახსნელად ჰგეის ოდენ ორი საშველი — ან სიკვდილი ნასწრაფევი, ან ისევ სიყვარული წრფელი, ხანგრძლივი.

— ხოლო, ოდეს ადამიანი არც წუთისოფელზე აღებს ხელს და არც ბოროტებას შეეღევა, იგი იწყებს სახიობას სიყვარულისას, ფარისევლობას სიკეთისას და მთელი მისი წუთისოფელი სტყუის იგი, სტყუის ნილაბქვეშ, ზედაპირული ზედაპირულ ქაფზე ტივტივით, ვინათგან მისთვის უცხო არს სიღრმენი სიყვარულისა და სიქველისა.

— რა გაეწყობა — სიყვარულს მუდამ სიძულვილი დარაჯობს მტრად, მესისხლედ, მესაფლავედ, ისე ვითარცა სიხარულს — მწუხარება, სიყმაწვილეს — სიბერე, სიცოცხლეს — სიკვდილი და სიკვდილს კიდევ — რაღაც ჩვენთვის უცნობი ეტლისმწაფელი.

— მაგრამ სანამ ვართ წუთისოფლის წუთისოფლელები, მაინც სიყვარული სიძულვილს არ უნდა დაეჩაგვრიხოთ.

— ქართველი კაცის ყველა ნიშატი — ღირსება და უღირსობა, სინათ-

ლე და სიბნელე, მადლი და ცოდვა, სიქველე და სიბოროტე, სიმალე და სიმდაბლე — ყველა ერთად ჩვენს წინაპართა სისხლისგან ჩვენს ძარღვებში შეგვიწოვია. ჩვენს ტვინზე ჩვენი წინაპრების ნაკვალევნი აღბეჭდილან წარუშლელად და წარუხსოცელად.

— ადამიანი ბუნებას მოჰყავს საწუთისოფლოდ, წუთისოფელი კი მას გაჰხარავს, განლევს და დასაფლავებს, ხოლო მათიანე საფლავებიდან ისევ აღადგენს, მაგრამ არა მკვდართათვის, არამედ მხოლოდ ცოცხალთათვის.

— და საფლავიდან ამდგარი მკვდრები გვასწავლიან სასაფლაოსკენ მიმავალ ცოცხლებს.

— და ცოცხლებმა შეუმცდარად უნდა ისწავლონ, წინაპრების ნაცად ნიშანთაგან რა დაიწუნონ და ისევ საფლავეში ჩააბრუნონ, ხოლო თვისი წუთისოფლის უკეთ გაწყობისა და გაწაფვისათვის, რა აირჩიონ, ანუ მათი თანადროული და თანამდევნი ცხოვრებისათვის კათოლიკე ძარღვად რა გაიხადონ.

„კათოლიკე ძარღვი“ გამორჩეული სიმკვეთრითა და გზნებით თქვა გიორგიმ, რომელსაც საფეთქელზე თვითონ უთრთოდა ძარღვი კათოლიკე, წარწერით — „კახ“.

და უმაღვე აღმოხდა მეფეს:

— კათოლიკე ძარღვიო?!

და წამის შემდგომ:

— ბარემ ისიც გვითხარი, ჭაბუკო მწყემსო, რაი არს იგი სახელდებით, ძარღვი კათოლიკე, რომელმაც უნდა იხსნას და აღმავალჰყოს ნათესავი ქართველი სამომავლო და სამერმისო საცხოვრის გზებზე.

— სიყვარული, — უმაღვე მოკვეთა ბერმა.

— სიყვარული? — იკითხა მეფემ, რაღაც უკმარი მხრების აწურვით.

— იგულისხმება სიყვარული მოყვასთა შორის, ანუ სიყვარული საზოგადოდ კაცთა შორის.

— მაგრამ ნათესავ ქართველს განა აკლია სიყვარული კაცთა შორისი?

— არამცთუ აკლია, შეიძლება ქარბადაც ჰქონდეს.

— მერე?

— მერე, მეც სწორედ იმას მოგახსენებ, მეფეთმეფეო, ნათესავ ქართველს სიყვარული განპირობებულად აქვს განპირობებულ გულში.

— ?!

— თვითონ განსაჯე, ხელმწიფეო: ნათესავ ქართველს უსახლდროებით განაჩნია სიყვარული საზოგადოდ კაცთა შორისი, მაგრამ არა აქვს სიყვარული შინაური, ნათესავად, სახლთაშორისი. და ამად ვამბობ: სამომავლო საარსებოდ და აღმასასვლელად ნათესავმა ქართველმა კათოლიკე ძარღვად უნდა იმოძღვროს სიყვარული, თანადგომა და თანაღმობა უწინარესად ქართველთა შორის!

დაასრულა ჭაბუკმა ბერმა.

დაასრულა და ისევ ჩამოწვა და ჩამოღობა დუმით.

გარეთ მტირალი ტიროდა ლამე.

წვიმდა, თქეშახსნილად, შეუკავებლად.

მეფე შეირბა, გიორგის თვალი მიაშტერა და უთხრა მძიმე ხმით:

— სწორედ ღვთის ხელით გათლილი თავი გადგას მხრებზე შენ, ჭაბუკო მწყემსო, მაგრამ ვეჭვობ, რომ ქართველები სიყვარულით ერთმანეთის სულში ჩაძვრენას შეეცდებიან და მოახერხებენ.

სთქვა, მწარე ღიმილით სახე დაემწყურა და განაგრძო:

— და კიდევაც რომ შეეცადნონ, სანამ ქართველნი ერთმანეთს შეიყვარებენ, მაგის ლოდინსა და ცქერაში, ჩვენი დაუძინარი მტრები თვითონ საქართველოს ხელიდან გამოგვტაცებენ.

თქვა და ფიცხლად წამოდგა ფეხზე.

— ამიტომ, ვიდრე ერთმანეთს შეიყვარებდნენ, მადლობა ღმერთს, ხელთა გვაქვს შიში წინსვლისა და გამარჯვე-

ბისთვის — შიში, სიყვარულზეც უფრო ძლიერი!

და მახვილზე დაიდო ხელი.

წასვლის წინ გიორგი მეფე და გიორგი ბერი განაპირობებულყვნენ და იყვნენ ცალკე რაღაც სიტყვათმომოქცევაში.

— შენც გეცოდინებოდა, ჭაბუკო, ალექსანდრე მაკედონელს რომ უთქვამს დიოგენესთვის: მთხოვე, რაც გსურს შენ, ფილოსოფოსს, და მე, მეფე, უეჭველ შეგისრულებო. და მეც ისე გეკითხები, ჩემო ფილოსოფოსო — სათხოვარს ხომ არაფერს ადავლენდი შენ შენი მეფის წინაშე?

— მაქვს სათხოვარი, მეფეთმეფეო, — უცებ უთხრა ბერმა.

— აბა, ბრძანე, კეთილო!

— უბრძანე სვეტიცხოვლის აღმშენებელს, ხელმწიფეო, აუცილებლად მიაწეროს ტაძარს თავისი გვარი, სადმე, კედელზე, გარკვეულად და აღამიანის თვალის საჩინოდ მიაწეროს.

?!!

— ნათელი დაუღამებელი უძღვის მეფობასა შენსა, მეფეთმეფეო, და ამად მწამს, აღესრულება თხოვნა ჩემი და ბრძანება შენი: უეჭველად მიაწეროს თავისი გვარ-სახელი ხუროთმოძღვარმა სვეტიცხოველს, მიაწეროს — „თვალშეწიერ არ-სუ-კის-ძე“ — მიაწეროს!..

ტვარწათაფიდან გავიდა მეფე, მაგრამ ჯერ ისევ ტაოში, ოლთისის გზაზე, კონსტანტინოპოლიდან წამოსული ბერძენი ფაქები წამოეწივნენ და კეისრის პატრუცავი მიართვეს.

ეტყობოდა, რისხვა ველარ დაუქერია ბასილის და სწერდა გიორგის, მუქარით: რაც დაგიპურია, ახლავე დასცალე და მამაშენის, ბაგრატ მესამის მემკვიდრეობას დასჯერდით.

რისხვეულობა და გულფიცხობა არც გიორგის აკლდა და მაშინვე, იგივე ფაქითა ხელით, ეს პასუხი შეუბრუნა

იმპერატორს: ტაო და ბასიანი სწორედ მამაჩემის მემკვიდრეობა იყო; კიდევ, ორივე ეს ქვეყანა ოდითგანვე და მისხით-მისხამდე ქართული ქვეყნებია და ამათგან ერთ სახლაკსაც კი უსისხლოდ არავის დავანებებო.

ორ ქრისტიანულ ქვეყანას შორის ომის შემორიანი სუნი ჩამოწვა.

ქართველთა მეფემ იცოდა, ავზიანი ბასილი უსისხლოდ და უსიკვდილოდ არ დათმობდა ტაო-ბასიანს. ამიტომ სასწრაფოდ საომარ სამზადისს შეუდგა და მაშინვე მოკავშირეც მოიძია.

ეს ალ-ჰაქიმი იყო, ეგვიპტის ხალიფა.

ელჩები აფრინა ქაიროში გიორგიმ. ბიზანტიელები და მათი კეისარი ერთნაირად დაუძინარი მტრები არიან ჩემიც და შენიცო, — უთვლიდა ქართველი არაბს — მოდი და ერთად შევეუტიოთ საერთო მოსისხლესო, შენ სამხრეთიდან და მე აღმოსავლეთიდან, ერთდროულად შევესიოთ ბიზანტიის სამანებსო.

გულნები მე, ქრისტიანი მუსლიმს, თავი დავანებოთ ღმერთის შეწუხებას და ჩვენ, მიწიერთა, მოვუაროთ ერთმანეთსო. ჩვენ თვითონ, ღვთის მოუხმობლად მივხვდეთ, ვინ ვის ემტერება და ვინ ვის ემოყვრებაო.

ბასილი კეისარი ხომ იმნაირია, არც ქრისტე და არც მუჰამედი არ გაახსენდება, ისე ერთნაირად დაღვეს მაჰმადიანის და ქრისტიანის სისხლსო.

ამიტომ, საზოგადოდ ღმერთისა და ადამიანის სახელით, მოგიწოდებ ერთად შევესიოთ და სისხლად ვაქცევიოთ უჯიშო, ბილწისხლოვან ბასილი კეისარს საზოგადოდ ღმერთისა და საზოგადოდ ადამიანის მესისხლეობაო, — სწერდა გიორგი ალ-ჰაქიმს.

ალ-ჰაქიმი ფატიმიდური დინასტიის უსაჩინოესი ხელმწიფე იყო. ფატიმიდები კი თვით მუჰამედის ასულის, ფატიმასაგან ჩემულობდნენ თავის წარმომავლობას.

ფატიმას ღვთაებრივმა თესლმა ყველაზე სრულქმნილ ნაყოფად ალ-ჰაქიმს გამოიღინაო, — გაიძახდნენ მისი თანავანისმცემელნი.

თერთმეტი წლისა იყო ტახტზე რომ ავიდა. ოცდახუთი წელიწადი იმეფა. მამაცი კაცი იყო, ნიჭიერი და მიზანსწრაფული. უზღვროდ სასტიკიც იყო და უზღვროდ გულმოწყალებიც. განუკითხავად და უგანაჩენოდ აყრევინებდა თავებს, მარჯენივაც და მარცხნივაც. შეწყყნარებაც ისეთ დროს იცოდა, არც მიწაზე და არც ზეცაში არავინაც რომ არ ელოდა. დაუნდობელი მტერი იყო ქრისტიანების და ჰაბირუელებისა. მუსლიმთაგან სუნიტების სისხლის ქცევაც უყვარდა. არც შიიტებს აკლებდა ხელს, როცა ჰიპოხოზდრია წამოუვლიდა. ამიტომ ყველას სძულდა იგი, ყველა სჯულისა, ყველა ერისა და ყველა წოდების ადამიანს. მაგრამ მაინც ყველას უყვარდა, რადგან ყველას საკუთარი თავი უყვარდა, რადგან ყველას საკუთარი სიცოცხლის დაკარგვისა ეშინოდა. გულწრფელად მხოლოდ დრუზებს უყვარდათ, რადგან მან დრუზების სექტის სიწმინდე სცნო და დრუზებმაც მწყალობლის ღმერთობა ერთხელ და სამუდამოდ აღიარეს (სწორედ მაშინ ალ-ჰაქიმმა თავი ღმერთად გამოაცხადა).

თვითონ ალ-ჰაქიმს უმაღლეს ხალხად მთელს ქვეყანაზე ქართველები მიაჩნდა და გული წყდებოდა, ქრისტიანობას რომ არ ელეოდნენ ქართველები.

ჰიპოხოზდრია და შავნადგლიანობა მაინც არ შორდებოდა ალ-ჰაქიმს. დღეს რომ ღმერთად მოველინებოდა ქვეყანას, მეორე დღეს უსაცოდავეს მწერად თვლიდა თავს. ხან ბრწყინვალედ მორთულმოკაზმული, ბრწყინვალე ამალით გარშემორტყმული გაივლიდა ხალხში, ბაზრებში, ქუჩაბანდებში, ხან კიდევ — მარტოდმარტო, ძონძით მოსილი გადაიკარგებოდა სიცხით ათახახებულ უდაბნოებში და ალ-მუჰატამის მთის მიუხაფარ ხევხუვებში. აგრე მარტო-

სულად ხეტიალისას მხოლოდ ერთველ მეუზანგეებს თუ იახლებდა და იმა-
თაც დიდის დამანძილებით ერთ ადგილ-
ზე დააყენებდა ფეხმოუცვლელად; თვი-
თონ კი უგზოუკვლოდ დაიკარგებოდა
და გვიან, აგერ როდის, თუ მოაკით-
ხავდა მარტო შთენილებს.

თურმე ალ-მუჰატამის უმაღლესი
მწვერვალის თხემზე აღიოდა ძაძით მო-
სილი ხალიფა, მუხლს მოიყრიდა და
დღე-ღამის თევით, მშიერ-მწყურვალი,
ღმერთს ეხვეწებოდა, რა იქნება მეც
ისე მეჩვენო და მელაპარაკო, როგორც
მოსეს ეცხადებოდი და ესიტყვებოდიო.

ღამის ალ-ჰაქიმიც ნაბუქოდონოსორ
ბაბილონელივით შეირყა ჭკუაზე, საში-
ნელი სიზმრის წყალობით, ნაბუქოდო-
ნოსორივით გაეზარდა თემები და ფრჩხი-
ლები, ნაბუქოდონოსორივით სძოვდა
ბალახს და იღველფებოდა ღამით ნაფ-
რქვევი ცვარით და ზრიმლით.

ამბობდნენ, მარტო შავი ნადველი კი
არა, ტვინიც შავი უნდა ჰქონდეს ხა-
ლიფასო. ყმაწვილობიდან მართლა ტვი-
ნის სიმშრალე ჰქონდა და ძარღვთა
დახშულობანი სტანჯავდა უღვთოდ.
მხოლოდ იის ზეთი შველოდა. ამიტომ
დღეობით იჯდა და გრილდებოდა იის
ზეთით ავსებულ ავაზანში.

მერმე, დიდი ჯანაოზი გამოუჩნდა
ალ-ჰაქიმს, სახელად აბუ იაკუბ ისააკ
ქე იბრაჰიმისა ძისა ანასტასისა. და ას-
წავლა უებარი წამალი აბუ იაკუბ ისა-
აკ ქემან იბრაჰიმისამან ძისამან ანასტა-
სისამან ტვინის სიმშრალით განაწამებ
ხელმწიფეს.

და სახელი ამა წამლისა — „ქარ-
თული წამალი“.

ხოლო, არსი „ქართული წამლი-
სა“ — ნადიმი, ღვინო, სიმღერა და
შიგ და შიგ — ქალი.

და, მანამდე რომ ხალიფა ალ-ჰაქიმი
ღვინის სმისთვის ყოველ ქვეშევრდომს
ან ატყავებდა, ან თავს აგდებინებდა,
ახლა ღვინოს თვითონაც მიეშვა და
ხალხიც მიუშვა, თვითონაც ამღერდა
და ხალხიც აამღერა, თვითონაც მიემ-

ოუშა და ხალხიც „შიგა და შიგ“ მო-
რუშა.

და, თვითონაც მორჩა, ხალხიც მო-
არჩინა.

ქემმარიტად ღმერთი ყოფილა ალ-
ჰაქიმიო, — ამბობდა ხალხი.

ქემმარიტად ღმერთები ყოფილან
ქართველებიო, — ამბობდა ალ-ჰაქიმი.

მაგრამ გიორგი მეფის წერილი მაინც
უბასუხოდ დარჩა.

მომკვდარიყო ალ-ჰაქიმის მეურნა-
ლი ჯანაოზი, აბუ იაკუბ ისააკ ქე იბ-
რაჰიმისა ძისა ანასტასისა, და ხალიფა-
საც ხელი აუღია „ქართულ წამალზე“. აუღია და ისევ ნადირივით გაჭრილა
მთა-ველად.

ქართველთა მეფის წერილმაც ქაი-
როს მაინც და მაინც მაშინ მიატანა,
როცა ხალიფა ალ-ჰაქიმი ცამ ჩაყლა-
ბა თუ მიწამ, ვერავენ შეიტყო.

ხალხი უცდიდა ხალიფას.

გიორგი მეფის წერილიც უცდიდა.

მაგრამ გიორგი მეფე ველარ მოუტ-
დიდა.

რადგანაც — ბასილი კეისარი აღარ
იცდიდა.

ბასილი ბასილევსმა იცოდა, ძალზე
ძნელი იქნებოდა ქართველებთან რკენა
და რქენა. და საიდუმლოდ ამზადებდა
იგი საქართველოზე დაცემას. წინასწარ
ხმაც განავრცო, მესოპოტამიაში ვაპი-
რებ გალაშქრებასო და, ქვეყნის თვა-
ლის ასახვევად და ქართველთა სიფხი-
ზლის მოსაბოშებლად, ომში სახარჯო
სურსათ-სანოვაგეც კი ანტიოქიაში გაგ-
ზავნა.

თვითონაც კეისარი, მრავალრიცხო-
ვანი და აღმაჭურად აღჭურვილი ლე-
გიონებით, ადრიაან გაზაფხულზე, სირია-
მესოპოტამიის გზით გაეშურა აღმო-
სავლეთისკენ.

მაგრამ შუა გზიდან უცებ მარცხნივ
შემობრუნდა და საქართველოსკენ წა-
მოემართა სრულის მხედრობით.

ქართველებს კი, თუ რაიმე უუნარო-

ბა და უქველობა სჭირდათ, ეს მაინც მტრის ზრიკებისა და სამუხანათო ხვანჯების გამოცნობა იყო.

მაგრამ ამჯერად გიორგი მეფის მზირებმა მაინც დროზე ამოიციენ მტრის გეზთა საცთომელი ცვალებადობა და ყოველივე სასწრაფოდ აცნობეს მეფეს.

ფიცხლად დაიძრა გიორგი მეფე მტერთან შესახვედრად.

ბასიანის პირლია შემოსასვლელში დაიბნაჯეს ერთურთის პირისპირ ქართველებმა და ბიზანტიელებმა.

დიდხანს, „მრავალდღე“, ზომავდნენ ერთმანეთს თვალით. შერკინების დაწყებას კი, თითქოს ორივე მხარე შიშობდა და საომარი ბედისწერისგან მისთვის უკეთესი ყამის დადგომას ელოდებოდა.

გიორგი მეფე ფატალისტი იყო. ჩარში ულუკი ვინმე ხომ არ გვეყავსო, — მოიკითხა.

მე მყავს ულუკი და ლაზარინელიო, — მოახსენა რატი ბლავაშვი, კლდეკარის ერისთავმა. ჩემივე კუთხიდან არის, თრიალეთიდანო.

და სასწრაფოდ მოაყვანიხა რატიმ ულუკი იგი.

ტანად მცირე იყო, ჩინჩიფურა, ვიწრო მხრებიანი და გრძელხელებიანი. ბეჭები სახნისებივით ჰქონდა ამოყრილი. იშოდენა ყურები ესხა, ალბათ იმ ყურებით, უკეთუ დასჭირდებოდა, თვლებიდან ცრემლების ამონოცვასაც იოლად მოახერხებდა. ხოლო თვლები წვრილი ჰქონდა, მბურღავი გრძნებით გატენილი და დანდალუკიით ჩაყვითლე ბული.

რა გქვიაო, ჰკითხა მეფემ. ბუჯარაო, უპასუხა ულუკმა. რა შეგიძლიაო, კითხვა მოუწაცვლა გიორგიმ.

რასაც მეფე მიბრძანებს და ღმერთი გულისხმას ჩამინერგავსო, — მხნედ მიუგო ბუჯარამ.

აბა, რამლი ჰყარე და შეგვატყობინე, რა მოგველის, უკეთუ მტერს შევებმობითო, — უბრძანა მეფემ.

იყავნ ნება შენო, — და უბეში ჩაიყო და ჩაიფათურა მარჯვენა ხელი ჯარამ.

ჩაიფათურა და უბიდან შავი ჩვრით შეფუთული და შავი აშკით შეკრული რაღაც ამოიღო და მიწაზე დასდო, ფრთხილად, რუდუნებით.

მას უკან მეფეს მიუბრუნდა, თაყვანსაცემად მომშვილდულმა თავი ლამის მიწას ატაკა, ისევე გაიმართა და შეკადრა: უკეთუ არ გამირისხდები, ქარქაშიდან ხმალი აღმოიხდინე და მცირე ხნით მიბოძეო.

მეფე ჯერ შეცბა მკითხავის ეგზომ მოულოდნელი მოთხოვნით, მერე მხრები აიჩეჩა, თითქოს გაიღიმა კიდეც და ხმალი ქარქაშიდან ამოიწვდინა.

ლურჯი გველივით გაიშორაკალა და ჰაერს სხეული განუქვეთა ფოლადმა ლაყვარდოვანმა.

ჩამოართვა მეფეს ბუჯარამ ხმალი, ფრთხილად, ორივე ხელით. იქვე, მეფის წინ, პირით აღმოსავლეთისკენ შებრუნდა და შვიდი ნაბიჯი გადათვალა, იმდენად განივრად, რამდენადაც მის მოკლე ნაბიჯებს ძალეღვათ.

შვიდი ნაბიჯის თავზე შეჩერდა, ხმალი ორივე ხელით აზოდა, დაიქნია და სწორედ ორი ხელის დადებამზე ჩაარჭო მიწაში.

დაიზრიალა, იძიგძიგა და იბრკილა ხმალმა ერთხანზე.

შავი ფუთა აიღო ბუჯარამ და უკვე დაწყნარებულ ხმალს ვადაზე შვიდჯერ შემოავლო, რაღაც ლოცვის მაგვარი ბუტბუტით.

მას უკან ჩვარი უცებისად გახსნა და ძვალთა შემაზრზენი ჩხარუნიც გაისმა.

ძვლები ხმლის გარშემოწვრვით განეფინენ მიწაზე.

ძვლები იგი ადამიანისა იყო, ძველთაძველი, დროისა და მიწისგან გამოზრული, ყვითელნი, დაჩვრეტელნი, დაწერტილი და დამღიაებულნი. ერთი ლავიწის ძვალი უნდა ყოფილიყო, მარჯვენა ლავიწისა. ერთიც ბარძაყის ძვლის

ნალექი. დანარჩენი თითები იყო, ხელთა რტონი. უკლებლივ ათივე.

ვინ იყო იგი ვისაც ამ ძვალთა პატრონი ერქვა? ვისი სულის და ხორცის ჭურჭელი იყო ჩონჩხი იგი, რომლის ნამუსრევნი ახლა ქართველი მეფის საომარი ხმლის გარშემო ეყარა? ანუ — რა იყო სულ-ხორცი იგი, რომელიც შეივგრძნობდა, განიცდიდა და ხარობდა? იყო მოზეიმე ხორცი და მოზეიმე სული, და ოდესაც იყო ყოველივე.

იყო!
და იქვე, ოდესღაც, გაქრა სულიც, გაქრა ხორციც. გაქრა, მაგრამ ჭეშმარიტად გაქრა?! გაქრა... და ერდადერთი, რაიც ადამიანის უღლეური ანაგებიდან რაიმე ნაშთი კიდევ დროით გამძლე ყოფილა — ყოფილა ოდენ და ოდენ ძვალი...

ადამიანის ყოველი გრძნება და ვზნება ბოლოს თავს იყრის და განეფინება თითებში.

ადამიანის ყოველი გააზრების ნივთობრივი ქმედებაც არის თითები.

და, რას აკეთებდნენ ეს თითები, ოდეს იყვნენ ვითარცა თითები, ანუ როცა ხელისა?

- რას ქმნიდნენ?
- რას აშენებდნენ?
- რას ანგრევდნენ?

ვის ლოყას ეფერებოდნენ?

ვის მკერდს ელაციებოდნენ?

ვის ყელს ეტანებოდნენ (სალერსოდ, თუ სახრჩობად)?

ვის უღესავდნენ მახვილს (საშველად თუ საშიგნავად)?

ფიქრობდა გიორგი, მეფე ქართველთა, მახვილი მესიისა.

ფიქრობდა მანამ, სანამ ულუჯი იგი, ოთხზე დართხმული, ხმლის წრეწირში მიმოფანტულ ძვლებს სინჯავდა გაფაციცებით. სინჯავდა, ძვალთა ვარდნის კუთხეებს ამოწმებდა, ურთიერთისგან დაცილებისა და ხმლისგანაც ყოველი მათგანის დაშორების მანძილს ზომავდა. რაღაცეებს კრებდა, რაღაცას რაღაცაზე

ამრავლებდა, რაღაცას ბუტბუტებდა თუ ლოცულობდა.

როგორც იქნა წამოდგა ფეხზე ბუჯარა.

წამოდგა, მაგრამ ცოცხალი ადამიანის ფერი აღარ ეღო სახეზე.

აბა, რას გვეტყვიო, ჰკითხა მეფემ.

ჩემს სიკვდილს და არგადარჩენასო, ამოიხრაილა დაზარინელმა.

— მაინც?

— ვიტყვი სიცრუეს — შემრისხავს ღმერთი, ვიტყვი სიმართლეს — შემრისხავს მეფე. ამიტომ ვთქვი, სიკვდილს ვერ ავცდები-მეთქი.

რისხვამ ტუჩები გაუყვითლა მეფეს.

— შენ სიმართლე სთქვი და სიკვდილისა მე ვიცოდე! — უბრძანა და ისეთი თვალით დააქებრდა, გველი რომ ბაყაყს დააქებრდება, გამჩხიბავი და გამყინავი მზერიოთ.

და თქვა ბუჯარამ, გაჩხიბულმა ულუქმა და დაზარინელმა:

— მტერი მოითვლის შეიდჯერ მეტ ძალას, მეფევე მბრძანებელო, მაგრამ როდის ყოფილან ქართველები უმრავლესნი მათი მტრებისა! აქ მთავარი სულ სხვა რამ არის... და ისევე შეყოვნდა მკითხავი.

— დაასრულე! — ბრძანა მეფემ და ყბის ძვლებმა ლოყები შეურხია.

მთავარი ის არის, რომ კეისრის ლაშქარში უცხო მხედრობა დგას, რომელსაც აქამდე საქართველოს სამანებთან ფეხიც არ დაუდგამს.

— სახით და სახელდებით?

— სახით მწითურნი არიან და მათებურ ენაზეც ეგ ჰქვიათ — რუსნი.

— რუსნი?! — გაოცდა მეფე.

გაოცდა ყველა.

— სწორედ რუსნი, — დაუდასტურა ისევე ბუჯარამ.

მამამისის, ბავრატ მესამის მონათხრობი გაიხსენა გიორგიმ: პირველად ბასილი კეისარს რუსები მეშველ ძალად ჩრდილოეთიდან, კიევიდან, მაშინ გამოუწვევია, ბარდა ფოკა რომ აუჯანყდა, მთელი მცირე აზია წაართ-

ვა და ლამის კონსტანტინოპოლსაც ამოჰხანდა სული ალყით და შიმშილით. კიევის მაშინდელმა მთავარმა, ვლადიმერ სვიატოსლავის ძემ, დახმარება აღუთქვა, მაგრამ სამაგიეროდ ბასილი კეისარს მისი დაი მოსთხოვა ცოლად. კონსტანტინოპოლის საიმპერატორო კარი არ კადრულობდა „წარმართ ვარანგთან“ დამოყვრებას, მაგრამ მეტი გზა არ ჰქონდა და გაათხოვეს კეისარის დაი, ანა, კიევის რუსთა მთავარზე. და გამოუგზავნა წარმართმა სიძემ ქრისტიან ცოლისძმას ექვსი ათასი დარჩეული მეომარი. სწორედ ამ რუსთა მხედრობის წყალობით იყო, რომ ქრისტოპოლისთან ბასილი ბასილევსმა სასტიკად დაამარცხა ბარდა ფოკა. კიდევ, მეორედ, აბიდოსთან, ისევ რუსების იმედით ჩაება გადამწყვეტ ბრძოლაში ბასილი. ბარდა ფოკამ იფიქრა, სანამ რუსები ჩემს ჯარს ბოლოს მოუღებდნენ, მანამ მე ჩემის ხელით ძალღაპირ ბასილის მოვეუთავებ სიცოცხლესო. და მიაშურა ფოკამ პირდაპირ ბასილის, მაგრამ კეისარისკენ გაქანებულმა ფოკამ სრულიად მოულოდნელად ცხენს გეზი უცვალა, ბრძოლის ველს გაეცალა, დაქვეითდა და მიწაზე კიდევაც დაწვა და კიდევაც დააკვდა. ვერავინ მიხვდა, და დღემდეც არავინ იცის, რა დაემართა მაშინ ბარდა ფოკას...

ფიქრს გამოეყარა გიორგი და ჰკითხა ბუჯარას:

- რამდენი არიან?
- რუსნი?
- ჰო.
- ექვსი ათასი.

გაეცინა მეფეს.

— ნუ მიწყენ, მეფევ მწყალობელო, მაგრამ ასი ათას ბერძენს უფრო მოველება, ვიდრე ექვსი ათას რუსს.

— მჯობნის მჯობნი რამ დალია ამ ქვეყანაზე?

— მაგრამ უნდა მოგახსენო მე, კადნიერმა, ხელმწიფეო, რაიც ხმაღმა შენმა კურთხეულმა უკვე შეიტყო, —

უთხრა, მიწიდან ხმალი ამოაძრო და მეფეს მიათვა.

მეფემ ხმალი აიღო და ისე შიშვლად დაიდვა წინ, უნაგირის ძარძაყსა და ცხენის ჯიდაოს შორის.

— აბა, რაიც შენმა ძვლებმა ჩემს ხმალს შეატყობინეს, ვინძლო ახლა მეც შემატყობინო! — ბრძანა მეფემ და ისევ დაამტერდა მჩხიბავი თვალით ულუკის სახეს.

მზერა არ გაიტეხა ბუჯარამ და უთხრა მეფეს გადაწყვეტით:

— უკეთუ შეებმი, მარცხი გიწერია, მეფეთმეფეო.

— მარცხი?

— დიახ... და ახლა ბრძანე, მომკლან, ან ენა მომჭრან! — დაასრულა ულუკმა და თავი მიწაზე დააბჯინა.

ეს ბოლო სიტყვები გიორგის აღარც გაუგონია.

მისი გონება სიტყვა „მარცხს“ ჩასჭიდებოდა.

ბარძაყები აუძაგძაგდა, ისე ძალუმად, ძაგძაგი კაციდან ცხენსაც გადაედო.

ასე ემართებოდა მეფეს, როცა რამ მძიმე ფიქრი განეცდებოდა.

მაგრამ ეს არ იყო შიში, არამედ იყო მხოლოდ გზნებადი ლტოლვა მარცხის დამარცხებისა. შიში ვერ დაერქმეოდა თუნდაც იმიტომ, რომ „უშიშს, ვითარცა უხორცოს“, ბარძაყთა წუთიერი ძიგძიგი და თრთოლვა კიდევ მაშინ ემართებოდა, როცა სხეულში ქალის ტრფიალების თონე გაუჩაღდებოდა..

სანამ მეფე ფიქრობდა და ბარძაყებს იწყნარებდა, ბუჯარამ ძვლები აკრიფა, სათითაოდ დაკოცნა, მერე ყველა ერთად იმ ფლასში გაჰხვია, ისევ იმ შავი აშკით შეკრა და უბეში ჩაიბრუნა დიდის რულუნებით.

გიორგი მეფემ ბრძანა ბანაკი აეყარათ და უკან გამობრუნებულიყვნენ.

ოლთისის გზით მოდიოდნენ. ბიზანტიელები ფეხდაფეხ მოსდევდნენ.

გიორგიმ ოლთისიდან მოსახლეობა



დედაწულიანად გაიყვანა და ჭარიც გა-
აფრთხილა, ხალხზე ეზრუნათ, და თვი-
თონ ციხე-ქალაქი, მტერს რომ არ დარ-
ჩენოდა, ცეცხლს მისცა.

კოლას გზას დაადგა გიორგი და მისი
ლაშქარი.

ისევ კვალში ჩამდგარნი მოსდევდნენ
ბიზანტიელნი.

თვითონ მეფე და ზვიად ერისთავი
ქართველთა წინაკერძს მოუძლოდნენ.
ხურსი და რატი უკანაკერძს იფა-
რავდნენ.

სოფელი შირიმნი გამოჩნდა.

გიორგიმ და ზვიადმა ჩამოიტოვეს
სოფელი.

ხოლო, ხურსი და რატი, ის იყო ში-
რიმნს მიეახლნენ, რომ კვისრის მეწინა-
ვე კოპორტებიც წამოეწვიენ.

ქართველები შეუბრუნდნენ და შე-
ებნენ მტერს.

სასტიკი ხმალთაკვეთება გაჩაღდა და
გამრგვალდა.

შედრკნენ და უკუიქცენ ბიზანტიელ-
ნი.

გულდაგულ გამოენთნენ რატი და
ხურსი.

მაგრამ კეისარმა მოუსწრო ბრძოლას
მთავარი ძალებით.

წინ წასულმა გიორგი მეფემ კი გვიან
შეიტყო, „ვითარმედ ომი არს უკანა-
მავალთა ზედა“.

მაშინ „აღბორგნეს“ მეფე, მყისვე
უკან შემობრუნა და საომრად განაწყო
წინამავალი და თანამავალი ლაშქარი.

გიორგისა და ზვიადის მოსვლამდე
აკავებდნენ კეისრის ლეგიონებს ხელ-
ჩართულში თავდავიწყებით ჩაბმული
ქართველები.

ისევ შედრკნენ და გასაქცევად აიშ-
ალნენ ბიზანტიელნი.

და სწორედ მაშინ შორიდან ნაძგე-
რალმა მაზრაქმა ძირს დასცა ხურსი
ერისთავი.

გულშეძრულნი შედგნენ ქართვე-
ლნი.

გულმოცემულად შემოუტყეს ბიზან-
ტიელებმა.

რატი კლდეკარელმა კვლავ დახმარ-
წინ თავისიანნი.

თავდავიწყებით შეიჭრა ქართველი
ერისთავი ბიზანტიელთა მჭიდრო რიგე-
ბში.

გიორგი მეფემ და ზვიად ერისთავ-
მაც მოათანეს ბრძოლას.

მაგრამ რატი ერისთავს ველარ მო-
უსწრეს ცოცხალს: შუბებით დაეცხრი-
ლათ და მახვილებით აეკაფათ ბიზან-
ტიელებს.

მძვინვარე ყვილით გადაეშვა გიორ-
გი მეფე ბრძოლაში.

ქართველები, რეცა, ახლა იწყებდნენ
ბრძოლას.

ბასილი ბასილევსმაც ბრძოლად ჩაა-
ბა სამარქაფო ლეგიონები.

დიდხანს წონასწორად ქანაობდა
ბრძოლის სასწორი.

ისევ გაიჭრა წინ გიორგი.

ბასილი კეისარს დაეძებდა გააფთრე-
ბული.

კეისარი კი თავისიანთა ღრმა უკანა-
კერძში იდგა ბუქელარიოსებითა და
პროტოსპათაროსებით გარშემორტყმუ-
ლი.

ყური აუწვა და აუწვილა ქართველი
მეფის ყვილმა ბასილის. სახე დაე-
მეწყრა ბრაზით და სირცხვილით.

— რა საკადრისია, ღვთაებრივი კეი-
სარი მის ყმის გამოწვევას აპყვეს?

შესძახა, მახვილი იწვავდა და ცხენი
წინ წამოავადო დუჟა თეოდორთსმა, რო-
მელსაც „ლაბაშას“ ეძახდნენ უკანსაყი-
ვარად.

ეს პირდაპირ ხსნა იყო კეისრისთვის.
და კეისარი კიდევაც დაუფასებს ლა-
ბაშას, სხვებს რომ დაასწრო, ამდენ
ლაქუცარს, და პრველმა გაიმეტა თა-
ვი მისი „ღვთაებრივი ბასილევსის-
თვის“.

უკანაკერძში მდგარმა ლეგიონებმა
გზა მისცეს, და ცხენი დააოთხა თეო-
დოროს ლაბაშამ. მას აღარ დასჭირვე-
ბია ძეზნა ქართველი მეფისა, რომე-
ლიც ორივე მხრისთვის სათვალისოდ

გამორჩეულად სწორედ გამორჩეული ახოვნებით და შემართებლობით.

თეოდოროს ლაბაშა კი მრავალნაცადი ოსტატი იყო — ორთა შერკინებისა და გაალმასებით მიუხტა იგი გიორგი მეფეს. უნაგირზე გადახნექა მოასწრო გიორგიმ და ბეწვზე აიცდინა პირველი მონაქნევი, თუმცა ოქრომკედლოვანი ქეჯიში მაინც ჩამოუკვეთა ბერძნის მახვილმა ცხენის მარცხენა ბეჭიდან. და საპასუხოდ აელვა ხმალი გიორგიმ. ფართი ისხლიტა თეოდოროსმა. და წინიდან მოვარდნილ სიკვდილთან მორკენალმა მეფემ ვერ შენიშნა, როგორ მოუხდა მას ზურგიდან შავი გაელვებით მეორე სიკვდილი. ეს რომელიდაც ბერძენი სქოლარიოსი იყო, რომელმაც უკნიდან დაუსისწორა მახვილი მეფეს, კეფაში...

ხმლის ელვა...

წამი...

და ელვას ახალმა ელვამ დაასწრო:

ქირქიშ აბულახტარმა სქოლარიოსს მზრის კვირისტავში უჭირა ხმალი და მიწას ზრილით დაენარცხა ხმლიანი მარჯვენა, ლერწმის ღეროსავით სუფთად მოკვეთილი. მეორედ მოიქნია აბულახტარმა და თავგაპობილი მოწყდა უნაგირიდან ბერძენი.

და ისე, რომ გიორგი მეფემ კვლავ არ იცოდა, რაიც მის ზურგში მომხდარიყო, წამით თავისი თვალებით მოპირდაპირეს მზერა გაუტეხა და იმავე წამშიც ხმალი ჩასტია. და თეოდოროს ლაბაშა აღმედად განკვეთილი გადმოეშვა ცხენიდან.

აიშალა ბრძოლის სასწორი. ბიზანტიელთა მარცხით დაქანდა იგი.

და, ბოლოს, როცა „მოისრეს ბერძენნი დიდნი და ფრიადნი“, მარცხს შერიგებულმა ბასილი კეისარმა ბრძოლის რეგლს ზურგი აქცია.

მაგრამ „სულმოკლე იქნეს ქართველნი“, — ნადავლს დაეხარბნენ და ბრძოლას განრინებულ მტერს ბოლომდე აღარ მისდიეს.

სამაგიეროდ, როცა ქართველები ნა-

დავლით დატვირთულნი წამოვიდნენ. ჰაიპარად აშლილდაშლილნი, ბიზანტიელებმა ისევ მოსდიეს ხელახალ ქორტებად და ლეგიონებად დარაზმულებმა.

ქართველები არ მოელოდნენ და საომრად გაუწყობელნი შეხვდნენ მტერს. შეხვდნენ და იძლივნენ. არტანუში შემოიჭრნენ ბიზანტიელნი. შემოიჭრნენ და ბოროტად იავარპყვეს. — გაძარცვეს, გადასწვეს და მცხოვრებნი, ვინც სიკვდილს გადაურჩა, ტყვედ წაიყვანეს. გიორგი მეფე სამცხეში გადავიდა ნიალის გზით. იქიდან თრიალეთს მიამურა. გზადაგზა ჯარებს კრებდა გზაზედვე აუწყეს დაწვრილებით, როგორ დაიხსნა იგი აშკარა სიკვდილისგან ქირქიშ აბულახტარმა შირიმნის ბრძოლაში.

ბრძანა მოეყვანათ მასთან ქირქიში. მიიყვანეს.

მუხლებზე დაეცა და მეფის მუხლებს საამბოროდ მიეტანა მხსნელი მეფისა.

არ დაანება გიორგიმ. უმაღლვე ფეხზე წამოაყენა და უცქირა ერთ ხანს მდუმარედ.

„მწითური ყოფილა“, გაუელვა მეფეს.

„მწითურ, გინა რუს“, — ისევ ის ულუკი გაახსენდა, ადამიანის ძვლებით მერამლე, — მწითური, ანუ რუსი დაგამარცხებსო.

მოდო და ერწმუნე კიდევ ამნაირ ცრუსა და რიოშს: მწითურმა დამამარცხა კი არა, მწითურმა დამიხსნა თურმე უეჭველი სიკვდილისგანო.

ერთი ფიქრი ესეც იფიქრა გიორგიმ, ახლა იმ ულუკს მოვაძებნიებ და ოთხში ამოვადლებნიებო, მაგრამ მაშინვე ფიქრი მოინაცვლა, ჯანდაბას მისი თავით, და ისევ მის მშველელს მიექცა აზრით.

როგორი კაცის კერძი ვყოფილვარო, გულში გაეცინა მეფეს — უშუბლო, გრძელბიბილოვანი, ჯარბის თვალებით, საკვირველად მოკლე თითებით და კი-

დევი... სუნს გამოცემდა, რაღაც უსიამო სუნს, მგონი ჯარაოტის სიმყარლის მაგვარს.

ზიზლი დაითრგუნა მეფემ და ისევ ხელებზე შეხედა აბულახტარს. ისიც კი მოესივნა, მის მხსნელს ხელებზე თითო ათითაც აკლდა და უცებ თვალით გადაუთვალა კიდეც, მაგრამ ჩვეულებრივად ხუთ-ხუთი რომ აღმოაჩინდა, ბოლოს მაინც ეს იფიქრა გიორგიმ: ასე მოკლე თითებით, გეგონება, ხმლის ვადასაც ვერ ჩაეჭიდოს ხელმოვარგებით, მაგრამ ოსტატი კი ნამდვილად ყოფილაო.

მარჯვენის მოჭრის ოსტატი!...

— მაშ, შენ ქირქიშ აბულახტარი ხარ?

— დიახ, მეუფეო მწყალობელო!

— მეხმლედ ამიყვანიხარ!

მუხლებზე დაეცა ქირქიშ აბულახტარი და დაულოშნა ფერხნი ხელმწიფეს.

თრიალეთს მოატანა გიორგი მეფემ. ბასილი ბასილევსი ფეხდაფეხ მოსდევდა, ყველას და ყველაფერს სპობდა და აოხრებდა მათხრებლობის დიდოსტატი.

ბრძანება გაეცა ბულგართმყლებს: არ დაზოგონ არც მოხუცი, არც ახალგაზრდა, არც ჩვილი, არც სრულწლოვანი, არც ქალი, არც კაცი.

ჯავახეთი იავარჰყვეს ბიზანტიელებმა და თრიალეთს შემოუდგნენ.

თრიალეთს ახალი ლაშქარი შეეყარა იაკობ თაქთირისძეს.

წანართა და შაქელთა ჯარიც გაჩნდა მაწევრად.

ყველა ერთად შემოიყარა გიორგი მეფემ და მტერს მიუბრუნდა გალმასებით.

შედრკა ბასილი კეისარი, ქართველებს ზურგი აქცია და ისევ ჯავახეთ-ართაანის გზით გაქენდა.

ახლა გიორგი მისდევდა ფეხდაფეხ მტერს, შერკინებაც გულით სწყუროდა, „გარნა დაუშალეს შებმა მეორედ“.

ნაადრევმა ზამთარმა მოუსწრო კენალთ.

კეისარი გამოსაზამთრებლად დაბანაკდა „ქუეყანასა ხალდისასა, მახლობელად ტრაპიზონთასა“, საიდანაც იგი მომავალი წლისთვის საზღვაო ლაშქრობას ამზადებდა საქართველოს ზღვის გზაყიდურთა ასაოხრებლად.

ემზადებოდა მაგრამ გამარჯვების რწმენა ძალზე შერყეოდა ბასილის.

ქართველთა მეფეს ახალი ჯარები ჰყავდა მომავალ წელს საომრად.

შირიმნის ბრძოლაც, მართალია, თავის გამარჯვებად ჰქონდა გამოცხადებული კეისარს, მაგრამ საკუთარ თავთან ბჭობისას არც ამაში იყო მაინცდამაინც დარწმუნებული.

ალბათ, თავის მხრივ „ის ბიჭი“ თავის თავს თვლის გამარჯვებულადო, — გულს ასკდებოდა ბასილი.

ერთი სიტყვით, ბიზანტიის იმპერატორი უგემურად ელოდა გაზაფხულებას „ქუეყანასა ხალდისასა“.

ზავი სწყუროდა ბასილის.

იქნებ, „იმ ბიჭსაც“ სწყუროდეს ზავი?!

თითქოს, გიორგი მართლა მიხვედრილიყო ბასილის გულის წადილს და დესპანი გაუგზავნა საზავო მოლაპარაკების დასაწყებად.

ცას ეწია სიხარულით კეისარი.

და მთელი ზამთარი „ვიდოდეს მათ შორის მოციქულნი ზავისა და სიყუარულის თვის“.

რეცა, კიდეც შეთანხმდნენ.

რეცა, კიდეც „შეიყუარეს“ ერთმანეთი.

და მოიწია არე გაზაფხულისა.

და წეროებმა ვაავსეს ზეცა, გუთნის მსგავსად დაწყობილებმა, მწუხარე ფრთების ქნევით.

და სწორედ მაშინ იმპერატორმა შეიტყო, რომ მის დასამხობად აჯანყებულან მისგან წინა წელს განპატიეებული სარდლები — ნიკიფორე ქსიფე და ნიკიფორე ფოკა.

მაგრამ ბასილის ისევ წყალობდა





ბედი. სანამ შეთქმულნი მის წინააღმდეგ რაიმე ქმედითს იქმოდნენ, მათი მეთაურები თვითონ დაეტაკნენ ერთმანეთს. დაეტაკნენ და ნიკიფორე ქსიფემ ყელი გამოლადრა ნიკიფორე ფოკას, ხოლო თვითონ ქსიფე კეისრის ერთგულმა კარისკაცებმა შეიპყრეს.

ბასილის ბრძანებით ქსიფე ბერად აღკვეცეს, დანარჩენ შეთქმულთაგან ერთი ლომებს დააგლეჯინეს, სხვებს უბრალოდ თავები დააყრევინეს.

მთავარი მაინც ის იყო, კეისარმა აიჩემა, შეთქმულებს ქართველი მეფე მფარველობდაო. და მისი ბრძანებით, მოკლულ ნიკიფორე ფოკას თავი მოჰკრეს და გიორგის გამოუგზავნეს. ამით იმპერატორი ქართველ მეფეს ატყობინებდა, რომ მისთვის, თითქოს, ყველაფერი ნათელი იყო და დავა კონსტანტინოპოლსა და ქუთათის შორის ერთხელ და სამუდამოდ მხოლოდ მახვილთა ჯვარედინს უნდა გადაეწყვიტა.

ბასილი კეისრისა და გიორგი მეფის ურთიერთობას კიდევ უფრო ამწვანებდა ფერის ჯოჯიკისძის მონაწილეობა ორი ნიკიფორეს შეთქმულებაში.

დიახ, აშკარა გახდა, რომ ქართველი ერისმთავარი წილს იღებდა კეისრის დასამხობად გათვლილ შეთქმულებაში.

და ერთხელ, შუალდისას, მოულოდნელად დაესხნენ ფერისის სასახლეს ტვარწათას ბიზანტიელები.

უცხოელ მომხდელურთა შორის ქართველებიც შეიცივნო ფერისმა და მისმა სახლულმა.

(აკი ლალატი ჰყვავდა საქართველოში, ლალატი თანასისხლიერის შურისა და სიძულვილის საძირეზე დამყნილი).

ყველანი შეიპყრეს, ხელ-ფეხი დაუბორკილეს და წაიყვანეს.

პყრობილთა შორის იყო ბიძა-ძმისწულიც — გიორგი მწერალი და გიორგი კანანახი.

გაგრძელება იქნება.



ზუზუერამელი ისტორია

1.
მე, ადამის ძეს,
შუადლიდან,
შულამიდან,
ერთი შეკითხვა
დამებადა
დასაბამიდან

და ამ შეკითხვით
შევაწუხებ
მზეცა და მთვარეც:
— მითხარით,
ჩემი შუადლეა,
თუ შულამე?

თუ შუადლეა,
რატომ მადევს
მთვარის ბორკილი?
შულამეა?
ცისარტყელით
ვარ გამოლტილი.

თუ შუადლეა,
მაშინ,
როგორ მოვხვდი
შავეთში,
შულამიდან

2.
იდგა ზაფხული, თივის სურნელი,
ჩამავალი მზის შარავანდედი...
მთაზე გადმოდგა შავი ღრუბელი,
როგორც ცხოველი შემერამდელი.
დაჰბერა ქარმა და უფრო მკვეთრად,
გადაიშალა, როგორც რვეული
და ქანდაკებად გამოიკვეთა
ულამაზესი ხარის სხეული.

რა ხარი იყო... ასეთი ხარი
ათასწლეულში ერთხელ იალებს.
იმედიც იყო და შიშის ზარიც,
რაც ასე უყვართ ადამიანებს.

უკუნეთის
ოკეანეში...
თუ შუადლეა,
მზე სადამაჯინს
და მზის ნათელი?
შულამეა?
— კოსმიური,
შუმერამდელი...

თვალდახელს შუა,
ადამის ძევე,
რა დრო გავიდა...
საიდან მიხმობ,
შუადლიდან?
— შულამიდან.
ამისთვის ღირდა
ცის დათმობა,
ნეკნის მოცეხვა?
— შუადლის მზეზე
დაიწერა
მთვარის სონეტა.

...შუადლის მზეზე
გაჩორკნილი
ნავით დავეშვი
შულამიდან
უკუნეთის
ოკეანეში.

რა ხარი იყო... შავი, ვით ღამე,
გახსნილი, როგორც ცა ნაავდრალი,
რქა — ალესილი ნახევარმთვარე,
კისერი — ძელქვა გაურანდავი.

დაქანებული ფერდობზე ლავად
მოვრეხილ რქებზე ისვამდა ცხელ მზეს
და მიარხევდა ნებვირად გავას
ყოჩივარდებით მოჩითულ ველზე.

ყოჩივარდებით მოჩითულ ველზე
მორბოდა გოგო — ნიავი მალი,
ებურცებოდა ტალღები მკერდზე
და იცინოდა ვით წყაროს წყალი.



ტუჩები, როგორც მწიფე ხართუთა
 უხმოდ უხმობდა მკრეფავს დარხევას...
 მორბოდა სველი ბალახის სუნთქვა
 და გაზაფხულის თავბრუსდახვევა.

მორბოდა დილა მზის შესახვედრად
 და ტრიალებდა მორევში ნავი.
 წყალი ყინულებს ტენდა, ამხებრევდა,
 რომ ხელმეორედ მოეკლა თავი.

ის კი მორბოდა. ტალღები მკერდზე
 იზიდებოდა სულ უფრო მალა.
 ...ყოჩივარდებით მოჩითულ ველზე
 სხვა გზა არ მიდის, სიკვდილის გარდა.

მაგრამ ნეტარებაგადანატანი
 ვინ დაგიდევდა მიზეზს და შედეგს...
 შინდის შოლტივით მოქნილი ტანი
 გაზნეკილიყო მოღრეკილ ქედზე.

ირგვლივ, კი, უკვე რეკავდნენ ზარებს,
 რომ არ განრისხდეს ღმერთი, თუ კერპი
 და სანამ ცაზე გადმოვა მთვარე,
 უნდა დაენთოს სამსხვერპლო ცეცხლი.

3.

ისევ ზაფხული,
 მაგნოლიის
 დახრილი ტოტი,
 შუადღის ხვატი
 გათანგული
 ევქსინოს პონტი.

— დამაკოს ქლიავს
 ეძახიან ქართლში
 დამასხის.
 ...ის კი მორბოდა
 და მოჰქონდა
 სუნთქვა ბალახის.

ტალღა ლაციციით
 მზით გარუჯულ
 მაღალ თეძოებს
 გადუსრიალებს,
 რომ დაბრუნდეს
 კვლავ ხელმეორედ.

— მზის პაემანზე,
 გაგონდება,

გულის სანაცვლოდ ლოდები უდევს.
 თუმცა უცოდველ არის რომელიმე
 ო, მოზუზუნე კრაზანის ბუდევ,
 იჩქარე, მოკლა თანატომელი!

ადამის მამავ, თუნდ ცალი თვალით
 შეხედე, როგორ გიზგიზებს ცეცხლი!
 ...ქვეყნად ყველაზე ლამაზი ქალი
 კი არ დაიწვა, გადნა ვით ვერცხლი.

კი არ დაიწვა, გადნა ვით ვერცხლი
 და ხარი ღრუბლად გადაქცეული,
 მთვარეზე მარტო, მზეზე ეული,
 ცაში ნაკვალევს დაეძებს მერცხლის.

ეძებს ქვესკნელში, ეძებს შვეთში,
 რაც რქებს გაღურჩა, შეღეწა მკერდით,
 ეძებს უკუნეთ შუალამეში,
 მაგრამ ერთია ულისეს ხვედრი.

და ვერაფერი ვერ დაგიფარავს
 დალდადებული ბედის შერისხვით...
 ხარო, ერთგულო, როგორც წიქარა,
 განწირული ხარ ლეგენდებისთვის.

ვინ გაეშურა?
 შინდის შოლტივით
 მოგონებამ
 გაიტყლაშუნა.

— გახსოვს,
 სიკვდილი მიუსაჯეს
 პირველ მესიას.
 — მე კი, წამება
 სიკვდილამდე.
 უკეთესია?

ო, რა ამაოდ
 ვეაჯები
 მზესა და მთვარეს...
 ან ვინ გაგიმხელს
 შენ შუადღეს,
 თუ შუალამეს.

სიზმრად თუ ვნახავ,
 რომ თავიდან
 ისევ დავეშვი
 შუალამიდან
 შუმერამდელ
 ოკეანეში.

ამირანის ზღაპარი

როცა მწყინს და თან მიხარია,
 ზოგს უნდა ემტრო, —
 ზოგს ეთაყვანო...
 ზოგჯერ სიკეთე დაუმალაით,
 ჩაუქოლიათ ბოროტთ სამყარო,

მაგრამ შემორჩა სული დარიალს,
 აქ ამირანი ჰქუხს, ლაპარაკობს,
 მჯერა, არ მჯერა,
 მწყინს, მიხარია
 და მაინც გისმენ, ტკბილო ზღაპარო!

პახორი

სოფლის ორლობეს მიჰყვება მგზავრი,
 მგზავრი მიჰყვება სოფლის გზა-შარას,
 ჩაქანგებულა საყდარი, ზარი,
 პატარა ცელქი დეღეც დამშრალა.

ეზოს ძალღვივით გულს მოსდევს ბრაზი,
 ხან წინ, ხან უკან მალ-მალ ყურებით,
 შავ კვამლს ზეცისკენ მიმევლებად
 გზავნის,
 ცას მიყრდნობილი საკვამურები...

თოვლი ჩამოწვა იმ ქოსა მთებზე
 და სულიც ჩემი თოვლით ივსება,
 შე ამ ნისლებში,
 ამ მთებში გექებ,
 საით წაგიღეს ნეტავ ნისლებმა?
 საით წაგიღეს ნეტავ, ვიცოდე,
 საით მიგზვეტავს ცივი ქარები,

ჩემსავით მითხარ ვინ შეგიცოდებს,
 ჩემსავით მითხარ ვის ებრალები.
 ქარმა მომტაცა შენი ალერსი,
 მზე მთლად შესუდრეს შავმა
 ღრუბლებმა,
 სულის საკნიდან ლექსის ხმა მესმის,
 მონატრებული თავისუფლებას...

სიზმარი

როდი მიჰირდა გზა თოვლიანი,
 დღეს კი ველარ ვძლებ ასე იოლად,
 მახსოვს ბავშვობა ალერსიანი,
 შეუბოვრობა შენთან, რიონთან...
 დამესიზმრებდი, წყალს მასმევ პეშვით,
 მორცხვად ისწორებ გაღელილ პერანგს,
 შორს ნისლში მოსჩანს ბავშვობის
 წლები,
 გვიხმობს და ვიპყრობთ აქოჩრილ
 მწვერვალს.

მწვერვალზე გვხვდება ლამაზი კვიცი,
 მივდევთ და ვიჭერთ ასე იოლად...
 კვიცის ჭიხვინს და შენს კისკის-
 სიცილს
 ია-ვარდები უხვად სცვივოდა...
 გამომედვიდა ძვლების ჭრიალში,
 ჭალარა ვიდექ უკვე სიონთან,
 იწურებოდა ალერსიანი
 დღე და
 მიმწუხრის მზე ჩადიოდა.

გავითვალე ათამდე,
 ქვებზე წრეებს ვლარავდი,
 ყველაფერი წამართვეს,
 უცებ გავჭალარავდი.

გადმოვთვალე ათიდან,
 ისევ უკან ერთამდის,
 თუკი ეშმამ დამფლითა,
 სულო, მიდი ღმერთამდის...

ლექსით გადმოვალ შენთან ალავერდს,
ჩამოვაშორო დარდს და წამებას,
თუკი გულები რამეს მალავენ,
ის ვერ დამალონ ჩვენმა თვალებმა.

მაგრამ ამ სოფელს ისე რა გალევს,
არ შეგაწუხოს სიცხემ, ქარებმა...
და ზოგჯერ ისიც თუ არ დაემალეთ,
რაც დაინახეს ჩვენმა თვალებმა...

პატარა ლუკმა
პატარა ხემსი,
პატარა სითბო, დიდი ოცნება,
დიდად იქცევა პატარა ლექსიც
და გრძელ სიცოცხლედ შეიმოსება...

სამშარო

დიდდებიან ლელები,
ზოგჯერ სულაც შრებიან,
დაინგრევა ეს სახლებიც, —
ისევ აშენდებიან.

ყველაფერი მიდი-მოდის,
განა აქა რჩებიან,
ზოგჯერ ხედ და ზოგჯერ კაცად,
ისევ გამოჩნდებიან...

შენგან არ ვითხოვ მე მოფერებას
მომეფერება ვიცი ეს ქვები,
ეცხოვრობ იმედით,
არ მაქვს, — მექნება,
შენ გეშინია, გაქვს, — არ გექნების.
ბოლოს წაგვხვეტავს სიკვდილის
ლანდი,

ქარი წაგვრეკავს ღრუბლის ფთილებად,
ფული და ოქრო, როგორც წილადი,
ერთმანეთს შეჰკვეცს, გაბათილდება.
უკვლავებამდე გზა კი შორს არი,
რამდენი მთაა ღრე და ნაპრალი,
არ ბათილდება მოსაგონარი,
მოყმის ლექსი და ტკბილი ზღაპარი...

წუთისოფელი

ამ მიწას ვარდით, ეკლით მოფენილს,
მინდა ვულოცო, ხატზე ვუფიცო,
დავალ კარიკარ წუთისოფელში,
ვარ კმაყოფილიც, —
უკმაყოფილოც...

ზოგჯერ მღრნის სევდა დაუნდობელი,
ზოგჯერ კი მე ვარ მასზე ძლიერი
და ამ ხანმოკლე წუთისოფელში
ვარ სევდიანიც
და ბედნიერიც...

გუშინ ზოგს რომ მტრებად თვლიდნენ, დღეს მოყვარედ დაფასდა,
მაგრამ მაინც მტრის სახელი შერჩა ისევ ფარსადანს...
დღევანდელი მოყვარე, ხვალ კი — შენი მტერიო,
ღმერთმა ნუ ქნას, ღმერთმა ნუ ქნას,
ჩვენს ჯიშს გამოერიოს...

მე გეკითხები — როგორია ნუშის ყვავილი...

შთამომავლო —
ყველა დროის,
ყველა ეპოქის,
ეს მე გეძახი —
საუკუნის შვილი უძლები...
ეს მე გეძახი
არნახული აღფრთოვანებით
შენ —
ვინც დაქანცულ დედამიწას
ცაში უძლები!

რა უნდა გითხრა?
მოსაყოლი შენთან ბევრი მაქვს,
თუ გაკვირვების შეგრჩენია
შნო და უნარი —
მე ამ მიწაზე
ისე კარგი გოგო მიყვარდა,
რომ სიცოცხლეზე
არასოდეს მოთქვამს უარი...

მეც მქონდა ჩემი საკუთარი
მაჯის საათი...
და თუ ხანდახან
მღუმარების მედო ხუნდები,
მე გეკითხები —

როგორია ნუშის ყვავილი,
როცა უცნობი ვარსკვლავიდან
სახლში ბრუნდები!

მე გეკითხები —
როგორია ჩემი თბილისი,
იქნებ დაიწყო
შემოდგომის თეთრი ქარები,
იქნებ ლალატობს
საოცნებო თოვლის ბაბუას
ჩემი ქალაქის დეკემბერი —
ათნაქმარევი...

რა უნდა გითხრა...
ორშაბათი დილა გათენდა
და მე შევეყურებ შენს წამწამებს
ფართოდ გახელილს,

მოდი,
ღიმილთან
შენი
ცრემლის
წვეთიც
მაჩუქე,
რომ ისევ შევძლო დაგიძახო —
კ ა ც ი ს ს ა ხ ე ლ ი !!!

ათასნაირი მესმის ჩურჩული,
მოყინულია ყველა ფერდობი,
მეც მეპარება შავი ურჩხული,
როცა აპრილის ცქერით ვერთობი...
ეს ვარსკვლავები აღერსმა დარგო,
ქვეყნიერების მე ვარ პატრონი,
ჰა, ყვავილები, აქტრისა მარგო —
ჩვენ ამ ღამესთან ვრჩებით მარტონი!

ქვესკნელიდან მონაბერი
გადალენავს ქარი ალვას...
ნუ გეშინინ. მოწამეო:
ბნელი წარვალს!
ბნელი წარვალს!

იქნებ ქარი
გოლგოთაზე
უკვდავების
მიმტანია...

აპატიე.
აპატიე
შენი სულის ლიტანია.

და თუ ქარმა,
და თუ ქარმა,
და თუ ქარმა დაგაშინა...
რა გინდოდა ასე მალლა?!
ვინ გელოდა ცათა შინა?!

მებადურებმა დატოვეს ქსანი,
ოქროს თევზებიც ქსანში დატოვეს,
გადაიღება ცისფერი ფშანი,
დაწვა დუმილი და სიმარტოვე.

ცა იყო შორი. ღმერთის კარტა
მიაცილებდა ფერად სადგურებს...
ჩამოიარეს მერე ქარებმაც
და ყველაფერი გაანადგურეს.

ნუ იღარღებთ, პოლკოვნიკო!

(მინაწერი მარკესის წიგნზე)

თქვენს ბინაში
წერილები
ალარ მოდის
გამთენია...
მაინც გჯერათ,
პოლკოვნიკო,
წინ რომი და
ათენია!
მიწყდა ბრძოლა,
ბებერ თვალებს
მწუხარება
მოფენია...

სად დაკარგეთ,
პოლკოვნიკო,
მშვენიერი
ოფელია!
სად გაფრინდნენ
ის ქარები,
ის წვიმები,
ის თოლია...
პოლკოვნიკო,
ახლა მაინც
მოსაყვენეთ
ისტორია!!!

რაჯაში

დაკარგულია დრო და
დაკარგულია გზანი.
ჩვენი პატარა ოდა.
ჩემი პატარა ნანი.

დაკარგულია მზე და
დაკარგულია ფონი.
რად მსაყვედურობს, დედა,
ღებში, ჭიორა, ონი...

ვედრება

როცა თეთრი გვირილები
სასაფლაოს მოჩითავენ,
გაიხსენეთ იაკობი —
სამყაროსთან მოჭიდავე...

როცა გზათა უღრანიდან
მზე გამოვა მთარაკე,
შემოქმედი გაიხსენეთ —
მღუმარების მოქანდაკე...

და მარტების კვილამდე,
და მარტების მოფენამდე
გაიხსენეთ
ბიბლიური შემოდგომა —
მ ო ფ ე რ ა დ ე.

ოფორტი

ოთახში დარჩა
მხოლოდ ნათურა,
ოთახში დარჩა
მხოლოდ კედლები
და როცა
ქარმა ამიფათურა
ფანჯრის რაფაზე
თეთრი კედრები,
ისევ ნაცნობი

ქალაქი მეცა,
საესე —
ბავშვობის
მკაცრი ვალებით...
მოვიპატიე
ოთახში ზეცა
და შემიყვარდა
ჩემი თვალები.

ი ე ბ ი

მეზოვე ქუჩას დაგვის,
ჩაივლიან ქვაფენილზე
ფრაკიანი ძიები.

ორი ღღეა ქარი მთვრალი დადის.
და მოხუცმა ვერ გაყიდა იები.

გულგრილია სახეების ელვარება,
ყვავილებსაც წახდომია ნირი.

გულგრილია უსასოთა მღელვარება,
თურმე ისიც,
'ვინც ღღეს ასე ყვირის:
ი ე ბ ი!!!

წავა წასულ ღღეთა ფერი —
ცხოვრებასთან რიკ-ტაფელას თამაში...
მართალია მხოლოდ ჭერი
პარკეტების უსასრულო დავაში!





ნიკიფოროს გრეტოკასი

დაბადება

ოი, როგორი ქარიშხალია,
ვაი, როგორ დასველებულხარ,
აგბურღვია თმები, მარიამ!
ზღურბლზე რატომ გაჩერებულხარ?!
შემოდი, გათბი, ჩაის მოგართმევ,
(მართალი გითხრა ხელმოკლედ ვარ,
ცოტას ვშოულობ, ჩემს მეგობრებს კი
ესეც არა აქვთ, ჩემი წრის ხალხი
ლარიბნი და უქონელნი ვართ!)
აი, თბილი წამოსასხამი, სახლი არეულ-დარეულია.
ცნობისმოყვარე თვალით უმზერ აქაურობას,
შემოდი, დაჯექ, რაღას უდგეხარ!
შენს აქ მოსვლამდე რამდენიმე საათით ადრე,
ამ სარეცელზე ლექსი იშვა,
შენს მოსვლამდე ცოტა ხნით ადრე
ქვეყნიერების სევდამ ჩემთან მოილოგინა.

ხელეზის საშუარი

თითქმის ერთ საათს საუბრობდნენ შენი ხელები
მე მსმენია ტყის და მდინარის სიმღერები,
მაგრამ სიმღერა ხელებისა მოვისმინე ახლა პირველად.
ფიჭვს შეყუყული გაისუსა ჭრიჭინობელა
ხოლო იქ, სადაც ჩამავალი მნათობი ენთო,
სხივთა ხაზები ვერტიკალური
მიწაზე უცებ ჩამოსული ღმერთების ფრთათა ნაკვალევი
მეგონა იმ წამს.
როცა ქვეყანა გაეხვია დაისის ბინდში
მხოლოდ ხელები ხმიანებდნენ,
მხოლოდ მათი ხმები ისმოდა
შენს ათ თითზე იჯდა ათი ჭრიჭინობელაც
გასცქეროდა შორეულ ზეცას და მღეროდა თავდავიწყებით.
და მეც ერთხელ კიდევ მეჩვენა
ხუთი სანოტო ხაზივით მწყობრად
დალაგდა ფრთათა ნაკვალევი...

მე ნავთსაყუდელს მივაშურე, ჩემი წლები დავინახე
და ხომალდები გასასვლელად გამზადებულნი,
თვალისმომჭრელს მზისსამოსელში გამოწყობილი
ზღვა ელვარებდა.

შენ კი შორს იყავ.

შევთხოვე უფალს

მოეცათ ნება

ერთი ვარსკვლავის ცისქვეშ მაინც ღამის თევისა.

შევთხოვე გამჩენს

სულ მცირე ხნით

შეაყოვნოს გამგზავრება ამ ხომალდების

შეაჩერონ სრბოლა ჩემი კუთვნილი წლების —

შენ ხომ შორსა ხარ!

ანდერძი საკუთარი თავისთვის

რამეთუ ჩვენი დრო იწურება, მისმინე, სულო,
თავი ანებე ფუჭ ფაციფუცს, ტყუილ-უბრალოდ ნუ იხარჯები
თორემ წააგებ!

შენ განუწყვეტლივ ითვლი, აჯამებ.

შენ სულ რაღაცას იწერ და იწერ,

შავი ღრუბლები წაეფარა სურვილებს შენსას

ჭექა-ქუხილზე ცახცახებ და ელვა ძალას გართმევს სრულიად.

რა მოგიტანა ამ შემთხვევითი წამების ქროლვამ?

იმღერე, სულო, იმღერე თითქოს ანათებდეს მზე კიდით კიდე,

ჩვენი ღმერთები არცთუ დიდად ხელგაშლილნი

ყოფილან თურმე.

შენ კი ერთხელ, მხოლოდ ერთხელ ამორჩევის მოგეცა ნება,

შენ წილად გერგო უმაღლესი ღირსების საქმე —

მიაბიჯებდე მუხლჩაუხრელად უძნელეს გზაზე,

ერთეულთა საცალფეხო, ვიწრო ბილიკზე

ვინ გითხრა, მარტო, ეჟულად ვლიდე,

მარჯვნივ და მარცხნივ, ყოველ მხრიდან, შენს სიახლოვეს

უჩინმაჩინი ბილიკები მიიკლაკნება,

იმღერე, სულო, შენ ხმამალლა იმღერე, სულო,

რომ თანამგზავრნი არ შედრკნენ და არ დაგიშინდნენ!

არაფერია შენს შესახვედრად თუკი ქარი წამოფრინდება,

არაფერია ქარაშოტი ნაბიჯს რომ გირევს,

შენ გზა განაგრძე, მხნედ იარე, იარე მაინც,

გასწი, იარე შენ მეტი არ მოგეთხოვება,

იარე, სულო, თუნდ მოხუცის კუს ნაბიჯებით...

ძოვეში იმათ, ვის გულშიაც ვარსკვლავი ჩაქრა,

ვის სულშიაც დაფდაფები არ გრიალებენ

და საყვირებიც სამუდამოდ დადუმებულან.

დაე, გამოშრნენ სახეები თიხისაგან ნაძერწი მათი,

ვით მუმიები ცეცხლწაქიდებულ უდაბნოში მიტოვებულნი,

შენ იარე, იარე, სულო, თავაწეულმა იარე, სულო,
ძთებს დაეშვანე დუნიაზე ამალღებულებს,
სხვა დროებაც მალე, დადგება,
მოვა, მოიტანს პურს, სიმართლეს და წითელ ვარდებს,
იარე, სულო, მიცვალბულთა გზას ასციდი და ცოცხლებს მისდიე
მზისკენ, მზისკენ იჩქარე, სულო.
რომელიც დრო-ჟამს არა მორჩილებს
და წინ მიუძღვის სიმართლისთვის თავგანწირულებს!
იჩქარე, სულო — დრო ეს ჩვენი ბალღებია —
იმათ ზრდას კი ვერაფერი ვერ შეაჩერებს,
იჩქარე, სულო, და ეს ვახსოვდეს.
იჩქარე, სულო — შენ ხომ კაცი ხარ!

შეამოქმედება

მეგობრის ვაჟო, ამისწულო ჩემო,
ნეტავ თუ გესმის ხმა მოხუცისა!
მახსოვს ამ ქვეყნად მეც ოდესღაც ვიარებოდი,
რალაც რალაცებს ვაკეთებდი, ვშრომობდი ცოტას...
არ გაგიკვირდეს სახელი რომ ვერ გითხრა შენი,
ჩემო ბიჭუნავ, აქ მიწაში ჩაფლულსაც მესმის,
როცა ხნავ და როცა სცემ გრდემლსა.
ისე სჭედ რკინას, თითქოს საყვირს ახმიანებდე.

თუკი ოდესმე გამომკვეთეს მარმარილოში, მოდი ერთხელაც
წითელი ვარდი მომიტანე ახალგაშლილი,
ყოველ ახალ გაზაფხულზე პიედესტალზე შევიმართები
ყოველ გაზაფხულს მე ვიქნები უფრო მაღალი...
გესმის ჩემი ხმა? მე ვარ, მოხუცი პაპაშენი,
მზეჭაბუკი უბერებელი.

დაიმახსოვრე, ჩემო ბიჭუნავ, რომ ეს ქვეყანა
მე ჩემს სამჭედლოდ გადავაქციე.
და როდესაც ოქროს რკალს ვჭედდი —
ოქროს ბეჭედს — ქვეყნიერების სასიყვარულოდ
მზე ჩემს გრდემლზე ბურთივით ხტოდა,
მე ენებს ვჭედდი იმ ზარებისთვის.
მომავლის ტაძრებს რომ დაჰკიდებენ.
ჩემო კეთილო, რა თქმა უნდა, ახალი მზე
ვერ გამოვჭედე, მართოდენ ოქრომკედს ეწნავდი
და სხივთა ბაფთებს მოელვარეს მივანასკვავდი.
შენ როგორ ფიქრობ, რას ვოსტატობდი?
ძთელი სიცოცხლე შევალღე ადამიანის ღიმილის მიბმას
ზეთისხილის უხუნარ შტოსთან, აი ეს იყო ჩემი საქმე,
ბუნებრივი, ჩვეულებრივი, როგორც ბალი ზეთისხილისა
მიმჭრალი მთვარის სხივით ოდნავ განათებული.
ჩემი დაზგა კი... რაკრაკებდა ძილდაკარგული,
როგორც ჭრიჭინა ღობისძირას შეყუყუული
ავვისტოს ღამით...

პოეტები უშიშრად ცხოვრობენ,
პირშიმთქმელები არიან პოეტები,
არ არსებობს ხელის გული, რომელიც პოეტს
შეიძლებოდეს პირზე დააფარო.
შთაგონებას ბორკილს ვერ დაადებ!
იციან პოეტებმა სამეფო დინასტიებისა და ტანტის ფასი.
მეფეთა კანონების კრებულს კი არა,
უმაღლეს კანონს მიაგებენ პატივს.
პოეტები აკრძალულ სიმაართეს
როგორც პატიმრები ციხის პაროლს ისე იმეორებენ.
დიახ, დედამიწის სულია პოეტი,
შეიმართება, ამაღლდება ჩამოშვავებულ სიბნელეში
შიწას ასცდება, დაბრწყინავს, ბრწყინავს
თვალშეუდგამ სიმაღლეზე ღამის წყვედიადში
ბრწყინავს, როგორც ელვის ნატეხი.

ტირიფები

დილიდანვე ცხადი იყო, რომ გაზაფხულდა.
ნიაღვარივით წამოსკდა მზე და აფეთქდნენ ტირიფები...
მზე ავუგუნდა, აქაფებული და რძისფერი ჩანჩქერები —
მდინარეში გადაცვივდნენ ტირიფების სავსე ტოტები.
შენ წყნარად იდექ, მოახლოების გეშინოდა,
აქაფებული თეთრი შუქი შემოგხვეოდა,
გზნება, რომელსაც ასხივებდნენ აჟივლებული ყვავილები,
უხვი, ურიცხვი...
როცა მე თეთრი, მძიმე ტოტი გამოგიწოდე,
ინება ღმერთმა ქვეყნიერებას გაუთენა დიდი დღე და დღესასწაული.
ფოთლებიდან წვეთავდა ოქრო, ცა ცახცახებდა,
ჩამოჰგავდნენ ბავშვებს სახლები —
გაბრწყინებული ღღის სინათლეში ფეხაკრეფით დააბიჯებდნენ,
როცა ნიავე ფრთაშსუბუქი შენს დაწვებზე ჩამოცქრიალდა.
და ფოთლები შენი მწვანე მოსასხამისა.
შიწას დასცივდა, მიმოიხედე გაკვირვებულმა
და მშვიდად მკითხე:
აი ამ მინდვრებს, გადაპენტილს ვარდ-ყვავილებით
და სიყვარულს თუ აქვთო ზღვარი...
უსაზღვრონი არიან-მეთქი, — მეც გიბასუხე.
იმიტომაც გითხარი ასე, რომ შენ გულზე
დაიფინე ტირიფის ტოტი,
მან კი ნათელი, უშრეტელი გამოაშუქა.
მზემ გადაწვა ხეთა ჩრდილები,
ქვაც სინათლედ გადაიქცა, ნიავეც, უამიც
ძთელი ქვეყანა სიყვარულად გარდაისახა!

გივი ალსასიშვილი

მდინარეს არსად ეჩქარება

მდინარეს არსად ეჩქარება, იგი მუდამ მიედინება, ირეკლავს უოველივებს, რასაც თვალს შეავლებს და მიედინება, მიედინება ისე, რომ არსად ეჩქარება. ჩაუვლის ჭალებს, მდელიებს, ხიდებს და ბეტონის ჭებირებს, შეამღვრებს ქალაქის სტომაქი მის კრიალა ტალღებს, მათუთსა და მჭვარტლს, შხამების სიბლანტეს მიუმატებს. იგი შინც მიდის, მიედინება და რისი წაღებაც შეუძლია ყველაფერი მიაქვს თავკვე, ზღვისაქენ. მდინარის ბავშვობა მისი სათავეა, ჩვენი სათავე კი ბავშვობაა და რაც უფრო ვშორდებით სათავეს — მით უფრო ვიმღვრებით...

მდინარეს არსად ეჩქარება, იგი მუდამ მიედინება. უწყვეტელი მდინარება და უცნაური სხვაობა მდინარის ზედაპირზე არკლილ და რეალურ გარემოს შორის მბადებს წარმავლობისა და მარადიულის ბუნებრივი მთლიანობის შეგრძნებას, რასაც ჩვენ მდინარებას ვუწოდებთ.

მდინარეს არსად ეჩქარება, იგი, უბრალოდ, მუდამ მიედინება.

ჩვენ კი, უოველივის საღვაც გვეჩქარება, გვეჩქარება უყეთესი დღეებისაქენ, ვიღერ ერთ მშვენიერ დღეს არ აღმოვაჩინთ: ამ სიჩქარეში შეიძლება მთელი სიცოცხლე გავიბინოთ. სინაუელი, ამ აღმჩინეთ რომ გვეუფლებო, როგორღაც აწესრიგებს ჩვენი სიცოცხლის რიტმს და ზღვას მთავრებული მდინარესავით აღარსად გვეჩქარება, და თუ კი აღერ დროის ზედაპირზე მივტივტივებდით, ახლა უკვე მძაფრად ვგრძნობთ წამების, წუთების, დღეების სიღრმეს და ანარეკლიც თვალის გუგუზზე კი არ გადაიარშენს, როგორც ტალღებზე, არამედ სული სიღრმეში, ილექება და სამუდამოდ გვაშხსოვრდება, რადგან მოშავალი დღეებისაქენ შექანიკურ სწრაფვას ცვლის სიცოცხლის არსის შეცნობის წყურვილი, გააზრებული სიცოცხლე და ჩვენს გულში სხვა სინათლით კრთიან სიტყვები: რწმენა, მიზანი, სულიცკვეთება, გონიერება. სულიერი ცხოვრება, მოქნისრიგებული რიტმი, მარადიულ მდინარებასთან შერწყმა, მარმონიული თანარსებობა.

მდინარეს არსად ეჩქარება, იგი მუდამ მიედინება.

აი, უკვე მერამდენედ ვიმეორებ ღრუხას, რომელიც, თითქოს, ისევე ბუნებრივად უღერს, როგორც თავკვე მთავალი მდინარის უწყვეტელი დინება. ამ წინადაღების განმეორებით მინდა საკუთარ თავს მოვავლო მნიშვნელობა სასიცოცხლო, ბუნებრივი რიტმისა, რომელიც უწმინდესი რწმენით და მიზნისკენ უწყვეტელი, გამუღმებული სწრაფვით მიიღწევა.

საითენ ვისწრაფით? ვისკენ არ რისკენ ვისწრაფით? რითი განსხვავდება გაურკვევლობისაქენ აჩქარებული, გაუცნობიერებელი წინსვლა, იდუმალისკენ სიყვარულის გზით სწრაფვისაქენ?

ჩვენ საით ვისწრაფით? ვინ იცის, ვინ საით მივდივართ, აღზათ ყველა თავის გზით: ზოგ დვისისკენ და ზოგი ეშმაისკენ, ზოგი კი საერთოდ უმოქმედოა და სიამოვნებით ცხოვრობს აქვარიუმის თევზით, თან გამუღმებით იმის მოლოდინშია როდის გაუმასპინძლებიან ნამცეცებით, დიახ, ყველა ჩვენთავანის ცხოვრებას თავის რიტმი აქვს, მაგრამ ჩვენს ცხოვრებას აზრიანს თუ უაზროს, ეპოქის მდინარება, ეპოქის რიტმი ამთლიანებს. ამ რიტმის შეგრძნება უფრო ადვილია ვიდრე გააზრება — თან იგი ისე ადვილად მოსახელთებელი არაა, როგორც მუსიკალური ნაწარმოების რიტმი, როგორც ლექსის რიტმი. დიახ, ყველგან და ყველაფერში იგრძნობა რიტმი — არა მხოლოდ მუსიკაში, პოეზიაში და პროზაში, რიტშია ყველგან და ყველაფერში, ერთი შეხედვით სტატკურ ფერწერულ ტილოებზეც, დიდებულ არქიტექტურულ ანსამბლებში თუ ერთფეროვან მასივებში. ჩვენ, ყველა ცალ-ცალკე იმ რიტმს ვქმნით და მერე ვერც კი ვამჩნევთ როგორ ვემორჩილებით მას.

თუ დრო ზოგისთვის მხოლოდ ზედაპირია — გარემოსა და საგანთა ამრეკლია, გასაზრენი მანძილი A წერტილიდან B წერტილამდე — შემოქმედლისთვის იგი სიღრმეა, მარადიული წვდომის ასპარეზია. შემოქმედის გონი და აღლო სივრცებშია განდენილი და წვდომის წუთი ისევე ღრმაა, როგორც საუკუნე, ისევე ღრმა ათასი წელი, „გითარცა დღე ერთი“... ვინც

„ო. საქარტველო, ნიგრო, რუმალ გაღასულალო“

(ნიკოლო მიწიშვილის დაბადების 90 წლისთავის გამო)

ნიკოლო მიწიშვილი ტრაგიკული ფიგურაა ქართულ ლიტერატურაში. ტრაგიკული არა მხოლოდ იმიტომ, რომ სრულიად ახალგაზრდამ 41 წლის ასაკში დაასრულა სიცოცხლე, არამედ იმიტომ, რომ ჭირ კიდევ მისი შემოქმედება რამდენამდე უცნობია ქართველი მკითხველისთვის და ამ შემოქმედებას არ მისჩინია სათანადო ადგილი ქართულ ლიტერატურის ისტორიაში.

წინააღმდეგობებით ხასიათდება ნ. მიწიშვილი, როგორც პიროვნება და როგორც პოეტი. ამის თავის დროზე და შემდეგაც აღნიშნავდა ყველა, ვინც კი შეხებია მის შემოქმედებას, მაგრამ ყველაზე მტიკანეულად მაინც თვითონ პოეტი განიცდიდა.

ამის თაობაზე ნ. მიწიშვილი უბრალოდ კი არ ჩივის, კი არ წუწუნებს, განწირულივით კვის, რადგან ვერ გაუმთლიანებია თავის თავში პოეტი და მოქალაქე: „პოეზიაში მე მიუყვები მხოლოდ საკუთარ გულს და აღბათ ესა მიზეზი, რომ მე როგორც პოეტი, ჩამოვრი დღევანდელი ამბოხებული დროის აქტუალობას. როგორც პოეტი, მე შესაძლებელია დავრჩე წარსულში. მაგრამ მოქმედების, გამბედაობის და სიცოცხლის ლოკიაჰ მე გამათანასწორა თანამედროვნობასთან, როგორც ადამიანი. შეიძლება მომავალში ეს ორი პარალელი შეერთდეს. მე არ ვიცი. ვიცი, რომ ამ წინააღმდეგობაში ჩავარდნილია მთელი ჩემი დრო და პოეტისათვის ეს წინააღმდეგობა ხშირად თავდება კატასტროფით.“

ეს სიტყვები იოლი ცხოვრების გადამტანი კაცის სიტყვები არ არის. და მართლაც, პოეტის შემოქმედებითი ბიოგრაფია სხვება შინაგანი წინააღმდეგობებით, რაც არაიშვიათად განპირობებულია ეპოქის რთული შინაარსით. ნ. მიწიშვილი სრულიად ახალგაზრდა, თითქმის უმწავალი იწყებს ლიტერატურულ მოღვაწეობას. 18 წლის უახლესი აქვეყნებს ლექსებს და მინიატურებს ჟურნალში „თეატრი და ცხოვრება“. 21 წლის რედაქტორობს ქუთაისის მუშათა და ჭარისკაცთა საბჭოს გაზეთს „გოლოს სოლდატი“-ს, 1922 წელს მისი რედაქტორობით რუსულ ენაზე გამოვიდა გაზეთი „ფიგარო“ და კრებული

„პოეტი გრუზია“, რომელმაც მალე შეფასება დაიმსახურა. შემდეგ სამი წელი შორს სამშობლოდან, სტამბოლი, პარიზი... პარიზიდან სამკერ, ასახლებენ ნ. მიწიშვილს ქართველ ემიგრანტთა შორის კომუნისტური იდეების პროპაგანდისათვის, ანტიმრტენ საპროზოდელ „სანტიში“, რომლის კედლებშიც ხანთელი ვით ჩამოიქნა სტრუქტურები:

ო, საქართველო, წიგნო, ჩემად გადასაშლელი, გულის ცემაში ჩასრეული, სიყვითელი წმინდა. შენი წყლულებით მინდა გული მეც ავაქრელი, შენი სახელით ვახარება ათასჯერ მინდა.

დიდი ტრფილის მეც დამადგი მძივე უღელი, გასწონე გული სიყვარულის მწივანა ისრით — მე თავმოკრილი, წამებაში შეწყნებელი, გეიმბორები, სახსვარო, სისხლოვან კისრით. (სამშობლოს“)

ნიკოლო მიწიშვილი შედარებით გვიან, 1918 წელს უერთდება ცისფერყანწელთა პოეტურ ორდენს და მისი ერთ-ერთი აქტიური წევრი ხდება. იგი სისტემატურად თანამშრომლობს ქართველ სიმბოლისტთა ბექდვით ორგანოებში: „ემოცივებ ნიაშორები“, „პოეზიის დღე“, „ბასტიონი“, „ბარაკილი“, „რუბიკონი“ და სხვა. უკვე პირველივე ლექსებიდან და მინიატურებიდან გამოიკვთა მიწიშვილის პოეტური ზელწერა-განწყობილების სიმძაფრე, შინაგანი ემოციური დაძაბულობა, ლაყონრობა — ყველა ის, რაც შემდეგ, როგორც მწერლის სტილი, მტიკანედ ჩამოყალიბდა დოკუმენტური პროზის შესანიშნავ ნიმუშებში: „ეპიკა“, „ოტბერვალი“, „ალიქსანდრია“.

თვითონ ნ. მიწიშვილი ასე აღწერს თავის პირველ პოეტურ ნაბიჯებს: „ემოცი წელი საუკუნის. ლექსი დასტამბული... პოეზია ვახდა შინაარსი. უკანასკნელი და პირველი ხმაილი. პოეზია — ნუგეში, სურვილი, სიყვარული და სიმწარე საზღვარდელი“.

ცისფერყანწელთან დაახლოების შემდეგ ნ. მიწიშვილის შემოქმედებაში მკვიდრდება ფანტასტიური პოეტური სახეები, არარეალური, დეკადენტური ხილვები, შეღანჭოლია, უიმედობა,



მისთვის, ვინც „ილბალი გაბარაჲა სამშობლოში“, „სოფლის საყდარზე მიატოვა თავის მერცხალი“.

„ქარიდან კარზე მოხეტიალე“ პოეტის ცრემლიან თვლებს უველანე ზმირად საქართველო ელანდება და ენატრება. ამ განცდითა დაწერილი ლექსი „დაბებრავს ქარი საქართველოდან“, რომელიც არა მარტო სიწრფელით და გრძნობის უშუალოდ გვხიბლავს, არამედ, პირველ რიგში, შემოქმედის ოსტატობით, სიტყვის მაღალნიჭიერი ფლობით გვაინტერესებს:

დაბებრავს ქარი საქართველოდან და მოგონებს გაყვები ჩქარა — ასეთი ბედი რად მომელოდა, რად ავეცილე კარიდან კარა. გადამეშლება წარსული ღღინი, პოეზია და ითიობი. გადამიარენ, ვით ამორბლები, ამბები, ზღვებით განადიდები. მაშინ გაეიწეე ცისკენ ცერებზე, გაეიმართები, გულს გაეაქორბე და საქართველოს მზიან სერებზე ცრემლიან თვლებს გადავაგორბე.

საფლავის ლოდზე ამორბელი ეპიტაფიასავით იკითხება ნ. მიწიშვილის განწირულებით სავსე სტრეფონები: „ღმერთო, უშველე შენს მონას ნიკოლოს, რომ არ მოყვდეს, არ დაეცეს, არ ჩაიქოლოს. ღმერთო“.

ვისმა გახსენებამ შეიძლება იხსნას „ჭირსა შიგან“ გატეხილი ქართველი პოეტი, თუ არა — რუსთაველისამ. და ნიკოლო მიწიშვილიც სასობებით ეფერება მის სახელს:

საქართველოში არ ყოფილა არც ერთი მეფე და საქართველო ზღაპარია შოთას გარეშე. ვის გააგონოს საქართველომ ტირილის ხმები, ვინ დაინახოს ჩვენი ბედის უღვთო თარეში.

საქართველოს ბედს შოთა-ღმერთი მარტო განაგებს მარადისობა საქართველოს მან დაუტოვა. („შავი ვარსკვლავი“)

საქართველოში საბჭოთა ხელისუფლების დამყარების წინა დღეების ამსახველია შესანიშნავი დოკუმენტური ნაწარმოები „თებერვალი“. მწერალი კონსოკრატორივით გვიჩვენებს აფორიაქებულ, ფუტკარის სკასავით მოზუზუნე „ბათოსს“, დაბნულ, სასოწარკვეთილ ადამიანებს. წერის ასეთმა მანქამ ლექსებშიც იჩინა თავი და პოემაში „შავი ვარსკვლავი“ — პოეტმა მოგვცა შთამბეჭდავი სურათი დარბეული ქუჩების, მოუსვენრად აფუსფუსებული, გაურკვეველი შიშით შეპყრობილი ადამიანების, საყოველთაო მღელვარების. ასეთია თემა და

ასეთივეა ლექსის გარეგნული სახე — დინამური, აჩქარებული რიტმი, ფრაგმენტული სურათები. თითქოს ამოვარდნილი ქარის სხვანაირი დაფლეთილი სიტყვები — მოყვლე, მაგრამ ბევრის შიქმელი:

ქარია. ცოვა. ისეთი ზამთარია. ქარია. აედარია. პოეზიას სცივა. ქუნაზე მიქრიან მოღუნული კაცები ყვირიან, იქადიან ტრამვეები. პოეტები დადიან აბუზული. სიცივე. ვაება. („შავი ვარსკვლავი“)

სამი წელი დაყო ნ. მიწიშვილმა სტამბოლსა და პარიზში. ეს იყო პერიოდი სამომავლო გზის ძიების, განსჯის, ფიქრის. და უკვე 1925 წელს იგი მტკიცედ აკეთებს არჩევანს — უკან, სამშობლოსაკენ, საბჭოთა საქართველოსაკენ! უცხოეთში გადატანილმა მძიმე დღეებმა, ილუზიების წგრევამ, შექმნილი სიტუაციის მართალი თვლით განსჯამ დაარწმუნა მწერალი, რომ არ არსებობს სხვა გზა, გარდა საბჭოთა საქართველოსი. პარიზში ყოფნის დროსვე დაწერა მან ლექსი „პროლეტარიატს“. შეიძლება ეს ლექსი მაღალ მხატვრული ღირსებებით არ ბრწყინავდეს, მაგრამ იგი გულწრფელი ნათქვამია ადამიანის, ვინც მთელი არსებით მიეღო მომავალს, დაიჭერა და ირწმუნა მისი.

საქართველოში დაბრუნების შემდეგ, 1925 წლიდან ნ. მიწიშვილი აქტიურად მონაწილეობს ლიტერატურულ-საზოგადოებრივ ცხოვრებაში. მისი ხელმძღვანელობით და ინიციატივით ქართული კულტურის არაერთი დღემნიშვნელოვანი საიუბილეო იქნა გადაჭრული. მიწიშვილი 1925-1928 წლებში რედაქტორობდა მეტად სოლიდურ ჟურნალს „ქართული მწერლობა“, სადაც ჩვენი ლიტერატურის არაერთი შესანიშნავი ნაწარმოები დაიბეჭდა. ნ. მიწიშვილი იყო ლიტფონდის ერთ-ერთი დამფუძნებელი და პირველი დირექტორი, მუშაობდა საქართველოს მწერალთა კავშირის ხელმძღვანელ პოსტებზე, უკანასკნელ წლებში იყო გამომცემლობა „ზარიბა ვისსტრპას“-ს მთავარი რედაქტორი, ამასთან ეწეოდა ფართო ლიტერატურულ და მთარგმნელობით მუშაობას. თარგმნა მიაკოვსკის, შევჩენკოს, მაქსიმ რილსკის ნაწარმოებები.

როგორც შემოქმედი, ნ. მიწიშვილი გულწრფელად უმღერის ახალ საქართველოს ისეთ ლექსებში, როგორიცაა: „ახალი მოედანი“, „კოლიბიდა“, „წერილი სერგო ორჯონიძემს იმერეთიდან“, „თბილისიდან ორჯონიძემდე“, „ესპანეთის ხალხს“, „გურიამი“ და სხვა. ახალი ეპოქა, ამ ეპოქის სიხალღის იქცა პოეტის შემოქმედების მთავარ მიმართ-



დიდი ორატორის სიტყვები ქართულად

ანტიურთ სამყაროს გამოჩენილ მოაზროვნეთა შორის დიდი ორატორები ტრაგიკული ბედით გამოირჩეოდნენ. ბერძნულ-რომაული მწვერვებულების მწვერვალებზე, დემოსთენემ და ციცერონმა, მთელი სიცოცხლე დემონური ძალების წინააღმდეგ ბრძოლას შესწირეს. დემოსთენე ფილიპე II და ალექსანდრე დიდის თანამედროვე იყო და ებრძოდა მკედონელების მსოფლიო ბატონობის იდეას. ციცერონიც გენიალური იულიუს ცეზარის უპატიურეს მოწინააღმდეგედ ითვისებოდა. ალექსანდრე მკედონელის გრანდიოზულმა ლაშქრობებმა განაიარაღეს დემოსთენე, ცეზარის ტრიუმფალურმა გამარჯვებებმა ფარ-ხმალი დაუკრავინა ციცერონს. მსოფლიოს შეუფთა დაღუპვის მომდევნო წელს ორივე ორატორის სახელი პროსკრიპციებში შეიტანეს და მათი ცეცხლოვანი სიტყვების ნაცვლად თანამემამულეებმა ოქროსი მკვეთილი თავები იხილეს.

დემოსთენემ მთელი თავისი ორატორული ხელოვნების სიღრმე ფილიპე II წინააღმდეგ წარმოთქმულ სიტყვებში გამოავლინა. მკედონელის მხრიდან გამაღიზიანებელი ფაქტორები რომ არ არსებულებოდა, მსოფლიოს ორატორულ ხელოვნებას არ ექნებოდა თავისი შედეგები — „ფილიპიკები“, ფილიპეს წინააღმდეგ წარმოთქმული სიტყვები. მწვერვებულების შეუდარებელ დონესთან ერთად, დემოსთენეს „ფილიპიკები“ უმაღლესი რანგის მხატვრული ნაწარმოებებია. სიტყვებში მკვეთრად იგრძნობა ეპოქის მღელვარე სული და ნათლად ახაზებული ელადის პოლიტიკურ ორიენტაციათა შექმნადილობა. „ფილიპიკები“ ბერძნული დემოკრატიის თავგანწირული ბრძოლის უკანასკნელი წლების დღიურებს წარმოადგენს.

ფილიპე მკედონელის დაპყრობითი მასშტაბების გაფართოებამ უკიდურესად დაძაბა საბერძნეთის პოლიტიკური ცხოვრება. ბერძენი მოაზროვნეები განსხვავებულად უდგებოდნენ მკედონისთან ურთიერთობის საკითხს: საბოლოოდ გამოიკვეთა ორი დაჯგუფება: მკედონური, რომლის ყველაზე დიდი წარმომადგენელი ისოკრატე იყო და ანტიმკედონური დემოსთენეს მეთაურობით.

ორატორი ისოკრატე (436—338), საბერძნეთის ისტორიის ყველაზე ტრაგიკული ეპოქის თანამედროვე და მხილველი, ელადის მომავალს მკედონისთან კავშირში ხედავდა. ფი-

ლიპეს გამოჩენამდე საქაო ხნით ადრე, კერძოდ, 380 წელს წარმოთქმულ სიტყვაში „პანეგირიკი“ ისოკრატემ განავითარა იდეა საბერძნეთის გაერთიანების შესახებ. გაერთიანების ძირითადი ამოცანა უნდა გამხდარიყო სპარსეთის წინააღმდეგ ბრძოლა. საერთო ბერძნული ლაშქრობა აღმოსავლეთში ისოკრატეს ესახებოდა, როგორც საშუალება ელადის დაქუცმაცებულობის სალიკვიდაციოდ, რომელიც გადაწყვეტდა აგრეთვე სოციალურ პრობლემასაც. ისოკრატეს მმართველობის ფორმებიდან საუკეთესოდ მონარქია მიიჩნეოდა. თავისი ხანგრძლივი სიცოცხლის მანძილზე მან რამდენიმე პიროვნებაზე შეაჩერა არჩევანი, მაგრამ ყველა ვარიანტი უშედეგოდ დასრულდა. საუკუნის მიღწეულმა მთელი იმედები მკედონის მიერ შეფარდა.

ქეირონას ბრძოლაში ბერძენთა დამარცხების შემდეგ ისოკრატემ პირდაპირ მოუწოდა ფილიპე II მახვილი აზისაკენ მიემართა. იგი ფილიპეს სახავდა ისეთ პიროვნებად, რომელსაც შეეძლო ბერძენებისათვის აღმოსავლეთის გზების გახსნა. და რაც მთავარია, ისოკრატეს მტკიცებით, ფილიპეს უნდა მოეხდინა საბერძნეთის გაერთიანება.

ისოკრატე ბერძნულ ფილოსოფიაში გაბატონებული იდეების გამოშხატველი იყო. როგორც აღნიშნულ პრობლემას ვეხებით, უნდა გავითვალისწინოთ კლასიკური პერიოდის ელინ მოაზროვნეთა დიდი ნაწილის დამოკიდებულება სხვა ხალხებთან. ყველაზე მკვეთრად ეს საკითხი დაცული აქვს არისტოტელეს. არისტოტელე მსოფლიოს ხალხებს უყოფდა ორ ნაწილად: რჩეულ ბერძენებად და არასრულფასოვან ბარბაროსებად და მონენად. არისტოტელეს აზრით, ელინები შემყულნი არიან ისეთი ღირსებებით, რაც სხვა ხალხებს არ გააჩნიათ, ეს თუ აქვთ, არასრულყოფილია. ბერძენი გამორჩევიან ვაჟკაცური ხასიათით და დიდი ნიჭით. მათ შეუძლიათ მსოფლიოს მართვა, თუ მოახერხებენ. ერთ სახელმწიფოდ გაერთიანებას. არისტოტელე წერდა, საბერძნეთის კრახისიდან გამოსვლა და მსოფლიოზე გაბატონება მოხდებოდა იმ შემთხვევაში, თუ ელინები მიღწეულენ შეთანხმებას. ბერძნულ-მკედონური არმიის აღმოსავლეთში ლაშქრობების წინაშე, თითქოს უნდა განხორციელებულიყო ბერძნული ფილოსოფიის იდეა მსოფლიო ბატონობის შესახებ. პოლისური წყობის მომხრე არის-

სიტყვაშივე დემოსთენე წინასწარმეტყველის მხგავსად ქადაგებს. აფრთხილებს ბერძნებს, რომ შეზობლად წარმოიშვა გიგანტი, რომელიც ჩაუღლია ემპერებმა ელადაის თავისუფლებას. მან თავიდანვე განსაზღვრა საბერძნეთის ბედ. თუ ფილიპე II ძლიერ კოალიციას აძლევდა პირისპირებდნენ. ოლინთოსურ სიტყვებში კარგად ჩანს ელინური დემოკრატიის შესწოტების ძირითადი მიზეზები. აღნიშნული პერიოდის მოვლენები ფილიპეს ფართო გეგმის მხოლოდ შესავალი იყო. მაგრამ დემოსთენე ყოველთვის კარგად გრძნობდა. მისი წინასწარმეტყველება სულ მოკლე ხანში დადასტურდა. დემოსთენე კიდევ უფრო გააქტიურდა და ანტიმაკედონური თვალსაზრისი ყველაზე გაბედულად და თანმიმდევრულად ჩამოაყალიბა „ფილიპიკებში“.

წიგნივე დემოსთენეს სიტყვების გარდა შესულა აგრეთვე, ფილიპე II წერილი ათენელებსადმი. წერილის შინაარსიდან გამოკვეთილად ჩანს მაკედონიის მეფის სწრაფვა, რომ ბერძნებს თავს მოახვიოს საკუთარი ნება.

დემოსთენეს ყველა სიტყვა ფართო აუდიტორიისათვის იყო გამოწერილი. ამიტომ ორატორი მიმდინარე საკითხების საფუძვლიან გადმოცემასთან ერთად დიდ ყურადღებას უთმობდა გარგველ სამკაულსაც, რომ გარდაიღო სიტყვის ეფექტი. ამ მხრივ მისი სიტყვები მიუწვდომელ სიმაღლეზე დაგას. დემოსთენე კონკრეტულ ისტორიულ ფაქტებს განიხილავს. მის სიტყვებს უარკვეული გამომწინააღმდეგებელი ფაქტორები უძღოდა წინ. ამიტომ ცდილობდა გამოსვლა ღრმად არგუმენტირებული ყოფილიყო.

დემოსთენეს სიტყვების გარეგანი და შინაგანი ღირსებები, ე. ი. ფორმა და შინაარსი, კარგად იგრძნობა ქართულ თარგმანში. გ. სარიშვილს ორატორის აზრის სიცხადე და სიმეტოზრე ჩინებულად აღღოთ გადამოაქვს, რაც გამოცდილი მთარგმნელის დიდ გამარჯვებად უნდა ჩათვალოს.

„ფილიპიკების“ ქართული თარგმანი შესრულებულია მაღალი პროფესიული ხელოვნებით. გ. სარიშვილს დემოსთენეს ორატორული თუ მხატვრულ-ფილოსოფიური დეტალები დამუშავებული აქვს საკითხის ღრმა ცოდნით. თარგმანში იგრძნობა ბერძენი ორატორის სტილისათვის დამახასიათებელი სიტყვათა წყობა. დემოსთენეს შრავალ რთულ ნააზრევს მოძებნილი აქვს ზუსტი ქართული შესატყვისი. ასეთი სიზუსტის მიღწევა დიდი, შრომატევადი მუშაობის შედეგია. მთარგმნელმა წარმატებით გადალახა სირთული, ხოლო მკითხველმა მიიღო შესანიშნავი საჩუქარი.

„ფილიპიკები“ გამოცემულია სამეცნიერო აპარატურის დართული. შესავალ წერილში მკითხველი დაეხმოს საინტერესო ინფორმა-

ციას დიდი ორატორის ცხოვრებისა და მოღვაწეობის შესახებ. ქართული თარგმანის სიტყვებს მნიშვნელოვნად ზრდის კომენტარების შენიშვნების ავტორი ბოდროშოს მკითხველის წინაშე, დემოსთენეს ტექსტის ვრცელ კომენტარებს საჭიროებს. მაგრამ ის აუცილებელი, რომელიც დაურთო, საგრძნობლად აადვილებს თანამედროვე მკითხველისათვის, ნაკლებად ცნობილი ადგილების გაგებას. წინასიტყვაობისა და შენიშვნების დონე სავსებით შესაბამებდა „ფილიპიკების“ კარგ თარგმანს. გ. სარიშვილი მთარგმნელის ღირსებებთან ერთად ძველი საბერძნეთის ისტორიის დამატარულად გადმოცემის უნარსაც ფლობს, ავტორი რამდენიმე სიტყვით ახერხებს ვრცელი მოვლენების ამსახველი ცნებების გადმოცემას.

სურვილის სახით გამოვრქვეათ; გადაჭარბებულად მივგაჩინა არქაიზმების სიძარაღე. მთარგმნელი ნაკლები დოზით რომ მიმართავდეს ამ საშუალებას, მისი ნაღვაწი უფრო მოიგებდა.

შემოთ ითქვა კომენტარების მაღალი აკადემიური დონის შესახებ. მაგრამ გვხვდება უზუსტობანიც. შენიშვნაში „პირველი ოლინთოსური“, ვითხოვლობთ, „ლიბანიოსი (314—398 წწ.)—ელინისტური ხანის ორატორი და ფილოსოფოსი, რომელმაც შეკრიბა და გამოსცა დემოსთენეს ოსზულებანი“ (გვ.134). აქ ყველაფერი სწორია და თავის ადგილზეა, გარდა იმისა, რომ ლიბანიოსი ელინისტური ხანის მოღვაწე არ ყოფილა. ელინისტური ეპოქა ძვ. წ. აღ. 30 წელს დასრულდა. ლიბანიოსი რომაული ხანის ბერძენი მოღვაწე იყო. ზეპირი მეტყველების დროს lapsus linguae შეიძლება ვერ შევაჩინოთ, მაგრამ lapsus calami ადვილად ხვდება თვალს. შენიშვნებში ლიბანიოსის ცხოვრების სწორი თარიღებია მოცემული. წინასიტყვაობაში აშკარა კორექტურული შეცდომაა. ლიბანიოსის გარდაცვალების თარიღად მითითებულია 398 წელი.

„მესამე ოლინთოსურის“ შენიშვნებში (შენიშვნა 8, გვ. 135), არისტიდე გამოცხადებულია ბერძენ-სპარსელთა ომის მონაწილე მეომრად. სინამდვილეში იგი იყო აღნიშნული ომების ეპოქის გამოჩენილი სახელმწიფო და სამხედრო მოღვაწე. არისტიდე, მართონის ბრძოლის დროს სტრატეგოსი, ხოლო 489 წლიდან არქონტი-ეპონიში იყო. აქტიურ მონაწილეობას ღებულობდა ათენის პირველი საზღვაო კავშირის ორგანიზებაში. ასეთი პიროვნების უბრალო მეომრად დასახელება სწორი არ არის.

სხგავს უზუსტობათა შესახებ საუბარი შეიძლება შეუფერებლადღაც კი გამოიყურებოდეს „ფილიპიკების“ საერთო ღირსებების ფონზე. გ. სარიშვილმა დემოსთენეს სიტყვების („ფილიპიკები“ უფრო ვიწრო ცნება) თარგმნით განუზომლად დიდი საქმე გააკეთა.

„რომ მარტო არ ხარ...“

წოდარ აღიშვილის ლექსების ერთი ადრეული კრებული „თოვლის სინათლე“ შემდეგი სტრიქონებით ბოლოვდება: „როცა ყველაფერს მზე დაშფინდა ირგვლივ მთასა და ბარში, როცა გზა კიდევ გასავლელია რამ გაგახსენა მაშინ; საღდაც, ოდენდაც ამოკითხული აუყვებელი ქვაში, ეპიტაფია: ვიყავ, ვიცხოვრე, ვაგლახ, ამაოდ დავშვრი“.

წემოსხენებულ ლექსში გატარებული იქვენელი აზრი განსაზღვრავს პოეტის ჩაფიქრებულ, სიღრმისეულ სამყაროს. მის თავიანთებულ მხალს, შემოქმედის ორიგინალურ მხატვრულ ინტონაციას. პოეტს არ უჭირს ფაქიზ, გამპირვალე შტრიხებში, ჩამოქანს სათქმელი, გამოკვეთოს თავისი შეხედულება: „არაგვის პალებს ეცემა ბინდი და ჩემს წინ შავი არაგვი მიდის... თავშესაფრისკენ მიიწევს ყველა, თავშესაფრისკენ მიფრინავს ჩიტი. ხოლო ეს გული. შლღიც და მშვიდიც აქ უნდა დარჩეს და უსასრულოდ იტანჯოს სანამ გაღვივს ბინდი... რა უჭირთ ჩიტებს... მიფრინავს ჩიტი“.

სამშობლოს თემა აბსოლუტურად პრივილეგირებულია ნ. აღიშვილის პოეტურ სამყაროში, მაგრამ პრობლემის მხატვრული დამუშავება არასოდეს გადაიზრდება მარტოდენ „გულზე მჯიღის ცემასა“ და ლოწუნავით ნასროლ ფრაზებში.

„თოვს და ათეთრებს სამეფო გვირგვინს, თოვს და კარი-კარ მოწყენას ართავს... თუმც ყველაფერიდან იგრძნობა იგი, ხანდახან მაინც ვიფიქრებე ზამთარს და მიზეზ-მიზეზ ანათებს ჭიქის-ფსკერი და საღდაც აღთქმული ცხრამთა“, და უცებ კურიოზული სტრიქონები „ვინ თუ იქაც მამულზე ფიქრი, თუ ყველაფერი მამულის გარდა?“. ამ ლექსებს გაცნობის შემდეგ უკვე ადვილად დავიჭერე აქვს, რომ პოეტის ასეთი ფრაზაც ბოლომდე რეზონანსს იწვევს: „ამ მხარეს მაინც სამშობლო ჰქვია, ვარდს გესვრიან თუ გესვრიან ტყვის“. ეს სტრიქონი ნიშანდობლივია თავისი ლაქონორობით. პატრიოტული თემატიკა ერთის შემდეგ ერთი მარტივად, საოცრად ხელმისაწვდომად გამოითქვება ნ. აღიშვილის ლექსებში, თუმცა მოჩვენებითი უბრალობის მიღმა, ძალზე ხშირად, ლაშაში პოეტური მიგნება იფარება: „სანამდის გერქვა შენ სამწყსო ჩემი, სანამდის შენი პატრონი მერქვა,

არ დამიზოგავს სისხლი და ცრემლი, რომ შენს წიხვილებს ებრუნათ, ეფქვათ, არ დამიზოგავს სისხლი და ცრემლი, მეტი რა მექნა, ჩემო ბედკრულო. შენმა ნათებამ ჰქმნა ყველაფერი, მე არაფერი არ დამემღერო“.

წემოსხენებულ ლექსს მხოლოდ სიუჟეტური მინიმუმებით აღვიკვამთ და მიუხედავად ამისა, იმდენად ფაქიზი და გამპირვალეა მისი ლირიული ქსოვილი, რომ მთელი სიცხადით ეღებულობთ ტრაგიკულობის მიჯნაზე მიღწეულ განცდას. მამული ამოსავალი წერტილია ყოველი მოვლენის გასაზრებლად. სამშობლოსთან მიმართებაში ხედავს პოეტი დიდი წინაპრების სახეებს. შთამბეჭდავად და ხატული ნ. აღიშვილის პოეზიაში ილიას წარმოსახვითი ხატი, განსხვავებული სიმძაფრისაა განცდები „ილიას სურათთან“, გულისწყრამა წიწამურთან მომხდარი ტრაგედიის გამო კულმინაციას აღწევს.

„გაიურებ და სულში ვმარხავ ფერს — ამ დილის მიმდრებისას, ძნელად მპოვონ შენებერ მწყემსი, შენი ერის დიდებისა. ზოგჯერ ვფიქრობ, გავტეხ ამ ხატს, სულს დავაკეცე ციურისას. შენ რომ ერმა ტყვია დაჯგრა, ვინ ბრალი იმ ერისა“ — აცხადებს პოეტი, და თითქოს ილიას მოწამებრივი პორტრეტის სრულყოფისათვის დასძენს: „ისმის უპირ-უპირ ხმა წიწამურთან, შენ მაინც ჩემი სამშობლო გქვია“. წარულოისკენ მიხედვა, დიდებულ „ლანდებთან ლაციცი“ პოეტს დღევანდელთანადაც კავშირისათვის სჭირდება. მის ლექსებში ხშირად გვხვდება სიმბოლური სახე, რომელსაც პოეტი მგზავრს უწოდებს: „წვიხს და მეც შენთან ერთად ვსველები, თოვს და მეც შენთან ერთად ვთეთრდება, მე რომ არახდროს არ მემეტები, შენ რად გაქვს გული დედინაცვლისა? მაინც ამ გზაზე მივებეტები, ხან კაცი, ხანაც ჩრდილი კაცისა“ („მგზავრი“). საწუთროს უყუღმართობას არაერთხელ კაცის აჩრდილად გარდუქცივია ისტორიის აღმართს ადევნებული „მგზავრი“, ისხენებს ლირიული გმირი ამგვარი ქარტიხილებს განმავლობაში გზა-გზა წაგებულ ბრძოლას და დაასკვნის: „მიდის დავითი, — ფეხის ხმა მესმის, მიდის თამარი, ფეხის ხმა მესმის, გურამიშვილის ჩამესმის ლექსი, ბარათაშვილის ჩამესმის ლექსი — ცრემლის ხმაზე

უშველი მწყემსსა და ფარას, არ მოხვალ?!
ვაი არ მოსვლის მიზეზს“, მაგრამ ამ დროს
თითქოს შემოქმედის გულიდან ამოიქუხებს —
„ხვალის დღე მაინც იმედის დღეა დროშებზე
არხვე თუ სუროებს არხვე“. ეს ისეთი ფრა-
ზაა, მკითხველის შეხსიერებას დიდხანს რომ
შერჩება.

მიუხედავად იმისა, რომ მძაფრი პირო-
ვნული ტკივილები, სიღრმისეული გააზრებები
მრავლადაა სიფაქიზით აღბეჭდილი მის ლექ-
სებში, მაინც ცხადია, რომ ეს თანაგ-
რძნობის, ურთიერთგაგების, ჰარმო-
ნიულობის სამყაროა, „იქნებ საყვირალს
ჩურჩულით ვამბობ ანდა ჩურჩულიც რა სა-
ჭიროა“, — მაგრამ ეს მომენტალური იქვია,
დროებითი სკეპსისი, შიში „ვერ დაგასი-
წმროს თავის სიწმარის“. ერთადერთი კრიტი-
კიუმი კი ამ შემთხვევაში შემოქმედის
უტყუარი აღლოა, რომელიც პოეტს თანამო-
ძმის დასამშვიდებლად, მისი ტკივილების და-
საამებლად კეთილშობილური მიზნებით გა-
მსკვალულ ინტონაციებს ჰკარნახობს: „მო-

გძებნი სადმე, ჭრილობებს მოგბან, ძმაო წი-
ნაპრის ჭავრზე ჩაფრენილს“, — აცხადებს მწყე-
რალი, და ჩვენც მთელი სიგრძე-სიგანით
აღვიქვამთ ადამიანის შინაგანი სამყაროს
წვდომის მიდრეკილებას, სურვილს ჰარმონი-
ისა და უბრალოების დამკვიდრებისათვის.
ნ. ადღეიშვილი მარტო წინაპრის ჭავრზე ჩა-
ფრენილი თანამოაზრის გადარჩენას არ
ესწრაფვის. ხელოვანის მნიშვნელოვანი და
საპატიო ამოცანა ადამის მოღვმის თავი-
სუფალი ნების, მისი არასტერეოტიპული აზ-
როვნების შენარჩუნებაა. ჩვენი, თანადროუ-
ლი ქართული სინამდვილეც ექვემდებარება
დღეს ტექნოკრატიულ შემოტევას, გაუცხოე-
ბას. ასეთი მოვლენებისაგან სულიერ თავშე-
საფარს ზოგჯერ მაინც იძლევა გამჭვირვალე
და ფაქიზი პოეზია. გულწრფელი ლირიული
მიგნებები. ნ. ადღეიშვილის ლექსებიც სწო-
რედ იმგვარი ინტონაციებითაა აღბეჭდილი,
თავისი სიღრმისეული ოპტიმიზმით, ორიგინა-
ლური, მაგრამ უპრეტენზიო ხმოვანებით რომ
გაამხნევენ თანამომხესა და თანამედროვეს.



ლაზიკის ბელადი და რუსეთის დიპლომატი

(1778—1785 წწ.)

მრავალტანჯულ ლაზისტანს 1749-1785 წლებში განაგებდა ჩანიკელი ალი-ფაშა (ჩანიკი ერთ-ერთი ციხე იყო ამ ქვეყანაში). ხსენებულ ფაშას მორჩილებდა მცირე აზიის ოთხი სადრო-შო (ხანჯაყი) და სამოცამდე მაზრა. ამ ვრცელ ტერიტორიაზე მდებარეობდნენ ქალაქები — სინოპი, ტრაპიზონი, არზრუმი, ამასია

თავი რომ დავენებოთ ლაზისტანის ეკონომიკურ და სტრატეგიულ-პოლიტიკურ მნიშვნელობას, სტამბოლში XVII-XVIII საუკუნეებში გარკვეული მიმზიდველობა ჰქონდა ასეთ დოქტრინას: მსოფლიოში მხოლოდ სამი იმპერიაა — სტამბოლის, ბაბილონისა და ტრაპიზონისა და სამივენი ოსმინთა სულთნების საბრძანებლოში შედიანო. ამ სამ იმპერიაზე გამგებლობის ნიშნად სულთნები ჩალმებზე ატარებდნენ მამალი ყანჩის ქორჩისაგან დამზადებულ სამ შავ ჯიდას. სტამბოლი იყო მემკვიდრე ძველი რომის იმპერიის და გამგრძელებელი ბიზანტიის იმპერიისა. ბაბილონის ანტიკური მონარქია ცოცხლობდა ახალ ხალხთა მენსიერებაში, ისევე, როგორც თამარ მეფის მიერ XIII საუკუნეში დაარსებული ტრაპიზონის იმპერია. როგორც ჩანს, ოსმალეთის მმართველი წრეები არ სცნობდნენ არც გერმანელი ხალხების წმინდა რომის, არც ინდოეთის მოკოლთა და არც ჭუნგარების იმპერიებს, თუმი მათთან დროადადრო ჰქონდათ ოფიციალური ურთიერთობა. ზემოთაღნიშნული დოქტრინა ოსმალეთის სულთანს კარნახობდა, ეზრუნა თავისი ხელისუფლების სიმტკიცეზე ლაზისტანში. ვასაგებია, რომ სულთნის კარი დამსჯელი ექსპედიციებით მოხვედრას არ აძლევდა ლაზების ქვეყანას, რომლის მმართველები ურჩობას და რუსეთისადმი კეთილგანწყობილებას იჩენდნენ, ხოლო მოსახლეობა ანტიოსმალური აჯანყებების დროსი ქვეშ დგომას არ იშლიდა.

მკაცრი დისციპლინის მოყვარული იყო ლაზთა ბელადი. როგორც უძლიერეს ფაშას, სულთნის კარი მას ავალებდა ურჩი ქალაქებისა და რეგიონების დათრგუნვას. ლაზი ბელადის სახელს დიდის პატივისცემით წარმოსთქვამდნენ სპარსეთის გამგებლის, ქერიმ-ზენდის ბანაკში. რუსული წყაროების მიხედვით, ჩანიკელი ალი ფაშა იყო ერთ-ერთი „უსახელგანთქმულესი და უდიდერესი დიდაკი მთელს აზიაში“. მას მო-

რჩილებდა ბევრი მუსლიმანი მეომარი, მაგრამ მის პირად მცველთა რაზმი მხოლოდ ქრისტიანებისგან შედგებოდა. ლაზ ბელადს თვორ ხელფასზე ჰყავდა ათასი მეომარი, მათგან ოთხასი ყოველთვის თან ახლდა, სადაც უნდა წასულიყო. საპიროების შემთხვევაში, ალი ფაშას ძალუძდა ათიოდე დღეში სამოცი ათასი მეომარისთვის მოეყარა თავი. სუფოროვისადმი მიწერილ წერილში ალი-ფაშა თავის გვირს ამკობდა ტიტულებით: „ტრაპიზონ-არზრუმის გუბერნატორი და ყირიმის სერასკირი“.

ლაზი ბელადის ურჩობის ერთ-ერთი გამოვლინება იყო ის, რომ მან უხალისოდ მიიღო მონაწილეობა იმ სადამსჯელო ექსპედიციაში, რომელიც სულთანმა განახორციელა 1778 წელს ყირიმის ხანის შავინ-გირეის და მის შურგს უკან მდგომი პრორუსული დასის წინააღმდეგ. ეს ექსპედიცია მარცხით დასრულდა. აქედან იწყება უბედურებანი ლაზი ბელადის ცხოვრებაში. მის სამტროდ ამოქმედდა ყველა, ვინაც შურგა მისი სახელით, დიდება და ქონება. ჩანიკელი ალის შტრებს სათავეში ჩაუდგნენ ოსმალეთის ვაზირთ-უპირველესი და დიდი აღმირალი კაფუდან-ფაშა ლაზი-პასანი წარმოშობით საქართველოდან რომ იყო). 1779 წ. აპრილში ოსმალეთმა ხელი მოაწერა კონვენციას, რითაც აღიარა რუსეთთან და დიდებული კურუკ-კიანარკის ტრაქტატი და ყირიმის დამოუკიდებლობა. მაგრამ სულთანის ადვილად ვერ შეურიგდებოდა კრამოლის არსებობას ლაზისტანში.

ამ პერიოდში გამოჩნდა ვინმე ჩაპანოდლე. ამ დიდაკს შეპირდნენ სტამბოლის ვაზირები ლაზი ბელადის თანამებობას და ქონებას, თუ იგი მას დაამარცხებდა და შეიპყრობდა. ჩაპან-ოდლუს თურქმენთა ჯარმა ცხარე ბრძოლაში შეძლო ლაზი ბელადის ჯარების უკუქცევა და ყირიმში გასაქცევად გამზადებულ ჩანიკელი ალი-ფაშას ხელთ შერჩა მომხრეთა მცირე ჯგუფი. ამ ჯგუფს ლაზმა ბელადმა უბრძანა წავილეთ და გადემალათ მისი ქონება იმ ოქრო-ბრილიანტების გამოკლებით, რომლებიც მან ხომალდში გადაწვინა. ამ ძვირფასი თვლების ღირებულება შეადგენდა სამასი ათას ქებსას (ასომოცდაათ მლნ პიასტრს). ლაზი ბელადი თვითონ ირწმუნებოდა, რომ მას სამშობლოში დარჩა წმინდა ვერც-

რიოტის“ თანხლებით. ამ ფრეგატებმა არა მარტო უნდა დააშოშინონ შოთით მოცული პროვინცია, არამედ სტამბოლში მარაგიც ჩამოიტანონ სახაზინო სპილენძისა და მავთულებისა, რომლებიც ტრაპიზონში იყო გამწადებული და კონცენტრირებული.

საინტერესოა რუსეთის სტამბულელი რეზიდენტის სტამბოლის 1780 წლის 8 აპრილის მოხსენება, რომელშიც დადასტურებულია ჭანიკლი ალი-ფაშის გაქცევის შემდეგ მისი მომხრეების მიერ ოსმალთა არმიის დამარცხება და ბევრი საყურადღებო დეტალიც არის გადმოცემული.

სწორედ 8 აპრილს, მეჩეთში ხვანთქრის შესვლის წინ იმავე ხვანთქრის ბრძანებით სასახლის აღსაყვანად თავი მოჰკვეთეს კაპიტი ბაშის ჩინის მქონე ჩატაღჯინის ზაიმს, რომელიც სინოპში პურის საწყობთა ზედამხედველის თანამდებობას ასრულებდა. დასჯის საბაზი აღმოჩნდა ბრალდება, რომ თითქოს ამ კაცს მიუძღოდა დანაშაული ჩაპან-ოღლუს იმ არმიის განადგურებაში, რომელიც გაგზავნილი იყო ჭანიკლი ალი-ფაშის მომხრეთა წინააღმდეგ. სინამდვილეში ჩატაღჯინის ზაიმის მუსტაფა აღას დასჯის ნამდვილი მიზეზი იყო ამ პიროვნების მიერ ჭანიკლი ალი-ფაშას კონფისკაციკმნილი ქონებიდან 600 ქების (80 ათასი პიასტრი, ანუ 180 ათასი მანეთი) მავნიდელი რუსული კურსით) მითვისება. ბრალდებულმა არ ისურვა ამის აღიარება.

4 აპრილის წერილში სტამბევი იტყობინებოდა, რომ ჩატაღჯინის დასახელებული ზაიმი ჭანიკლი ალი-ფაშას დივან-ეფენდად მუშაობდა და ბრალდა ედებოდა ორმაგი დანაშაული — ჩაპან-ოღლუს ჭაჩრების განადგურება და ბატონის კონფისკაციკმნილი ქონებიდან 800 ქების მითვისება.

ზემოხსენებული დივან-ეფენდი ლაზეთის პატრიოტ მოღვაწედ გამოიყურება, მან, როგორც ვხედავთ, მოაწყო წინააღმდეგობის ორგანიზაცია, განადგურა ლაზი ბელადის მტრეკე ფაშა და რეკვიზიტებისათვის გათვალისწინებული ქონების მნიშვნელოვანი ნაწილი დაუშვებლად ხვანთქრის კარს. იმ პირობებში ეს იყო უდავოდ სანაქებო საქმიანობა, რომლის გაშწევის ტრაგიკული ბედი გმირთა მოწამებრივ სიკვდილს მიაგავს და შეიძლება ჩაითვალოს მრავალტანჯული ლაზისტანის კატაკლიზმებით აღსავლედ ისტორიის ერთ-ერთ დამამშვენებელ ფურცლად. მაგრამ მოწამებრივი სიკვდილით დაცემულ ლაზისტანელ გმირთა კადასტრი, როგორც მალე დავინახავთ, ამით არ ამოწურულა.

ფრთხილ საინტერესოა კონსტანტინოვის 10 აპრილის წერილი ე. მანინისადმი (1780 წ.) აქ ნათქვამია, რომ ჰაჯი ალი-ბეის ანატოლიიდან გადმოსხვეწილი მეომრები იუწყებიან ოსმალეთის იმპერიის საყოველთაო მოშლას. დიდი კაიროს ბეგების განდგომას, მათ მიერ კაიროს ფაშას დამწყვედვას, მორეიაში ახალ აჩანყებას, მცირე აზიის ყველა ნაწილში ამტყდარ არეულობას,

განსაკუთრებით არზრუმის აშლილობას. ზემოხსენებულ პარტიზანთა სიტყვით, არზრუმის პროვინციის მცხოვრებლებმა არზრუმის კარს გააკარეს პროვინციის გამგებლის საქმე ხვანთქრის კარის მიერ გამოგზავნილი ახალი ფაშა, არამედ ერთსულოვნად აქვე გადაწყვეტილი სპარსეთის ქვეშევრდომობაში შევიდნენ. ჭანიკლი ალი-ფაშას ამ დღეებში შეხედრარა ჰქონდა ყირიმის ხან შაჰინ-გირეისთან და ბუობა ბუობაზე იმართებოდა. ეს რეზიდენტ კონსტანტინოვს აუწყა თვითონ შაჰინ-გირემ თავისი ჩინოვების სეიდ-ეფენდის მეშვეობით. ჭანიკლი ალი-ფაშამ შაჰინ-გირეის უჩვენა ჭანიკის, ტრაპიზონის და ანატოლიის მთელ სანაპიროზე მყოფი ჭარების სარდალთა წერილები, რომელთაგან თითოეულს ესკა მრავალი ბუქელი. წერილთა ავტორები და ბეგითებით თხოვენ ჭანიკლი ალი-ფაშას, დაბრუნდეს ანატოლიაში და ერთგულებას ეცხადებინ, ანდა, თუ თვითონ ვერ დაბრუნდება, თავისი აუთიშვილი ბატალი ბეი მაინც გაგზავნოს ლაზისტანში. წერილთა ავტორები იუწყებიან, რომ განაწყინებულნი არიან ხვანთქრის კარის ახლანდელი უსაზარტობით და ხალხისთა და ერთობით აღმართავენ იარაღს ხვანთქრის კარის წინააღმდეგ. ამას დასტურებენ ანატოლიიდან ჩამოსული ვაჭრებიც. წერილთა ავტორები მოითხოვენ თოფის წამლის გაგზავნას, რომელიც აქაც ცოცხალი“.

ლაზისტანის მოსახლეობის გმირული წინააღმდეგობის უკეთესი საისტორიო ატესტაცია ძნელად წარმოსადგენია.

1780 წლის 24 იანვარს დარღანელის ციხე-სიმაგრეში გუშაგების თანხლებით მიიყვანეს ჭანიკლი ალი-ფაშას შვილი მუტატ-ბეი. ეს უჯანსაღი იყო არზრუმის კომენდატი და მამამისის გაქცევისთანავე ბრუსაში გადაახსლებს, შემდეგ კი დარღანელისაკენ გაუყენეს გზას. 1780 წლის 10 თებერვალს ხვანთქრის კარმა ბრძანება აფრინა ჭანიკლი ალი-ფაშას იქ დარჩენილი ოჯახის წევრების სტამბოლში ჩაყვანის შესახებ.

ანატოლია ისევ და ისევ დრტინავდა. ხვანთქრის კარის ცნობებმა პირდაპირი დათრგუნვის პოლიტიკასთან ერთად მანევრირების სერვის ენმარა და ჭანყის სული გაეტება. ამას მოწმობს ა. სტამბევის 1780 წ. 29 ივნისის წერილი პ. ვესელიციისადმი: „წარსულ აპრილში მასან-ფაშამ შეიარა იხმითში, რათა თავი მოეკვთა ერთადერთი იქაური დერეხებისათვის, მაგრამ ვერ მოახერხა, დარღანელისაკენ გზას გაუყვა, შემდეგ ანატოლიური მიწით შეიარა ანატოლიაში, მაგრამ ამაოდ. ახლა სმირანს დისტრიქტში ცდილობს ბოლო მოუღოს თავისი მტრების მესამე თანამონაწილეს — ელეს-ოღლუს, მაგრამ — ამაოდ. ჭანიკლი ალი-ფაშას მეორე მტრეკე ჩაპან-ოღლუ, როგორც კი შეიტყო, რომ ხვანთქრმა ბრძანება გამოსცა მისთვის თავის მოკვების შესახებ, იძულებული შეიქნა გაქცევილი ეცადა საკუთარი ტყავის გადარჩენა... ამ დღეებში ჭანიკლიდან სტა-

მბოლში ჩამოიყვანეს ჩანიკლი ალი-ფაშას ათი თანამონაწილედ. მათგან გუშინ ერთი მოახრჩვეს. ხოლო დანარჩენი ცხრა სხვადასხვა მხარეში გადაასახლეს.

ა. სტახიევის 1780 წ. 7 ივლისის წერილში ნათქვამი იყო: „გამწადებულა ერთი ხომალდი, რათა სიწობს ჩაიყვანოს ოსმალეთის მოხელე, რომელსაც დავალებული აქვს ჩავიდეს ჩანიკში და გაჰყიდოს ჩანიკლი ალი-ფაშას უძრავი ქონება. ედიკულში მქდომმა შეიხმა ოდლუ შექმედ აღამ, რომელიც ჩანიკლი ალი-ფაშას საქმეთა რწმუნებული იყო, შექმლო თავი გამოეყიდა იმით, რომ იყისრა ხაზინას გადაუხადოს 150 ქენა (75 თათის პიასტრი, ანუ 45 თათის მანეთი — დ. ჯ.), ახლა ედიკულში ტუსალად წის ჩანიკლი ალი-ფაშას მხოლოდ ერთი ძმისშვილი, რომლის სახელი არ ვიცი“, ეს ტუსალი უნდა ყოფილიყო სულეიმან-ფაშას შვილი, რომელზედაც საუბარია 1780 წლის დამდეგს ერთ-ერთ რუსულ ცნობაში: „ზანიდი ალი-ფაშას ძმისშვილი სულეიმან ფაშას შვილი, რომელიც ორთულიან ფაშად იქდა აზიაში (დაბა კოსტინდი), ხვანჭრის კარის ბრძანებით სტამბოლში ჩაიყვანეს და ხსენებული სოფლის სუთ თუ ექვს მამასახლისთან ერთად, ედიკულში დააწყვიდეს“ ვგონებ, არ შევცდებით, თუ ვიტყვით, რომ ლაშთა ბელადის ეს ძმისშვილი იყო სწორედ ის კაცი, რომელიც უირიშისაკენ ბიძამისთან გაქცევის ცდის დროს შეიპყრეს. როგორც იუწყებოდა სტახიევი 1780 წ. 20 აპრილის წერილით.

ოსმალეთისეული ლაზისტანის სახალხო წინააღმდეგობას კარგად აწვდიდა ბანს კოლხების გმირული ბრძოლა.

ლაშთა ბელადს ჩანიკლი ალი-ფაშას სტამბოლში მომხრეთა საკმაოდ ძლიერი დასი ჰყოლია. ამაზე მიუთითებს რუსული ცნობა იმის შესახებ, რომ ჩანიკლი ალი-ფაშამ უირიშიდან სამი წერილი გაუგზავნა ირემ მემედ ფაშას: „ერთი ფოსტით, მეორე კაფულან-ფაშას ხელით, მესამე იეგიზლამის მეშვეობით. ეს წერილები ხვანჭრის კარმა უკვე მიიღო და პასუხებიც შეუთვალა ჩანიკლი ალი-ფაშას. ამ უკანასკნელს, როგორც ხვანჭრის კარი ეტვობს, სტამბოლში ბევრი მომხრე მოეპოვება. ამიტომ ვაჩრთოთუბირველესი ქუჩებში საიდუმლოდ დადის, ხავაჭრო ფარდულებს ათვალიერებს და ხადაც თვალს მოჰკრავს, იარაღების ჩამორთმევას ბრძანებს“.

სტამბოლში ჩანიკლი ალი-ფაშას საკმაოდ

მტკიცე პოზიციებზე მტყუვლებს ის ცნობა, ხადაც ნათქვამია, რომ ჭერ კიდევ გაქცევამდე ლაშთა ბელადს შავინ-გირეისთან საიდუმლო მიწერ-მოწერაში მხარს უჭერდა და ხელს უწყობდა სტამბოლის ზოგიერთი მაღალი მოხელე.

ზემოთმოყვანილი მასალების შემდეგ, ე. ი. თუ გავითვალისწინებთ, ლაზი ხალხის ბრძოლის ერთის მხრივ ოსმალეთის ბატონობის წინააღმდეგ და ჩანიკლი ალი-ფაშასთან ამ ხალხის სოლიდარობას, ხოლო მეორეს მხრივ — სტამბოლში ლაზი ბელადის მომხრეთა გავლენიანი დასის არსებობას, არ გავცივრდებმა, რომ ჩანიკლი ალი-ფაშას ჩვენ ისევ ვხედავთ ლაზისტანში დაბრუნებულს. მასთან ამ ქვეყანაში 1788 წელს ჩადაიან „კავკასიის გამაგრებული ზღვის“ (რუსეთის კორდონი) სარდლის, პავლე პოტიომკინის აგენტები და ეწვეიან საიდუმლო მოლაპარაკებას — მცირე აზიაში რუსეთის მოსალოდნელი შეტრის შემთხვევაში ლაზისტან-რუსეთის სამხედრო თანამშრომლობისა და მოკავშირეობის შესახებ. ჩანიკლი ალი-ფაშაც პირდება რუსეთის მაღალ მოხელეებს, რომ იგი მთელი თავისი ჭარბით გადავა სტამბოლის მოიერიშე რუსთა საექსპედიციო კორპუსის მხარეზე და ლაზისტანიდან ბოლომდე გააყვება ხსენებულ კორპუსს. ამ საინტერესო მოლაპარაკებას გვისურათებს ფრიად საყურადღებო ვრცელი რუსული დოკუმენტი, რომელიც შედგენილია 1788 წლის აგვისტოში.

ცნობილია, რომ საქმე არ მისულა მცირე აზიაში რუსული სამხედრო დივიზიის ორგანიზებამდე, რადგანაც 1784 წლის 8 იანვარს (ახ. სტილით) სულთანის კარმა სცნო უირიშის რუსული ანექსია. ამრიგად, რუსეთის ხარდლობას საშუალება არ მიეცა საქმით გამოეცადა ჩანიკლი-ალი ფაშას საიდუმლო აღთქმის გულწრფელობა და სიმტკიცე.

მართალია, „უირიშის კრიზისის“ მოგვარება დროებითი მოვლენა აღმოჩნდა, რადგანაც მალე სულთანმა თავები დასჭრა აბდულ მალილ მამილს და „მშ ჩინოვიცს“, რომელთაც ხელი მოაწერეს, თუ სხვაგვარად დაკავშირებული იყვნენ რ იანჭრის კონვეციისთან, მაგრამ აღმოჩნდეთის გართულებებში მონაწილეობა ლაშთა ბელადს ბედმა წილად არ არგუნა: ჩანიკლი ალი-ბეი გარდაიცვალა 1788 წელს.



ახალგაზრდა ეროვნულ-დემოკრატთა ორგანიზაციის ისტორიიდან

საქართველოში მენშევიკების ბატონობის პერიოდში, ახალგაზრდობის ანტიბრძოლტარული ორგანიზაციების („ახალგაზრდა მარქსისტები“ „ახალგაზრდა სოციალისტ-ფედერალისტები“) გვერდით, ყურადღებას იქცევს ახალგაზრდა ეროვნულ-დემოკრატთა ორგანიზაცია. თავისი ბურჟუაზიულ-ნაციონალისტური მსოფლმხედველობით იგი მკვეთრად განსხვავდება ზემოთ დასახელებული ახალგაზრდული ორგანიზაციებისგან. მართალია, აღნიშნული ორგანიზაციის შესახებ განსახილველი საკითხები წყაროების გარშემო მცირეა, მაგრამ მიუხედავად ამისა, შევეცდებით, რამდენადაც ეს შესაძლებელია; წარმოვაჩინოთ ამ ორგანიზაციის ის ძირითადი ნიშან-თვისებები, რაც მას ახალგაზრდა სხვა ორგანიზაციებისაგან განასხვავებდა. მასალების სიმცირის გამო შეუძლებელი ხდება ამ ორგანიზაციის წარმოშობის ზუსტი თარიღის დადგენა. მიუხედავად ამისა, ახალგაზრდა ეროვნულ-დემოკრატთა ორგანიზაციის მთავარი კომიტეტის მიერ 1918 წელს გამოცემული ჟურნალი „ახალი ძალა“ საფუძველს გვაძლევს ვივარაუდოთ, რომ ორგანიზაცია ჩამოყალიბდა 1917 წლის დასასრულსა და 1918 წლის დასაწყისში. დასახელებული ჟურნალიდან ირკვევა, რომ ორგანიზაციას ჰქონდა წესდების პრინციპის საფუძველზე აგებული ინსტრუქცია, რომელიც განსაზღვრავდა ორგანიზაციისა და მის წევრთა ძირითად უფლება მოვალეობას (ჟურნ. „ახალი ძალა“, 1918, № 1, გვ. 14).

რაც შეეხება ახალგაზრდა ეროვნულ-დემოკრატთა ორგანიზაციის პროგრამულ დებულებებს, იგი ძირითადად წმინდა ეროვნული საკითხით შემოიფარგლებოდა და მიზნად ისახავდა საქართველოს სრულ დამოუკიდებლობას ძველი ისტორიული საზღვრების ფარგლებში (ჟურნ. „ახალი ძალა“, № 1, გვ. 7). ისიც აღსანიშნავია, რომ დასახული ამოცანის განსახორციელებლად ახალგაზრდა ეროვნულ-დემოკრატები დიდ მნიშვნელობას ანიჭებდნენ სახელმწიფოს ეკონომიკურ განვითარებას. თუ როგორ უნდა წარმართულიყო ეკონომიკური განვითარების პროცესი, ამ საკითხთან დაკავშირებით ჩვენს ყარადღებას იპყ-

რობს ახალგაზრდა ეროვნულ-დემოკრატთა ლიდერის ბ. გორდენიანის საპროგრამო სტატია „ჩვენი გზა.“ ავტორი სახელმწიფოს ეკონომიკური განვითარების ატრიაბუტად მიიჩნევს ეროვნული ვაჭრობის განვითარების აუცილებლობას. იგი, უარყოფს რა უცხო კაპიტალისადმი დამოკიდებულებას, მიუთითებს, რომ „საქართველოს თავისუფლების განსამტკიცებლად აუცილებელია ეროვნული ვაჭრობა-მრეწველობის აუვავება და განვითარება... უთუოდ დემოკრატიულის გზით იმდენად, რამდენადაც ეს იქნება საჭირო სახელმწიფო მიზნების თვალთახედვით“ (ჟურნ. „ახალი ძალა“ 1918 წ. № 2, გვ. 4).

ეს საკითხი ახალგაზრდა ეროვნულ-დემოკრატებისათვის იმდენად პრობლემური აღმოჩნდა, რომ მისი აკარგინაობის განხილვას სტატეების მთელი ხერხა მიუძღვნეს, რომლებიც ჟურნ. „ახალი ძალა“-ს ფურცლებზე გამოქვეყნდა. აღნიშნულ სტატიათა შორის თავისი პრობლემურობით გამოირჩევა ახალგაზრდა ეროვნულ-დემოკრატთა ერთ-ერთი ლიდერის ვახტანგ ზაალიშვილის სტატია „ჩვენი მრწამსი“. იგი განსაკუთრებული გულმოდგინებით არჩევს რა ეროვნული და კლასობრივი ბრძოლის საკითხებს, მთელი პრინციპულიებით უარყოფს კლასობრივს, აღიარებს ზეკლასობრივს, რითაც ფაქტიურად იცავს ეროვნული ბურჟუაზიის ინტერესებს. ზემოთ აღნიშნულის პარალელურად ავტორს მსჭელობა გადააქვს ერის ინტერესებიდან გამომდინარე მიეღ რიგ საკითხებზე და მას განიხილავს წმინდა ბურჟუაზიულ-ნაციონალისტური პოზიციებიდან. მისი აზრით, საქართველოს ეკონომიკური განვითარებისათვის აუცილებელი იყო ორი ძირითადი პირობა: ეროვნული — ვაჭრობა-მრეწველობის შექმნა-განვითარება და საქართველოს სუვერენული არსებობა. ყოველივე ეს, როგორც ავტორი აღნიშნავს, უნდა განხორციელებულიყო ეროვნული ბურჟუაზიის ბაზაზე. ეროვნული კაპიტალის შექმნა-დაგროვების საფუძველზე. ხოლო მათ ვინც ბურჟუაზიის გაბატონების წინააღმდეგ გამოდიოდნენ, სტატეის ავტორი დაუფარავად აფრთხილებდა: „მტრები ვართ და ვებრძვის იმათ,

ვინც მტერია და ებრძვის ეროვნულ ბურჟუაზიას. ვინც წინააღმდეგია ეროვნული ბურჟუაზიისა (ჟურნ. „ახალი ძალა“ 1918 წ. № 1, გვ. 4). ამ განცხადებიდან აშკარად ირკვევა, რომ ახალგაზრდა ეროვნულ-დემოკრატები ოპორტიუნისტები იყვნენ. „ახალგაზრდა სოციალისტ-ფედერალისტები“. ეს განსაკვირვებელი არაა, იმდენად, რამდენადაც ეს უკანასკნელნი წვრილი ბურჟუაზიის ინტერესებს გამოხატავდნენ. სწორედ ეს დაელოდა სარჩულად ამ ორგანიზაციებს შორის განაღდებულ პოლემიკას. მიუხედავად იმისა, რომ სამივე ორგანიზაცია ქართველი ერისა და საქართველოს გულშემოკრები ერთიანი გამოდიოდა, არცერთ მათგანს, გარდა საგანგებო პოლემიკური მსჯელობისა, პრაქტიკულად არც ერთი გაბედული ნაბიჯი არ გადაუდგამს. ისინი მხოლოდ ერთმანეთს დაშინებულნი მწვავე პოლემიკით კმაყოფილებოდნენ. საქართველოში იყო ახალგაზრდა ეროვნულ-დემოკრატების თავისი ბურჟუაზიული შეხედულებები გამოეთქვათ, რომ მათ მაშინვე დაპირისპირებოდა „ახალგაზრდა მარქსისტთა“ მენშევიკური ორგანიზაცია. ამის ნათელი დადასტურება „ახალგაზრდა მარქსისტთა“ ჟურნალში „ახალკვალში“ გამოქვეყნებული სტატია „პრესის კავიერა“. ამ სტატიაში გაკრიტიკებულია ახალგაზრდა ეროვნულ-დემოკრატთა ჟურნალის „ახალი ძალა“-ს ფურცლებზე გამოქვეყნებული სტატიები. ზემოთ აღნიშნული სტატია ჩვენთვის იმდენად საინტერესოა, რამდენადაც, მასში დასაბუთებულადაა მხილებული ბურჟუაზიის მოჩვენებითი პროგრესულობა, ახალგაზრდა ეროვნულ-დემოკრატთა შეხედულებების მცდარობა და რაც მთავარია, ბურჟუაზიის ნაჩვენებია, როგორც რეაქციული ძალა. ამასთან ერთად დაგმობილია მათი „ზეკლასობრივი თეორია“, რომლის თანახმადაც; ისინი თავს ერის განუყოფელი ინტერესების გამომხატველებად აცხადებდნენ.

ზემოთ აღნიშნული სტატია, ეტება რა ახალგაზრდა ეროვნულ-დემოკრატთა ზეკლასობრიობის მცდარი ლოზუნგის საკითხებს, სამართლიანად მიიჩნევს მას კლასობრივ ეგოიზმად და ჩვეულებრივ ბურჟუაზიულ ფანდად. აქედან გამომდინარე იგი ბურჟუაზიული ინტერესების გამომხატველ პარტიებსა და ორგანიზაციებს ერთხელ კიდევ მოაგონებს, რომ ბურჟუაზია კი არ არის ერის წამდელი ინტერესების გამომხატველი, არამედ „იდეის წამდელი ეროვნული ინტერესების მატარებელი ქვეშაობითად არის პროლეტარიატი, რომლის კლასური ინტერესი მთლიანად ეთანხმება ერის ინტერესებს“ (ჟურნ. „ახალი კვალი“ 1918 წ. № 9, გვ. 6).

„ახალგაზრდა მარქსისტთა“ აღნიშნული დებულება სავსებით სწორია. მაგრამ იცავდნენ ისინი ამ დებულებას? რა თქმა უნდა არა.

რადგან „ახალგაზრდა მარქსისტთა“ ორგანიზაცია თავისი ხასიათით წვრილბურჟუაზიული იყო და კვალდაკვალ მიშუვებოდა მმართველი პარტიის — მენშევიკების იდეოლოგიას. ისინი ბუნებრივი კითხვა: — რაში დასკირდა „ახალგაზრდა მარქსისტები“ ერის ინტერესებზე მსჯელობისას ბურჟუაზიისათვის დაპირისპირების ფონზე პროლეტარიატისათვის პრიორიტეტის მინიჭება? ამ კითხვასთან დაკავშირებით აღვნიშნავთ, რომ სიტუაცია პროლეტარიატი „ახალგაზრდა მარქსისტებისათვის“ „ახალგაზრდა ეროვნულ-დემოკრატების“ წინააღმდეგ იდეურ ბრძოლაში წარმოადგენდა მხოლოდ შენიღბვის საშუალებას შრომელი ახალგაზრდობის მისატყუებლად და მათზე ზეგავლენის შესანარჩუნებლად. იყო თუ არა მისაღები ახალგაზრდა ეროვნულ-დემოკრატებისათვის ის იდეური მიმართულება, რასაც სოციალ-დემოკრატიული პარტია ადგა, ამის შესახებ სრულ წარმოდგენას იძლევა ჟურნალ „ახალი ძალაში“ გამოქვეყნებული სტატია („ახალი ძალა“, 1918 წ. № 1, გვ. 5-6). სტატიაში მოცემულია არა მარტო სოციალ-დემოკრატიული პარტიის თეორიული შეხედულებებისა და პრაქტიკული საქმიანობის დამაქვრებელი კრიტიკა, არამედ იგი სრულ წარმოდგენას იძლევა ახალგაზრდა ეროვნულ-დემოკრატთა ორგანიზაციის მსოფლმხედველობაზეც.

დასახელებულ სტატიაში იმ პერიოდის ქართული საზოგადოებრივი აზრი ძირითადად იყო მიმართულებითაა წარმოდგენილი — სოციალისტურად და არასოციალისტურად. უნდა შევნიშნოთ, რომ სოციალისტურ მიმდინარეობაში აქ ნაგულისხმევია სოციალ-დემოკრატები, ხოლო არასოციალისტურში ეროვნულ-დემოკრატები. სტატია სწორედ ამ მიმდინარეობათა შეხედულებების შეპირისპირების საფუძველზე ცდილობს ეროვნულ-დემოკრატთა ინტერესებიდან გამომდინარე შესაბამისი დასკვნების გამოკანას. იქვე სოციალ-დემოკრატების მთელი საქმიანობა გამოცხადებულია სახელმწიფოს დაშლისა და ნგრევის ხელშეწყობის საშუალებად. ამის მიუხედავად იგი ძირითადად სახელმწიფოს შიგნით კლასობრივი ბრძოლის გაღვივებას თვლის. სტატიაში გატარებული აზრით საერთოდ უარყოფილია, როგორც კლასებად დაყოფის, ასევე კლასობრივი ბრძოლის პრინციპი და რაც მთავარია სახელმწიფოს შენარჩუნების განსაკუთრებულ ატრიბუტად მიჩნეულია კერძო საკუთრების დაცვის აუცილებლობა. ამ დებულებას ახალგაზრდა ეროვნულ-დემოკრატები იმით ამართლებდნენ, რომ თითქმის ისინი კერძო საკუთრების დაცვით ქვეყნის ეროვნულ სახელმწიფოებრივ ფორმას იცავდნენ. მათი აზრით ქართველი ხალხის სულეირი მოძრაობის და ცოდნის მიმცემი უნდა გამხდარიყო მხო-

ლოდ ის მიმდინარეობდა, რომელიც განსაკუთრებით იცავდა ნაციონალიზმს და ეროვნული ბურჟუაზიული სახელმწიფოებრიობის მშენებლობის პრინციპზე იდგა. თავისი მცდარი ბურჟუაზიული დებულებების გამართლების მიზნით დასახლებულ სტატიაში, მთელ რიგ საკითხებთან ერთად დამაჯერებლად და სამართლიანად იყო გაკრიტიკებული აგრადორის საქითხში, როგორც სოციალიზაციის იხე მუნციპალიზაციის კანონ-პროექტები. მაგრამ ამასთან ერთად დაშვებული იყო ცდა კერძო საკუთრების ბურჟუაზიული პრინციპების დაცვისა.

მიუხედავად შეხედულებათა ასეთი დიდი სხვადასხვაობისა, როგორც საყოველთაოად ცნობილი, სოციალ-დემოკრატები და ეროვნულ-დემოკრატები საერთო გამოსავალს მაინც საბჭოთა ხელისუფლების წინააღმდეგ ბრძოლაში ხედავდნენ. იმ მიზნით, რომ საქართველოში არ დაეშვათ საბჭოთა ხელისუფლების გამარჯვება და შეენარჩუნებინათ მენშევიკური საქართველოს „დამოუკიდებლობა“, — ახალგაზრდა ეროვნულ-დემოკრატიული პარტიის მსგავსად, როცა საკითხი საქართველოს შეეხებოდა, უმეტეს შემთხვევაში მენშევიკური მთავრობის მცდარი საზინაო და საგარეო პოლიტიკისადმი მხარდამჭერის როლში გვევლინებოდნენ. ამის დამადასტურებელია 1919 წლის 2 ნოემბერს ახალგაზრდა ეროვნულ-დემოკრატთა ორგანიზაციის დასავლეთ საქართველოს სტუდენტთა და მოსწავლეთა მესამე კრილობის მიერ მიღებული რეზოლუცია, რომელშიც ახალგაზრდობას მოუწოდა მხარი დაეჭირათ მენშევიკური მთავრობისათვის, რადგან მათი აზრით მენშევიკური მთავრობა, როგორც რეზოლუციაშია აღნიშნული — „განსაკუთრებით უკეთესია ვიდრე უცხო და კარგი, უცხოში შეიძლება ჩვენი (საქართველოს — შ. ვ.) არეული ცხოვრება მოაწველოს, მაგრამ უკვალოდ დასრულდეს მათი მთავრობისათვის, ჩვენი მთავრობა თუ ცუდია — სამაგიეროდ ყოველივე ცუდი მთავრობა დროებითია“ (გაზ. „საქართველო“, 1919 წ. № 242).

აღნიშნული განცხადებით ახალგაზრდა ეროვნულ-დემოკრატები ერთი მხრივ მხარს უჭერდნენ ნ. ჟორდანიას ხელისუფლებას, ხოლო მეორე მხრივ ახალგაზრდობაში ავტორიტეტის შენარჩუნებისა და განმტკიცების მიზნით ამ მხარდაჭერას დროებითად მიიჩნევდნენ, რადგან მათივე სიტყვებით რომ ვთქვათ, მენშევიკური მთავრობის მმართველობა საქართველოში დროებითი იყო. ასეთი განცხადება იმისთვის დასაბუთებელია, რომ დაიმიედებინათ თავისი ორგანიზაციის წევრები, რომ ისტორიის გარკვეული დროის მონაკვეთში სოციალ-დემოკრატები პოლიტიკურ კატასტროფამდე მივლენ და სახელმწიფო ხელისუფლე-

ბისაყენ გზა ეროვნულ-დემოკრატებს გაეხსნებათ.

მართალია ახალგაზრდა ეროვნულ-დემოკრატთა ორგანიზაცია მსხვილი მემამულეებისა და ბურჟუაზიის ინტერესების დამცველის როლში გამოდიოდა, მაგრამ მიუხედავად ამისა, მისი რიგები შემადგენლობის მხრივ მეტად ჭრტილი იყო. სწორედ ამ სიჭრტელმ წარმოშვა აღნიშნული ორგანიზაციის წევრთა შორის აზრთა სხვადასხვაობა, რასაც მოჰყვა ამ ორგანიზაციიდან 1918 წელს დამოუკიდებელ-ეროვნულ დემოკრატებისა და რადიკალ-დემოკრატების გამოყოფა, რომლებიც „გაზ. „კლდეის“ გარშემო გაერთიანდნენ. როგორც ირკვევა, ამ გათიშვის ძირითადი მიზეზი ის იყო, რომ ეროვნულ-დემოკრატებსა ამ ეტაპზე ძირითადი აქცენტი ქალაქის ბურჟუაზიის ინტერესების დაცვაზე გადაიტანეს. მათგან განსხვავებით დამოუკიდებელმა ეროვნულ-დემოკრატებმა უურაღებდა გაამახვილეს მიწის მსხვილ მესაკუთრეთა ინტერესებზე. (უფროს. „ახალი ძალა“, 1918, № 2, გვ. 11).

ზემოთ აღნიშნულ ორგანიზაციულ გათიშვას მოჰყვა დამოუკიდებელ ახალგაზრდა ეროვნულ-დემოკრატთა სტუდენტთა ორგანიზაციის შექმნა, რომელიც იურიდიულად გააფორმა 1918 წლის 14 ნოემბერს თბილისის უნივერსიტეტში გამართულმა დამოუკიდებელ ახალგაზრდა ეროვნულ-დემოკრატ სტუდენტთა კრებამ. აღნიშნული კრება ჩვენთვის იმითაცაა საყურადღებო; რომ ჭერ ერთი, მან აირჩია ახლად შექმნილი ორგანიზაციის დროებითი კომიტეტი. ი. ცხადაძის, ვ. იაშვილის, პ. ნემსაძის, ლ. მავაკიანის და პ. ქიქოძის შემადგენლობით, და მეორეც, მიღებული დადგენილებით აუცილებლობად იქნა მიჩნეული დამოუკიდებელ ახალგაზრდა ეროვნულ-დემოკრატთა ორგანიზაციების შექმნა თბილისის სასწავლებლებში. (გაზ. „კლდე“, 1918, № 10).

შესძლო თუ არა ამ მიმართულებით ორგანიზაციამ რაიმე პრაქტიკული ნაბიჯის გადადგმა, ამის გარკვევა სათანადო მასალები უქონლობის გამო უშეძლებელია. რაც შეეხება ახალგაზრდა ეროვნულ-დემოკრატთა ორგანიზაციას, მისი მუშაობის შემდგომი წარმართვის საქმეზე უდიდესი ზეგავლენა მოახდინა 1919 წლის 16 ნოემბერს გამართულმა ახალგაზრდა ეროვნულ-დემოკრატთა კონფერენციამ. აღნიშნული კონფერენცია იმითაა საყურადღებო, რომ მომენტთან დაკავშირებით გაკეთებული მოხსენების საფუძველზე მიღებულ რეზოლუციაში ერთხელ კიდევ დააიონკრება რომელიღაც ძირითადი პროგრამა. ჩვენ მიზანშეწონილად მოვიჩინა აღნიშნული რეზოლუციიდან სრული ტექსტის მოტანა, რადგან მასში გამოკვეთილად მოსჩანს ახალგაზრდა ეროვნულ-დემოკრატთა მთლიანი მსოფლმხედველობა. რეზოლუციაში ვკითხულობთ:

„დღეს ერის ყოველი სასიცოცხლო ძალა მიმართული უნდა იყოს საქართველოს დამოუკიდებლობის დაცვისა და განმტკიცებისათვის, ამისათვის საჭიროა:

1) თვით ერის ძალების ორგანიზაცია, განსაკუთრებით ჭარის გაძლიერება, შინაურ წესწყობილების ნორმალურად მოწყობა.

2) მუშაობა ადგილზე და სახლგარეგნო, რათა საქართველო ცნობილი იყოს სუვერენულ სახელმწიფოდ მის ისტორიულ სახლგარეგნოში.

3) საჭიროა ძირშივე აღვეთილი იყოს... მესამე ძალის ყოველი ცდა ჩვენ შინაურ საქმეებში ჩარევისა და ყოველი ძალდონით... წინ აღუდგეთ გარეუბ მტრის შემოსევას. მიიღო რა ეს მხედველობაში, კონფერენცია გამოიქვამს სარკილს, რომ ეროვნულ-დემოკრატიული პარტია, რომლის სიტყვასაც ჭერ არ აქვს ერის პოლიტიკის წარმართვაში ჭაროვანი გასავალი დაეხმაროს მთავრობას აღმშენებლობით მუშაობაში, ხოლო სახტიკად გაილაშქროს მისი მცდარი ნაბიჯების წინააღმდეგ... საქართველოს საგარეო თუ შინაო მდგომარეობას პარტია უნდა მიუღდეს იმ მხრივ, თუ რამდენად მისაღებია იგი დამოუკიდებლობის განსამტკიცებლად“ (გაზ. „საქართველო“, 1919 წ. №129).

ახალგაზრდა ეროვნულ-დემოკრატიული კონფერენციაზე მიღებული რეზოლუციიდან მოტანილი აღნიშნული ამონაწერი აშკარად მიუთითებს, რომ გადაწყვეტ მომენტში, თუკი საქმე საქართველოს შეეხებოდა, ეროვნულ-დემოკრატიები ძირითადად მმართველი პარტიის პლატფორმაზე იდგნენ. მაგრამ ზოგიერთი საკითხში, რომლის შესახებაც ზემოთაღვნიშნულა მითითებული, თავიანთი ბურჟუაზიულ-ნაციონალისტური მსოფლმხედველობის გამო, ისინი მენშევიკური პარტიის ოპოზიციურ ბლოკს ემხრობოდნენ, რითაც ცდილობდნენ დაეცვათ მსხვილი ბურჟუაზიის ინტერესები.

უპირაღებებს იქცევის ის გარემოება, რომ, თუკი ახალგაზრდა ეროვნულ-დემოკრატიული ორგანიზაცია მენშევიკების მმართველობის პერიოდში, ძირითადად ოპოზიციის იდგა ახალგაზრდა მარქსისტთა ორგანიზაციის და მთელ რიგ საკითხებში აკრიტიკებდა მას, საქართველოში საბჭოთა ხელისუფლების გამარჯვების შემდეგ ამ ორი სხვადასხვა იდეოლოგიის მატარებელი ორგანიზაციის ურთიერთობა მკვეთრად შეიცვალა, რაც საბჭოთა ხელისუფლების წინააღმდეგ ბრძოლით იყო განპირობებული.

რამდენადაც ახალგაზრდა ეროვნულ-დემოკრატიული ორგანიზაცია მცირერიცხოვანი იყო (აერთიანებდა 250 კაცს), ხოლო მის ძირითად ამოცანად ანტისაბჭოური საქმიანობა გადაიქცა, ამდენად ახალგაზრდა ეროვნულ-დემოკრატიები დაექვემდებარა ახალგაზრდა მარქსისტთა მენ-

შევიკურ ორგანიზაციის და მიზანთა ოდენტობის შედეგად ერთობლივად გააჩაღეს ანტისაბჭოური ძირგამომთხრელი საქმიანობები და დაამდასტურებელია ახალგაზრდა მარქსისტებისა და ახალგაზრდა ეროვნულ-დემოკრატიების მიერ 1922 წლის 12 დეკემბერს თბილისის უნივერსიტეტში გავრცელებული ერთობლივად შედგენილი ანტისაბჭოთა პროკლამაციები (გაზ. „ტრიბუნა“, 1922 წ. № 869), რომელშიც საბჭოთა ხელისუფლების არა მარტო განება იყო, არამედ უდიდესი ბრალდებაც, რომ თითქოს საბჭოთა ხელისუფლების პოლიტიკა მიმართული ყოფილიყო ქართველი ხალხის ეროვნული ინტერესების წინააღმდეგ. ასეთი ცილისწამება მენშევიკების მიხედვით ეროვნულ-დემოკრატიული პარტიების მიერ გაჩაღებული ანტისაბჭოთა პროპაგანდის ერთ-ერთ შემადგენელ ნაწილს წარმოადგენდა. ახალგაზრდობის ანტიპროლეტარული ორგანიზაციები ძირითადად მენშევიკებისა და ეროვნულ-დემოკრატიული პარტიების დაქვემდებარების სფეროში შედიოდა. სარგებლობდნენ რა ამ გარემოებით, ისინი თავიანთ „უმცროს მეგობრებს“ ზევიდან კარნახობდნენ საბჭოთა ხელისუფლების წინააღმდეგ ბრძოლის ფორმებსა და მეთოდებს. მიუხედავად ამისა ახალგაზრდა ეროვნულ-დემოკრატიული ორგანიზაციები, რომელიც ძირითადად იზიარებდა და მიჰყვებოდა ეროვნულ-დემოკრატიული პარტიის პროგრამულ ხაზს, თავისი ბურჟუაზიულ-ნაციონალისტური შეხედულებების, ანტისაბჭოთა საქმიანობისა და მშრომელთა ინტერესების იგნორირების გამო, ახალგაზრდობის ფართო მასებში ვერ შეძლო სრული ავტორიტეტისა და ნდობის მოპოვება, რის გამოც სხვა მთელი რიგ ანტიპროლეტარული ორგანიზაციებთან ერთად გაკოტრდა, აღნიშნული პროცესი კიდევ უფრო დააჩქარა საბჭოთა ხელისუფლების მიერ სახელმწიფოებრივი მშენებლობის დარგში მიღწეულმა დიდმა წარმატებებმა, რასაც მოჰყვა 1925 წელს ახალგაზრდა ეროვნულ-დემოკრატიული ორგანიზაციის თვითლიკვიდაცია.

ამრიგად, როგორც მასალების შესწავლამ დადასტურა, ახალგაზრდა ეროვნულ-დემოკრატიული ორგანიზაცია თავისი არსებობის ისტორიის მანძილზე აშკარა ბურჟუაზიულ-ნაციონალისტურ პოზიციას იღდა. მისი სოციალ-დემოკრატიული შეხედულებანი რეაქციული და კონსერვატიული იყო. იგი თავისი მოღვაწეობის ყველა ეტაპზე კონტრრევოლუციურ როლს ასრულებდა და ყოველმხრივ ცდილობდა ბურჟუაზიისა და მემამულეების ინტერესების დაცვას. ამიტომ ახალგაზრდობის სხვა ანტიპროლეტარული ორგანიზაციებთან ერთად მისმა თვითლიკვიდაცია უდიდესი როლი შეასრულა მერყევი ახალგაზრდობის დაშლამისა და მათი სოციალისტურ საზოგადოებაში აქტიურად ჩაბნის საქმეში.

სტუდენტთა უხმარება პროფესორს

თბილისის უნივერსიტეტის სოციალურ-ეკონომიური ფაკულტეტის III კურსის სტუდენტი პაატა გუგუშვილი 1926 წელს იწყებს მუშაობას ქართული წიგნის ისტორიაზე: სამი წლის შემდეგ სრულდებოდა 300 წელი პირველი ნაბეჭდი ქართული წიგნის გამოცემიდან.

უარესად ხელსაყრელ შემოქმედებით გარემოში უხდებოდა მუშაობა სტუდენტს. სახელგანთქანი პროფესორი, უნივერსიტეტის დამარსებელთაგანი, ფილიპე გოგიჩაიშვილი, შალალი მეცნიერული დონის სემინარში გაძლიერებული აკადემიური მოთხოვნილებით წარმართავს სადიპლომო ნაშრომზე სტუდენტის კვლევიძობას.

დიდი ივანე ჯავახიშვილი ხელნაწერშივე ეცნობა სადიპლომო ნაშრომს და უარესად ძვირფას შენიშვნებს აძლევს ავტორს, უწონებს გულმოდგინებას და ნიჭიერებას.

ბეჭდვითი სიტყვის გამოჩენილი მოამბე ნიკო ნიკოლაძე შეუცვლელი კონსულტანტია, როცა საქმე ეხება ძველი ცენზურის მიერ დასახიჩრებულ ანდა მოსპობილ გამოცემებს.

თავდაუზოგავად აგროვებს სტუდენტი პ. გუგუშვილი იშვიათ გამოცემებს ბუკინისტურ მაღაზიებსა და კერძო წიგნსაცავებში. იგი ჰაბუკური გამბედაობით პირადად ხვდება XIX საულის ქართველ მოღვაწეებს, რომელთაგან თითქმის არავის დაუტოვებია მემუარები და რომლებიც პირველწყაროების სიზუსტით უდასტურებენ ყოველ ბუნდოვან მოვლენას ქართული ბეჭდვითი სიტყვის ახალი ისტორიიდან.

ერთ მაგალითს მოვიყვანო: 1927-1929 წლებში, — იგონებს პ. გუგუშვილი, — მრავალჯერ შევხვედრებოდა წიგნის მაღაზიაში, ბაზარში გამოცემულ ბუკინისტურ წიგნებთან ზაქარია ჭიჭინაძეს, ერთხელ მასთან ბინაშიც ვიყავი. უკვე მსცოვანი, წიგნებითა და ხელნაწერებით სავსე, არც თუ ისე ნათელ თიანხე ცხოვრობდა. ძლიერ გაუკვირდა, რომ 22 წლის ყმაწვილი ქართული წიგნისა და სტამბის ისტორიას ვსწავლობდი; „ამ კოსმოპოლიტურ ხანაში, როდესაც ახლავარდობა მსოფლიო რევოლუციის მოლოდინშია“ და ისიც, რომ მისი წიგნები მქონდა წაკითხული. ზოგიერთი ამბის წყაროების თაობაზე გვქონდა საუბარი... ოცნებობდა გამოუცემელი ხელნაწერების დაბეჭდვაზე... გახარე-

ბული იყო, რომ სწრაფად ვრცელდებოდა ქართული წიგნი... და წიგნიერება“.

1929 წელს სახელმწიფო გამოცემის ბეჭდვას: — „პაატა გუგუშვილი „ქართული წიგნი — 1629-1929 წ.“ პროფ. თ. გოგიჩაიშვილის რედაქტორობით“.

რედაქტორი არ მალავს თავის კმაყოფილებას, რომ სადიპლომო ნაშრომი უნივერსიტეტის კედლებს ვასცილდა და ყველასათვის ხელმისაწვდომი გახდა. სიტყვაძვირი მასწავლებელი წერს: „ავტორს იმდენად დიდი ლიტერატურა, წყაროები და მასალა აქვს გამოყენებული ქართული წიგნის სამასწლიანი ისტორიის მოხაზვამდ, რომ მისი შრომა უეტყველად ყურადღების ღირსია და თავისი შინაარსით სათანადო დარგის გამდიდრებას წარმოადგენს ქართულ მწერლობაში“.

ბუთ ათეულ ნახევარზე მეტი წელი აგრძელებს მუშაობას თავის სტუდენტურ წიგნზე აკადემიკოსი პაატა გუგუშვილი. ეს ჰემშრომად დიდ ისტორიულ მიღწევათა წლებია კულტურული რევოლუციისა. პაატა გუგუშვილი ქართული წიგნის მართო უამთაღმწერელი როლია. იგი აქტიური მონაწილეა — ორმოცამდე საკუთარი წიგნით — ქართული წიგნალი ფონდის გამდიდრებისა.

იშვიათია ისეთი შემოქმედებითი ბედნიერება, როცა ავტორს საშუალება აქვს ნახევარ საუკუნეზე მეტი ხნის მანძილზე სრულყოს ჰაბუკობის ხანაში გამოცემული წიგნი.

1984 წ. გამოცემილია „მედიერება“ სცემს: „საქართველოსა და ამიერკავკასიის ეკონომიური განვითარება XIX-XX საუკუნეებში“ ტომი მეშვიდე — „ქართული სტამბის წიგნი 1629-1979“.

„ამ ახლად დასაწერ წიგნზე მუშაობისას მაინც ძალუმად მაკავებდა, შეიძლება ითქვას, მხოლოდ და ძველი ტექსტი და „უამსა შემწყნარებლობისა“ ვცდილობდი, რაც შეიძლება ახლოს ვყოფილიყავი სიჭაბუკის ქმნილებასთან, რასაც ახლა ძირფესვიანი რეკონსტრუქცია სჭირებოდა“. მიუხედავად იმისა, რომ მართლაც ხელახლა დაწერილ წიგნთან ვაპყვს საქმე, შესანიშნავად ეხმარება ავტორს ჰაბუკობისდროინდელი ტექსტის მრავალი ადგილი. ეს დახმარება კიდევ იმაში გამოიხატა, რომ ადრინდელი წიგ-

ნის საბაზო დებულებების შემოწმების, დაწესებულების, დახვეწის გზით ავტორის ხანგრძლივი და აუტქარებელი მუშაობის ხელსაყრელი დრო მქონდა. პაატა გუგუშვილი წიგნის, და არა მარტო ქართული წიგნის, საზოგადოდ წიგნის სოციალოგიის, ბიბლიოლოგიის და წიგნის, როგორც ინფორმაციის უმნიშვნელოვანესი ფაქტორის, უაქტიურეს ასპექტებს ეხება და ბევრი რამ აქედან მონოგრაფიის დამატების სახითაა წარმოადგენილი. აქ მკითხველი იპოვის პასუხს წიგნცოდნეობის თითქმის ყველა საკერძოროტო საკითხზე. უნდა ითქვას, რომ პაატა გუგუშვილი არ იზღუდება ქართული ბეჭდური წიგნის ისტორიის შესწავლაზე. აქ საკითხთა უფართოების წრეა წიგნის ისტორიიდან საზოგადოდ და ეს კეთდება, რათა უფრო სრულად წარმოჩნდეს ქართული წიგნის ისტორია.

ჩვენი მიზანი არ არის გამოცემებით ამ კაპიტალური წიგნის ჩრდილოვანი მხარეები, სადაცო წარმოვაჩინოთ, ზოგიერთ არასისრულეზე მივუღებოდ. დიდად სახიზარულოა, რომ შექმნილია თუნდამენტური მონოგრაფიული გამოკვლევა ქართული ბეჭდვითი წიგნის მსოფლიოსთვის. რაც შეეხება ნაკლოვანებებს, მათ შესახებ უნდა ითქვას თვითონ ავტორის სიტყვებით: „ყველაზე დიდ მონოგრაფიულ ტომშიც ყველაფერი არ იწერება. ბევრი რამ არ იწერება უაღვლოდ გამო. ზოგი რამ ისედაც გაუგებარი, შეუღწეველი და აუხსნელი რჩება, ხოლო რიგი მოვლენა ჭერ კიდევ არაა მთლიანად წარმოჩენილი“.

უნდა ითქვას, რომ 1929 წელს ფილიპე გოგიაშვილი, როგორც რედაქტორი, აღნიშნავდა: დიდიმანტის წიგნის ნაკლოვანებას, რომ „მასში საკითხის სოციალ-ეკონომიურ მხარეზე ნაკლები ყურადღება მიქცეული შეაქვს სტატისტიკურადც უფრო გაღრმავებული შედარება-ანალიზი იყო სასურველი“. ეჭვი არ არის საყვედურის ეს სიტყვები მწვევედ ხვდებოდა ავტორის ჰაბუტურ თავმოყვარეობას, მაგრამ მას ეს წყენად არ მიუღია; იგი კარგად იცნობდა პროფესორ ფილიპე გოგიაშვილს, როგორც მკაცრ, ადვილად და მიუდგომელ პიროვნებას, რომელიც შევალდა როდეს თანახმებოდა ხელნაწერის წიგნად დაბეჭდვას. 50 წლის შემდეგ, როცა მასწავლებელი დიდი ხნის გარდაცვლილი იყო, აკად. პ. გუგუშვილი საჭიროდ თვლის აღნიშნოს და გაასწოროს წიგნში შენიშნული ხარვეზი და ახლად დაწერილი საგანგებო თავი „კულტურულ-ეკონომიკური და პოლიტიკური ევოლუცია“ შესანიშნავად წარმოგვიდგენს ეპოქის ისტორიას, სოციალურ-ეკონომიკური საკითხებისა და სტატისტიკური შედარებების მიხედვით მასწავლებლსა და ანალიზს.

პაატა გუგუშვილის სტუდენტურმა ნაშრომმა შემდგომ მოგვცა არამარტო წიგნი ქართული წიგნის შესახებ. არამედ შვა პირველი ტომი „ქართული ჟურნალისტიკისა“ (1941 წ.), რომლის კიდევ სამი ტომი დაბეჭდვას ელის. 1929

წელს გამოსულ წიგნში გაცილებით მეტ აქვს დათმობილი პერიოდულ (ჟურნალ-გაზეთების) გამოცემებს, ვიდრე 1934 წელს გამოსულ წიგნში, ვინაიდან ავტორი პერიოდული გამოცემების მონოგრაფიულ შესწავლას ასორციელებს. გზადაგზა ავტორი ზაინც გვაცნობს თავის აღრინდელ და ახლანდელ დამოკიდებულებას ქართული პერიოდული და ერთდროული გამოცემების თანაფარდობაზე.

ორმოცდაათზე მეტი წლის მანძილზე ბევრი რამ დაიწერა ქართულ წიგნზე. არც ერთი სახელი არ რჩება ავტორის ანალიზის გარეშე. შეცდომას დაუშვებდით თუკი მარტო აღრინდელი წიგნის შემავსებელი სამუშაოთი ნაკარნახევ ცვლილებებს აღვნიშნავდით. ავტორი აგრძელებს არქივსაცავებში ჩვენი ისტორიისათვის უძვირფასესი მასალების ძებნას და წარმოჩენას. პ. გუგუშვილის ამ მისიამ კვლევა-ძიების უნარს დიდად აფასებდა ივანე ჯავახიშვილი. 1940 წლის 19 მაისს იგი ასე ახასიათებდა დოკუმენტ პაატა გუგუშვილს: „ახალი საარქივო მასალების კვლევა-ძიების ხალისიცა და აღმოჩენა-გამოყენების უნარიც აქვს. მან უკვე არა ერთი საურთაღდებო ცნობა შესძინა ეკონომიკურ საისტორიო მწერლობას. უკანასკნელად გამოქვეყნებულ ნაშრომებს შორის აღსანიშნავია დეწალი, რომ საარქივო მასალებში მან იპოვნა ვახტანგის კანონების იმ დანართი ნაწილის ქართული დედაწილა და მისი შედგენილობის დროცა და გარემოებაც გამოიკვლია, რომლის მხოლოდ რუსული თარგმანი იყო შერჩენილი“.

ივანე ჯავახიშვილის ეს სიტყვები დიდად ახალისებდა შემდგომაც მკვლევარს, რომელიც ავტორს სამოცი წელი ხდებდა, რაც სახელმწიფოებრივ არქივსაცავებში ეძებს, ავლენს და სწავლობს „ჩვენი ქვეყნის სოციალური და ეკონომიკური, კულტურული და სახელმწიფოებრივი ცხოვრების ისტორიას მკვინერთა მიერ აქამდე გამოუყენებელ პირველწყაროებს, აუთენტურ დოკუმენტებს. ამ თვალსაზრისით ბრწყინვალეა მეორე განყოფილების მეოთხე თავი „ქართული ბეჭდვითი სიტყვა და ცენზურა“.

აქ სრულიად ახალ, მოულოდელ ფაქტებს, დოკუმენტებს, მასალებს იპოვნით ზრის აღრინდელი ჯალათების მოღვაწეობიდან, რომლებიც მზად იყვნენ მოესპოთ საზოგადოდ პრესა, ეს „მუდამეშამს მუვირალა“ და სიმართლის მძიებელი მოვლენა, ვიდრე პოლიციას გაეპაროს რომელიმე „საფუძველთა მრყეველი“ ამბავი“ (612).

უწმინდესი სინოდის ცენზურა თავის კონტროლს უჭვემდებარებდა ორიგინალებიდან V და VI საუკუნეებში ქართულად თარგმნილ საეკლესიო წიგნებს, უწარმავარი იმპერიის ფარგლებში სრულიად არ არსებობდა ერთიანი მოთხოვნილება დასაბეჭდი ლიტერატურის მიმართ, — იგი ერთი და იგივე წიგნის მიმართ პერიფერიაში უფრო მკაცრი იყო, ვიდრე ცენტრში, სწორედ ცენზურის ამ ზიგავაგებს ადასტურებს

ბ. გუგუშვილი ივანე ჯავახიშვილის წიგნისადმი „პოლიტიკური და სოციალური მოძრაობა საქართველოში XIX საუკუნეებში“ ცენტრის დამოკიდებულების მაგალითზე. 1906 წელს ეს წიგნი პეტერბურგის ცენტრსამ დაუბრკოლებლად გაუშვა, მაგრამ როცა თბილისში მისი ქართულად გამოცემის საკითხი დააყენეს და რუსულად ცენტურაგავლილი წიგნი აჩვენეს, ერთგულმა მენშევიკურმა ცენტრსამ მოახერხა ქართულად გამოცემის ნებართვის ნაცვლად, რუსულად გამოცემული წიგნის აკრძალვაც.

პოლიციასთან სოლიდარობით ცენტურა ხშირად ცეცხლში წვავდა წიგნებს. პაატა გუგუშვილი შთაბეჭდავად აღწერს: „სასამართლოს დადგენილებით დასაწვავი წიგნები ჩვეულებრივ ქალაქკარეთ გაჰქონდათ, მაგალითად, მდ. ვერაზე გადასასვლელ ხიდს ზემოთ (იქ, სადაც ახლა გმირთა მოედანია) და, პოლიციის წარმომადგენლის და სტამბის ინსპექტორის დასწრებით, გაჩაღებულ კოცონში ჰყრიდნენ. აქ საყვირის ხმაზე მოგროვილი ხალხი უყურებდა, თუ როგორ ანადგურებდნენ „მიუღებელი აზრის მატარებელი“ ბეჭდვით სიტყვის პროდუქციას...“

ძველი ქართული მწიგნობრების მსგავსად პაატა გუგუშვილი მეცნიერული განზოგადოების სტრიქონებს შორის, ხშირად მიმართავს თავისებურ ავტორისებულ მინაწერებს, ბევრი მათგანი მაღალმხატვრული ზემოქმედების ძალითაა ჩამოქნილი, ყველაფერი ეს აძლიერებს შთაბეჭდილებას და მკვეთრად რჩება მკითხველის მეხსიერებაში.

ქართული წიგნის უსაზღვრო სიყვარულით წერს პაატა გუგუშვილი; „წიგნი ქართულ ოჯა-

ხში ყველაზე უფრო ძვირფას განძად ითვლებოდა. მტრების შემოსევისას წიგნებს ბავშვებთან ერთად მიუვალ მთებში გახიზნავდნენ ხოლმე. ასე, მომავალთან ერთად წარსულს ინახავდნენ და ეს ვითარცა წარსულისა (წიგნისა) და მომავლის (ნაშერთა) უკვდავებისა და მარადი აღწარმოების განითქმეული გამოცხადება თვით კავახიონის მთებივით წარუშლელ სტრიქონებად ეწერა ქართულ მიწაზე, და აღბეჭდილი იყო ქართველის ადამიანურ შემეცნებათა ვრცელ არსენალში, ქართულ წიგნსაცავებში დაცულ განძეულობაში. მარტოოდენ ტყვეობიდან დახსნილ წიგნთაგან თუნდაც პადიშის „ოთხთავის“ ისტორია რად ღირს, და განა საქორო არ არის, ამის შესახებ თუ არა მთელი პოემა, ლექსები მაინც იწერებოდა!“

საბავშვო წიგნის დახასიათებისას პაატა გუგუშვილი არ კმაყოფილდება სტატისტიკური მონაცემებით, რაც ამ ლიტერატურის არნახულ დაწინაურებას ადასტურებს ჩვენში. იგი შესანიშნავ სტრიქონებად ჩამოაყალიბებს ამ ლიტერატურის სოციალურ ღირებულებას. „საბავშვო წიგნი ხილია ძველსა და ახალ თაობას შორის, თვისებური ცისარტყელაა, რომელიც ძველისა და ახლის შეერთებით კიდევ საღდაც სხვა, აქამდე მიუვალ ცისკიდეს ებჯინება“...

აკადემიკოსი პაატა გუგუშვილი არ იზღუდება საკვლევი პრობლემების თემატიკური ფარგლებით და ყოველი ამგვარი წიაღსვლა მომიჯნავე პრობლემათა კვლევაში ყოველთვის წარმატებით მთავრდება.

ყველა, ვისაც წიგნი უყვარს, დიდი მადლიერებით წაიკითხავს აკად. პაატა გუგუშვილის ამ ნაშრომს.





ნიგნი „ნიგალის“ შესახებ

ნიგალი ისტორიული სამხრეთ-დასავლეთ საქართველოს ერთ-ერთი თვალსაჩინო მხარის სახელი იყო. ეს საგეოგრაფიო სახელი ხშირად იხსენიება ძველ ქართულ საისტორიო ძეგლებში.

XI საუკუნის თხზულებაში — „მატიანე ქართლისა“-ში ნიგალი „ადარნახე ბაგრატიონისა“ საფუძვლებელში („კლარჯეთი, შავშეთი, აჭარა, ასისფორი, არტანი, ქვემო ტაო“) იხსენიება („ქართლის ცხოვრება“, ტ. I, ტექსტი დადგენილია ყველა ძირითადი ხელნაწერის მიხედვით ს. ყაუხჩიშვილის მიერ, თბილისი, 1955, გვ. 251).

ბაგრატიონების კლარჯთა სახლის მემკვიდრე სუმბატ დავითის ძე (XI ს.), როცა აშოტ პირველი კუროპალატის ერთ-ერთ თავდაცვით ღონისძიებას აღწერს, შენიშნავს: „და იყო ერთხა შინა უამსხა განვიდა აშოტ, რათამცა შეკრიბა ღაშქარი ბრძოლისათვის სარკინოზთასა. მოვიდა იგი ადგილსა რომელსაშიე და განავლინა ღაშქრის მაწუყველინი, და ვიდრე არღარა შეკრიბილ იყო ღაშქართ იგი მისი მის თანა, დაესხნეს მას სარკინოზნი უცნაურად და აოტეს იგი“. აშოტი „წამოემართა და მოიწია ხეცხა ნიგალისასა და იწყო ძებნად ერისა...“ (იქვე, გვ. 377).

ნიგალი სხვა ქართულ (თუ უცხოურ) წყაროებშიც იხსენიება. ასე გვრძელება გვიანშუასაუკუნეებამდე. XVIII საუკუნის დიდი ქართველი ისტორიკოსი ვახუშტი ბაგრატიონი ნიგალს „ლიგანის“ ფორმით იხსენიებს, ხოლო ოსმალურ წყაროებში ნიგალის სახელად „ლიგანა“ მკვიდრდება. „ლიგანა“ მოგვიანებით რუსულ და ქართულ ლიტერატურაშიც ვრცელდება და ასე მოდის ჩვენს დრომდე.

ახლანდელ ამ შეხანსწავი ისტორიული მხარის ძველი სახელი „ნიგალი“, კლავ გაგვახსენა პროფესორ იური სიხარულიძის წიგნმა, რომელიც „საბჭოთა აჭარამ“ გამოცდა.

წიგნის რედაქტორია საქართველოს სსრ მეცნიერებათა აკადემიის აკადემიკოსი სერგი ჯიქია, ხოლო რეცენზენტები — ისტორიის მეცნიერებათა დოქტორი, პროფესორი ალექსანდრე ბენდიანიშვილი და ფილოლოგიურ მეცნიერებათა კანდიდატი ირინე ესათიანი.

სარეცენზიო წიგნი ისტორიულ-გეოგრაფიული ხასიათის ნაშრომია. ავტორის მიზანია ნიგალის ისტორიულ-გეოგრაფიული აღწერა.

ნიგალის ისტორიულ-გეოგრაფიულ აღწერას ჯერ კიდევ ფეოდალურმა ქართულმა ისტორიოგრაფიამ დაუღო სათავე (ვახუშტი ბაგრატიონი). ამ მხრით ახალმა ქართულმა ისტორიოგრაფიამაც თვალსაჩინოდ იღვანა და ქართულმა საბჭოთა ისტორიოგრაფიამაც.

ნიგალის ისტორიულ-გეოგრაფიული აღწერა საბჭოთა ისტორიოგრაფიაში 50-იან წლებში დაიწყო. ამ ძიების პირველი შედეგები 1958 წელს დაიბეჭდა (ი. სიხარულიძე, სამხრეთ-დასავლეთ საქართველოს ტოპონიმია, წიგნი 1, 1958), ხოლო შემდგომი ხანის კვლევა-ძიების შედეგებს სარეცენზიო წიგნით ვეცნობით.

ნაშრომის „შეხვედში“ მოკლედ, მაგრამ საფუძვლიანად არის მიმოხილული ნიგალის ისტორიულ-გეოგრაფიული განვითარების სურათი უძველესი დროიდან გვიან შუასაუკუნეებამდე.

ნიგალისხევი ფიზიკურ-გეოგრაფიულად არც ისე მნიშვნელოვანი ხეცია, მაგრამ მისი სახელი დროთა განმავლობაში თითქმის მთელი კოროზის ქვემო დინების სახელად იქცა.

ყო როგორ მოხდა ეს, ანუ ისტორიულ-გეოგრაფიული განვითარების რა გზა განვილო ნიგალის ხეცმა, აქამდე არავის უკვლევია ასე გულმოდგინედ. ამდენად, პროფ. ი. სიხარულიძის ცდა მისახალმებელი და საგულისხმოა.

ავტორს საინტერესო დაკვირვებები აქვს



საკუთრივ პირვანდელ ნიგალისხევეც. სა-
ყურადღებოა მისი ვარაუდი ზევის სახელად
ნიგალის გაჩენის შესახებაც: „ეს სახელი
ზევის მას შემდეგ უნდა შერქმეოდა, როცა
ზევის ცენტრმა ბარში გადმოინაცვლა“ (სა-
რეცენზიო წიგნი, გვ. 3).

მკვლევარი ენერგიულად ცდილობს ალა-
დგინოს იმ ბრძოლის სურათი, რომელიც ნი-
გალს უნდა ეწარმოებინა მეზობელი ხეების
საპირთიანებლად. მისი ვარაუდით, ეს
ბრძოლა ზევის ქვემო წელში ცენტრის გა-
დმოინაცვლებამდე უნდა დაწყებულიყო და
პირველად სამხრეთით მდებარე ზევის წინა-
აღმდეგ უნდა განვითარებულიყო. „ამ შედა-
რებით მომცრო ზევის სისუსტე ის იყო —
უნიშნავს ავტორი, — რომ მას საწაფხუ-
ლო საძოვრები თითქმის არ გაჩნდა... სა-
მეურნეო ცხოვრების ეს აუცილებელი ატრი-
ბუტი ამ ზევის მეზობელ ხეებში... უნდა ეძია,
მაგრამ აქ არჩეული „ძლიერ შეზღუდული ჰქონ-
და და სურდა თუ არ სურდა, მინც უახლოესი
მეზობლისათვის... უნდა დაეკავშირებინა თა-
ვისი ბელი“ (იქვე, გვ. 4).

ეს კი ის ზევი იყო, რომელიც შემდეგ
ნიგალად იწოდა.

სამხრეთით მდებარე ზევის ათვისებით,
როგორც უნიშნავს მკვლევარი, „ნიგალი“
იძენდა იმ ძალას, რომელიც შემდგომი წინ-
სვლისთვის და მეზობელ ხეებთან (ბერთის,
დევის) მეტოქეობისათვის იყო აუცილებე-
ლი“.

ამ წარმატებით ზურგამაგრებული ნიგა-
ლი, ავტორისავე დაკვირვებით, პირველად
ჩრდილოეთით მდებარე დევისზევის წინა-
აღმდეგ მიემართება.

დევისხევთან ნიგალის შეხების ადგილად
მკვლევარს სინგოთის უღელტეხილი ესახე-
ბა, ამას აღიქვამენებს „ის ფიციურ-გეო-

გრაფიული თავისებურებანი, რაც ამ უღელტეხილში
ონს გააჩნია“. მართლაც, ამ უღელტეხილში
მდე დევის ზევის „განვრცობას არავითარი
დაბრკოლება არ უჩანს“.

დევისხევთან ბრძოლა ნიგალმა მოიგო და
ამის შემდეგ ჯორჯის მარჯვენა სანაპიროს
ყოველი ზევის წინააღმდეგობა ადვილად გა-
ტეხა. ვიდრე მიჭიხიანამდე (გვიანდელი სა-
ხელით მაჭახელი). შემდეგ ნიგალი გადმა
მხარის „ქვეყნების“ (ფორჩხა, ართვინი)
ათვისებას იწყებს და ამ ბრძოლაშიც გამა-
რჯებულები გამოდის (გვ. 4-5).

ასე ესახება მკვლევარს ჯორჯის ქვემო
წელის იმერ-აშერის გაერთიანება ნიგალის
ზევის ძალისხმევით.

არ არის გამორიცხებული, რომ ნიგალის
„ქვეყნის“ წარმოქმნის ავტორისეულ გა-
აზრებაში მომავალმა ძიებამ ერთგვარი კო-
რექტივები შეიტანოს, ზოგი რამ შეცვა-
ლოს, მაგრამ ერთი უდავოა: ის სიახლე,
რომელსაც ამ შემთხვევაში სარეცენზიო წი-
გნი გვთავაზობს, საინტერესო და საიმედოა.

ავტორის სახარგებლოდ უნდა ითქვას ის-
იც, რომ იგი მეტად ლაკონურად წერს. მო-
კლედ თქმა ადვილი საქმე როდია და დიდ
შავ მუშაობას გულისხმობს. ეს თითქმის უო-
ველ სტრიქონში იგრძნობა. ამანვე აქცია
ეს გარეგნულად პატარა წიგნი სოლიდურ
ნაშრომად.

ნაშრომს დიდ ღირსებას ჰმატებს ისტო-
რიულ-გეოგრაფიული ფაქტების ენერგიული
ძიება და საფუძვლიანი დამუშავება.

ასევე ითქმის ადრეფეოდალური ხანის ნი-
გალის სქემაზეც, კარგად შედგენილ საძიე-
ბლებზე (პირთა, საგეოგრაფიო) და რევიუ-
მებზეც (რუსული, გერმანული).

სარეცენზიო წიგნი ნიგალის შესწავლაში
მნიშვნელოვანი წვლილია. მისი გამოცემით
„საბჭოთა აჭარამ“ კარგი საქმე გააკეთა.





ნათელა არველაძე

ახალგაზრდული სპექტაკლების ფესტივალი

ახალგაზრდული სპექტაკლების ფესტივალის დაარსების იდეა საქართველოს კულტურის სამინისტროში წარმოიშვა. პირველად იგი 1979 წელს ჩატარდა. როგორც ჩანს, იმთავითვე საინტერესოდ წარიმართა საფესტივალო ცხოვრება, შემდგომ კი უფრო მასშტაბური ხასიათი შეიძინა. ამჟამად იგი საკავშირო სათეატრო ფორუმად იქცა. ორ წელიწადში ერთხელ უმასპინძლებს ჩვენი რესპუბლიკა ახალგაზრდა შემოქმედთა ხელოვნების საჩვენებელ შეხვედრას.

ამგვარ ფესტივალზე საშუალება გვეძლევა თვალი მივადევნოთ იმ პროცესებს, რაიც მიმდინარეობს თანამედროვე სასცენო ხელოვნებაში. ამავე დროს, მდიდარი ინფორმაცია გვიგროვდება ახალგაზრდა შემოქმედთა ძიებებზე. ურთიერთგამდობის, აზრთა მიმოქცევის, გამოცდილების გაზიარების საუკეთესო საშუალებაც არის ასეთი შეხვედრები.

ფესტივალის უპირველესი დანიშნულება კი, ფიქრობ, ის გახლავთ, რომ წარმოვაჩინოთ ძირითადი ტენდენცია, სადაღმყოფი კულტურის ზვალნიდელ დღეს რომ წარმოართვს, მივაკვლიოთ სათეატრო ხელოვნების განვითარების პერსპექტივას, გავიზაროთ ნაციონალური კულტურის წიაღიდან აღმოცენებული აზროვნების ცხოველყოფილი ძალა და მას საერთო, საზოგადო რეზონანსის მინიშნულობა მივანიჭოთ. საგულისხმო ფაქტად მესახება ისიც, რომ მსჯელობის საგნად ვაქციოთ, რამდენად წარმოჩინდება ახალგაზრდა შემოქმედთა ხელოვნებაში ინდივიდუალური სათეატრო აზროვნების სისტემა, რა სახის სათეატრო მიმდინარეობათა ერთგულებას ავლენენ ისინი და რა მოქალაქეობრივი სატიკოარით პასუხობენ ჩვენს თანამედროვეობას. ზვალნიდელ სათეატრო ხელოვნებას ხომ ის მსახიობები და რეჟისორებიც უურჩიან საფუძველს, ვინც ამ ფესტივალში მიიღო მონაწილეობა. ამრიგად, აღნიშნული სათეატრო ფორუმი, მის შედეგებზე მსჯელობა, თავისთავად ნიშნავს სათეატრო ხელოვნების მომავალზე დაფიქრებასაც.

1985 წლის 13-28 ნოემბერს ოც წარმოდგე-

ნას გაეცნო თბილისელი მაყურებელი, თორმეტი რესპუბლიკის სათეატრო კულტურის ირგვლივ მსჯელობდნენ სპეციალისტები. განხილვებში მონაწილეობდნენ მოსკოველი, ლენინგრადელი და თბილისელი თეატრმცოდნეები, უურნალისტები, რეჟისორები, მსახიობები. საგულდაგულთა განსჯის საგნად იქცა თანამედროვე დრამატურგია, რეჟისურისა თუ საშემსრულებლო კულტურის ძირეული საკონტრები.

საფესტივალო აფიშა ძირითადად სამი სახეობის სპექტაკლისაგან შესდგებოდა: სამამულო ომისადმი მიძღვნილი სპექტაკლები; ახალგაზრდობის მტიკინეული პრობლემატიკით დაინტერესება; საერთაშორისო საკითხებზე დაფიქრება.

1. სამამულო ომის თემისადმი მიძღვნილი სპექტაკლები.

როდესაც სამამულო ომის მრისხანე დღეებზე მსჯელობს ახალგაზრდა ხელოვანი, საინტერესოა, რა ახალი თვალსაზრისი მოაქვს მას, დისტანციის შედეგად როგორ იქნება შეფასებული ჩვენი ხალხის ცხოვრების ეს უმძიმესი პერიოდი. ამ მხრივ საგულისხმო აღმოჩნდა ბელორუსიის მ. გორაკის სახელობის რუსული დრამატული თეატრის ნამუშევარი, ვ. ბიკოვის დრამატული პოემა „უბედურების ნიშანი“. ნაწარმოების სცენური რედაქცია თავად დამდგმელს, ვ. მასლოუს ეყუთვნის. სწორედ ამ საერთო სახალხო უბედურების ფესვებს იძიებს დამდგმელი ჭგუფი, ისტორიის ღრმა შრეებში იძიება და ბელორუსული ერთი საფლის ცხოვრების ფონზე გვიჩვენებს იმ სახალხო განსაცდელს, იმ ტრაგედიას, რაც დატრიალდა საერთოდ მთელი ჩვენი ქვეყნის ცხოვრებაში.

სპექტაკლი ბელორუსული ეროვნული კულტურის ტრადიციის თანამედროვე სასცენო ენაზე სახიერ ტრასფორმაციას წარმოადგენს. დიდი, გაურჩინავი ჭვარი რწმუნისა და პიროვნული პასუხისმგებლობის სიმბოლოდაც გვესახება, ამიტომაც მისი წამოქცევა რწმუნისა

და პასუხისმგებლობის გრძნობის მოშლის საფრთხესაც მიგვანიშნებს. ტრაფარეტულმა სასცენო სიმბოლომ ამ შემთხვევაში პირველქმნილი აზრი დაიბრუნა და მარადიულ პრობლემაზე „მარტივად“ ისაუბრა მაყურებელთან. სანახაობის მიმართება შესაძლოა ორი სიტყვით გამოითქვას: ძალადობა და ადამიანური ღირსების დაცვა. ძალადობის დაკანონება შეუძლებელია, იგია უბედურების ერთ-ერთი სათავე; ძალადობით მიღწეული ნებისმიერი საზოგადოებრივი ურთიერთობა განწირულია, ვინაიდან დათრგუნული ენერჯია, ღმერთმა უწყის, ვულკანივით როდის იფეთქებს; ნებისმიერ კრიტიკულ სიტუაციაში ღირსების დაცვა ადამიანის უზენაეს მოვალეობათა რიგს განეკუთვნება. ომის მრისხანებამ სწორედ ამ მხრივ მოუწყო გამოცდა სოფლებებს. სტეპანიანს როლის შემსრულებელი მსახიობნი კლებანსოვიჩი, ვფიქრობთ, ამ თვალსაზრისს დაეურდნო, როდესაც დიდი ტაქტიკა გაბედულად, რწმენითა და გულწრფელობით გაილაშქრა ძალადობის წინააღმდეგ, დაცვა პიროვნული ღირსება, რაც მთავარია ქმარსაც შეადლებინა ღირსეულად გამკლავებდა პოლიციის დამამცირებელ ქმედებას. თ. კლებანსოვიჩის მიერ შექმნილი გლეხის ხასიათი, თითქოს ბელორუსული ფესვგამდგარი ხის ყლორტზეა დაურდნობილი, ამიტომაც ყვივის მასში ეროვნული კულტურის ტრადიციის ძლიერი ბგერა. რეჟისორმა ვ. მასლიუქმა, მსახიობებმა, მხატვარმა ი. ტურმა, კომპოზიტორმა ვ. კონდრუსევიჩმა, პატროსანი, აზრიანი და გულწრფელი დიალოგი გამართეს მაყურებელთან. სახიერმა მინიშნებებმა სწორედ დამდგმელი ჭკუფის მოქალაქეობრივი პოზიციის ეს წრფელი და მკაცრი განსჯა წარმოაჩინა.

ჩ. აიტატოვის „ადრეული წეროები“ წარმოადგინს ფესტივალზე ყირგიზელმა კოლეგებმა. მ. რისკულოვის სახელობის ნარიინსკის მუსიკალურ-დრამატული თეატრი ცენტრიდან შორს, მაღალმთიან რაიონში დიდ კულტურულ საქმიანობას ეწევა. ახალგაზრდული თეატრი ემსახურება ყირგიზ მშრომელებს, ძალზე რთულ პირობებში უხდებთ მათ მოღვაწეობა და, ამდენად, დიდად დასაფასებელია ეს თავგანწირვა. ქართველი მაყურებელი პირველად გაეცნო მათ ხელოვნებას. ჩ. აიტატოვის ნაწარმოებმა რეჟისორ ა. სარდიკე-ოვის ინტერპრეტაციით მნიშვნელოვანი რეაქცია განიცადა, ვინაიდან სასცენო ქმედება პროზისათვის ორგანული თხრობის ტრანსფორმაციას ითხოვს თეატრის კანონთა გათვალისწინებით.

სპექტაკლი ნაადრევად დაფუძვლულ ბავშვებზე მოგვითხრობს. ომმა ბავშვობა წაართვა მათ, ადრეულად ჩააბო შრომაში, უფროსების საქმიანობა იტვირთეს მთებში შეზინული აულის ბინადრებმა. ომის მკაცრი რეალობა

ისიცაა, რომ ყრმობის სილაღესა და დაუფრთხობლობას უტყვივ უნდა დაედოს ზღვარები უმწიფარ მხრებზე გასაჭირთან ერთად საზრუნავიც აწევბათ ბალებს. სპექტაკლის საუკეთესო ეპიზოდებმა სწორედ ეს სიმძიმელი გავგრძნობინა. ბავშვები ცბენთა რემბს უფლიან. ბუნება თავისას არ იშლის, გახლებული თამაშისადმი ლტოლვა მათი ასაკის ფესვება და ცბენებზე „ამხედრებული“ ბავშვები ლაღად „მიმჭირან“ იაღლებზე. ამ სცენურ სახიერებში თავად ეროვნული ბუნების პირველქმნილი სიმი აღედრდა, რომელმაც პლასტიკური ნახაზის სისტემაში ნორჩთა გულისფთქვა წარმოაჩინა. საერთო სცენურ ატმოსფეროში ომის სუსხი ნაკლებად შეიგრძნობა. ვფიქრობ, სპექტაკლი ვერ ასცდა ილუსტრაციულობას, ამიტომაც თავად სასცენო ქმედებამ პროცესის სახით ვერ გამოხატა ყმწვილების, ადრეული წეროების, როგორც თავად პროგრამაშია მითითებული, სულიერ სამყაროში მომხდარი ცვლილებები. სპექტაკლის წამყვანმაც ვერ დამუხტა მაყურებელი, ამიტომაც იქცა ვე ერთგვარ მინიშნებად და არა თეატრის მოქალაქეობრივი პოზიციის გამომხატველ აქტიურ პერსონაჟად.

ვ. ეუოვისა და გ. რუხბაის პენსად გადაკეთებული კინოსცენარი დაედო საფუძვლად მოსკოვის ცენტრალური საბავშვო თეატრის სპექტაკლს „ალიოშა“. თავის დროზე გ. რუხბაის კინოფილმმა, „ბაღალა ჭარისკაცზე“, სწორედ საბრძოლო ბატალიების მიმართ ახალი მიდგომით მოიპოვა აღიარება და ფართო საზოგადოებრივი რეზონანსი. დასანანი, რომ სპექტაკლში დისტანციის გათვალისწინებით ვერ გამოვლინდა ახალი თვალსაზრისი ამ უმძიმესი ისტორიული მოვლენების მიმართ. დამდგმელმა ჭკუფმა მოგვითხრო ალიოშა სკვორცოვის ფაფრეიანი თავგანსავალი, ხოლო სასცენო დანადგარზე გათამაშებულმა აშბავმა მთელი ძალით ვერ ჩაითრია, ვერ დამუხტა მაყურებელთა დარბაზი.

უთუოდ სახიერად არის გადაწყვეტილი სცენოგრაფია (მხატვარი — ს. ბენედიქტოვი). ვაგონის ჩამწვარი კედლები გადამწვარი სოფლებებისა და იავრქმნილი ქალაქების სიმბოლურ გამოსახულებას წარმოადგენს, ლტოლვილთა დროებით თავშესაფრად რომ გადაქცეულა (ტექნიკურად რთული სპექტაკლი მწყობრად გათამაშდა სხვა სცენაზე, რაც მოსკოველთა მაღალ საღადგმო კულტურაზე მიგვანიშნებს). ამ ვაგონში მიმდინარეობს მთავარი ეპიზოდების სათუატრო ენით წარმოსახვა. ბევრად მოიგებდა სპექტაკლი სახიერი გრაფიკული მონახაზი რთული შინაგანი სვლებით რომ ყოფილიყო გამდიდრებული.

წარმოდგენის ძირითად თემად სამართლიანად იქცა ალიოშა სკვორცოვის დრამატული კოლიზიებით აღსავსე მგზავრობა მშობლიურ

სოფელში. ვფიქრობ, ამ თავდადასავლის ანრობრივ ცენტრად უნდა გადაქცეულიყო აღდომის პაროქიებად ჩამოყალიბების პროცესი. მსახობი ა. მიხაილოვი ერთნირად გულწრფელაა ვფიქრობ ეპიზოდში, ერთნირი ძალით გაიღვივება დენატორისა თუ სულიერი დაკნინების წღვარზე მყოფი მებრძოლის მიმართ; პავლოვის ცოლსაც ასევე ლოგოკურად „აქანუბდა“. ვფიქრობ, რეჟისორსა და მსახობის განსაუთრებულად უნდა გამოეყოთ ის ეპიზოდი, როდესაც ალიოშამ არჩევანი მოახდინა და წინებრივი აღმატებაც გამოავლინა, ეს გახლავთ პავლოვის მიუღღსმისთან შეხვედრის ეპიზოდი. სწორედ აქ გამოავლინა ალიოშამ შინაგანი წესიერება, იგი ხომ თავდა დალატს აუშხენდრდა. — არ დაუტოვია მოღვატე ცოლს ქმრის ამნათი. სცენური დროის თვალსაზრისითაც უცბად გათამაშდა ეს სცენა. შინაგანი ძვრების სექტორიც და მოტივირებაც საქმარისი არ აღმოჩნდა ამ ქმედების მთელი სისავსით წარმოჩენისათვის, ამიტომაც ეს მოვლენა შინაგანი სველებით, რთული ურთიერთობების გამოხატვის თვალსაზრისითაც უფერული აღმოჩნდა. სინამდვილის დრმა პლასტებში შედწევიტ ალიოშას ხასიათი უთუოდ უნდა შეცვლილიყო, ეს ფერისცვალება ხასხირად უნდა გამოეცა მსახობის. გულწრფელობა, ლოგიკურობა, დამაქრებლობა — აუცილებელია, მაგრამ სასცენო ქმედება უთუოდ ითხოვს მოულოდნელ და მდიდარ შეფასებათა სექტრსაც. საქვიელთა მეთაფორულ სისტემასაც. ვფიქრობ, სწორედ ასეთი რეჟისორული და აქტიორული გამოფონებლობის სიცხადე დააკლდა წარმოდგენას. ამ მხრივ კარგად არის გაღაწვეტილი ალიოშასა (ა. მიხაილოვის) და შურას (ა. ბალაშოვას) გამოთხოვების ეპიზოდი. წინ, რამაპათან დაძაბული ალიოშა დგას. ტკივილი, გაოცება, სინაზე, სიკეთე და შინც სულისშემბუთევი სასოება აღბეჭდილი მის სახეზე. ახლა ვაგონი მანქანის ძარად იქცა. ხელგაწვილი შურა სასოწარკვეთით გაიძახის — დაგელოდებო. მანქანა კი „მოქრის“, კვლავ ალიოშასაკენ იწვიდის ხელს უმაწვილი ქალი; სინათლის სხივი თანდათან ქრება და სცენის წყვიდადში ჩაიკარგება ამ ორი აღამიანის სულიერი ურთიერთტოლოვის სათუთი ტალდა. დამდგმელი გჭოფის პროტესტის ძალა მთელის სისავსით ჩაიქსოვა ამ სცენურ მიგნებაში.

2. ახალგაზრდობის ცნობრების სცენური ინტერპრეტაციის პრობლემა

ახალგაზრდობა ახალგაზრდა შემოქმედის თვალში საფუტივალო ცხოვრებაში, ვფიქრობ, ეს პრობლემაც წაიჭრა. ამ საერთო თემატიკი გაერთიანებული სექტაკლების უპირ-

ველესი თვისება ის გახლავთ, რომ ახალი თაობის მაქსიმალისმით გამოვლინდა სწრაფი რეალური ვითარების წრფელი ასახვა. თავიანთ თანატოლებზე ისინი მსგელობენ — პასუხისმგებლობით, უფროსებზე — სინანულისა და საუვედურის შეზავებული ტონით, წოგჯერ სამართლიანი სიმკაცრითაც. არ ცდილობენ თავიანთი თაობის იდეალიზაციას, მაგრამ არც უპირატესობას ჩქმალავენ. ახალგაზრდა შემოქმედი იმ მიწეუებსაც იძიებს და უკვირდება, რომელმაც ჩამოაყალიბა მათი თვისებები. რა თქმა უნდა, ყოველი სექტაკელი აზროვნების სიღრმისეული სველებით ვერ გამოირჩევა, მაგრამ აღნიშნული ძირითადი მიმართება უთუოდ გამოიკვეთა მითში.

მსოფოვის ტენიურე კომეკვიშის სახელოების თეატრმა მარკ ზახაროვის სექტაკლით, „ვატარებთ ექსპერიმენტს“, გახსნა მეორე საკავშირო ფესტივალი. თანამედროვე რეჟისორული თეატრის ერთ-ერთი ოსტატის, მარკ ზახაროვის, სათეატრო მოდელი „სასატის თეატრის“ ერთგვარ ვარიაციას წარმოადგენს. გამიზნულ მეთაფორათა სისტემაში ორგანულად არის ჩაქსოვილი თეატრის მოქალაქეობრივი პათოსი. აქტიური და მებრძოლი სათეატრო ხელოვნება ასეთსავე შემოქმედებას ახდენს მყოფრებელზე. მარკ ზახაროვის არაერთი სექტაკელი სეციულისტებისა და ახალგაზრდობის ცხარე კამათის ობიექტი გამხდარა. დასანანი, რომ ამ ფესტივალზე თავისი საუკეთესო ნამუშევრით არ წარსდგა თეატრი.

ერთი ქარხნის ექსპერიმენტზე მოუთხრობს სექტაკლი მყოფრებელს. ყოველგვარ ხერხს მიმართავს თეატრი, რათა აღამიანინ ინტრაციას აქტიურობა დაუპირისპიროს, ხოლო მშვიდ განწყობას მშფოთვარე ვენებათაღელვა. აღეგორიულობა, ივავისათვის დამახასიათებელი სისხარტე ამგვარი სათეატრო მოდელის უპირველეს ნიშანს წარმოადგენს. ამ შემთხვევაში საქარხნო ეპიზოდების რეალურმა ყოფამ სიმბოლიური მინიშნებების აბსტრაგირებული წყობის ერთგვარი „დამიწება“ გამოიწვია, რაც ხელშესახებად გამოვლინდა თუნდაც დიალოგის წარმართვის ფორმაში. ყოველდლიური ყოფისაფვის დამახასიათებელი ინტონაციები, ყოველგვარ სახიერებას მოკლებული რესლიკები (წოგჯერ არც კი გვესმის რაზეა მჭეელობა, როგორც ცხოვრებაში ხდება) — თითქოს სექტაკლის „სოციალური გარემოს“ წარმოჩენის ფონს წარმოადგენს. სინამდვილეში კი ამგვარმა ფორმამ საგრძნობლად შეანელა აღქმის სიმძაფრე. რეალობისა და პირობითობის თანარსებობამ სცენური მეთაფორული აზროვნების სიღრმე კი არ გამოკვეთა, არამედ ერთგვარად შეანელა ყოველი ეპიზოდის „შინაგანი პლანის“ ამოკითხვის შე-

საქმელობა. დანანანია, რომ მრავალპლანიათ
სახსრეო მინიშნებათა სანაცვლოდ ცხოვრები-
სული სინამდვილის „მოღერინებული“ ვარი-
აცია გათამაშდა სცენაზე. მსახიობურ შესრუ-
ლებაშიც სწორედ რეალობამ. ნამდვილობამ,
ყოველდღიურობამ იმპლავრა და ერთგვარად
გადაფარა ინტელექტუალური თეატრის უპირ-
ველესი თვისება — სახიერი და ზუსტი სცე-
ნური მინიშნებებისაგან წარმოქმნილი ასოცია-
ციების შედეგად წარმოჩენილ პოზიციათა
ბრძოლის არსებობა.

ომსკის აკადემიური თეატრის სპექტაკლს
საფუძვლად დაედო ბელ კაუფმანის „აღმა
სვლა დაღმავალი კიბით“. (რეჟისორი —
გ. ტროსტიანეცი, მხატვარი — ს. სტავცევა).
ნიუ-იორკის გამორჩეული კოლეჯი. სცენაზე
სასწავლო დაწესებულებების აქსესუარის სა-
ნაცვლოდ რკინის გისოსებიანი გალიებია აღ-
მართული. თითქოს სამხეტეში ვიწყობდით.
თითოეული მოსწავლე ამ გალიაშია გამომ-
წყვდეული, დაქავშულია თითქოს მათი
მეკრ-სამყაროც, თითოეულის პიროვნება
კი გამოჩნულია საზოგადოებრიობისაგან. ისინი
გისოსებს ეხეთქებიან, გამოღებულად
ცდილობენ გარღვიონ რკინის საღებ, მათ
პიროვნულ თავისუფლებას რომ ავიწროვებს,
ცდილობენ კიდევ შექმნან ადამიანთა გონი-
ერი საკრებულო. მაგრამ მეთად მწირია
მათი სურვილების არე, ამიტომაც განწირუ-
ლია მათი სწრაფვა. ერთის კეთილშობი-
ლური სწრაფვა მეორისაგან განწყობიხვია და
ზოგჯერ შეუნიშნავიც კი რჩება. ამ გარეგნულ
უხეშობაში, ამ „სასტიკ თამაშში“ მინც კრთის
ახალგაზრდების ნოსტალგია ადამიანური სით-
ბოსა, კეთილშობილებასა და ტეშმარიტ სიყუ-
თუზე. გარეგნულად ძალზე აქტიურია სპექტაკ-
ლი. რიგშიც მბორავია, ამ გარეგნულად მე-
ტისმეტად მოძრავსა და აქტიურ გარემოში
იკარგება მთავარი — ამ საზოგადოების სა-
ყოველთაოდ დაღვნილი წესი, ცხოვრე-
ბის ფორმა, ნიღაბს ამოფარებული თავისუ-
ფლება, ცრუ დემოკრატია თრგუნვს პიროვნე-
ბას, პირუტყვულ არსებობამდე დაჰყავს ალა-
მანი. ვფიქრობ, პერსონაჟთა შინაგანი სამყა-
როს კვლევა, ადამიანის ფსიქიკის ღრმა შრე-
ებში ჩაწვდომა, ურთიერთობათა რთული
სვლები მიგება — უთუოდ გაამდიდრებდა
სპექტაკლს. ამის შედეგად კი ცალმხრივი სა-
ნახაობის სანაცვლოდ მიღწეული იქნებოდა.
ტეშმარიტად სისხლხორციული „ცხოვრებისე-
ული ნაქაღი“, რომელიც დაგვაფიქრებდა მთა-
ვარზე — მოჩვენებითი დემოკრატია ბორ-
ტება საზოგადოებისათვის, ვინაიდან თავისუ-
ფლების ნიღაბქვეშ გაუჩრებულია პიროვნების
ღრსების შეღაზხის რეალური საფრთხე.

ბალტიისპირეთის სათეატრო ხელოვნება
ფესტივალზე წარმოდგენილი იყო ესტონეთის
თეატრის მეთად საინტერესო თოქინური სანა-

ხოებით (ი. ტრული „საოცარი ნამცეცა“
რეჟისორი ე. სპრიტი) და რიგის ორივე
მიური თეატრის სპექტაკლებით „უფლისწულ-
და მათხოვარი“ და „დესანტი“.

იუპიტის სახელობის აკადემიური თეატრის
ახალგაზრდა რეჟისორმა ე. ფრენიერგმა თბი-
ლისელ მაყურებელს გააცნო მარკ ტვენის
პროზის სცენური ვარიანტი, რომელიც მი-
უზიკლის ეანრის თავისებურ ვარიაციას წარ-
მოადგენს. გ. ზემგაღისის სცენოგრაფიამ
უკვე თავიდანვე წარმოსახა ორი ცხოვრებისე-
ული წესისათვის დამახასიათებელი გარემო.
სცენური სივრცე ორად არის გაყოფილი. ზე-
მოთ სასახლის კარის ეპიზოდებია გათამაშე-
ბული. ქვევით ლონდონელი მათხოვრებისა.

სპექტაკლის აზრობრივ მიმართებას უფლის-
წულისა (ი. კაიკს) და ტომ კენტის (ი. რენის)
სახათების განვითარება შენაწილვრავს. სწო-
რად მათი პროვინება შედგომის პროციბით
უნდა გამხდარიყო შემოქმედებითი ჭგუფის
კვლევის საგანი, მაშინ კიდევ უფრო საინტე-
რესოდ წარმოჩნდებოდა დეკორაცია, და მას-
ბრივი სცენეტიც მახვილგონივრულ ეპიზოდე-
ბად გადაიქცეოდა. მათ ხომ ბიძგი მისცეს
მომავალ მეფეში და რანდად წოდებულ ტომ
კენტში ადამიანობის საწყისის დაბადებას. ტ-
შინ სპექტაკლიც სახიერ სანახაობად გადაიქ-
ცეოდა და არა სიკეთის შიშველი სიტყვებით
ქადაგებად.

რანისის სახელობის სამხატვრო აკადემი-
ურმა თეატრმა ჩამოიტანა მ. აბელივის „დესან-
ტი“. კ. აუშკაპის სპექტაკლის სუსხიანმა ატ-
მოსფერომ თანამედროვე სამყაროს დანაშაუ-
ლებრივ ბუნებაზე მიაჩვენა მაყურებლის
ყურადღება. საერთაშორისო პრობლემატით
დაინტერესება თავად რეჟისორის მოქალაქეობ-
რივ ტრელოზე მიუთითებს, მაგრამ სუსტა
ლიტერატურამ, სპექტატურმა პერსონაჟებმა და-
მდგმელი ჭგუფის პათოსი მთელის სისრულით
ვერ გამოხატეს.

სამწუხაროა, რომ ფესტივალზე ვერ ვი-
ხილეთ ახალგაზრდა ლიტველი რეჟისორების
ძიებანი. თანამედროვე ლიტვური თეატრი კი
მაღალი რანგის ხელოვნებით გამოირჩევა.
რეჟისორთა ახალი თაობა — ნეკროშუსი, ვაი-
ტკუსი, პადეგიმსი, ტუმანსი, ვარნასი, —
თანამედროვე ლიტვური რეჟისორული თეატ-
რის მეთად საინტერესო წარმომადგენლები
არაიან. მათ მიერ შექმნილი ინტელექტუალური
თეატრის სხვადასხვა მოდელი უდაოდ გაამდი-
დრებდა ჩვენს საფესტივალო ცხოვრებას,
რაც საშუალებას მოგვცემდა კიდევ უფრო
ღრმად ჩაწვდომოდით იმ პროცესებს, ჩვენი
ქვეყნის თანამედროვე სასცენო შემოქმედე-
ბაში რომ შეინიშნება.

მარჯანიშვილეთა სპექტაკლი „შენკენ სა-
ვალი გზები“ მრავალმხრივ არის მნიშვნელო-
ვანი ჩვენი სათეატრო ცხოვრებისათვის.

ლაშა თაბუჯაშვილისა და დავით ანდლულაძის შემოქმედებითა თანამაზარეობამ ქანაშედროვე საშუაროს ერთ-ერთ მთავარ საკითხზე დააფიქრა მსაუბრებელი. საკუთარი თავის შეცნობის ქადაგება, ადამიანური სიკეთის ყოვლისშემძლეობის წარმოჩენა — ახალგაზრდა ხელოვანთა ზნეკეთილ ბუნებაზე მიგვიანიშნებს. რეისორმა და მსახიობებმა მედეა ჩაფარიძემ და რეზო ჩხიკვიშვილმა ადამიანის შინაგანი სამყაროს კვლევისა და ცოდნის დიდი უნარის გამოამყდვეს. პატიოსანი, დამაფიქრებელი, უბრალო და უადრესად ინტელიგენტური საშემსრულებლო მანერით, ყოველგვარი დიდაქტიკის გარეშე შეეცადა თეატრი ჩაეგონებინა მსაუბრებლისათვის — სხვისთვის გაღებული სიკეთე, აქტიურობა, საკუთარი თავის შეცნობა, მიტევება და მოყვანის სიყვარული — უშაძლებინებს ადამიანს ზნერსულობისაკენ სავალი ბილიყო აღმოაჩინოს. ამით კი შესაძლებელია საზოგადოებამ დაიბრუნოს პარველქმნილი უყოღველობა. ზნეობის ნორმათა მოწესრიგების პრობლემაზე ჩაფიქრდა დამღვამელი ჭგუფი. ამიტომაც მიმჩნია ახალგაზრდა შემოქმედთა ნაშრომის ჩვენს სათეატრო ხელოვნების საინტერესო მოვლენად.

განსაკუთრებულად მინდა გამოვეყო იაკუტელთა სპექტაკლი „ჩემი სანატრული, ცისფერი ნაპირი“ და თელაველთა წარმოდგენა „ჩემი წყალქაობის ხმები“. ჩინგივ აიტმატოვისა და რეზო ინანიშვილის პროზას მშობლიური მიწის განსაკუთრებული სურნელი ახლავს. სულიერი ქარტხილი, ვნებათაღვლევის მიმოქცევა, ინდივიდთა ფსიქიკის ღრმა პლასტიკური ჩაღრმავება — გარეგნულ სტატიურობაში მთელის სისავსით ვლინდება. თეატრი სწორედ ამ შინაგან მოძრაობას ეურდობა და იუენებს აიტმატოვისა და ინანიშვილის პროზის სცენური ადაპტაციის დროს. როგორც სათაურიდანაც ირკვევა, ინდივიდის პიროვნული აღქმის სიმძაფრეა განზოგადებული და შორეულ მორიზონთან შეფარდებული. ამიტომაც ერთი ადამიანის პატიოსანი და ვუტაკური ქმედება აღიქმება როგორც ინდივიდის უზენაესი დანიშნულების გამართლება, როგორც შინაგანი გათლიანების, პიროვნებად ჩამოყალიბების რეალური საყრდენი. ზღვის უკიდვანო სივრცისა და კაიკის შერკინება აღიქმება, როგორც სამყაროს ქარტხილთან ადამიანის ჭიდილის ამტაკი მშვენიერება. სცენაზე პრიმიტივისტი მხატვრის ყოვლისმომცველი ფერწერასავით დინჯი და ამავე დროს მიაშიტი გარემო კვლავ ადამიანის უზენაეს დანიშნულებაზე ჩაგვაფიქრებს. გამოშხაველი საშუალებები: თეთრი ქსოვილის ტალღები, ზღვისა და ცის შენივთების ზოლში წითელი სხივი, რომელიც ანდლულაძის

დავს განწირულ მეთევზეთა სულს. „ამჟრად კურთხევის“ სათუთი რიტუალი და სხვადასხვა იაკუტელთა ალალი ბუნების ორგანულ წილად გვეხახება. რეისორი — ა. ბორისოვი და მსახიობები გულწრფელად და უშუალოდ მსჯელობენ მარადიულ პრობლემებზე, აზვითებულ ტალღებზე წამომდგარი ნავის ქიმთან უშაწილი კირისკის მთელ სამყაროს გადასძახის, გულის სიღრმიდან დაძრული ეს სულის კეთილი ადამიანის შინაგანი თავისუფლების ჰიმნად ჩაგვემის. ზღვასა და ხმელეთს შესტრავს უთუოდ ეს ახალგაზრდული გახელება.

რეისორი ალ. ქანთარია სახიერი სათეატრო აზროვნებით მამულის სიყვარულის ძლიერი განცდით მუხტავს დარბაზს. რეისორული მიგნებანი, დახვეწილი პლასტიკური მონახაზი მსახიობთა წრფელი განცდა — სამყაროს ქაოტური წრებრუნვის გონიერმა ჭერებამ და ანალიზმა დაბადა უთუოდ. თელაველთა სპექტაკლში რეისორული ძლიერებით ორგანულად არის დაკავშირებული ყოველი შემოქმედის ინდივიდუალური მონაცემები. ეს რთული, პოლიფონიური წყობის სანახაობა, ერთ მთლიანობაშია მოქცეული და ერთი სოფლის ბინადართა ყოფის ჩვენებით, გამოხატავს საერთოდ თანამედროვეთა გულისხანდებს. გულწრფელი და პატიოსანი თეატრი თავისი სათქმელის გამხელაში.

ქაშმარბე დღესასწაულად იქცა საფესტივალო ცხოვრების უკანასკნელი საღამო. ქართული კინომსახიობთა თეატრის სპექტაკლმა „წუთისოფელი ასეა“ სწორედ ის საზეიმო და ამაღლებული განწყობა დაბადა, რომელიც იშვიათობას წარმოადგენდა საფესტივალო დღეებში. ხალხურ პოეზიაზე დაყრდნობით რეისორმა მ. ლორთქიფანიძემ დრამატული ნაწარმოები შექმნა. რეისორული გამოგონებლობა, მეტაფორათა გამიზნულობა, მსახიობთა დახვეწილი შესრულება, მხატვრობა (ე. ქორიძე), მუსიკა — ურთიერთშეთანხმებით მივივით ასხმული ფეიერვერკული სანახაობას ქმნიან. სპექტაკლი იმდენად მნიშვნელოვანი მოვლენაა ჩვენს სათეატრო ცხოვრებაში, რომ მასზე და, საერთოდ კინომსახიობთა თეატრის შემოქმედებაზე, სპეციალური გამოკვლევა უნდა დაიწეროს.

მართალია კინომსახიობთა თეატრი ამ ფესტივალის „სტუმარი“ ვახლდათ (იგი ოფიციალურად არ მონაწილეობდა), მაგრამ უთუოდ დაამშენა ახალგაზრდა ხელოვანთა ეს ფორუმი.

ფესტივალზე ბევრი რამ საგულისხმო და დამაფიქრებელი გამოიკვეთა სპეციალისტებისათვის. ამჟამად მხოლოდ რამდენიმე საკითხს გამოვეყოფ, ვინაიდან ამ სათეატრო ფორუმის ღრმა ანალიზი დროს ითხოვს.

სრულიად ნათელი ვახდა, რომ ძალზე გა-
ახალგაზრდავდა თეატრის ხელმძღვანელთა
ასაკი. ფესტივალიში მონაწილე თეატრების
უმეტესობას ახალგაზრდა რეჟისორი უღვას
სათავეში.

გამოიკეთა ახალგაზრდა რეჟისორების
მისწრაფება თანამედროვე პროზის სცენური
ადაპტაციისაკენ. ამ ფესტივალზე წარმოდგენ-
ილდა საუკეთესო სპექტაკლებს სწორედ ქე-
შმარაოთა ვ. დიდი ლიტერატურა უღვას
საფუძვლად. ვ. ბიკოვი, ჩ. აიტმატოვი, რ. ინა-
ნიშვილი, ქართული ხალხური პოეზია — არა
მარტო მარადიული პრობლემებითა და ზო-
გადაკობრიული სატივარით ამდიღრებენ
სასცენო შემოქმედებას, არამედ ახალი თვალ-
საზრისის წარმოჩენასაც უწყობენ ხელს სა-
შემსრულებლო თუ სადაღმგო კულტურაში.

დამაფიქრებელია ისიც, რომ ახალგაზრდა
რეჟისორები იუენებენ რა თვანათი უშუა-
ლო წინამორბედების გამოცდილებას, შედა-
რებით „შვილად ცხოვრობენ ხელოვნებაში“.
თუკი მშ-იანი წლების სათეატრო ცხოვრები-
სათვის დამახასიათებელი იყო გაბედული გა-
ლაშქრება თეატრების აკადემიური, ზეაწე-
ული, უმეტესად შტამბად ქცეული ფორმე-
ბის წინააღმდეგ, მშ-იანი წლების ახალგა-
ზრდაობა „შესაშურ“ სიღიწესი იჩენს. თუკი
მშ-იანი წლების სათეატრო ცხოვრებისათვის
დამახასიათებელი ვახლდათ ახალი სათეატრო
ეთეტიკის დამკვიდრება და ახალი თეატრე-
ბის დაბადება, თანამაზრე რეჟისორისა და
მსახიობების ახლებური კავშირების შექმნა,
მშ-იანი წლებისათვის ახალგაზრდა რეჟისო-
რებმა შედარებით იოლად შეაბიჯეს აკადემი-
ურ თეატრშიც კი. სამწუხაროდ, აღნიშნუ-
ლი პერიოდის ახალგაზრდულ დაუდგრომლო-
ბასა და ბრძოლის ენის, ახლანდელთა შედა-
რებით „ღიწე“ არსებობა შეენაცვლა.

20-25 წლის წინათ ახალი თაობის რეჟი-
სორთა მოძრაობა აღინიშნა ახალი ტიპის
აქტიორის მიკვლევათ; საშემსრულებლო ხე-
ლოვნებაში აზროვნების ახალი სისტემა წა-
რმოიქმნა, რომელიც საგრძნობლად დაუპი-
რისპირდა უკვე არსებულს.

გ. ტოვსტონოვოვის, რ. ფერემოვის, ა.
ეროსის, მ. თუმანიშვილის და სხვათა
შემწეობით ჩვენს სათეატრო ცხოვრებაში
ახალი ნაკადის წარმოშობით, განახლდა და
გააქტიურდა სასცენო შემოქმედება. თუკი
მშ-იან წლებში ახლის ძიება სათეატრო
ხელოვნების ყოველ სფეროში შეინიშნებო-
და. ახლა უმეტესად ამ მიზნებათა ვარიაცი-
ებს გვითავაზობენ ახალგაზრდები.

ახალი თაობის რეჟისორები მამინ გამოვი-
დნენ სამოქმედო ასპარეზზე, როდესაც რე-
ჟისორული თეატრი განვითარების ახალ ფა-
ზაში გადავიდა. რეჟისორული გამომგონე-
ბლობის ათსავარი ასპექტი იქნა მოსიწეუ-

ლი მხოფლიოს სცენაზე, შესაძლოა, სწორედ
ამიტომაც ახლა აქტიორის შედ-იღბალზე და-
ფიქრდა მხოფლიო რეჟისურა. კვლავ
სიცხადით წარმოიშვა ახალი აქტიორული
ფენომენის არსებობის საკითხი.

მართალია, საფესტივალო სპექტაკლები
მოულოდნელობის ელდის მომგვრელი აქტი-
ორული შესრულებით არ გამოირჩეოდა, მა-
გრამ შეინიშნებოდა ხასიათის მიკვლევის
მცდელობაში ახალი ფერადოვნების მავ-
რცვლების არსებობა. ასეთად შესახება
რ. კლემანოვიჩი სტებანიდას როლში. მარჯა-
ნიშვილელთა სპექტაკლში მ. ჯაფარიძის მა-
რიაშის, ახალი ტიპის დონ კიხოტის, ზნეკე-
თილი პაროვნების შინაგანი მთლიანობის წა-
თმოჩენა; თელაველთა წარმოდგენაში წ. ან-
თიშავას მიერ ქართული ვლენტავის შინაგა-
ნი ჭიდილის პაროცების ჩვენება; კინომსახი-
ობთა თეატრის აქტიორული ანსამბლის ქეშმარი-
ტად ეროვნული ბუნების წარმოჩენის წარმა-
ტებული მცდელობა. აღნიშნული აქტიორულ
შესრულება მარმონიულად ერწყმის რე-
ჟისორული გამომგონებლობის სიცოცხველეს.
თითოეულ მათგანში სათეატრო მოდელის
თვისებათა მფეთქავი ძარღვი შეიგრძნობა,
ამიტომაც შესაძლებლად მიმაჩნია, რომ ახ-
ლო მომავალში მსახიობი კვლავ დაიბრუნებს
დაკარგულ და ნებით დათმობილ პოზიციას,
რომ აქტიორი კვლავ შეიქნება სცენის ჯადო-
ქარი, სასცენო ქმედების თვითდათავი.

დასახელებულ აქტიორთა აზროვნების სი-
სტემა, სცენაზე ორგანული ცხოვრების ფო-
რმა, იმის დასტურად ვვეკლინება, რომ უკვე
შეინიშნება ახალი ტიპის აქტიორული შემო-
ქმედების კონტურები. შესაძლოა ეს ტენდენ-
ცია ჯერ კიდევ არ არის დახვეწილი ფო-
რმით წარმოდგენილი, მაგრამ ამგვარი მინი-
შნებათა გამოჩენა საგულისხმოდ ფაქტად შეს-
ხება.

ამ ფესტივალზე წარმოდგენილი სპექტა-
კლების მიხედვით თუ ვიმსჯელებთ, საგულის-
ხმოდ მომენტს შევნიშნავთ: ყოველი საინტე-
რესო სპექტაკლი (იაკუტელთა „ჩემი სანა-
ტრული ცისფერი ნაპირი“, თელაველთა „ჩე-
მი წყალქალის ხმები“, ბელორუსთა „შუბე-
ღურების ნიშანი“, შემდგომ მარჯანიშვილე-
ლთა „შევეს სავალი გზები“, ომსკელთა წა-
რმოდგენა) თანამედროვე რეჟისორულ მი-
ღწევებს ეყრდნობა და თავისებურად იყ-
ნებს მათ. რეჟისორების ძიებანი მეტ-ნაკლე-
ბი ძალით მიმართულია აღმანიის შინაგანი
სამყაროს კვლევისადმი.

სავსებით სამართლიანად და დროულად
შესახება გიორგი ტოვსტონოვოვის მოწოდე-
ბა „წინ, სტანისლავსკისაკენ“... რამდენიმე
წლის წინათ დაწერილ სტატიაში სცენის ოს-
ტატი ჯერ კიდევ დაფარულ მიმართებას ვანე-
ბდა. ახლა სრულიად ნათლად გამოიკვითა.

6 3/66



საქართველოს
ხალხთა ბიბლიოთეკა

ფასი 60 ლაზ.

0502360 76286

ЕЖЕМЕСЯЧНЫЙ ЛИТЕРАТУРНО-
ХУДОЖЕСТВЕННЫЙ И
ОБЩЕСТВЕННО-ПОЛИТИЧЕСКИЙ
ЖУРНАЛ

«ЦИСКАРИ»

ИЗДАТЕЛЬСТВО
ЦК КП ГРУЗИИ